





# THEOLOGIA MORALIS

OMNES SUCCINCTE COMPLECTENS  
MATERIAS PRACTICAS

P R O

UTILITATE CONFESSARIORUM,  
AC EXAMINANDORUM,

IN DUAS PARTES,

MORALEM, ET SACRAMENTALEM,  
'DIVISAS,

AUCTORE P. F. JOSEPHO A.

CÆSAREMONTANO

*Ordinis Minorum Sancti FRANCISCI Capucinatorum  
bina vice Ministro Provinciali, &  
Ss. Theologiae Lectore.*


PARS PRIMA.

*Materias morales ad virtutes, ac vitia specia-  
tes complectens.*



VENETIIS MDCCLXXII.

APUD FRANCISCUM EX NICOLAO PEZZANA,  
*Superiorum Permissu, ac Privilegio.*







# PRÆFATIO

## AD LECTOREM.



Uamvis summa sit in Ecclesia Dei scholasticæ Theologiæ pro astruendis Religionis nostræ dogmatibus, ac solvendis Hæreticorum sophismatibus necessitas; nec minor illius pro stabiliendis Theologiæ moralis principiis, & repellendis pravorum hominum erroribus utilitas; & præcipue Theologiæ Candidati in ea erudiri debeant; non omnes tamen materiæ tam diffusæ addiscendæ, ac retinendæ capaces sunt, nec omnes, præsertim absoluto Theologiæ cursu in aliis functionibus occupati, sat temporis idem studium prosequendi habent: Omnes vero Ministri Christi, & Dispensatores Mysteriorum Dei curam animarum habentes principia Theo-

logiæ moralis ad praxim pertinentia scire tenentur, ne sanctas Conciliorum Leges, ac honestatis regulas ignorantes inter lepram, & lepram discernere non valentes, tanquam duces cœci, cœcis ducatum præstantes, cum ipsis, in foveam cadant æternæ damnationis.

Pro hac obligatione facilius adimplenda offero tibi, Benevole Lector hoc opusculum Theologiæ moralis ex melioribus auctoribus **omni** cum diligentia compendiose extractum, omissis quidem probationibus, ac objectionibus scholasticis, aliis vero omnibus materiis ad praxim pertinentibus brevissima methodo ita compilatis, ut si brevius instrui exoptes, in solis conclusionibus omnia principia practica invenias, ex quibus casus conscientiæ resolvi debent. Materias enim hujus opusculi in duas partes, moralem, & sacramentalem ita distribui, ut in qualibet parte, ac quæstione, primo reperias definitiones pro meliori rerum intelligentia necessarias, quæ omnes pro majori commoditate, & ut eas facilius ab aliis materiis distinguas, incipiunt a verbo *Resp.* Secundo conclusiones, quæ principia practica a Theologis communiter recepta continent, quæ omnes ob eandem rationem incipiunt a verbo *Dico.* Tertio resolutiones a sanioribus auctoribus  
ex

ex prædictis principiis deductas, quæ omnes incipiunt a verbo *Hinc*. Ac pluribus in locis, præcipue ubi decisio dubia videri posset, vel ubi Auctores sunt divisi, brevissimas, magisque convincentes superaddidi rationes, ut benevolus Lector de majori probabilitate ipsemet dijudicare possit, & in fine cujuslibet partis opposui indicem omnium quæstionum, etiam particularium ejusdem partis, qui pro inquisitione rerum, & simul examineribus intervire potest. Sæpe citavi Tournely, ipsius continuatorem intelligens, & alias istius, aliorumque auctorum omisi citationes, ne earum multitudo confusionem pariat, & hoc opusculum ultra intentum crescat. Secutus sum ordinem materialium P. Thomæ ex Charmes, ejusque definitionibus adhæsi pro majori eorum commoditate, qui eundem pro sua schola adoptarunt; & securitatem amans libentius cum quibusdam auctoribus viam ingressus fuisset arctiorem, nisi arctior declarans peccatum mortale, vel dubium illius excitans, ubi forte in re nullum est peccatum, æque, ac lata fragilitati humanæ periculosa visa fuisset; unde juxta Christi admonitionem viam arctam, & portam angustam elegi, id est viam mediam, & certiore, declinando a laxita-

te, & nimium evitando rigorem, in praxi vero suadeo securiorem. Si quid autem nimis laxum, fidei, vel bonis moribus contrarium contra meam intentionem irrepsisset, pro non dicto habeo, & Ecclesiæ judicio in omnibus me adhærere profiteor.

Inserviet hoc opusculum non solum Theologiæ moralis Candidatis, sed etiam Lectoribus, ac Professoribus, qui amplam in eo materiam pro instructione suorum discipulorum, & exercendo eorum judicio in solutionum multitudine reperient, quas facili conatu in casus ex dictis principiis solvendos convertere possunt. Non minus illud inserviet examinadoribus, si per quæstiones in eo propositas, & resolutiones per modum casuum proponendas, examinandorum judicium probare placuerit. Maxime autem inserviet ad examen Theologiæ moralis sese præparare volentibus, qui definitiones de verbo ad verbum, & conclusiones saltem quoad substantiam memoriter addiscere, & resolutiones attente, ac matura cum reflexione sæpius legere debent; inserviet quoque non parum Confessariis, tam in dubiis pro prompta, ac facili casuum conscientiæ occurrentium resolutione, quam pro notitia Theologiæ moralis summopere necessaria retinenda per frequentem

tem istarum materiarum practicarum in unum brevissima methodo collectarum lectionem. Ubi vero casuum moralium conferentiæ, seu collationes sunt in usu, tam pro casibus proponendis, ac solvendis, quam pro synopsi totius tractatus ab initio conferentiæ proponenda non minus erit utile.

Ad istos usus tibi, Benevole Lector hos mei laboris offero fructus, exoptans, ut in illis saporem, ac instructiones pro tua, & animarum tuarum curæ commissarum æterna salute necessarias invenias, meique in tuis precibus memor in æternum vale.



## APPROBATIO CENSORIS.

**C**UM Theologia moralis isthæc in duas partes divisa, & ab auctore P. F. JOSEPHO ANTONIO CÆSAREMONTANO, Ordinis Minorum S. FRANCISCI Capucinorum Provinciali, & SS. Theol. Lectore elaborata, & fidei, & moribus nihil contrarium contineat, sed potius omnibus Confessariis perutilis, ac grata fore existimetur; dignam censeo, quæ typis mandetur. *Augustæ Vindelic. die 25. Martii 1770.*

JOSEPHUS HERZ, SS. Theol. Licent.  
Reverendiss. ac Sereniss. Archiepisc.  
Treviren. & Episc. August. Consil.  
Eccl. Visitator generalis, Consist. Af-  
fessor, & Librorum Censor.

---

*Imprimatur ex Vicariatu.*

JOANNES HERZ, SS. Theol. Lic.  
Rev. ac Seren. Archiep. Trevir. &  
Episc. August. Consil. Eccl. Fiscalis,  
Visit. gen. & Canon. ad S. Gertrud.  
ac Provicar. Generalis.

FACUL-

FACULTAS  
REVERENDISSIMI PATRIS  
VICARII GENERALIS.

**N**OS *Fr. JOSEPHUS MARIA a Sauvogniano, totius Ordinis FFrum. Minorum Sti. Francisci Capucinorum Vicarius Generalis L. I.*)

*Cum opus, cui titulus Theologia moralis in duas partes distributa &c. Latino idiomate a R. P. JOSEPHO ANTONIO Casaremontano iterum Provinciali, & Exprofessore compositum duo ejusdem Ordinis nostri approbaverint Theologi, & in lucem edi posse probaverint, facultatem facimus, ut typis mandetur, servatis de more, & jure in regno Gallia servandis. In quorum fidem has Literas officii nostri Sigillo munitas subscripsimus. Datum Roma in Conventu nostro Immaculata Conceptionis die 27. Decembris anni 1766.*

FR. JOSEPHUS MARIA,  
qui supra.

AP.

## APPROBATIO

## THEOLOGORUM ORDINIS.

**E**GO *infra*scriptus, ex mandato Reverendissimi Patris JOSEPHI MARIE a Savorgniano Definitoris, ac totius Ordinis nostri Vicarii Generalis, legis opus, cui titulus: Theologia moralis omnes succincte complectens materias &c. in duas partes, moralem, & sacramentalem divisas, a R. P. JOSEPHO ANTONIO. Casatemontano, Ord. FFr. Minorum Capucinorum in Alsatia bis Ministro Provinciali, & olim S. Theologia Lectore compositum, in quo nihil sana doctrina, fidei, ac morum contrarium esse judico; quodque ob studiosam suam materiarum moralium brevi stylo expositarum facunditatem perutile, ac commendabile, typis proinde mandandum censeo. Datum Argentina die 24. Novembris anni 1766.

FR. MARINUS, ex Ingersheim,  
Cap. Def. Cust. Guard. olim  
S. Theol. Lect. L. I.

Ex



EX mandato Reverendissimi Patris JOSEPHI MARIE a  
 Savorgnano Definitoris, nec non totius Ordinis FFrum.  
 Minorum Capucinatorum Vicarii Generalis, legi opus, cui ti-  
 tulus Theologia moralis in duas partes distributa &c. ope-  
 ra, & studio admodum R. P. JOSEPHI ANTONII Casarea-  
 montani, ejusdem Ordinis, ac Provinciae Alsatia quondam  
 sacre Theologiae Lectoris, nec non iterato Ministri Provin-  
 cialis elaboratum, in quo nihil fidei, & moribus contra-  
 rium reperi, quin potius omnibus Confessariis perutile, ac  
 gratum fore existimo; proin prae dignum censeo. Datum Ar-  
 gentinae die 26. Nov. 1766.

FR. CASIMIRUS ex Bartenheim,  
 Exprovincialis ac Theologiae  
 Exlector. Cap. L. I.

A P.

# APPROBATIO.

## ALMÆ UNIVERSITATIS EPISCOPALIS ARGENTINENSIS.

**I***nfraſcripti Doctores Theologia Uniuerſitatis Episcopalis Argentinensis, ac ejuſdem Diœceſis Examinatores Synodales, teſtamur, nos legiſſe, & examinaſſe librum, cui titulus, Theologia moralis in duas partes, moralem, & ſacramentalem diuiſa, auctore P. F. JOSEPHO ANTONIO, Ordinis FFrum. Minorum ſancti Franciſci Capucinatorum, Miniſtro Provinciali... nihilque in eo deprehendiſſe fidei Catholica, bonis moribus, aut totius Ethica chriſtiana principiis contrarium. In quorum fidem ſubſcripſimus. Argentina die 31. Martii 1767.*

LANTZ, Uniuerſitatis Rector, Canonicus, ac Decanus ad S. Petrum juniorem, Provicarius Generalis, & Vicegerens Diœceſis Argentinensis.

MEURET, Uniuerſitatis Cancellarius, Rector Parochiæ Beufeldensis, & Venerabilis Capituli Ruralis Camerarius.

HUFFEL, Canonicus ad S. Petrum ſeniores, Venerabilis Conſiſtorii Conſiliarius Aſſeſſor.

SÆTTLER, Profeſſor Theologiæ moralis, Parochus in Vveyersheim.

ZOEPPFEL, Canonicus ad S. Petrum ſeniores.

A P-

# APPROBATIO

## CENSORIS REGII.

**I**USSU Illustrissimi Galliarum Vice-Cancellarii, legi Librum, cui titulus est: *Theologia moralis omnes succincte complectens materias practicas pro utilitate Confessariorum, ac Examinandorum, in duas partes, moralem, & sacramentalem divisas*: nihil in eo animadverti, quod Catholicæ doctrinæ, bonisve moribus adversetur: imò ob concinnam doctrinæ moralis methodum eum Clero informando perutilem fore, adeoque prælo dignum censeo. Argentinæ 5. Novembris 1767

FR. PH. LOVIS

S. Theologiæ Doctor, & Professor,  
S. Facultatis Syndicus, & Regiæ  
Collegiatæ Ecclesiæ ad S. Florentium in Haslach Canonicus.

NOI

## NOI RIFORMATORI

Dello Studio di Padova.

**A** Vendo veduto per la Fede di Revisione, ed Approvazione del P. F. *Filippo Rosa Lanzi* Inquisitor Generale del Santo Ufficio di *Venezia*, nel Libro intitolato *Theologia Moralis omnes succinte continens materias practicas &c. Autore P. F. Josepho Antonio Casaremontano &c. In duobus Tomis in 8. Prima Pars, Secunda Pars &c. Stamp.* non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo Licenza a *Francesco di Nicolò Pezzana Stampator di Venezia* che possi essere stampato, osservando gli ordini in materia di Stampe, e presentando le solite Copie alle Pubbliche Librarie di Venezia, e di Padova.

Dat. li 23. Settembre 1771.

( Sebastian Zustinian Riff.

( Andrea Tron K. Riff.

(

Registrato in Libro a Carte 77. al Num. 634.

*Davidde Marchesini Seg.*

TRA-



# TRACTATUS I.

## DE ACTIBUS HUMANIS.

*Hic Tractatus in quinque principales dividitur quæstiones: quarum 1. est de Voluntario. 2. de Involuntario, 3. de Libero, 4. de Moralitate actuum humanorum, 5. de Conscientia.*

### QUÆSTIO I.

#### DE VOLUNTARIO.

*QUÆRITUR. 1. Quid sit actus hominis, & actus humanus?*

**RESP.** **A**ctus hominis est, qui naturaliter procedit ab homine absque rationis advertentia, & libertate, ut motus primo primi; actus humanus vero est, qui procedit ab homine cum rationis advertentia, & libertate, & est duplex; elicited, qui immediate a voluntate procedit, absque imperio voluntatis reflexo, ut amor, odium; & imperatus, qui ab ipsa voluntate sibi met imperante produçitur, ut contritio, vel ab alia potentia ex imperio voluntatis ad agendum mota, ut ambulatio: uterque elicited, & imperatus debet esse voluntarius, ac liber.

*Theol. moral., Pars I.*

**A**

**QUÆR.**

*QUÆR. 2. Quid sit Voluntarium?*

*RESP.* Voluntarium, est id, quod est a principio intrinseco ( nempe a voluntate ) cum cognitione singulorum, in quibus est actio; videlicet finis, & circumstantiarum ad actionem pertinentium, quæ sunt volitæ, in quantum sunt cognitæ; quia nihil est volitum; nisi præcognitum.

*QUÆR. 3. Quotiplex sit voluntarium?*

*RESP.* Voluntarium dividitur 1. in necessarium, quod ita procedit a voluntate, ut positis omnibus ad agendum requisitis; non possit non procedere, ut amor beatificus; & in liberum, quod ita procedit a voluntate, ut positis omnibus ad agendum requisitis, adhuc possit non procedere, tales sunt actiones nostræ liberæ. 2. In voluntarium perfectum, quod procedit a voluntate ex perfecta cognitione singulorum, in quibus est actio; & imperfectum, quod procedit a voluntate, ex imperfecta cognitione finis, & circumstantiarum. 3. In positivum, quod procedit a voluntate per actum ejus positivum; & negativum, quod procedit per meram voluntatis omissionem, absque actu positivo. 4. In expressum, quod distincte, verbo, aut aliquo signo, declaratur; & tacitum, quod ex alterius facto, aut facti omissione colligitur juxta illam juris regulam: qui tacet, consentire videtur, hoc etiam interpretativum absolutum dicitur; conditionatum vero est, quod ex alterius voluntate inferitur, quam quidem actu non habet, sed haberet, si poneretur certa conditio; v. g. si licentia peteretur. 5. In directum, quod est in se ipso; volitum; & indirectum, quod non in se ipso, sed tantum in sua causa est volitum; id est in aliquo actu, vel actus omissione; ex qua sequitur. 6. In actuale, quod est ipsummet actuale exercitium voluntatis, quod dupliciter fieri solet, videlicet, per actum signatum, cum quis actum voluntatis alio actu reflexo signat; v. g. dicendo: volo consecrare; & per actum exercitum, cum quis attente, & plena sui facti cognitione facit, quod facit: v. g. proferendo verba consecrationis; & in virtuale, quod fit virtute actualis voluntatis moraliter perseverantis per actionum seriem, quamdiu non revocatur: tale est consecratio, etiam distracte prolata, quæ fit virtute prioris actualis volitionis consecrandi, virtute cujus ad altare accessit, & alia usque ad consecrationem perfecit; & in habitua-

le,

le, quod fuit actu, non est revocatum, sed tamen somno, vino, vel notabili temporis mora est interruptum, ita, ut non amplius influat in actum, nec per se, nec per virtutem relictam.

QUÆR. 4. Quando valeat ista regula: qui tacet consentire videtur?

Dico. Illa regula: qui tacet consentire videtur, solum valet 1. In favorabilibus; non vero in odiosis. 2. Quando quis potest; & tenetur loqui; ut Prælati, qui possunt, & tenentur reclamare contra transgressiones; & non reclamant.

Hinc: consentire videtur 1. Filius non contradicens patri in ipsius præsentia sponsalia contrahenti, si sine metu contradicere possit; quia fit in ipsius favorem. 2. Superior, vel Dominus, videns statuta; ac leges transgredientes, eosque non corripiens; cum sine metu gravioris mali possit, & teneatur. 3. Sponsus a Parocho matrimonium ejus benedicente de consensu interrogatus; tæcens; quia loqui potest; & tenetur. E contra vero ex metu gravi tæcens; vel personæ privatæ offerenti se in matrimonium non respondens; non censetur consentire: quia in primo casu rationabiliter non potest, in secundo vero non tenetur loqui, & matrimonium onerosum est.

QUÆR. 5. Quando effectus ex aliqua causa, vel illius omissione secutus; non solum physice, sed etiam moraliter, & peccaminose sit voluntarius?

Dico. Ut effectus ex aliqua causa, vel ejus omissione secutus non solum physice, sed etiam moraliter, & peccaminose sit voluntarius, tria requiruntur: videlicet 1. posse, 2. teneri; 3. non facere: id est posse; ac teneri prævidere, & impedire effectum amovendo illius causam, & non facere. Non tenetur autem amovere, vel evitare causam, si hæc tria concurrant. 1. Si jus; vel iustam habeat eam ponendi rationem. 2. Si firmum habeat propositum non consentiendi in effectum malum: 3. Si ordinarie non consentire soleat. Jus vero, vel iustam habet rationem ponendi causam. 1. Si sit honesta; & licita. 2. Si effectus per eam intentus sit bonus; ac præponderans, vel saltem æquivalens malo præter intentionem secuto; quia tunc est ratio permittendi minus malum propter majus bonum; vel si non æquivalet, & sit causa solum per accidens; vel leviter solum influens

A 2

quia

quia tunc minor requiritur ratio; modo non cedat in damnum tertii; quia illud ex claritate debet impediri. Eo major autem requiritur ratio, quo majus est malum, vel quo propinquius causa influit; sic major requiritur pro causa per se, quam per accidens, major, si sine ea effectus malus non fieret, quam si tamen fieret, major si cedat in damnum tertii, quam si sit contra aliam virtutem.

*Hinc* 1. Rixæ, blasphemix, pollutiones &c. moraliter, ac peccaminose sunt voluntariæ se voluntarie inebrianti, & scienti eas ex ebrietate sæpe fuisse ortas. 2. Lapsus proximi imputatur mulieri sinu indecenter nudo incedenti. 3. Mors Medico, qui illam ex medicina data secutam prævidere, ac præcavere potuisset, & debuisset melius studendo; quia prædicta mala licet præter intentionem sint secuta, potuerunt, ac debuerunt vitari; non vero mors imputatur medico inculpate illam non prævidenti; quia non potuit impedire, nec lapsus proximi, mulieri pulchritudine sua, honestoque ornatu causatus; nec motus carnis ex honesto ac utili colloquio cum muliere orti; quia cum sint causæ per accidens, non debent evitari, nec motus inordinati Medico, Chirurgo, Infirmario, Professore, Confessario &c. quos medendo circa partes inhonestas, vel studendo, docendo, confessiones audiendo de materia luxuriæ, contra intentionem, ac invite sentiunt; nec pollutio supinus decumbenti non aliter dormituro, vel equitando necessario, vel utiliter, aut per certos cibos ordinarie apponi solitos contra intentionem causata; quia licet possint, non tenentur tamen evitare causam ordinatam ad alium effectum bonum prævalentem, pollutioni contra voluntatem secutæ; modo, ut semper supponitur, displiceat, & absit periculum consensus. Nec imputatur mors injusta Christo, ac Apostolis ex prædicatione Evangelii præcognita, nec Regi occisio innocentium ex justo bello prævisa, nec duellum Fabricanti gladios, & scienti milites, ac alios sæpe ad illud fore abusuros, quia non ista mala, sed bonum prævalens intenditur; nempe salus animarum, ac justitia per arma reparanda, vel defendenda. *Plura vid. de luxur.*

*QUÆR.* 6. *Quale ad actum ab alterius consensu dependentem requiratur voluntarium, ut licite, vel valide fiat?*

*Dico.* Ad actum cujus licitas ab alterius consensu v.g.

super.



## QUÆSTIO I. DE VOLUNTARIO.

5.

superioris dependet; sufficit voluntarium illius virtuale, vel tacitum; imo aliquando etiam interpretativum, quando nimirum causa est urgens; & recursus ad superiorem difficilis; in re tamen magni momenti non urgente, & recursus ad superiorem permittente, etiam expressum requiri videtur. Ad actum vero, ad cuius validitatem consensus alterius requiritur, non sufficit voluntarium interpretativum conditionatum de futuro, sed debet esse absolutum de præsentī, seu tacitum.

*Hinc* 1. Filius familias enses vestes ex pecuniis patris; servus, sumendo aliquando haustum vini &c. excusantur a furto; & religiosus utens rebus necessariis, a vitio proprietatis per licentiam, quam obtinisset, si illam petisset; in religionibus tamen strictis hæc licentia non valet ob periculum abusus; nisi urgente necessitate recursus ad superiorem non permittente, & ob hanc rationem etiam aliis, præcipue servis dissuadenda est. 2. Confessarius non expresse approbatus excipiens confessiones vidente, ac sciente Episcopo, non esse approbatum; non tamen reclamante, cum facile posset, valide absolvit; quia censetur Episcopus eum actu approbare; non vero licite; quia in re tanti momenti expressa petenda est approbatio: nisi forte Episcopus ipsemet ei confiteatur, quia censetur eum clarius approbare.

## Q U Æ S T I O II.

### D E I N V O L U N T A R I O.

*QUÆRITUR.* 1. *Quid, & quod duplex sit Involuntarium?*

*RESP.* **I**nvoluntarium est id, quod fit a principio extrinseco, vel sine cognitione: & est duplex, videlicet: involuntarium simpliciter, seu absolute, quod fit totum a principio extrinseco, vel sine cognitione, cui voluntas nullatenus consentit; & involuntarium secundum quid, quod partim fit a principio extrinseco consensum extorquente, & partim ab intrinseco consentiente, sed cum repugnantia; unde voluntarium tollitur, vel minuitur per violentiam, & metum; quia tollunt, vel minuunt

A 3

infl-

Influxum principii intrinseci, nempe voluntatis; & per concupiscentiam, ac ignorantiam; quia tollunt, vel minuant cognitionem.

*QUÆR. 2. Quid, & quotuplex sit violentia?*

*RESP.* Violentia in genere est id, quod est a principio extrinseco, passio, id est, voluntate nihil conferente; & est triplex: scilicet positiva, contraria, & negativa. Violentia positiva, quæ est absoluta, vel stricte dicta, est ea, quæ fit a principio extrinseco totis viribus resistente passio. Contraria est ea, quæ fit contra inclinationem voluntatis, ipsa tamen, totis viribus non resistente. Negativa est ea, quæ non est contra, neque juxta inclinationem voluntatis, sed negative tantum se circa objectum habentis.

*QUÆR. 3. Quid, & quotuplex sit Metus?*

*RESP.* Metus, est passio orta ex apprehensione mali futuri, & imminensis; & est duplex: gravis, & levis. Metus levis, est quando timetur malum leve, vel etiam grave; attamen verisimiliter non imminens. Metus gravis est quando timetur malum grave imminens. Metus gravis, alius est gravis absolute, qui etiam cadens in constantem virum dicitur, qui ex apprehensione alicujus mali per se gravis oritur, quo etiam vir constans moveri solet; talis est metus mortis, mutilationis, longi carceris, exilii, oppressoris honestæ scæminæ amissionis omnium bonorum, status, famæ &c. dummodo metum incutiens, 1. sit potens; 2. ut credatur malum probabiliter exequi. 3. ut timens non possit resistere. Alius est metus respectu gravis, quo timetur malum non per se grave, sed tantum respectu ad fragilitatem personæ, quo vir constans quidem non moveretur, merito tamen formidandum apparet personis naturâ timidis, quales sunt scæminæ, senes, pueri, &c. ad hunc merito videtur revocandus metus reverentialis, seu timor habendi parentem, aut superiorem diu, ac graviter offensos, maxime si præcesserint verbera, aut minæ rigidæ tractationis.

*QUÆR. 4. Quid sit concupiscentia, & quotuplex?*

*RESP.* Concupiscentia hic sumitur pro passionibus, & definitur: motus appetitus sensibilis ex apprehensione boni & mali sensibilis oriens cum aliqua corporis alteratione; v. g. vultus, vocis, &c. ut patet in ira, ac gaudio, & sunt undecim, sex appetitus concupiscibilis, qui versatur

fatur circa bonum prosequendum, & malum fugiendum simpliciter: nempe desiderium, gaudium, amor, dolor, fuga, odium. Et quinque appetitus irascibilis, qui versatur circa bonum prosequendum, & malum fugiendum, cum aliqua difficultate, nimirum spes, audacia, desperatio, timor, ira. Concupiscentia, alia est antecedens, quæ præcedit voluntatis consensum, quem allicit; alia consequens, quæ excitatur, seu imperatur a voluntate..

QUÆR. 5. Quid, & quotuplex sit ignorantia?

RESP. Ignorantia stricte, est carentia scientiæ debitæ. Alia est juris, qua lex, vel præceptum ignoratur; v. g. an affinitas sit impedimentum matrimonii. Alia facti, qua aliquid factum, aut facti circumstantia ignoratur, v. g. an uxor sit affinis. Ignorantia alia est invincibilis, quæ adhibita sufficienti diligentia non potuit vinci. Alia antecedens, quæ omnino antecedit consensum voluntatis, ita ut nullo modo sit volita, & tamen est causa volendi id, quod sciens non vellet. Differt ab invincibili; quia non omnis invincibilis est causa volendi id, quod sciens non vellet. Alia concomitans, quæ concomitatur effectum, non tamen est ipsius causa; quia adhuc heret, si abesset, sic ignorans occidens inimicum, cum sciens tamen occidisset. Alia vincibilis, quæ potuit ac debuit vinci, nempe studio, ac diligentia. Alia consequens, quæ sequitur voluntatem, & est volita directe, vel indirecte in sua causa; differt a vincibili; quia est causa, cur aliquid fit, non vero semper vincibilis. Et est duplex nempe affectata, qua quis expresse vult ignorare, ut liberior peccet. Et crassa seu supina, qua quis negligit scire, quæ potest, ac tenetur scire, & est gravis, vel levis pro gravitate, vel levitate diligentia omittæ.

QUÆR. 6. Quid, & quotuplex sit ignorantia mere actualis?

RESP. Ignorantia mere actualis, est carentia actualis cognitionis rei alias notæ; & est triplex: videlicet, 1. Inadvertentia, quæ est privatio attentionis actualis. 2. Inconsideratio, quæ est privatio debitæ inspectionis. 3. Oblivio, quæ est privatio recordationis rei alias cognitæ, & potest esse vincibilis, & invincibilis; est invincibilis, quando non potuit, nec debuit vitari, quando nimirum nulla notitia majoris advertentiæ, vel considerationis adhibendæ, vel ratio dubitandi occurrerit; est vero vincibilis, in quattuuplici casu; 1. Cum agens advertit opus,

quod aggreditur, plus mereri attentionis, vel considerationis; quam adhibet. 2. Cum agens vult aliud, quod cum seria rei faciendæ consideratione cohærere nequit, v. g. studere, dum audit missam. 3. Cum se non exuat defectu advertentiam, vel considerationem impediente; v. g. præcipitatione, negligentia in agendo, &c. 4. Cum quis non adhibet moralem diligentiam, quam videlicet vir prudens in suis negotiis adhibere solet.

*QUÆR. 7. Quotuplici modo lex naturalis considerari possit?*

*RESP.* Lex naturalis potest considerari tripliciter. 1. Quoad prima principia, & universalissima, v. g. bonum est amandum; malum fugiendum; quod tibi fieri non vis, alteri ne feceris. 2. Quoad proximas conclusiones, quæ ex primis principiis facili discursu deducuntur; ut non occides, non mœchaberis. 3. Quoad conclusiones remotas, quæ non nisi longo, & difficili discursu ex primis principiis deducuntur; ut quidam contractus usurarii &c.

*QUÆR. 8. Quomodo violentia tollat voluntarium!*

*Dico.* Violentia positiva, seu absoluta simpliciter tollit voluntarium, & excusat a peccato; contraria illud minuit, ac peccati malitiam in eadem specie; negativa vero non minuit, sed causat voluntarium negativum, quando nimirum potest, & tenetur positive resistere, ut in materia luxuriæ; quia violentia positiva omnino tollit influxum voluntatis, & contraria minuit, non vero negativa. Nec potest violentia inferri voluntati, quoad actus elicitos; quia sunt essentialiter a principio intrinseco, nempe voluntate, & sunt ipsius inclinatio in suum objectum; bene autem quoad actus imperatos; quia possunt vi promoveri, vel impediri contra voluntatis imperium.

*Hinc* 1. Non peccat mulier interius, exteriusque stupratori totis viribus resistens; bene autem, si solum interius resistat, vel exterius; sed non totis viribus fugiendo, repugnando, clamando, etiam cum samæ, ac vitæ periculo, si esset periculum consensus, & spes evasionis: quia est intrinsece malum. Non tenetur tamen clamare cum periculo vitæ, ac samæ secluso periculo consensus, vel si non esset spes evasionis, nec occidere inuadorem; imo nec licet eum occidere. S. Aug. *vid. de reſtit.* 2. Non excusatur a mortali, pravis cogitationibus, vel motibus carnis non positive resistens ad alia se divertendo quam primum eorum, ac periculi cognitionem habet;

bet; quia potest, ac tenetur ob periculum consensus resistere.

QUÆR. 9. Quomodo metus tollat voluntarium?

Dico. Metus etiam gravis, si rationem non omnino conturbet, non tollit voluntarium; quia adhuc fit a principio intrinseco; minuit tamen voluntarium, & facit involuntarium secundum quid? quia est contra inclinationem voluntatis; & excusat a peccato. 1. In præceptis humanis civilibus. 2. In ecclesiasticis. 3. In divinis positivis, secluso contemptu fidei, scandalo, ac maximo reipublicæ damno; quia legislator cum gravi metu non intendit obligare. Non vero excusat in præceptis divinis negativis, & naturalibus, quarum transgressio est intrinsece mala; quia nullo fine cohonestari potest: talia sunt mendacium, homicidium, blasphemia, perjurium, adulterium, fornicatio. Metus levis autem minuit peccatum in eadem specie; quia etiam minuit voluntarium.

Hinc: a peccato excusantur. 1. Ex metu mortis fugiens, & fugiendo non solvens vestigalia. 2. Celebrans non jejuniis, vel cum censura, aut sine vestimentis sacris, conficiens sacramenta in materia dubia. communicans cum excommunicato non tollerato. 3. Sabbatum solvens; materialiter peccato cooperans, v. g. admovendo furi scalam parato ad furandum, sternendo lectum meretrici, dando enssem parato ad occidendum. *Valent. Tann. & alii*; quia non ad malum perpetrandum, sed ad vitam salvandam fiunt. Non tamen sufficit ad similia metus levis, v. g. ne servus ab hero male tractetur, torvis oculis aspiciatur, edomo cum notabili damno ejiciatur. *Innoc. XI. in damn. prop. 51.* nec excusatur, qui ad salvandam vitam mentitur, ex metu mortis occidit innocentem, blasphematur, perjuratur, adulteratur, fornicatur &c. quia sunt intrinsece mala. Nec excusatur celebrans vestibibus nimium sordidis, vel in calice nimis immundo. *Car. a Crem.* quia magna esset irreverentia, quæ videtur intrinsece mala. Nec miles derelinquens excubias cum magno communicatis damno; nec legem transgrediens, vel illius transgressionem simulans cum scandalo; nec dans simulate absolutionem indisposito. *Innocent. XI. in damn. propos. 29.* nec baptismum urgente præcepto, vel extrema necessitate suscipere, vel conferre omittens, etiam si adultus de contritione moraliter esset certus. *P. Gerv.* licet aliqui alii sint contrarii, quia

quia se, vel proximum periculo æternæ damnationis exponeret & in tali necessitate medium certum probabili videretur præferendum.

*QUÆR. 10. An metus irritet contractum?*

*Dico.* Metus qualiscunque, si rationem non omnino conturbet, non irritat contractum, sed metu etiam gravi initus, jure naturæ est validus; quia est voluntarius: potest tamen rescindi ab eo, qui passus est injuriam propria auctoritate, vel ope judicis; si 1. ex metu gravi; 2. ad extorquendum consensum; 3. a causa libera; 4. injuste incusso sit initus; teneturque injuste eum incutiens, injuste acquisita restituere & refarcire damnum; quia alteri facit injuriam. Contractus vero ex metu levi, vel etiam precibus nimium importunis initus, irritari potest, saltem in foro conscientiæ, dummodo metus vere sit causa contractus, & alias conditiones supradictas habeat; si tamen contractus juramento essent firmati, debet prius juramentum relaxari ab Episcopo, vel ab alio habente potestatem.

*Hinc* 1. Metu naufragii vovens religionem, tenetur illam ingredi; quia non est a causa libera. 2. Transiens sylvam metu latronum promittens socio centum taleros, ne eum derelinquat, tenetur eos solvere; quia non est incussus in hunc finem. 3. Maritus minans adultero, vel stupratori filiæ suæ, accusationem, nisi solvat mille libellas pro injuria, & damno, potest illas retinere; quia metus non est injustus; modo satisfactio petita proportionata sit injuriæ, ac damno; sic etiam sponsus, & sponsa aliquando juste compelluntur metu censurarum, & aliarum pœnarum ad contrahendum matrimonium promissum.

*QUÆR. 11. An nulli contractus, ex metu gravi initi, sint ipso jure positivo invalidi?*

*Dico.* Licet omnes contractus ex metu etiam gravi initi, jure naturæ sint validi; sequentes tamen ipso jure positivo sunt irriti: nimirum 1. Contractus matrimoniales, etiam juramento firmati. 2. Dotis promissio, & solutio. 3. Vota etiam solemnia. 4. Bonorum Ecclesiasticorum promissio, ac solutio. 5. Absolutio, vel revocatio excommunicationis, suspensionis, & interdicti. 6. Auctoritas tutoris extorta. 7. Remissio debiti. 8. Legatum, ac testamentum. 9. Jurisdictio, quam partes dant judici. 10. Contractus ab incarcerato initi; ex metu autem levi, vel

ob preces nimium importunas initi in foro saltem conscientie rescindi possunt, excepto matrimonio, voto solemni, & ordine; quia in re tanti momenti, ex ejus irritatione innumera gravia incommoda essent secutura, & metus levis merito repelli debuisset.

QUÆR. 12. *Quomodo concupiscentia tollat voluntarium?*

Dico. Concupiscentia antecedens ex una parte auget voluntarium; quia majori fit cognitione; ac propensione appetitus sensitivi voluntatem vehementissime secum trahentis, & ex altera parte minuit; quia minori fit cognitione intellectus, ac deliberatione voluntatis; ideoque minuit liberum, & peccatum, & aliquando omnino tollit; quia aliquando usu rationis etiam omnino privat. Concupiscentia vero consequens auget voluntarium, ac liberum saltem moraliter, ac proinde etiam peccati malitiam; quia majori nisu insequitur objectum pravum, excitando in se concupiscentiam, vel prave fovendo habitus in malum.

Hinc 1. Motus, qui primo primi dicuntur, qui sine rationis advertentia, & voluntatis consensu exurgunt, ut motus iræ, vel etiam occisio ex improvisa, & gravi injuria exorta, non sunt peccata. 2. Motus secundo primi, ad quos advertit ratio, & voluntas consentit, minuunt peccatum aliquando in eadem specie peccati mortalis, remanente nimirum plena advertentia, & consensu; aliquando minuunt, ita, ut ex mortali fiat veniale, deficiente videlicet plena advertentia, & consensu. 3. Peccata ex concupiscentia consequente, vel habitu sponte nutrito sunt graviora; e contra ex habitu involuntario sunt leviora pro qualitate advertentiae, & consensus.

QUÆR. 13. *Qualis detur ignorantia?*

Dico. Datur ignorantia invincibilis facti, ac juris positivi, non solum humani, & divini, ac mysteriorum fidei, etiam necessariorum necessitate modii; quia multis non sunt sufficienter annuntiata; sed etiam juris naturalis quoad conclusiones remotas; quia viri etiam doctissimi ac sancti de illis dissentiunt: non vero circa prima principia, & conclusiones eorum proximas; quia prima principia sunt per se nota, & proximæ eorum conclusiones facili discursu agnosci possunt.

QUÆR. 14. *Quomodo ignorantia tollat voluntarium?*

Dico. Ignorantia antecedens, ac invincibilis etiam juris naturalis tollit voluntarium simpliciter, & ab omni excusat

cusat peccato; quia fit sine cognitione, & inclinatione voluntatis in malum. Ignorantia vincibilis affectata voluntarium, & peccatum auget; quia majori fit deliberatione, & affectu liberius peccandi; crassa vero, seu supina voluntarium, ac peccatum in eadem specie minuit; quia est aliquo modo contra voluntatis inclinationem, & ea absente, malum non fieret. Ignorantia concomitans, nec voluntarium facit; quia fit sine cognitione, nec involuntarium saltem positive vel contrarie; quia non fit contra voluntatis inclinationem, sed involuntarium negative; quia fit sine cognitione requisita ad voluntarium; est tamen peccaminosa propter pravam affectum, & malitiam ignorantiam concomitantem.

*Hinc* 1. Non imputatur medico non conducto, vel confessorio &c. defectus in suis officiis commissi diligentiam moralem in iis, vel pro scientia requisita adhibentibus, quam nimirum homo prudens in suis negotiis adhibere solet; licet majori diligentia illos evitare potuissent, quam nemo; nisi ex contractu pretio conductus, adhibere tenetur; nec summam, quæ solum ex conventionem, vel in re summam diligentiam exigente, impendi debet. *Vide de Contr.* imputantur vero moralem omittentibus. 2. Occidens cum ignorantia concomitante inimicum pro fera, licet ob malum affectum graviter peccare possit, non tamen est reus homicidii, nec incurrit censuras homicidio annexas; quia opus externum, cum non sit præcognitum, non est voluntarium. 3. Expresse non assistens Missæ parochiali, ne jejunii promulgationem audiat, non jejunando gravius peccat. 4. Ignorantes censuras etiam culpabiliter, ignorantia crassa, seu supina, eas non incurrunt, si sint contra temerarie, vel audacter transgredientes latæ; quia non censentur temerarii, vel audaces; bene autem, si ignorantia sit affectata; nec in confessione addendum peccatum esse ex ignorantia commissum; quia non addit novam speciem, nec notabiliter aggravat.

*Q. 19. Quomodo ignorantia mere actualis tollat voluntarium?*

*Dico.* Ignorantia mere actualis, videlicet inadvertentia, inconsideratio, & oblitio, si sint invincibiles, tollunt voluntarium, & excusant a peccato; quia cognitionem ad voluntarium essentialiter requisitam excludunt; si vero sint vincibiles, minuant tantum voluntarium, & peccatum in eadem



dem specie, vel in diversa pro qualitate negligentiae commissæ.

*Hinc* 1. Non peccat die Veneris manducans carnes, vel partem officii omittens, nulla occurrente cognitione jejunii, vel dubio obligationis nondum satisfactæ; peccat vero in utroque casu occurrente aliqua obscura jejunii notitia, vel dubio obligationis breviorii non satisfactæ, eoque non prudenter deposito. 2. Non excusantur Medici, Advocati, Judices &c. sæpius experti, nimia sua præcipatione, vel negligentia, grave proximo evenisse damnum, non exuendo se talibus defectibus: Quia inconfideratio, & inadvertentia, quibus damnum inferitur, possunt, & debent vinci.

## Q U Æ S T I O III.

### D E L I B E R O.

*QUÆRITUR. 1. Quid, & quotuplex sit libertas?*

**R**ESP. Libertas in genere, est immunitas a servitute, & præcipue dividitur in libertatem a coactione, seu spontaneitatis, quæ est immunitas ab omni violentia contra voluntatis propensionem ab extrinseco illata; ut amor beatorum; & in libertatem a necessitate simplici, quæ etiam electionis, indifferentiæ, seu arbitrii dicitur, & est, potentia activa, quæ positis omnibus ad agendum requisitis potest ex se agere, vel non agere, vel ponere contrarium, aut quid aliud non oppositum. Unde libertas indifferentiæ triplex est, nempe contradictionis, vel exercitii, quæ est potentia agendi, vel non agendi, ut amandi, vel non amandi; & contrarietatis, seu specificationis, quæ est potentia agendi, vel ponendi contrarium, ut amandi, vel odio habendi; & disparitatis, quæ est potentia hoc, vel illud agendi, sed non contrarium; ut amandi, vel studendi, non vere odio habendi. Sola libertas contradictionis est essentialis, non vero contrarietatis, vel disparitatis.

*QUÆR. 2. Quid, & quotuplex sit necessitas?*

**R**ESP. Necessitas opponitur libertati, & est determinatio ad unum. Alia est antecedens, seu absoluta, quæ rationis, ac voluntatis usum antecedit, quæ etiam consequens.

quentis dicitur. Alia consequens, quæ liberam voluntatis determinationem sequitur, quæ etiam necessitas consequentiæ vocatur. Alia specificationis, quæ determinat voluntatem ad unum; ita, ut non possit ferri in oppositum, v. g. ad bonum; ita ut non possit velle malum. Alia exercitii, quæ determinat voluntatem ad actum, ita ut ab eo non possit abstinere. Alia physica, quæ determinat voluntatem ad unum; ita, ut hic, & nunc non possit velle aliud. Alia moralis, quæ determinat voluntatem ad unum, ita ut sine magna difficultate non possit velle aliud; uti est inveterata consuetudo:

*QUÆR. 3: Qualis detur in homine libertas?*

*Dico:* Datur in homine, etiam in statu naturæ lapsæ; vera libertas ad bonum, & malum, non solum a coactione, sed etiam a necessitate simplici, quæ etiam ad merendum; & demerendum in eodem statu naturæ lapsæ requiritur; nec sufficit libertas a coactione: ita fides docet contra Luth. & Jans. Potentia tamen peccandi, seu libertas contrarietatis non est de essentia; quia Christus fuit essentialiter liber; & tamen impeccabilis; pertinet autem ad statum hominis puri, & viatoris; quia ante hominem vita, & mors; bonum, & malum; quod placuerit ei, dabitur illi. *Eccles. 15.* nec voluntas necessario sequitur iudicium intellectus practice practicum, alias non esset libera, positis omnibus ad agendum requisitis.

## Q U Æ S T I O IV.

### DE MORALITATE ACTUUM HUMANORUM.

*QUÆRITUR. i: Quid, & quoniam sit moralitas actuum humanorum?*

*RESP.* **M**oralitas actuum humanorum est dirigibilitas actus liberi ad suam regulam; actus vero moralis est actus humanus conformis, vel deformis; regulis morum, & est triplex species moralitatis: videlicet 1. Bonitas, quæ est conformitas actus cum regulis morum quoad objectum, finem, & circumstantias, 2. Malitia, quæ

quæ est deformitas actus cum iisdem regulis morum; quoad objectum; vel quoad finem: vel quoad circumstantias, ita, ut si deficiat in uno, malus sit; juxta illud B. Dionysii axioma: *bonum ex integra causa, malum ex quolibet defectu*. 3. Indifferentia, quæ est actus nec bonus, nec malus moraliter, vel in specie, id est in ordine ad objectum spectatus; seu individuus, id est in ordine ad finem, & circumstantias consideratus.

QUÆR. 2. Quid; & quot sint principia moralitatis?

RESP. Principia moralitatis, sunt id; a quo actus bonus, aut malus dicitur. Alia sunt intrinseca: videlicet objectum; finis; & circumstantiæ. Alia extrinseca, quæ regulæ moralitatis dicuntur: & sunt natura rationalis prout rationalis est; lex æterna, lex naturalis, recta ratio, & conscientia. Natura rationalis, prout rationalis est, ipsa est natura; prout est intellectiva; volitiva; & libera. Lex æterna est ipsa voluntas Dei, quæ aliquid a nobis vult fieri, aut omitti. Lex naturalis est ipsa lex æterna, prout nobis per rectam rationem intimata; & promulgata est. Recta ratio est iudicium intellectus a cognitione legis æternæ derivatum, dictans in communi; quid bonum; aut malum sit: quatenus autem cuique; consideratis omnibus circumstantiis, in particulari dicat, quid agendum sit, conscientia dicitur; de quâ infra.

QUÆR. 3. Quid sit objectum, finis, & circumstantia?

RESP. 1. Objectum hic sumitur pro eo, quod primario, & per se actu attingitur, prout a fine, ac circumstantiis distinguitur; & potest concipi secundum suum esse physicum, nempe secundum se materialiter consideratum, vel secundum suum esse morale, id est, prout est conforme, vel deforme regulis morum. 2. Finis; est id, cujus gratia aliquid fit, & est duplex: alius enim est intrinsecus, seu operis, in quem opus tendit ex natura sua; sic finis elemosinæ est sublevatio pauperis. Alius intrinsecus, seu operantis, quem operans sibi proponit; v. g. satisfactionem pro peccatis per elemosinam.

3. Circumstantia definitur a S. Thoma: accidens actum humanum circumstans. Alia est speciem mutans quæ novam actui addit speciem, quod fit in duplici casu. 1. Quando actus propter aliquam circumstantiam opponitur alicui virtuti, vel præcepto, cui sine illa non opponeretur, ut occisio in Ecclesia facta. 2. Quando actus eidem vir-

virtuti, vel præcepto ob circumstantiam quidem opponitur, sed diverso modo, sic fornicatio Sacerdotis in Ecclesia opponitur ratione circumstantiæ personæ, & loci, diverso modo religioni, & triplex est peccatum: alia est aggravans, vel minuens, quæ malitiam actus augeat, vel minuit in eadem specie peccati mortalis; si enim ex veniali fiat mortale, mutat speciem duntaxat theologicæ, seu demeritorie; sic furtum majoris, vel minoris quantitatis. Circumstantia alia est formalis, quæ se tenet ex parte actus, ut intensio, duratio &c. Alia objectiva, quæ se tenet ex parte objecti; tales sunt circumstantiæ personæ, rei, mediorum, finis, modi, & temporis, quæ hoc versu continentur.

*Quis, quid, ubi, quibus auxiliis, cur, quomodo, quando,*  
 1. *Quis*: denotat personam, an sit conjugata, vel consanguinea, cum qua quis peccavit? 2. *Quid*: denotat qualitatem, vel quantitatem rei, an furto ablata sit sacra, vel notabilis? 3. *Ubi*: denotat qualitatem loci, an sit sacer, Ecclesia, vel cœmeterium, in quo homicidium est commissum? 4. *Quibus auxiliis*: denotat media, & instrumenta, an ope dæmonis, vel re sacra usus sit ad peccandum? 5. *Cur*: denotat finem, de quo supra. 6. *Quomodo*: denotat modum, an vi, rem, vel virginem rapuerit? 7. *Quando*: denotat durationem, vel qualitatem temporis, an in die festo, & per notabile tempus in Missa fuerit voluntarie distractus?

*QÆR. 4. An dantur actus indifferentes?*

*Dico.* Dantur actus supernaturaliter indifferentes. *P. Geru. & alii contra alios*; quia nullum datur præceptum referendi omnes omnino actus nostros in finem supernaturalem, alias omnes actus infidelium, & opera tantum moraliter bona essent peccata, quod damnatum est a Gregorio XIII. contra Mich. Bajum, & Joan. Hus; nisi cum Billuart velis dicere, in bono honesto relationem in Deum virtualiter contineri. Dantur etiam actus indifferentes moraliter in specie, id est, quoad objectum; quia datur objectum in se indifferens, ut ambulare, non autem dantur actus indifferentes in individuo; quia homo tenetur omnes suos actus referre ad finem honestum, cum teneatur agere ut homo, ut differat a brutis, & juxta exigentiam naturæ suæ rationalis, qui finis honestus est, nec licet ei agere propter bonum delectabile more brutorum.

rum. Innoc. XI. in damnatione proposit. VIII. & IX. ac proinde propter bonum honestum, cum utile non finalizet.

QUÆR. 5. *Quænam sit primaria, & radicalis bonitatis, ac malitiæ regula?*

Dico. Primaria, & radicalis bonitatis, ac malitiæ regula est natura rationalis, ut rationalis est; quia ideo lex æterna, & aliæ regulæ aliquid prohibent; v. g. fornicationem, & matrimonium permittit, quia fornicatio disconvenit naturæ rationali, ut rationalis est, & matrimonium convenit naturæ rationali, ut rationalis est. Lex vero æterna, lex naturalis, recta ratio, ac conscientia, secundariæ sunt moralitatis regulæ, quarum proxima est conscientia; quia proxime, & immediate alias regulas ad actum applicat.

QUÆR. 6. *Unde desumatur primaria intrinseca, & specifica actuum humanorum moralitas?*

Dico. Primaria intrinseca, & specifica actuum humanorum moralitas desumitur ab objecto secundum suum esse morale spectato, prout conforme, vel disforme est naturæ rationali, ut rationalis est; qui actus, ut furtum, & adulterium per objecta specie differunt.

QUÆR. 7. *Unde desumatur actus indifferens, vel ex objecto, bonus, vel malus, secundariam, vel novam moralitatem?*

Dico. Actus humanus ex objecto indifferens, sumit bonitatem specificam, aut malitiam a fine bono, vel malo agentis, & circumstantiis. Actus vero ex objecto bonus, vel malus novam, specie, acquirit bonitatem, vel malitiam accidentalem a fine operantis, si specie differat a bonitate, & malitia objecti; & a circumstantiis speciem mutantibus; a circumstantiis vero aggravantibus bonitatis duntaxat, aut malitiæ augmentum, vel diminutionem in eadem specie: quia actus acquirit per finem, & circumstantias speciem mutantem novam, specie distinctam, & per aggravantes majorem solum convenientiam, vel disconvenientiam ad regulas morum.

Hinc 1. Ambulatio ex objecto indifferens propter sanitatem peracta, est bona ratione finis honesti; ob meram delectationem, vel cum neglectu Missæ, est mala ratione finis inhonesti, & circumstantiæ temporis ad aliud obligantis. 2. Furtum ad fornicandum factum, præter speciem furti ex objecto, habet speciem fornicationis propter finem. 3. Sacerdos peccans cum consanguinea uxore

data. præter peccatum luxuriæ, committit sacrilegium ratione circumstantiæ personæ sacræ, & adulterium ratione personæ ligatæ, & incestum ratione consanguineæ. 4. Auferens calicem etiam extra Ecclesiam, ut in domo sacristani, vel aliam rem ad Ecclesiam pertinentem, vel illius custodiæ traditam, ita, ut pro ea sit responsibilis, præter furtum committit sacrilegium ratione rei sacræ, vel injuriæ Ecclesiæ factæ. 5. Homicidium, vel furtum rei profanæ in Ecclesia, vel cœmeterio factum, præter speciem homicidii, vel furti, aliam habet sacrilegii; quia sanctitati loci specialiter repugnat. 6. Decipiens puellam philtro, præter peccatum luxuriæ, committit superstitionem propter circumstantiam medii. 7. Auferens vi rem alienam ad mœchandum, præter furtum, committit adulterium ratione finis, & rapinam ratione modi. 8. Voluntarie distractus notabiliter in Missa die Dominica, præter irreverentiam erga sacrificium, peccat contra Ecclesiæ præceptum, ratione temporis per Missam sanctificandi, & graviter ratione durationis illius notabilis.

*QUÆR. 3. An actus ex objecto, malus, bono fine cohonestari, vel ex objecto, bonus, malo fine, vel circumstantiis, seu alio defectu vitari possit?*

*Dico.* Actus ex objecto malus, nullo bono fine cohonestari potest; quia bonum ex integra causa; licet ejus malitia possit honesto fine minui; quia minori fit in peccatum affectu. Actus vero ex objecto, bonus, ob finem mortaliter, vel etiam venialiter malum, totus vitatur; quia malum ex quolibet defectu. Nec actus bonus imperari potest ab actu malo; quia non potest arbor mala bonos fructus facere. *Matth. 7.* Circumstantia tamen, vel defectus venialiter tantum malus, actui bono adveniens, vel eum concomitans, non totam ejus destruit bonitatem; quia in actum non influit, causa, vel finis.

*Hinc 1.* Peccat, qui mentitur ad salvandam innocentis vitam, licet finis sit bonus; minus tamen illo, qui ex levitate mentitur. 2. Jejunium, vel oratio ex vana gloria facta, est tota vitiosa; confessio, cujus omnes partes ex vana gloria sunt imperatæ, est tota sacrilega. Contra vero vana gloria jejunio, bono fine incepto adveniens, leve tœdium, vel negligentia orationem concomitans, non totam utriusque tollunt bonitatem, ac meritum; quia vana gloria, ut finis, est causa actus, & intrinsece eum

affi-

afficit; non vero concomitanter tantum se habens, nec alii defectus.

QUÆR. 9. *An Actus externus augeat bonitatem, vel malitiam actus interni?*

Dico. Actus externus non auget per se bonitatem, aut malitiam actus interni ex parte voluntatis efficacis, nec minuitur bonitas, vel malitia, licet voluntas impedita ad opus non prodeat externum; quia actus externus nullam habet libertatem distinctam a libertate actus interni, quæ est principium moralitatis; sed solum aliquando per accidens auget moralitatem actus interni ratione scandali, majoris intensiõnis, durationis, vel difficultatis superandæ, quibus actus internus simul augetur; ideoque excommunicatio, irregularitas, obligatio restitutionis, per solum actum internum sine externo non incurruntur.

QUÆR. 10. *Quomodo voluntas humana, ut sit bona, debeat conformari voluntati divinæ.*

Dico. Voluntas humana, ut sit bona, ac recta, debet generaliter conformari divinæ voluntati; quia voluntas divina est bonæ voluntatis humanæ regula; non quidem semper in voluto materiali, quod est ipsa res a Deo volita; quia nemo tenetur velle combustionem propriæ domus, famem, morbum, &c. nisi voluntas Dei circa materiale innotescat præcepto, vel prohibitione; quia voluntas Dei præcipiens, obligat ad volendum, & agendum, & prohibens, ad nolendum. Imo aliquando nec licet velle, quod Deus vult, nempe solum permissive, ut peccatum; vel quod Deus vult ob rationes superiores, ut mortem proprii parentis, iacturam bonorum proximi; quia lex charitatis hæc prohibet: bene autem debet conformari voluto formali, id est rationi Dei volendi, quæ est bonum commune totius universi prout ordinatur ad ipsum Deum & gloriam ipsius; quia voluntas humana, ut recta sit, debet velle bonum commune, & divinum, ac proinde volitum a Deo sub hac ratione; & formalitate: non vero prout est nocivum spiritualiter, vel etiam corporaliter proximo.

## Q U Æ S T I O V.

## D E C O N S C I E N T I A.

QUÆRITUR. 1. *Quid sit conscientia.*

RESP. Conscientia, est actus intellectus practici, distans, quid hic & nunc, spectatis omnibus circumstantiis sit faciendum, ut bonum, vel omittendum, ut malum. Differt a synderesi, quæ versatur circa primariorum principia; & a prudentia, quæ ex primis principiis generales deducit conclusiones; conscientia vero utriusque dictamina ad actum particularem applicat; sic v. g. synderesis dicat: *quod tibi non vis fieri, alteri ne feceris*; prudentia inde in communi deducit: ergo res aliena non est retinenda, sicut nollem rem meam ab alio retineri: conscientia vero ex utroque dictamine synderesis, & prudentiæ in particulari practice concludit: ergo hanc crumenam pecuniæ, quam inveni, non debeo retinere, sed suo proprio domino restituere.

QUÆR. 2. *Quotuplex sit conscientia?*

RESP. 1. Conscientia dividitur in veram, & erroneam, & in certam, & dubiam, in scrupulosam, & latam, in probabilem, & improbabilem. Conscientia vera est ea, quæ dicat aliquid esse licitum, vel illicitum, quod revera tale est. Conscientia erronea, seu falsa est ea, quæ dicat aliquid esse licitum, vel illicitum, quod revera non est. Alia est invincibiliter erronea, cujus error adhibita debita diligentia depelli non potuit, nec debuit. Alia vincibiliter erronea, cujus error adhibita debita diligentia depelli potuit, ac debuit; hæc est affectata, vel crassa pro ratione ignorantia, in qua fundatur. Conscientia certa, est iudicium firmum sine formidine saltem rationali circa bonitatem, aut malitiam actus hic, & nunc agendi. Certitudo est triplex, nempe metaphysica, seu absoluta, sub qua non potest esse falsum, & quæ nec per Deum aliter esse potest, ut totum majus est sua parte; vel res de fide. Physica, quæ secundum leges ordinarias aliter esse nequit, licet aliter esse possit supernaturaliter, ut combustio stupæ in igne; & certitudo moralis,



ralis, sub qua sine miraculo potest subesse falsum, debita-  
tamen est adhibita diligentia, qualem vulgo suis in nego-  
tiis adhibere solent sapientes, ut quod in jure duobus te-  
stibus, vel ex libro baptismali probatur. Certitudo mo-  
ralis sufficit pro conscientia certa.

2. Conscientia dubia, quæ improprie tantum conscien-  
tia dicitur, est suspensio judicii circa bonitatem, aut ma-  
litiam operis hic & nunc agendi; vel quia ex neutra par-  
te sunt rationes suadentes, & tunc dicitur dubium nega-  
tivum; vel quia ex utraque parte occurrunt rationes æque  
ponderantes, & hoc dicitur dubium positivum.

Dubium, ulterius dividitur in dubium juris, quo dubi-  
tatur, an aliquid sit præceptum, vel an extet lex: & in  
dubium facti, quo sciens legem dubitat, an eam imple-  
verit. Aliud est speculativum, quando dubitatur de re,  
quæ non pertinet ad mores, vel de re pertinente quidem  
ad mores, sed dubitatur solum in communi, an sit licita,  
& dicitur dubium practicum speculative. Aliud est pra-  
ctice practicum, quo dubitatur, an aliqua actio cum om-  
nibus circumstantiis hic & nunc sit licite ponenda; v.  
g. an hodie sit jejunandum.

3. Conscientia scrupulosa, est ea, qua mens levibus in-  
nixâ fundamentis cum anxietate judicat, vel timet in a-  
ctione bona, vel indifferenti subesse malum. Scrupulus  
dupliciter sumitur, 1. Pro judicio de malitia actus, futi-  
libus innixâ rationibus. 2. Pro timore inani malitiæ cum  
judicio absoluto, & practico de liceitate actus juncto.

Scrupulosus censetur, qui 1. Contra communem timo-  
ratorum, vel etiam confessarii judicium inquietus est. 2.  
Qui sapientum consilio nonnisi cum anxietate acquiescit.  
3. Qui confessionibus sincere factis, semper aliquid defuisse  
credit. 4. Qui variis inquietatur cogitationibus, con-  
tra fidem, castitatem &c. licet eis non consentire soleat,  
nec velit. 5. Qui levibus ex rationibus judicium mutat,  
psalmos, ac verius repetit.

Causæ scrupulorum intrinsecæ sunt, 1. Ignorantia. 2.  
Cerebri infirmitas. 3. Melancholia. 4. Formidolosa com-  
plexio. 5. Superbia, & nimius sui ipsius amor. Et ex-  
trinsecæ sunt: 1. Conversatio cum scrupulosis. 2. Lectio  
librorum terribilia continentium. 3. Astutia dæmonis,  
ut ad bonum ineptos faciat, 4. Dei pro humiliatione per-  
missio.

B 3

Re-



Remedia sunt: 1. cognoscere se scrupulosum, & se ad confessionem dubiorum, circumstantiarum, & integritatem materiale non teneri, ut alii. 2. Scrupulis resistere. 3. Causas scrupulorum amovere. 4. Confessarii consilium sequi. 5. Acquiescere confessioni morali diligentia factæ. 6. Bene de Dei bonitate sentire. 7. Orare, & se humiliare. 8. Medicinam etiam corporalem adhibere 9. Cum scrupulis non disputare.

4. Conscientia lata, est ea, qua mens ex levissimis rationibus, & quidem cupiditati faventibus licitum esse putat, quod malum est, vel pro levi peccato habet, quod grave communiter reputatur.

5. Conscientia probabilis, est actus intellectus, qui ob motivum grave, quamvis absolute fallibile, judicat actionem hic & nunc exercendam, esse licitam, vel illicitam.

6. Conscientia improbabilis est actus, quo intellectus ob motivum nullius, vel levis momenti, judicat actionem esse licitam, vel illicitam:

7. Opinio probabilis, alia est intrinsece probabilis, quæ bona nititur ratione intrinseca, nec principiis fidei, nec bonorum morum, nec alteri rationi manifestæ contraria est. Alia est probabilis extrinsece, quæ auctoritate scripturæ, traditionum, decisionum Ecclesiæ, vel Doctorum melioris notæ, ac timoratae conscientiæ nititur. Alia est probabilior, cujus rationes, & auctoritates præponderant. Alia minus probabilis, cujus rationes & auctoritates minus præponderant. Alia æque probabilis, cujus rationes, ac auctoritates sunt ejusdem ponderis. Opinio, alia est tuta, quæ removet a periculo peccandi. Alia est minus tuta, quæ minus removet a periculo peccandi; alia tutior, quæ magis removet a periculo peccandi. Alia favens legi, quæ declarat legem hic & nunc obligare. Alia favens libertati, quæ eximit a lege.

8. Auctores sunt triplicis classis. 1. Classis sunt: SS. Patres, ac Doctores Ecclesiæ, 2. classis sunt: alii eximie pii, ac docti, raro, vel nunquam in aliqua laxitate manifesta deprehensi. 3. classis sunt alii Auctores quidem docti, arctam tamen viam Christi nimis latam facere conantes. Pro sententia probabili sufficit unus author. 1. classis, vel tres, aut quatuor 2. classis cum bona ratione, licet non convincente, si torrentem Doctorum, vel

vel majorem auctoritatem, vel rationem manifestam non habeant contra se. Non vero unus solum 2. classis, vel plures in quocumque numero 3. classis. si quæstio sit de laxitate, vel opinione favente libertati. *P. Geru.*

9. Conscientia adhuc alia est obligans, quæ dicitur aliquid de præcepto esse faciendum, vel fugiendum. Alia consulens, quæ dicitur aliquid esse melius, & de consilio tantum omittendum, vel faciendum. Alia permittens, quæ dicitur aliquid nec præcipi, nec prohiberi, sed permitti.

QUÆR. 3. *Quanam conscientia sit proxima bonitatis, vel malitiae regula?*

Dico. Conscientia vera, vel saltem moraliter certa, est proxima bonitatis, ac malitiae regula, ita, ut nullus actus humanus sit moraliter bonus, vel malus, nisi conscientia prævie dicat directe, vel indirecte illum esse bonum, vel malum, vel saltem ei subesse periculum mali; quia qui non habet conscientiam veram, vel saltem moraliter certam, sed de honestate actus dubitat, vel mali suspensionem habet, exponit se periculo peccandi; ergo peccat.

QUÆR. 4. *An conscientia erronea possit esse regula moralitatis?*

Dico. Conscientia invincibiliter erronea, nonquidem per se, sed per accidens potest esse regula bonitatis, & malitiae, cui agens se conformare tenetur; non autem conscientia vincibiliter erronea, ita, ut agens contra conscientiam invincibiliter, vel vincibiliter erroneam peccet, & quidem graviter, vel leviter, prout conscientia dicitur, quia contra utramque agendo putat se peccare. Conformans autem se conscientiae erroneae excusatur a peccato, si sit invincibilis, non vero si sit vincibilis, quia ignorantia invincibilis excusat a peccato, non vero vincibilis.

Hinc 1. Judicans per conscientiam invincibiliter, vel vincibiliter erroneam, se teneri ad salvandam innocentis vitam mentiri, non mentiendo peccat; quia putat, se peccare; peccat quoque mentiendo, si ignorantia sit vincibilis, non vero, si sit invincibilis, quia invincibilis excusat a peccato, non vero vincibilis. 2. Judicans, se sub peccato obligari audire Missam, & simul manere apud ægrotum, quod minus peccatum apparet, eligere debet;

si ita perplexus esset, ut hoc discernere nequeat, nec alium consulere possit, non peccat quicquid agit; quia non est moraliter liber. 3. Agens contra conscientiam erroneam dictantem id, quod est indifferens, esse malum, non cogitando cujus speciei, peccat saltem contra obedientiam; quia non potest illud apprehendere ut malum, nisi in confuso saltem apprehendat ut contrarium legi, & mortaliter, si illud apprehendat saltem confuse ut aliquid grave, quia se exponit periculo peccati mortalis; & venialiter, si ut aliquid leve; si autem nullo modo, necad levitatem, nec ad gravitatem attendat, probabilius, & communiter graviter peccasse censetur, si voluisset agere sive grave, sive leve apparuisset; leviter, si noluiisset agere, si grave apparuisset, ut dicetur infra in Tractatu de peccatis. 4. Percutens laicum, putans, esse sacerdotem, sacrilegium committit, excommunicationem tamen non incurrit; quia ratio sacrilegii est solum interna in intellectu errante, non vero in opere externo.

*Hinc* 2. Tenetur confessarius monere pœnitentem, 1. Quando putat mortale, quod non est, v. g. Plebejum putantem, se teneri sub mortali interesse vespere diebus Dominicis, vel audire Missam in die Cinerum, vel abstinere a potu ad refrigerationem in die jejunii sumpto, vel monialem existimantem sub mortali se astringi ad silentium, aut ad jejunium regulare; vel uxorem putantem plura in matrimonii usu esse mortalia, quæ tamen nonnisi venialia, vel nulla sunt peccata; quia licet admoniti forte frequentius venialiter peccent, minus tamen malum est, quam unicum mortale. 2. Quando pœnitens laborat ignorantia vincibili, existimando licitum, quod peccatum est, vel si dubitet, vel confessarius a pœnitente interrogetur; quia ut Doctor tenetur ignorantem instruere, ne peccet, etiamsi nulla sit spes emendationis; quia vincibiliter ignorans æque, ac non monitus peccat, nec capax est absolutionis. 3. Quando laborat ignorantia etiam invincibili, si spes sit emendationis, nec periculum majoris mali, vel si nulla spes sit emendationis, error tamen vergat in præjudicium boni communis, ut si sacerdos invalide ordinatus celebret; vel si cedat in scandalum multorum, ut si ignoranter hæreses doceat, vel in damnum tertii, ut si Medicus ignorantia invincibili medendo mortem causet; vel si sint necessaria necessitate medii, ut mysterium SS.

Tri-

Trinitatis, & Incarnationis; quia non sunt capaces absolutionis, & de admonitis ex remorsu conscientiæ, ac decursu vitæ emendatio facilius speratur. 4. Non vero tenetur, nec potest monere invincibiliter ignorantem, si admonitio magis censetur nociva, quam utilis; quia ex peccato materiali sine utilitate fieret formale, ut si de nullitate matrimonii admoniti probabiliter tamen materialiter essent cohabitaturi, vel a se invicem discessuri cum scandalo, prolis periculo, familiæ diffamatione, & in utroque casu a S. pœnitentiaria dispensatio potius esset petenda; & mulieri ex odionolenti accedere ad virum, quem invincibiliter credit suum legitimum, cum in re non sit, suaderi debet, ut eum accedat, & debitum reddat, si moneri nequeat; quia alias formaliter peccat, non vero ut debitum petat; quia quoad hoc est sui juris. Quod si agatur de matrimonio contrahendo, attendenda est Sacramenti irreverentia, & alia mala inde secutura, & minus eligendum, regulariter tamen minora sunt ex admonitione timenda, quam illo contracto.

*Hinc* 3. Pœnitens censetur laborare conscientia invincibiliter erronea. 1. Si sit timorati conscientiæ. 2. Si cognito errore soleat contristari, & non amplius peccare. 3. Si nullum dubium, vel scrupulus præcesserit. 4. Si res ignorata sit juris humani, vel positivi, vel naturalis circa conclusiones remotas. Econtra vero censetur vincibilis, si sit laxioris conscientiæ, ac criminibus deditus, si aliquod dubium, vel scrupulus præcesserit non satis prudenter resolutus, si res ignorata sit circa prima principia, seu proximas eorum conclusiones.

*Hinc* 4. Errorem potest deponere sequendo decisionem confessarii, vel superioris, non tamen tenetur illam sequi, si parem, vel superiorem ipsis noverit se habere scientiam. Et si sint illiterati, & plebei, sequi possunt communem timoratorum praxim, vel viri docti, ac prudentis consilium: sæpe enim vix aliter adjuvari possunt.

**QUÆR. 5.** *An conscientia dubia sit morum regula?*

*Dico.* Conscientia dubia non est morum regula, & ea non prudenter deposita operans peccat; quia non agit ex fide, id est cum persuasione honestatis actus, & se periculo peccandi exponit. Dubium autem juxta sequentes regulas deponendum est. 1. Quando dubium est mere negativum, & adhibita debita diligentia nulla appareat ra-

tio suadens de illicite auctus, tanquam male fundatum deponi debet. *Innoc. III. 2.* in dubio positivo melior est conditio possidentis in materia justitiæ. *Reg. 65. Juris. 3.* pro eo standum est, pro quo stat præsumptio, pro eo vero stat præsumptio, quod verisimilius, vel plerumque fieri consuevit. *Reg. 25. Jur. 4.* Si ex neutra parte stat præsumptio, tutior pars est eligenda. *In Jure Tourn.*

*QLÆR. 6. An illa regula: melior est conditio possidentis, solum valeat in materia justitiæ?*

*Dico.* Regula juris: *in dubiis melior est conditio possidentis*, solum valet in materia justitiæ ad prudenter deponendum dubium positivum; quia solum in materia justitiæ alia adhuc regula præsumptionis adjuvatur, Res enim apud suum, & non alienum dominum, ut propria servari solet; non vero valet in alia materia. quando possessio stare videtur pro libertate; sed ex neutra parte stante præsumptione, tutior pars est eligenda; quia occurrente dubio positivo, non accedente præsumptione, non stat possessio reipsa pro libertate magis, quam pro lege. Nam juxta adversarios: possessio stat pro lege, quando lex est certa, & incertum. an sit abrogata: & stat pro libertate, quando libertas est certa, & incertum, & dubium est, an lege, vel voto obligetur; atqui, occurrente dubio positivo, an voverit castitatem; vel an lege jejunii obligetur, libertas non est certa, sed dubia; dubitando enim, an voverit castitatem, dubitatur, an habeat libertatem nubendi; dubitando, an lege jejunii obligetur, dubitatur, an libertatem non jejunandi habeat; ergo possessio non stat pro libertate, sed potius contra ipsa præsumptio; quia nemo dubitare solet, quando certa est libertas.

*Hinc 1.* Inferunt auctores in *materia justitiæ. 1.* Si facta debita inquisitione dubitetur, an ager bona fide possessus sit proprius, præsumitur proprius, & potest retineri: quia præsumitur, esse possidentis, si notabiliter probabilius sit, esse alienum, debet restitui; vel saltem pars pretii pro qualitate dubii, quia non est par utrobique causa, quam æqualitatem regula juris supponit, & plus debetur possessori probabiliori, quam probabiliori. *Apud Paul. Lugd. 2.* Dubitans, an debitum solverit, si sit certum, tenetur totum solvere; quia possessio stat pro debito; si etiam creditor dubitet, tenetur ad partem pro ratione dubii. *Laym & alii. 3.* Dubitans, v.g. Medicus, an cau-

sam

ſam Theologicè graviter culpabilem mortis, vel Advocatus gravis damni dederit, ad nihil tenetur. *Tamb. Lugd. & alii*. quia præſumitur non dediffe, præcipue, ſi alias non dare conſueverit: Certus vero de gravi culpa theologia, & dubitans, an inde mors, vel damnum fit ſecutum, tenetur reſarcire damnum; *Sanch. & alii*. quia certa eſt actio injuſta; ſic ſocius latronum dubitans, an cauſa fuerit efficax latrocinii, vel ſuo ſclopeto occiderit, tenetur reſtituere. *Paul. Lugd.* & cenſetur incurriſſe cenſuras; *P. Gerv. & alii*; quia actio damnola eſt certa, & præſumitur damnum. 4. Princeps dubitans de juſtitia belli, deſenſivum, non vero offenſivum movere poteſt; *Paul. Lugd.* quia juſte jus ſuum tuetur, quod poſſidet, non vero juſte alterius aggreditur, quod ratione poſſeſſionis melius eſt. 5. Si inter duos dubitetur, quis eorum fit pater, tenentur ambo, plus ditior, quam pauper. *P. Gerv.* quia minus gravatur, & deficiente uno, tenetur alter in integrum *P. Gerv. & alii*; quia neceſſitas alendæ prolis eſt certa. 6. Fraude decem lucrans aureos, tenetur illos reſtituere; ſi alius, qui perdidit, decem lucratus fuiſſet, tenetur ad alios decem; ſi ſit dubium, nihil tenetur ultra decem. *P. Gerv. & alii*, quia conditio utriuſque eſt æqualis. 7. Dubitans, an præceptum ſuperioris ſit de re licita, an v. g. bellum ſit juſtum, tenetur obedire, & ducem ſequi. *Sanch. & alii*; quia præſumptio eſtat pro ſuperiore: ſi tamen ageretur de valore Sacramentorum tutior pars eſſet eligenda. *Paul. Lugd.* vel ſi princeps injuſta bella movere ſoleret, præſumptio ab aſſuetis eſſet contra Principem *Ibid.* 8. Dubitans, an votum poſſit dari novitio, tenetur illud dare. *Paul. Lugd. & alii*; quia defectus non præſumitur, & indicia dubia de malitia debent in meliorem partem interpretari. *Cap. de Sent. & Jud. & Leg. ſemper in dub.* 9. Si dubitetur, an filii ſint legitimi, habentur legitimi, & poſſunt ordinari. *Lugd. Tamb. & alii*. Non poſſunt tamen ad hæreditatem concurrere exiſtente poſſeſſore certo. *Tamb.* Nec expoſiti in hoſpitali habendi ſunt legitimi, niſi lege Principis, vel diſpenſatione legitimentur, quia ordinariè illegitimi exponi ſolent, & præſumptio eſt, eſſe illegitimos.

Hinc 2. Circa leges dubitans dubio poſitivo. 1. An lex exiſtat, vel uſu ſit recepta, tenetur eam ſervare, *Paul. Lugd. Tamb. ex Charm.* quia ſecurius eſt. Vel dubitans,  
an

an sit abrogata, vel ab illa eximatur, tenetur, illam implere; quia lex est certa, & abrogatio, vel exemptio incerta. Dubitans, an legem, quæ est certa, impleverit, v. g. an officium divinum dixerit, tenetur illud dicere: quia debito certo non satisfit solutione dubia; dubitans tamen, an unum, aut alterum psalmum in officio dixerit, potest se resolvere, dixisse, si alias eos dicere consuevit. *P. Gerv.* 2. Dubitans, an 21. annum compleverit, tenetur jejunaire. *Paul. Lugd. Tourn. Thom. ex Charm.* quia securius est, & libertas pariter dubia est: dubitans an post mediam noctem biberit, non potest communicare: nec dubitans, an hora mediæ noctis sit audita, manducare carnes in sabbato, nec comestionem carnis continuare die Jovis. *Paul. Lugd.* quia tutius est. 3. Dubitans, an delectationi mortiferæ consenserit, censetur non consensisse, si timorata sit conscientia, & ordinarie non consentire soleat; secus, si sit laxæ, & alias consentire consueverit. *Paul. Lugd. Bonacina & alii;* quia pro assuetis stat præsumptio. 4. Dubitans, an censuram, vel irregularitatem incurrerit, benignior pars eligenda est *P. Gerv. Laym. & alii contra Tourn. & Thom. ex Charm.* quia odiosa sunt restringenda, excepta irregularitate ob homicidium ex speciali lege; in cap. ad aud. de homic. Si nimirum homicidium sit certum, & dubium, an suo consilio, vel cooperatione sit secutum, *Laym. & auct. cit.* eadem lege incurruntur casus dubii Bullæ Cœnæ, ubi sunt recepti; *P. Gerv.* Si tamen esset dubium positivum, posset quis se determinare, non incurrisse *Auct. cit.* Si constet de censura, & dubitetur de absolutione, non censetur absolutus. *Laym. & alii.*

Hinc 3. In materia votorum 1. Dubitans, an voverit, tenetur votum implere, nisi regula præsumptionis juvetur; quia si antea nihil dubii, vel anxietatis sit passus, vel obligationum non soleat oblivisci, vel vovere non consueverit, præsumendum, non vovisse. *Tourn.* Dubitans, an voverit, vel solum proposuerit, ordinarie tantum proposuisse censetur. *Paul. Lugd.* Præcipue, si alias tantum proponere consueverit. Si constet de voto, & dubitet de deliberatione sufficiente, præsumitur adfuisse. *Ibid.* quia raro deest. 2. Dubitans, an sex, vel octo jejuniâ voverit, tenetur ad octo. *Tourn. Thom. ex Charm.* quia tutius est. Qui vovit Rosarium, dubitans an 5. vel 6. decadam, tenetur



netur, ut alias solebat dicere; quia ita intendisse præsumitur. *Paul. Lugd.* 3. Qui vovit, se nunquam accessurum ad foeminam, & dubitans, an de conjugali, vel fornicario accessu intellexerit, tenetur a conjugio abstinere. *Paul. Lugd. Thom. ex Charm. & alii.* quia particulæ negativæ sunt malignantis naturæ, & omnia post se excludunt. 4. Qui vovit castitatem, dubitans, an perpetuam, tenetur ad perpetuam *Aust. max cit.* quia ordinarie sic solet intelligi, & securius est. 5. Qui vovit religionem, dubitans, an intellexerit professionem, tenetur profiteri, si religionem ei convenire noverit. *P. Gerv. & alii,* quia ordinarie sic intelligitur. 6. Dubitans, an vere, vel fide voverit, promiserit &c. præsumitur vere vovisse &c. quia malum non præsumitur. 7. Dubitans, an impuber voverit religionem, potest se submittere irritationi a patre, vel tutore factæ. *Laym.* quia ob dubium subditi non privatur superior sua auctoritate, quia est certa.

*Hinc 4. Circa Sacramenta.* 1. Dubitans, an intentionem habuerit, præsumitur habuisse; quia rarissime deest. *P. Thom. ex Charm.* 2. Dubitans, an verba formæ debite pronuntiaverit; censetur, eam pronuntiasse. *P. Thom. ex Cham.* præcipue si alias eam solebat debite pronuntiare. 3. Dubitans, an mortale commiserit, vel commissum confessus fuerit, tenetur illud confiteri, vel an confessio fuerit irritata, eam reiterare. *P. Thom. ex Cham. Paul. Lugd.* 4. Dubitans de valore matrimonii cum dubio, vel bona fide contracti, potest post bimestre, vel consummato matrimonio, petenti reddere debitum. *cap. dom. de nupt. ex & cap. inquis. de sent. excomm.* quia reddendo debitum exponit se periculo minoris mali, quam illud negando; nempe reddendo, violandi castitatem, & negando, justitiam; non vero potest petere, nec infra bimestre, & nondum consummato matrimonio reddere; quia potest sine injuria negare. Si ambo dubitent, neuter potest reddere nec petere. *Paul. Lugd.* quia in dubio neuter jus habet, & tutior pars est eligenda. 5. Dubitans, an impedimentum dirimens contraxerit, vel prima uxor mortua sit, non potest inire matrimonium cum alia. 6. Dubitans, an baptismum vel confirmationem acceperit, potest sub conditione baptizari, vel confirmari. *Tamb. & alii,* 7. Dubitans, an annum 22. inchoaverit, non potest sacros suscipere ordines. *Paul. Lugd. & alii.*

QUÆR.

*QUÆR. 7. An conscientia scrupulosa, vel lata sit regula morum?*

*Dico.* Nec conscientia scrupulosa, nec conscientia lata sunt regulæ morum; quia ambæ sunt improbabilis, & futilibus innixæ rationibus, teneturque scrupulosus scrupulum, sumptum pro judicio practico de illicite actus, levibus innixio rationibus deponere, & contra timorem junctum cum judicio practico de liceitate actus agere, & quidem aliquando sub peccato gravi, quando nimirum periculum esset insanix, vel causa gravium peccatorum; quia mala ita gravia, quilibet præcavere tenetur.

*Hinc* 1. Si pœnitens sit scrupulosus circa confessiones præteritas, confessarius earum repetitionem non admittat, nisi certum defectum deprehendat. 2. Si sit scrupulosus circa confessiones præsentis, si non obediat, confessarius eum non amplius audiat. 3. Si sit scrupulosus in agendis, habendo judicium practicum de illicite actus futilibus innixum rationibus, ei confessarius injungat, ut illud deponat, & in agendis non mortale credat, nisi certo sciat. 4. Si sit scrupulosus, habendo quidem judicium practicum de liceitate actus, sed tamen junctum cum timore, ne subsit malum, ei injungat, ut spreto timore, illud sequatur. 5. Si alias confessarius detegat scrupulorum causas, illas remove, & media convenientia adhibere satagat; non tamen eum a Sacramentorum usu deterreat, sed oleum compassionis cum aceto severitatis ita conjungat, ut ægrotus sanetur; etiam caveat, ne ad aliud extremum, laxitatem nimirum transeat.

*QUÆR. 8. An, & quomodo conscientiam probabilis, sit regula morum?*

*Dico.* Conscientia, seu opinio probabilis, non habens probabilior, vel probabilem sibi oppositam faventem legi, est regula morum, & potest eam quis tuto sequi; quia est moraliter, & probabiliter certa, quæ certitudo probabilis juxta S. Thomam sufficit in moralibus. Non vero est licitum sequi opinionem probabilem faventem libertati, cum agitur de peccato committendo in concursu probabilioris, vel æque probabilis faventis legi; quia non licet facere, quod probabilius, vel saltem probabiliter malum est, nec se exponere periculo peccandi. Licet tamen sequi probabilior, vel saltem probabiliter faventem libertati in concursu probabilis faventis legi, quia est verior, dummodo non agatur de va-

de valore Sacramentorum, vel mediis ad salutem necessariis necessitate medii; quia in re tanti momenti tutior est præferenda. *Innoc. XI. in damn. propos. 1.* quia probabilitas non tollit periculum damni, bene autem in aliis materiis supplet.

*Hinc.* Quando diversæ occurrunt opiniones 1. Docti tenentur coram Deo ponderare rationes intrinsecas, & extrinsecas, & probabilius, vel tutius sequi. 2. Mediocriter docti, consulere debent scientia, ac pietate graves, nec laxioris, nec rigidioris moralis suspectos; vel auctores evolvere, & eam, quam, communem opinionem dicunt, tenere; vel si in diversas abeant partes, tutiorem amplecti. 3. Illiterati, ac plebei possunt Parochi, ac Confessarii auctoritatem, sæpe etiam communem timoratorum præxim sequi; quia in dubiis suis vix alio modo dictamen conscientiae practicum formare possunt.





## TRACTATUS II.

### DE LEGIBUS.

*Hic Tractatus tres complectitur questiones, 1. de Legibus in communi, & in particulari, 2. de cessatione legis, 3. de Præceptis Ecclesiæ.*



### Q U Æ S T I O I.

#### DE LEGIBUS IN COMMUNI ET IN PARTICULARI.

*QUÆRITUR. 1. Quid sit Lex in communi?*

**RESP.** **L**EX definitur rationis ordinatio, stabilis, ad bonum publicum promulgata ab eo, qui curam communitatis habet cum intentione obligandi subditos. Differt a præcepto, quod non est stabile, nec pro bono communi, sed particulari.

*QUÆR. 2. Quot sint conditiones legis?*

**RESP.** Conditiones legis sunt decem, videlicet: 1. ut sit honesta. 2. iusta; 3. possibilis; 4. secundum naturam rationalem, & patriæ consuetudinem; 5. necessaria; 6. utilis; 7. non obscura; 8. stabilis; 9. pro bono communi; 10. promulgata, & quidem naturalis per dictamen rationis; divina vero per revelationem internam, vel externam cum, vel sine solemnitate; & humana per solemnem cæremoniam.

*QUÆR.*

QUÆR. 3. *Quotuplex sit lex?*

RESP. Lex dividitur in æternam, naturalem, & positivam; positiva ulterius dividitur in divinam, ac humanam, & hæc in Ecclesiasticam, & Civilem; ratione materiæ vero in affirmativam, & negativam.

QUÆR. 4. *An promulgatio sit de legis essentia?*

Dico. Promulgatio, quæ est authentica legis notificatio, est de essentia legis, & quidem, quoad leges humanas cum solemnitate facta in singulis diocæsesibus, si sit Pontificia, & ex communi fere omnium regnorum usu in singulis provinciis, si sit civilis, & in regno Galliæ in super actis supremarum Curiarum inferi solet. Qua facta obligat etiam ignorantes a die in lege, vel a consuetudine præscripta, vel a publicatione sufficienter facta, pro qua duo menses a lege cæsarea præscribuntur, quam etiam consuetudinem pontificia sequitur: quia sine solemnī promulgatione non authentice sciri, ac proinde nec observari potest, etiam si esset lex revocatoria legis, seu privilegii favorabilis nulli afferens incommodum; secus, si sit revocatoria privilegii odiosi; quia istius revocatio est favorabilis, juxta juris axioma, in favorabilibus necessaria non est promulgatio; econtra revocatio privilegii favorabilis est odiosa; odiosum est enim subtrahi beneficium nulli nocens.

Hinc 1. Casus reservati, privatio juris petendi debitum, impedimenta dirimentia etiam ab ignorantibus invincibiliter incurruntur; quia lex publicata in communi est in vigore; excusantur tamen a culpa, & a pœna transgressionis imposita. *Billuart.* quia ignorantia invincibilis excusat a peccato, ac proinde a pœna. 2. Revocatio privilegiorum per Concilium Tridentinum valet etiam in locis, ubi non fuit promulgatum; quia est favorabilis juris Episcoporum, quibus privilegia erant oneri. *P. Thom. ex Charm.*

QUÆR. 5. *Quid sit lex æterna?*

RESP. Lex æterna à S. Aug. definitur: ratio divina, vel voluntas ordinem naturalem servari jubens, & perturbari vetans.

QUÆR. 6. *Quinam legi æternæ subjiciantur?*

Dico. Legi æternæ omnes subjiciuntur creaturæ, rationales quidem præcipienti, vel prohibenti, irracionales vero ordinanti, & moventi illos in fines suos: quia Deus

*Theol. moral. Pars I.*

C

omni-

omnibus creaturis naturæ ordinem posuit, omnesque aliæ leges ab ista derivantur, divinæ quidem immediate, naturalis mediante lumine rationis; humana vero mediante potestate Principibus concessa immediate a Deo, vel mediante Republica; cuius curam gerunt: quia non est potestas; nisi a Deo. *Rom. 13.*

*QUÆR. 7. Quid sit lex naturalis?*

*RESP.* Lex naturalis definitur a S. Thoma participatio legis æternæ rationali creaturæ dictans, quod intrinsece bonum agendum, & quod intrinsece malum fugiendum.

*QUÆR. 8. Quanam præcepta pertineant ad legem naturalem?*

*Dico.* Ad legem naturalem pertinent, non solum prima principia practica, & proximæ eorum conclusiones, sed etiam remotiores, quæ necessario ex eis deducuntur! uti usuræ prohibitio; imo etiam omnes virtutum moralium actus, quoad actiones genericas, & etiam quoad modum, ut nimirum humane, & honeste fiant; quia juxta S. Thomam lex naturalis præcipit, ut actus hominis semper sint rectæ rationi consentanei; non vero quoad species suas proprias, saltem præceptive, ut sunt consilia Evangelica.

*Hinc:* dives tenetur lege naturali succurrere pauperi, & quidem voluntarie; honestoque fine; non tamen tenentur omnes amplecti castitatem.

*QUÆR. 9. An lex naturalis mutari possit?*

*RESP.* Prænot. Legis mutatio proprie fit definendo, cum ex iusta sit injusta, vel per irritationem, cum nondum integre obligat; vel per abrogationem, & derogationem, cum totaliter, vel ex parte tantum tollitur; vel per additionem, vel declarationem, aut dispensationem. His notatis.

*Dico.* Lex naturalis non potest proprie mutari, non definendo; quia non potest fieri de iusta injusta; nec per irritationem, vel abrogationem, & derogationem; quia est ipsæmet legis æternæ radius indefectibilis; nec per dispensationem etiam divinam, manentibus iisdem circumstantiis; quia quod est intrinsece malum, & naturæ rationali inconveniens, nec a Deo potest ei fieri conveniens: potest tamen mutari improprie, 1. ratione materiæ; quia mutatis circumstantiis potest cessare esse prohibita. 2. Per additionem, quia legi naturali supperaddita fuit lex Mo-  
saica,

saica, & Evangelica. 3. Per simplicem interpretationem; quia non occides, exponitur; extra casum iustae defensionis; vel autoritate propria; non vero per epicheiam; quia nullos habet casus imprævisos, sed omnes comprehendit.

*Hinc* 1. Deus non proprie dispensavit Abrahamo, ut proprium immolaret filium, nec Israelitis, ut auferrent bona Aegyptiorum, sed accedente auctoritate Dei, cessabat imulatio proprii filii; & ablatio bonorum Aegyptiorum esse malum. 2. Papa non proprie dispensat obligationem voti; sed illud non obligare in certis circumstantiis, declarat. 3. Fornicatio, & pollutio etiam pro tuenda vita, ac fama, non sunt licitæ, nec contracto, cum impedimento dirimente matrimonio, licet a sciente reddere ignorant, debitum; quamvis impedimentum esset indispensabile, & uni tantum notum; quia scienti est intrinsece malum; & ignorans nullum in re jus habet.

Q. 10. Quid, & quod duplex sit lex positiva?

RESP. 1. Lex positiva est ea, quæ a Deo, vel homine est posita; & ideo positiva dicitur; & est duplex, divina nimirum, & humana. Lex divina alia est Mosaica, alia Evangelica; lex Mosaica est ea, quæ populo Israelitico data, & per Moysen promulgata est, ejus præcepta sunt moralia, cæremonialia, & judicialia, & finis ejus proximus, erat recta populi Israelitici ordinatio erga se ipsum, erga Deum, & proximum; finis vero remotus, erat spiritualis, ac supernaturalis ejus felicitas in hac vita per morum sanctitatem, & in altera per beatitudinem æternam, & solos obligabat Judæos.

2. Lex Evangelica est ea, quæ a Christo est condita, ab Apostolis die prima Pentecostes promulgata, per se justificativa, & usque in finem mundi duratura; ejus præcepta sunt triplicis generis: videlicet: 1. Moralia partim a Christo de novo instituta, partim confirmata. 2. Præcepta fidei non de novo instituta, sed clarius explicite declarata. 3. Sacramentalia, & cæremonialia a Christo de novo instituta.

3. Lex antiqua fuit figura, & nova ejus complementum; in quibusdam conveniunt, & in quibusdam, ut patet, disconveniunt. Libertas legis Evangelicæ non consistit in immunitate ab omni lege, sed in immunitate, 1. a peccato per gratiam, 2. ab ignorantia per fidem clarius explicatam, 3. ab onerosa legis cæremonialis servitute,

& a gravitate præceptorum moralium ob uberiores gratias illa facilitantes.

*QUÆR. 11. An lex antiqua fuerit bona, & quando fuerit abrogata?*

*Dico.* Lex antiqua fuit bona; quia a Deo data est; atamen imperfecta fuit negative; quia minus est perfecta, quam Evangelica, & secundum se fuit abrogata in ipsa Christi morte: quoad vim vero obligandi, in die Pentecostes, facta solemniter abrogationis, ac legis Evangelicæ promulgatione, quæ vera est lex; quia veræ legis conditiones habet.

*QUÆR. 12. Quanam sint præcepta legis antiquæ, & quando fuerint mortua, & mortifera?*

*Dico.* Præcepta moralia legis antiquæ nunquam fuerunt mortua, id est omnia extincta; judicialia vero fuerunt mortua; non vero fuerunt mortifera, id est mortem animæ afferentia; cæremonialia fuerunt mortua, & mortifera; non tamen statim, sed aliqui ritus Christum venturum præfigurantes, potuerunt æconomix causâ, ne viderentur mali, ab Apostolis sine crimine observari. Mortifera autem facta sunt; quadragesimo circiter anno post Christi mortem everso a Tito, & Vespasiano Imperatoribus Romanis Templo Jerosolymitano, & Synagoga cum eo extincta; atamen aliqui ritus leviores, non quidem vi legis Mosaicæ, sed Apostolicæ institutionis, ut abstinentia a suffocato, & sanguine &c. adhuc per aliquod tempus ob graves rationes potuerunt observari.

*QUÆR. 13. Quid, & quod duplex sit lex humana, & quod duplex sit regimen?*

*RESP. 1.* Lex humana est illa, quæ ab homine est posita, potestate tamen a Deo accepta immediate, ut Papa, & Episcopi, vel mediante communitate, ut quidam Reges, & Principes.

2. Lex humana dividitur in Ecclesiasticam, & Civilem; in scriptam, & non scriptam, uti est jus gentium, & consuetudo vim legis habens; & in communem, ut Jus Canonicum, & Cæsareum; & in municipale, cujuscunque diocæsis, provinciæ, aut civitatis.

3. Regimen est triplex. 1. Monarchicum, in quo unus solus super omnes gubernat. 2. Aristocraticum, in quo Optimates gubernant. 3. Democraticum, quo subditi mutuo consilio seipsos regunt.

*QUÆR.*



QUÆR. 14. *Quisnam possit condere leges humanas, & an ab acceptatione dependant?*

Dico. Legislator habens regimen Monarchicum, vel etiam Aristocraticum majore parte Optimatum consentiente, potest condere leges obligantes independenter ab acceptatione, ita, ut eas sine legitima causa non acceptantes, peccent; quia qui potestati resistit, Dei ordinationi resistit, Rom. 13. & possunt subditi ad ejus observantiam compelli. Verumtamen legislator habens potestatem ad ædificationem, & non ad destructionem, præcavere debet, ne observantiam legis urgendo, plus noceat, quam profit; ideoque legislatore ad majus malum evitandum tacente, lex etiam Pontificia a majori communitatis parte non acceptata, tacite, vel expresse, de facto non obligat; quia tacens consentire videtur.

QUÆR. 15. *Quanam sit legis humana materia?*

Dico. Materia legis humanæ, sunt actus humani externi; potest tamen utraque lex Ecclesiastica, & Civilis etiam actus internos indirecte saltem præcipere, & prohibere; quia potest præcipere externos, qui sine actu interno recte fieri nequeunt, ut oratio, & juramentum; imo lex Ecclesiastica etiam directe internos præcipere, & prohibere posse, videtur; quia internum assensum fidei, quam proponit, præcipit.

QUÆR. 16. *Qualis ad satisfaciendum legi requiratur intentio.*

Dico. Ad satisfaciendum præcepto legis negativo, nulla requiritur intentio, sed sufficit, ut quis ab opere prohibito absteat; ad implendam vero legem affirmativam, requiritur, ut actus præceptus fiat. 1. Voluntarie, quia actus esse debet humanus. 2. Cum intentione ponendi opus præceptum, & interpretativam satisfaciendi præcepto, non habendi contrariam; quia actus hominis ultra intentionem non operantur, juxta commune axioma. 3. Ex fine honesto, vel a lege præcepto; quia inter bonum morale, & malum non datur medium indifferens in individuo.

Hinc. Satisfacit præcepto 1. Abstinens a secunda refectioe in die jejunii sola sanitatis causa, vel ex defectu ciborum, quia juxta commune axioma, finis præcepti non cadit sub præcepto. 2. Devote audiens Missam, ignorans esse diem Festi, vel communicans, nesciens tempus Pas-

chalé jam incepisse. 3. Recitans Officium cum ægroto cum intentione satisfaciendi in choro, vel audiens Missam privatam cum intentione assistendi Missæ solemnī pro implementatione præcepti, licet postea impeditus idem Officium non repetat, nec aliam Missam audiat, dummodo non expresse contrariam habuerit intentionem, non satisfaciendi in quocunque eventu, quia omnes illi censentur habere intentionem interpretativam, satisfaciendi præcepto, si ejus obligationem scivissent, vel impedimentum prævidissent; & in multorum sententia sola sufficit intentio ponendi opus a lege præceptum. 4. Non tamen satisfacit præcepto assistens Missæ absolute invitus, licet infans ex timore parentum audiens Missam satisfaciat, quia violentia, non vero metus tollit voluntarium: nec dans elemosinam solius commiserationis causa satisfacit pœnitentiæ a Confessario injunctæ; nec orans ex mera devotione Rosarium, satisfacit voto; nec satisfacit attente quidem legens Officium, sed solius occupationis, vel lucri causa; quia Ecclesia illud præcipit, non solum, ut attente, sed etiam devote, id est cum intentione, Deum honorandi, dicatur.

*QUÆR. 17. Quinam teneantur ad legis humanæ observantiam?*

*Dico.* Ad legis humanæ observantiam coactive omnes, & soli tenentur subditi usum rationis habentes; supremus vero absolutus legislator independentem a communitate habens jurisdictionem legislativam, non tenetur coactive suis legibus; quia non est subditus, sed solum quoad vim directivam proveniente a dictamine rectæ rationis, ac legis naturalis, ut suis exemplo præsit subditis; quia Regis ad exemplum totus componitur orbis; nisi essent leges statui suo indecedentes.

*Hinc* 1. Episcopi, Archiepiscopi &c. dependenter a Concilio nationali ferentes leges, vel censuras; item Generales, Provinciales &c. dependenter a Comitibus generalibus, vel provincialibus, Præsides Reipublicæ, Prætores, Consules &c. cum communitate ferentes leges, coactive ad illas tenentur. 2. Papa, Reges &c. absolutam habentes potestatem, suas leges transgredientes graviter peccant contra legem naturalem, si grave inde scandalum, ac deformitas, aliudve magni momenti Reipublicæ damnum sequatur. 3. Infantes ante septennium, perpetuo amentes,

man-

manducantes carnes in diebus prohibitis, non peccant, nec ipsis apponentes; peccant vero apponentes carnes ebriis, & ad tempus delirantibus, vel ignorantibus; quia peccato, etiam solum materiali, cooperari non licet. Ob eandem rationem peccant eos provocantes ad iram, libidinem, blasphemiam, licet ob defectum libertatis nonnisi materialiter peccent, vel eos ad laborem servilem in Dominica applicantes.

*QUÆR. 18. Ad quas leges Infideles, ac Hæretici obligentur.*

*Dico.* Infideles, licet ad Baptismum, & leges Evangelicas, ac Civiles teneantur; quia Deo, & Reipublicæ subditi sunt; non tamen tenentur ad leges mere Ecclesiasticas; quia nonnisi per Baptismum Ecclesiæ subijciuntur; hæretici vero peccant leges Ecclesiasticas transgredientes, nisi ignorantia, vel impotentia eos excuset; quia per Baptismum Ecclesiæ subditi sunt.

*Hinc* 1. Non peccant Infideles, ac Judæi carnes in diebus prohibitis manducantes, vel ipsis apponentes, peccant vero hæretici, & carnes ipsis apponentes. Excusantur tamen carnes, vel secundam refectionem ipsis, vel etiam Catholicis, eam petentibus, apponentes. 1. Ob grave damnum; quia se, & suos aliter sustentare nequeunt. 2. Si eos ob aliquam necessitatem, vel justam causam v.g. itinerationem, infirmitatem, &c. dispensatos credant, nec in dubio eos interrogare tenentur; quia quilibet censetur bonus, donec probetur malus, contra hæreticos tamen, & Catholicos laxioris vitæ notos, stat præsumptio; quia sine iusta causa ordinarie carnes manducare solent. 3. Excusantur ancillæ hæreticorum, & uxores coquentes carnes, si aliter in pace vivere nequeant; quia leges humanæ cum tanto incommodo non obligant.

*QUÆR. 19. Ad quas leges Clerici teneantur.*

*Dico.* Clerici legibus Civilibus obligantur, præcipue gubernationem Reipublicæ, cujus membra sunt, concernentibus, salva tamen eorum immunitate, qua gaudent Clerici Majorum Ordinum, Beneficarii, Religiosi, ac Religiosæ, quæ diversis in regnis diversa est, & præsertim ex jure communi consistit 1. In immunitate a vectigalibus, & tributis. 2. In exemptione a iudice laico in causis spiritualibus. 3. In gubernatione suarum personarum. 4. Quoad causas contentiosas, ac criminales. 5.

Quoad bona titulo clericali possessa; urgente tamen necessitate Clericos æque, ac laicos concernente, tributa solvere, & si sint actores adversus laicum, coram iudice laico comparere tenentur. 6. Jure vero Gallico exempti sunt a tributis gallice (*la taille*) a coactione corporali (*contrainte par corps*) ac suppellectilium obsignatione (*saïsse des meubles.*)

Hinc Clerici tenentur 1. taxato pretio vendere, 2. contractuum formalitates servare: 3. ad publicas necessitates contribuere, quæ Clericos æque primario ac laicos concernunt, ut pro impedienda inundatione agrorum tam Clericorum, quam laicorum, pro repellendis prædonibus tam Clericis quam laicis nocentibus, pro reparatione pontium, ac viarum, & si eorum res antea onus invariabile, ac perpetuum contribuendi habuerint, ac tenentur reficere viam autem suas domos. 4. De bonis patrimonialibus tributa, ac vectigalia solvere, ubi ita usu est receptum; vel si negotiationem exercent; vel si facultates laicorum non sufficiant; in hoc tamen casu prærequiritur Papæ consensus. *Cap. adversus*, vel in necessitate, Episcopi, quo irrationabiliter negato, possunt tamen imponi. *Bill.* 5. Laicum ante tribunal domicilii citare. Nec gaudent Clerici Minorum Ordinum privilegiis Clericorum; quia consuetudine ipsis derogatum est; excepto privilegio fori, & Canonis. *Si quis suadente Cap. unico, de cler. conjug.* Modo non duxerint uxorem, nisi virginem, deserant tonsuram, & habitum clericalem, & jure novo Concilii Trid. ab Episcopo alicujus Ecclesiæ ministerio deputati sint. *Bill.* 6. In Gallia nonnisi per appellationem, vel in rebus suas functiones, vel jura suorum beneficiorum concernentibus, causam ad supremum Senatum possunt deferre, & ante quemlibet judicem laicum citati, comparere tenentur pro testimonio ferendo in re criminali, quin opus sit habere pareatis a iudice Ecclesiastico. *Edict. Reg. 1670. tit. 6. art. 3.* In re vero civili citati consulant Episcopum. Non tamen tenentur comparere ante judicem laicum in causis personalibus, & doctrinam Religionis, Sacramenta, vota Religionis, divinum Officium, disciplinam Ecclesiasticam, & alias res pure spirituales concernentibus. *Edict. Reg. 1695. art. 30. & 34.* nisi, ut petant remitti ad judicem Ecclesiasticum, & per appellationem (*comme d'abus*) \*circa quam iudex laicus decla-

clarat, vel nullum esse abusum, appellansem ad pœnam 75. librarum condemnat; vel esse abusum contra Canones, vel ordinationes Regias &c. & remittit causam ad Episcopum, ut per alium Officialem judicetur, vel ad superiorem Ecclesiasticum, si ab Episcopo, vel Archiepiscopo sententia fuerit lata, vel contra illos fuerit suspicio; *Edict. cit. art. 37.* Nec tenentur comparere ante iudicem laicum pro criminalibus communibus, sed pure Ecclesiasticis, ut simoniæ, hæresis, & in administratione Sacramentorum &c. commissis; bene autem pro criminalibus privilegiatis, quæ ordinem societatis civilis perturbant, ac pœnam temporalem, vel inflictivam merentur, circa quæ uterque simul Ecclesiasticus, & laicus, criminaliter procedunt. *Edict. 1678. art. 22. & 1684.* pro actionibus, vero mixtis, ut pro divisione hæreditatis, hypotheca honorum Ecclesiasticorum, redditibus annuis (*rente foncière*) comparere debent ante iudicem laicum; quia censentur actiones reales *Heric. fol. 126. 7.* Nullas autem recipere, legere, publicare, & exequi Bullas, vel alias expeditiones Curiae Romanæ, nisi sint munitæ litteris Regiis patentibus in acta Senatus supremi relatis, exceptis brevibus sacræ pœnitentiariæ, & provisionibus beneficiorum dictis (*fiat, ut petitur,*) quæ tamen in ista provincia non sunt in usu & exceptis aliis expeditionibus ordinariis, res particularium concernentibus, secundum usum regni. *Edict. 1703. & 1717.* Quoad provisiones vero beneficiorum appellatas, *dignum*, vel in forma gratiosa, non possunt eas exequi, nisi prævio examine, & obtento *visa* ab Episcopo, & quoad curata prævia insuper vitæ, morum, ac Religionis informatione. *Edict. 1695.*

QUÆR. 20. Quibus legibus teneantur peregrini & advena.

Dico. Peregrini, sive sint viatores, qui extra suum proprium domicilium itinerantur animo redeundi, sive advenæ, qui extra patriam suam domicilium fixerunt pro semper, vel ad tempus; qui etiam *forenses* dicuntur, non tenentur legibus particularibus patriæ, vel proprii domicilii. *Bonif. VIII.* quia lex affixa est loco, non personis, nisi absint in fraudem; quia fraus nemini patrocinator; vel nisi fictione Juris leges censeantur in proprio territorio transgredi, vel personis, aut earum rebus in proprio domicilio essent affixæ. Legibus vero locorum, ubi existunt, vel transeunt adstringuntur, sicut & perpetuo va-

gi domicilium nullibi habentes, juxta axioma in opinione S. Ambrosii, & S. Augustini fundatum; *cum fueris Roma, Romano vivito more; cum fueris alibi, vivito sicut ibi*, quia ad pacificam populi gubernationem, ac scandalum vitandum, hæc conformitas requiritur, modo ibi trahant normam legis observationi proportionatam.

*Hinc*. 1. Discedens in vigilia jejunii, vel Festi ex proprio in aliud territorium, in quo neutrum viget præceptum, non tenetur ibi jejunare, nec audire Missam, licet esse jejunium universalis Ecclesiæ, ibi consuetudine abrogatum. *P. Thom. ex Charm. Billuart*, quia licet lex jejunii, vel audiendi Missam sit Ecclesiæ universalis, ut sit uniformitas, potest uti privilegiis, sicut tenetur onerosis; secus, si existeret in partibus hæreticorum, quia isti tenentur legibus universalibus Ecclesiæ, vel in partibus infidelium, quia istæ leges universales sunt personales, afficientes primario personas ubique existentes, exceptis locis, ubi dispensantur. Discedens vero in ipsa die jejunii non potest mane, ante discessum sumere jentaculum, & in die Festi tenetur prius audire Missam, si sit incola; *Nav. Billuart*, quia incola ad plus tenetur, quam hospes; præcipue, si prævideat, tempore, quo ultima Missa est dicenda, in proprio territorio adhuc se extitutum; quia tunc lex obligat; Non vero viator, nisi horis matutinis ibi commoretur; *P. Thom. ex Charm*. Sic in eadem civitate ex Parochia S. Petri, ubi non est Festum, transiens summo mane in Parochiam S. Laurentii, ubi est Festum, ibique per totum mane persistens, videtur obligari ad auditionem Missæ, & in die jejunii adhuc magis, ob periculum scandali, ad abstinentioniam a carne, quamprimum ingreditur, & ad jejunium, si ibi maneat, licet in propria non sit jejunium. 2. Adveniens in alio loco statim tenetur præceptis negativis, v. g. in die jejunii abstinere a carne, & a secunda refectione, & in Festo a labore, non vero affirmativis v. g. audire Missam, nisi per aliquod tempus, v. g. matutinis horis ibi maneret; non tamen tenetur ibi manere pro auditione Missæ; *Thom ex Charm. Billuart*, quia præcepta affirmativa retardant iter, non vero negativa, quorum transgressio majorem etiam causat deformitatem, & sæpe scandalum. 3. Fraude, & expresse in die jejunii a proprio domicilio discedens, ut alibi, ubi non est jejunium, carnes manducet, eas man-

du-

ducendo peccat, vel ut alibi clandestine matrimonium contrahat, invalide illud contrahit, vel ut a reservatis propriæ diœcesis alibi absolvatur, sacrilege absolvitur; *Clem. X. Bulla superna*. Secus, si bona fide prædicta fiant, ut si ab amico invitatus ad prandium carnes manducet perinde iturus, si in proprio territorio non esset jejunium; vel si extra suam diœcesim commiserit peccatum in propria reservatum, ibi, ubi non est reservatum, potest absolvi a non habente a reservatis, licet in propria non possit absolvi a non habente a reservatis: vel si extra observatio legis non conducat ad finem a lege intentum, ut ad vitandam seditionem, ne armis incedat, potest expresse abesse, ne huic legi subiaceat, & alibi armis incedat; *Billuart*, 4. Absens a suo beneficio etiam extra diœcesim incurrit censuras. ac pœnas contra non residentes latus; quia fictione juris censetur statuta in proprio domicilio transgredi; suspensus in sua diœcesi, non potest celebrare in aliena; absens a proprio territorio tenetur tributa bonorum proprii domicilii solvere, & Religiosus ubique suam servare regulam; non vero statuta particularia provinciæ, vel monasterii, ubi transit, quia hæ sunt leges personas, vel earum res solum afficientes. 5. Occidens ex Ecclesia existentem in platea, non incurrit censuras sacrilegii, bene autem occidens ex platea, existentem in Ecclesia; quia ibi fit delictum, & occidens existentem in alia diœcesi, illius pœnas incurrit. Quomodo peregrini incurrant censuras, vide de censuris.

Q. 1. 21. *An leges humana obligent in conscientia?*

Disco. Lex humana tam Ecclesiastica, quam Civilis obligat in conscientia, & aliquando sub peccato etiam gravi videlicet in materia gravi graviter præcepta, quia *Rom. 13. Qui resistit potestati, Dei ordinationi resistit; qui autem resistunt, ipsi sibi damnationem acquirunt*: non vero in materia gravi leviter solum præcepta, vel in materia levi, quæ graviter præcipi nequit, quia esset injusta. Dignoscitur autem legislator graviter obligare. 1. Ex gravitate verborum, quibus utitur, v. g. virtute s. obedientiæ, vel præcipimus, mandamus, prohibemus, teneantur, si cadant in gravem materiam, quia etiam sæpe ista verba usurpantur in scriptura sacra, ubi non est obligatio gravis. 2. Ex gravitate pœnæ, v. g. excommunicationis, sub indignatione Dei, &c. depositionis, carceris perpetui, exilii, in-

famiæ, vitæ, bonorum &c. 3. Ex gravitate materiæ præceptæ, quæ ex prudentum judicio, vel consuetudine pro gravi habetur.

*QUÆR. 22. Quomodo lex fundata in præsumptione periculi, vel facti obliget?*

*Dico.* Lex fundata in præsumptione periculi obligat in conscientia, licet respectu unius, aut alterius nullum esset periculum; quia saltem semper est objective periculum; non vero fundata in præsumptione facti, quia non est mens Legislatoris obligandi, si factum non subsistat.

*Hinc.* Lex prohibens lectionem librorum hæreticorum ob periculum perversionis, vel matrimonia clandestina ob periculum fraudis, scelerum, aliorum incommodorum, obligat, etiam in casu, in quo nullum est periculum; contra vero lex compellens ad contrahendum matrimonium promissum, fundata in promissione legitime facta, non obligat, si reipsa promissio non sit legitime facta, v. g. ob impedimentum, quod manifestari, vel probari nequit.

*QUÆR. 23. An lex humana, obliget cum gravi damno, vel vite periculo?*

*Dico.* Lex humana ordinarie in conscientia non obligat cum gravi damno; aut periculo vitæ; quia esset moraliter impossibilis; nisi 1. Reipublicæ conservatio exigat, ut tempore belli, vel pestis. 2. Nisi ejus violatio cedat in contemptum fidei, seu legitimæ potestatis. 3. Nisi ejus violatio grave causet scandalum.

*Hinc.* Graviter peccat. 1. Miles irruentibus hostibus stationem suam metu etiam mortis relinquens. 2. Parochus tempore pestis suam parochiam deferens. 3. In contemptum fidei vestibus valde sordidis celebrans. 4. Tentatus, ut Eleazarus ( 2. Mach. 6. ) cum scandalo carnes manducans.

*QUÆR. 24. An teneatur ad partem, qui non potest præstare totum opus præceptum, & an aliquis, eodem actus, duobus præceptis satisfacere possit?*

*Dico.* Qui non potest totum, tenetur partem præstare operis præcepti, si sit de re divisibili, potestque eodem tempore duobus præceptis satisfieri per eundem, vel per duos actus se non impediētes, nisi aliter de Legislatoris mente constet.

*Hinc.* 1. Veniens sero ad Missam, tenetur audire quod



reflat; qui non potest abstinere a carne, tenetur abstinere a secunda refectione; qui non totum potest dicere Officium, tenetur ad partem. 2. Obligatus ad Breviarium ratione ordinum, & simul ratione unius, vel duplicis beneficii, satisfacit unica illius recitatione, etiam illud dicens in Missa in die obligationis, vel pœnitentiam in ea orans, 3. non vero satisfacit faciens examen, vel confessionem tempore Missæ in die obligationis; quia attentionem impedit; nec audiens Missam pro pœnitentia impositam in die obligationis, nisi sine exceptione pro singulis diebus esset imposita, vel duas in die obligationis audiret; quia talis videtur esse intentio Confessarii.

QUÆR. 25. *An impedimentum executionis præcepti ponens, vel illud non tollens, peccet?*

Dico. Urgenti præcepto, vel ejus executioni impedimentum propinquum ponens, aut illud non tollens, peccat propter illud non servando legem, nisi illud esset necessarium, vel æque, aut magis utile, quam legis observatio; quia, qui præcipit finem, etiam præcipit media.

Hinc: peccat 1. Clericus Breviarium in mare projiciens, & illud propterea non recitans. 2. Paulo ante Missam dormiens, cum prævisione Missæ omittendæ. 3. Quæstionem Philosophiæ cum attentione Missæ incompatibilem ruminans. 4. Venatione, ludo pilæ &c. ita se fatigans, ut jejunare nequeat. Non vero peccat, si labor esset necessarius, nec ægroto assistendo, Missam omittens; quia assistentia ægroto, est magis necessaria, magisque obligat.

QUÆR. 26. *Quanam lex magis obliget?*

Dico. Lex naturalis magis obligat, quam divina, & humana etiam in materia levi; quia transgressio legis naturalis est intrinsece malum; & lex divina magis obligat, quam humana; quia *Act. 5. 29. obedire oportet Deo, magis quam hominibus.* Et major est obligatio legis negativæ, quam affirmativæ, quia obligat semper, & pro semper, non vero affirmativæ.

Hinc: famulus non potest mentiri, ut possit audire Missam, nec laborare in Dominica, ut possit servare jejunium; & Fr. Minor potius debet recursum sumere ad pecunias pro sua necessitate, quam laborare, vel vesturas onustas procurare in Dominica. *Cap. gener. 1656.*

QUÆR. 27. *Quid, & quodplex sit lex scripta?*

RESP. 1. Lex scripta est duplex, Ecclesiastica, & Civilis:

villis; lex Ecclesiastica est Jus Canonicum a summo Pontifice, seu Concilio generali latum, totam obligans Ecclesiam, & quinque complectitur libros, videlicet 1. est Decretum Gratiani Ord. S. Bened. quod nondum est authenticè approbatum; valet tamen secundum auctoritates in eo allegatas, 2. Sunt Decretales Gregorii IX. a S. Raymundo in quinque libros divisæ. 3. Est Liber sextus Decretalium quinque prioribus a Bonifacio VIII. superadditus. 4. Est Clementina, quinque libros a Clemente V. compilatos, ejusque Constitutiones, ac Concilii Viennensis, cui præfuit, complectens, quæ a Joanne XXII. fuit promulgata. 5. Sunt Extravagantes, & Constitutiones Joannis XXII. prioribus sui Pontificatus annis emissæ, & aliæ communes suæ, ac aliorum summorum Pontificum Constitutiones, ac Bullæ extra Corpus Juris vagantes, & prioribus adjunctæ. Bullæ circa magna negotia expediuntur pendente Bulla plumbea; Brevia vero pro parvis negotiis cum sigillo cereo annulo Piscatoris, id est S. Petri, signata.

2. Lex Civilis est Jus Romanum, seu Cæsareum quinque partes continens, nimirum 1. sunt Institutiones. 2. Digestum, seu Pandectæ. 3. Codex Justiniani. 4. Novel læ, seu authenticæ. 5. Liber Feudorum.

3. Jus Gallicum in toto regno diversum est; aliquæ provinciæ enim utuntur jure Romano, aliæ consuetudinario; Edicta Regia utriusque derogant, & jus faciunt.

4. Libertas Ecclesiæ Gallicanæ est jus constanter sequendi receptos universales Ecclesiæ Canones, & antiquos regni usus; unde non consistit in potestate faciendi, quod libuerit, sed præcipue consistit in libertate retinendi antiquas leges, vel recipiendi novas, si eas regno convenientes, ac utiles agnoverit, prout plures Concilii Tridentini in Comitibus Blesensibus admisit.

*QUÆR. 23. Quid, & quotuplex sit lex non scripta?*

*RESP. 1. Lex non scripta est consuetudo, & definitur jus quoddam moribus institutum, quod pro lege suscipitur, dum deficit lex.*

2. Consuetudo est triplex, 1. secundum legem, 2. præter legem, & contra legem. Effectus ejus sunt 1. legem dubiam interpretari per ejus usum. 2. Novam introducere per actus frequentatos. 3. Veterem abrogare per usum contrarium.

*QUÆR.*

QUIÆR. 29. Quomodo consuetudo vim legis acquirit, & veterem abroget?

*Dico.* Consuetudo, ut vim legis acquirat, vel veterem abroget, quinque habere debet condiciones. 1. Ut sit iusta, saltem objective, aliasque legis condiciones habeat. 2. Ut legislator expresse, vel tacite, non reclamando, consentiat. 3. Ut prescriptionem decem annorum pro lege civili, & quadraginta pro lege Ecclesiastica habeat. 4. Ut fiat animo introducendi consuetudinem per actus frequentatos, quorum tres, vel quatuor sufficiunt, si raro v. g. singulis duobus, vel tribus annis eos exercendi, occasio occurrat, & major, ac sanior pars eam approbet: solus autem non usus, nisi saltem implicite legi sit contrarius, non sufficit; nec consuetudo particularis loci, vel provincie abrogatur per legem contrariam universalem regni, nisi specialis fiat ejus mentio; bene autem consuetudo universalis, quia censetur nota Principi non vero particularis.

*Hinc* 1. Consuetudo dicendi salutationem angelicam ad sonum campanæ, vel sumendi aquam benedictam, non habet vim legis, nec consuetudines: ac constitutiones regularium; quia non sunt animo obligandi; tenentur tamen ex consuetudine ad horas Canonicas, exceptis quibusdam Monialibus Tertiariis reformatis ex speciali Papæ declaratione. 2. Licet legem, consuetudine abrogantes, aliquando peccent, non peccant tamen eorum successores, illam non amplius observantes.

QTTÆR. 30. Quid & quonplex sit lex pœnalis?

RESP. 1. Lex pœnalis est ea, quæ pœnam transgressoribus constituit. Alia est pure pœnalis, quæ præcipit tantum disjunctive, ut aliquid fiat, vel certa pœna subeatur. Alia mixta, quæ præcipit aliquid faciendum, vel omittendum, simulque pœnam transgressoribus imponit.

QUIÆR. 31. An detur lex pure pœnalis, & quando lex tantum ad pœnam obliget?

*Dico.* Possunt dari leges pure pœnales ad solam pœnam obligantes; quia talis esse potest legislatoris voluntas obligandi disjunctive ad legem, vel ad pœnam: & mixtæ obligantes in conscientia sub peccato simul, & pœna; quia possunt esse præceptivæ, & pœnam simul injungere transgressoribus, quæ non tollit obligationem in conscientia: legem autem obligare tantum ad pœnam tribus modis co-

gnoskitur 1. ex communi sapientum interpretatione, 2. ex Legislatoris declaratione, 3. ex ipsa legis forma, v. g. qui hoc fecerit, hanc solvet pœnam, hoc faciat, vel hæc solvatur pœna.

QUÆR. 32. An tributa sint lex mere pœnalis, & a Principibus juste exigi possint, & a subditis solvi debeant?

RESP. Prænot. 1. Tributum generaliter sumptum significat omne, quod Principi, vel Reipublicæ a privatis solvi solet: proprie autem sumptum est pensio super capita, vel super facultates subditorum imposita, & Principi, vel Reipublicæ solvenda, ut statum suum tueri, & communibus necessitatibus, ac utilitatibus prospicere possint: si singulis capitibus imponatur, dicitur in jure capitatio, (*capitation*, ou *taille personnelle*) si super facultates, dicitur, (*taille réelle*) & est duplex, ordinarium, quod quotannis solvitur, & extraordinarium, quod propter supervenientem causam extraordinarie imponitur. 2. vestigal (*impôt*) est id, quod pro rebus, vel mercibus in urbem, vel provinciam invchendis, vel ex illis evehendis solvitur, & dicitur in jure portorium. 3. Pedagogium, seu guidagium (*pèage*) est, quod solvitur a transeuntibus equo, curru, navi &c. ponitur, pro viarum conservatione, custodia, ac securitate. His notatis.

Dico. Tributum, vestigal, & pedagogium juste exiguntur, si imponantur 1. auctoritate legitima. 1. Justa ex causa. 3. Debita cum proportionem; quia ita ratio dicat, ut Principes suo regimine Deo, & bono publico ministrantes, a populo tributis sustententur, & Apost. Paul. ad Rom. 13. dicit: *Reddite ergo omnibus debita, cui tributum, tributum, cui vestigal, vestigal.* Illaque defraudantes ex genere suo, graviter peccant contra justitiam non solum legalem, sed etiam commutativam, proindeque obligantur ad restitutionem, Sylvest. Cajet. Sot. Less. Cabass. & alii communiter apud Bill. quia non solum lege mere pœnali, sed & jure stricto videntur Principi debita, ex implicata populi promissione, tanquam stipendia regii ministerii, sub hac conditione suscepti, & subsidia rectæ illius administrationis.

Hinc 1. Tributa exigere possunt 1. Reges, & Respublica pro sua sustentatione, & regni conservatione, etiam extraordinaria ex justa vindicta in subditos rebelles, vel in hostes victos pro justa punitione, & damnorum reparatio-

ratione, vel pro hoste arcendo, vel impugnando pro re-  
gni tranquillitate, ac prosperitate: modo sint propor-  
tionata necessitati, & ea cessante, cessent. In dubio autem,  
an tributum iuste exigatur, videtur præsumptio stare pro  
Principe; quia non semper omnes potest manifestare ra-  
tiones. 2. Ubi est usu receptum, Magistratus, quasdam  
impositiones populo facere possunt, quas collectas vo-  
cant, pro necessitate, ac utilitate publica, ut reparatio-  
ne fontium, murorum civitatis, pontium, viarum &c.  
& Episcopi suo Clero de consensu sui Capituli pro re-  
paratione Ecclesiarum, erectione Seminariorum &c. *Bill.*  
quia sunt Principes in sua diocesi, ut Papa in tota Ec-  
clesia; *ibid.* in Gallia tamen inferiores Rege, illius con-  
sensum pro novis imponendis, obtinere prius debent.

*Hinc.* 2. Graviter peccant notabiliter defraudantes tri-  
buta, vectigalia, pedagia, debentque ea etiam non peti-  
ta, solvi; nisi alia sit consuetudo, non solvendi, nisi pe-  
tantur, & seclusa fraude, quæ declinandi studio a via  
publica, vel merces occultanti non patrocinator: *Bill.* &  
tenentur ad restitutionem: *auth. supra cit.* quia sunt jure  
stricto debita; & licet aliquando a restitutione excusa-  
rentur, ut aliqui volunt apud *P. Gerv.* quia exactores  
deprehensores pro aliis solvere faciunt; non tamen viden-  
tur excusari a restitutione Principi facienda, si propterea  
viliori pretio illa vendere cogatur. *Thom. ex Charm.* nec  
sunt absolvendi, nisi imposterum illa solvere sincere ve-  
lint; quia ea non solvendo vere peccant,

*Hinc.* 3. Non tenentur ad restitutionem. 1. Emen-  
tes merces ab iis, quos vectigalia defraudasse, sciunt. *Bill.*  
quia vectigalia sunt onus personale obligans merces tran-  
svehentem, & si esset reale, obligaret tantum tempore,  
quo transeunt merces, non vero postea ementem, nisi e-  
mendo moveat alium ad iterum defraudandum. *Bill.* quia  
tunc emptor peccat, & tenetur ad restitutionem, ut coo-  
perator damni *ibid.* 2. Non tenentur ad restitutionem ve-  
hentes merces sine impositione vectigalis, simpliciter e-  
provincia evehi, vel advehi prohibitas, vulgo (*contrebandes*) *Billuart.* quia non sunt tributales, sed simpliciter,  
& omnino prohibita, neque ad multam aut sententiam:  
*ibi.* quia est poena. Peccant tamen graviter, si gravi se  
exponant damno, v. g. exilii, diuturnæ incarcerationis  
&c. quia agunt contra charitatem sibi, & suis debitam.

vel si se armis offensivis contra custodes defendere intendant; quia esset injustitia, An etiam peccent contra legem Principis? Dijudicandum ex lege, an mixta, vel mere pœnalis sit; ordinarie eam pro pure pœnali habent, etiam viri probi, certas pecuniæ species prohibitas, telas Indicas, tabacum &c. sine scrupulo in regnum secum ferentes, vel ab aliis contra prohibitionem introductas ementes. *Bill.* forte idem dici posset de quibusdam vestigialibus certis mercibus impositis, non pro Regibus, ac Regni sustentatione, sed solius œconomiae causa, ne alienæ merces in provinciam invehantur, vel avehantur, modo non grave inde fiat damnum Reipublicæ, & licet in Gallia tabacum extraneum defacto invehere liceat, solvendo 30. Asses gallicas pro libra, hæc tamen impositio non præcipitur subditis solvenda, sed a conductoribus generalibus percipienda, & pœna a defraudantibus subeunda. *Vid. Decl. Reg. 1749.*

*QUÆR.* 33. *Quotuplicis generis sint pœna, & quotuplex sententia?*

*RESP.* 1. Pœnæ aliæ sunt latæ sententiæ, quæ ipso facto incurruntur, aliæ ferendæ sententiæ, quæ tantum post Judicis sententiam obligant, & sunt triplicis generis. 1. Sunt mere passivæ, quæ peragi possunt sine actione rei, ut sunt censuræ, irregularitas, privationes &c. 2. Sunt activæ, quæ non possunt peragi sine actione rei, vel levi, & non valde difficili, ut pœnæ constitutionum Religiosorum, vel valde difficili, uti sunt exilium, mutilatio, solutio certæ summæ pecuniæ &c. Privatio Beneficii justè possessi, vel incepti possideri. 3. Sunt vel irritantes actum a lege prohibitum, ut Matrimonii clandestini; vel inhabilitantes, v. g. ad recipiendos fructus Beneficii; vel conditionales v. g. ut fiat infra annum Sacerdos, ad percipiendos fructus.

2. Sententia alia est condemnatoria, qua reus ad pœnam condemnatur; alia declaratoria; qua Judex declarat reum, pœnam ipso facto incurrisse, & obligat a die commissi criminis.

*QUÆR.* 34. *An leges pœnales obligent ante Judicis sententiam?*

*Dico.* Pœnæ lata sententiæ, quæ sine actione rei executioni mandari possunt, ut censuræ, vel actum irritantes, vel inhabilitantes, aut conditionales debent peragi in conscientia ante Judicis sententiam, secluso vitæ,  
vel

vel famæ periculo; non vero pœnæ, quas reus sine propria actione valde difficili exequi nequit. Post Judicis sententiam vero, pœnæ omnes, nisi essent crudeles, in conscientia peragi debent; & quidem latæ sententiæ retrahuntur ad diem commissi criminis. Aliquando tamen ignorantia legis invincibilis eximit a pœna; quia excusat a peccato, quando nimirum ob culpam Theologicam est lata; non vero ignorantia pœnæ, quia non est de ratione pœnæ, ut sit cognita, & volita.

*Hinc* 1. Privatus utraque voce potest ad electionem concurrere, si sine gravi infamia ei renunciare nequeat. 2. Parochus tenetur ante Judicis sententiam Beneficium acquisitum per occultam simoniam confidentiæ restituere; quia est pœna inhabilitans; potest tamen Parochiam jure possessam retinere, fructus percipere, & alienare, pœnitentes absolvere, &c. quia privatio juris acquisiti est valde difficilis. Subsequente vero sententia declaratoria, Parochiam tenetur relinquere, fructus inde perceptos a dio criminis restituere, alienationes inde factæ debent rescindi, & hæreditas, si inde facta esset, restitui. Idem dicendum de bonis ipso facto confiscatis, quæ ante judicis sententiam possunt alienari sine tertiî tamen præjudicio; postea vero a Judice cum fructibus possunt repeti, si esset pœna ferendæ sententiæ, quæ non a die criminis, sed pronuntiationis vim habet. 3. Invincibiliter ignorans esse jejunium, non jejunando, non incurrit pœnas non jejunantibus impositas; quia ubi non est culpa, non est pœna, nisi sit non ob culpam, sed ob bonum commune imposita, ut privatio juris petendi debitum, vel impedimenta dirimentia, quæ etiam invincibiliter ignorantes incurrunt. 4. Sciens obligationem jejunii, sed invincibiliter ignorans esse gravem, non incurrit pœnam saltem gravem; quia ob culpam levem gravis pœna non est justa. 5. Pœnæ contra scienter, temerarie, audacter, præsumptuose delinquentes latæ, non incurruntur ab ignorantibus etiam vincibiliter legem prohibentem; quia non censentur præsumere, vel temerarie, vel audacter agere; modo ignorantia non sit affectata; quia æquivalet scientiæ, & cum ea agens æqualiter, vel gravius peccat; fur tamen sciens, furtum esse contra legem naturalem, & divinam, ignorans autem invincibiliter esse contra humanam, non eximitur a pœnis legis humanæ; quia Legislator non solum legis

suæ transgressionem, sed & naturalis, & divinæ punire intendit; & homicida ignorans invincibiliter pœnas inferni, & capitis, utramque tamen incurrit; quia non est de ratione pœnæ, ut sit cognita, & volita, & invito imponitur, nisi sint censuræ Ecclesiasticæ, quas ignorantes invincibiliter etiam scienter contra legem peccantes, non incurrunt. Ita communis; *Cap. ut animarum 2. de Constit. in 6.* quia non propter culpam simpliciter secundum se imponuntur, sed ob pœnæ contemptum, ac contumaciæ contra Ecclesiam sub censura præcipientem, vel prohibentem: imo nec eas incurrunt vincibiliter ignorantes, modo ignorantia non sit mortaliter grassa, vel supina; *Sylvest. Nav. & alii*, quia ob eandem rationem non censentur contumaces contra Ecclesiam censuras comminantem.

*QUÆR. 35. Quid sit lex favorabilis, seu privilegium?*

*RESP. 1.* Lex favorabilis, seu privilegium definitur ab Innoc. III. lex privata aliquid speciale indulgens, & dividitur in reale, quod alicui rei annectitur v. g. loco, dignitati, vel muneri, & transit ad successores; & in personale, quod personæ ratione sui conceditur, cum qua expirat. Censetur autem reale, quando solum locus, dignitas &c. exprimitur, in dubio est personale, si sit odiosum, reale, si sit favorabile.

2. Privilegium favorabile est illud, quod affert privilegiato commodum, nullique incommodum, ut privilegium vescendi carnibus in die jejunii, vel audiendi Missam tempore interdicti. Odiosum est illud, quod uni affert commodum, & alteri præjudicium, ut exemptio a tributis; jurisdictione &c. Privilegia ex motu proprio semper sunt favorabilia, ex juris declaratione, licet alteri sint odiosa, ac proinde amplæ interpretationis.

*QUÆR. 36. Quomodo privilegio uti liceat?*

*Dico.* Privilegio uti per se nemo tenetur, nisi per accidens, ratione præcepti implendi, vel ob præjudicium communitati præcavendum; nec extra territorium concedentis eo uti licet, si locale sit, bene autem, si sit personale, & legibus particularibus territorii non repugnet, quibus peregrini se conformare tenentur.

*Hinc 1.* Privilegiatus tempore interdicti tenetur in die Festi dicere Missam, ut præcepto satisfaciatur. 2. Clericus tenetur se conformare Juri Canonico non comparando in causis pure spiritualibus ante Judicem laicum, ne statu cle-

rica-



ricali præjudicium afferat. 3. Dispensatus pro vescendis carnibus ob penuriam piscium, extra territorium dispensantis non potest dispensatione uti; quia est localis, bene autem, si ob infirmitatem ei esset concessa, nisi in eoterritorio aliud esset jejunium particulare. 4. Habens privilegium legendi libros prohibitos, potest extra territorium concedentis eos legere, non tamen prohibitos lege particulari loci, in quo existit.

QUÆR. 37. *Quomodo privilegium amittitur?*

Dico. Privilegium amittitur, 1. Elapsu temporis pro eo determinati. 2. Renunciatione expressa, vel tacita per usum contrarium, vel non usum per tempus ad præscriptionem sufficiens, si alios gravet; si non gravet, non præscribitur. 3. Per abusum accedente sententia declaratoria, nisi esset concessum cum conditione illud amittendi ipso facto per abusum; quia tunc sine sententia amittitur. 4. Per revocationem expressam privilegiato significatam, vel tacitam per collationem privilegii contrarii. 5. Cessante causa finali.

Hinc: habens privilegium manducandi carnes in quadragesima, jejunans illud non amittit; scienter vero, ac voluntarie per certum tempus solvens decimas, privilegium exemptionis amittit; quia alios gravat, non vero primum.

QUÆR. 38. *Quid sit lex irritans?*

RESP. Lex irritans est ea, quæ actum aliquem, cui certæ desunt conditiones, nullum, & irritum facit. Alia est pœnalis, qua actus irritatur in pœnam peccati, talis est perceptionis fructuum ab omittente horas canonicas. Alia est legalis, quæ fit propter bonum commune, talis est irritatio matrimonii cum affine, testamenti sine solemnitate &c.

QUÆR. 39. *Quomodo ignorantia impediat legem irritantem.*

Dico. Ignorantia invincibilis impedit irritationem pœnalem, non vero legalem, quæ omnes afficit; quia prima supponit culpam Theologicam, a qua ignorantia excusat, videlicet invincibilis, non vero secunda.

Hinc 1. Omittens horas Canonicas ex mera oblivione naturali, vel morbo, facit fructus suos; quia lex irritans perceptionem fructuum, est pœnalis. 2. Ex ignorantia invincibili contrahens matrimonium cum affine in gradu prohibito, invalide contrahit; quia lex irritans matrimonium cum affine est legalis omnes obligans.

## QUÆSTIO II.

## DE CESSATIONE LEGIS.

QUÆRITUR. 1. Quot modis lex cessare possit ?

*Dico.* **L**EX cessat ab intrinseco. 1. Cum ob mutationem materiæ, vel circumstantiarum fit inutilis, vel moraliter impossibilis. 2. cessante fine, vel causa adæquata legis respectu totius communitatis. Ab extrinseco vero 1. Consuetudine contraria. 2. Interpretatione. 3. Dispensatione. 4. Abrogatione. 5. Irritatione.

*Hinc* 1. Cessante periculo perversionis respectu unius, aut alterius non cessat lex prohibens lectionem librorum hæreticorum, & illos sine periculo perversionis legentes, peccant, censurasque, ubi sunt in vigore, incurrunt; quia licet esset finis legis respectu unius, vel alterius, non tamen cessat respectu communitatis. 2. Lex jejunii pro pace simul, & pro sanitate Principis lata, sanato Principe, obligat adhuc pro pace obtinenda; cessat vero, cessante totaliter utraque causa legis.

QUÆR. 2. Quomodo cesset Lex consuetudine, & interpretatione ?

RESP. Prænot. Quomodo lex cesset consuetudine, dictum est supra de lege non scripta. Interpretatio vero est duplex, nimirum simplex, & Epicheia. Interpretatio simplex, est terminorum legis simplex expositio: alia est authentica, quæ fit ab ipso Legislatore; alia usualis, quæ fit consuetudine; alia doctrinalis, quæ fit per viros doctos, pro qua variæ traduntur Regulæ servandæ. Epicheia benigna, ac rationabilis declaratio, casum aliquem particularem ob circumstantias a Legislatore non comprehendendi in lege, quamvis verbis legis exprimitur. His notatis.

*Dico.* Interpretatio simplex in omni lege fieri potest, non vero Epicheia; quia respectu Dei nullus casus est improvisus, sed solum in lege humana, videlicet: 1. Quando lex sit peccaminosa. 2. In damnum Reipublicæ. 3. Legi superiori contraria. In dubio vero stat possessio pro lege.

*Hinc* 1. Non licet furioso proprium gladium restituere quia

quia illius restitutio fieret ob periculum peccaminosa, licet vero arma lege prohibita assumere, protuenda civitate contra hostes; quia legis observatio esset in damnum Reipublicæ. 2. Potest in die Festo Missa omitti a serviente ægroto illius ope indigenti; quia lex Missæ audiendæ alteri legi superiori, nempe charitatis in his circumstantiis est contraria.

QUTÆR. 3. *Quomodo lax cesset dispensatione?*

RESP. Prænot. Dispensatio est relaxatio legis legitima auctoritate ad tempus facta in aliquo casu, in quo alioquin obligaret. Causæ dispensandi aliæ sunt intrinsecæ, nimirum, 1. Pietas, 2. Necessitas, 3. Utilitas. Aliæ sunt extrinsecæ, videlicet: 1. Pax inter Principes conservanda. 2. Defensio Ecclesiæ a Principibus Ecclesiæ favoribus donatis. 3. Pecuniæ solutio pro sumptibus publicis Ecclesiæ. His notatis.

*Dico.* Supremus Legislator in ferenda lege independens, ac ejus successor in suis, & inferioris Legislatoris legibus secum, & cum aliis valide, etiam sine causa dispensare potest; quia ea potestate, qua lex fit, potest tolli, sed non licite sine causa; quia esset in destructionem, & scandalum, ac personarum acceptatio: inferior autem Legislator in lege superioris, vel in propria a superiore in favorem subditorum confirmata, nec valide, nec licite dispensare potest; quia non habet jurisdictionem in legem superioris, nisi ex superioris consensu expresso, vel tacito, quem habere potest. 1. Ex consuetudine, ob urgentem necessitatem, & periculum in mora. 2. Ob difficilem ad superiorem recursum. 3. In rebus parvi momenti frequenter occurrentibus, vel dubiis.

*Hinc* 1. Papa dispensare potest valide, etiam sine causa, in suis, & Prædecessorum, ac Conciliorum generalium legibus; imo etiam ab Apostolis, ut Rectoribus Ecclesiæ latis; quia Papa est omnium caput, & pro dispensatione congregare Concilium generale; nimis esset difficile, & ita docet Praxis SS. Pontificum dispensantium, etiam in legibus a Conciliis generalibus factis, ut clandestinitatis, & aliorum impedimentorum dirimentium; non vero licite sine causa, nec valide in juramento, vel votis; quia sunt Juris divini, sed solum declarare potest, ea ob mutationem materiæ, vel circumstantias mutatas non obligare. 2. Episcopus dispensare potest in suis, & suorum Præde-

cessorum legibus, etiam synodalibus voto synodi solum consultivo latis, non vero a Concilio nationali latis, nec superiores in legibus a Capitulo voto definitivo latis, sine expresse, vel tacito Contilii, vel Capituli consensu. Episcopus etiam dispensare potest in quibusdam legibus Pontificiis juxta consuetudinem suæ sedis, urgente necessitate, vel periculo in mora, ob difficilem recursum ad Papam, in casibus dubiis, & parvi momenti sæpe occurrentibus, sic etiam Parochi ex consuetudine in lege jejunii, & Festorum dispensare solent etiam præsentem Episcopum.

3. Peccant petentes dispensationem impimenti dirimentis sine ulla causa, non vero occulte utentes dispensatione illius a Papa sine causa concessa; quia fit sine scandalo; peccant vero petentes, & utentes dispensatione jejunii sine causa concessa, saltem contra legem naturalem distantem conformitatem partis cum toto, & scandalum prohibentem. Dispensatus tamen sincere causas dispensationis exponens, regulariter potest acquiescere judicio dispensantis; quia ipsius est sufficientiam causæ discutere.

*QUÆR. 4. Quomodo cesset dispensatio, cessante causa finali?*

*Dico.* Cessante causa finali dispensationis tempore, quo literæ dispensatoriæ expediuntur, vel etiam post earum expeditionem, sed ante earum executionem a Mandatario factam, cessat dispensatio; quia nonnisi ex motivo causæ finalis allegatæ illam dare potest. Cessante vero causa finali post earum executionem a Mandatario factam, non cessat dispensatio, licet suum effectum nondum esset sortita, in iis videlicet, qui non habent tractum successivum, ut impedimenta matrimonii, irregularitates &c. quia impedimentum per dispensati nem est absolute ablatum. Cessat vero si habeat tractum successivum, ut jejunium quadragesimale; quia ejus dispensatio est virtualiter multiplex non absolute tollens obligationem legis, sed successive, prout necessitas exigit.

*Hinc* 1. Cessat dispensatio impimenti matrimonii concessa ad legitimandam prolem extra matrimonium conceptam, si proles ante ejus executionem moriatur; non vero cessat, si moriatur post dispensationem a Mandatario, v. g. Parocho, petentibus datam, licet matrimonium actum nondum sit contractum. 2. Nec cessat dispensatio irregularitatis ob pauperatatem matris concessa, si susceptis Ordinibus ad meliorem redeat statum, & potest altiores Ordines

dines recipere. 3. Cessat vero dispensatio Quadragesimæ ob infirmitatem concessa, recuperata integra sanitate, licet jam per mediam Quadragesimam executioni fuisset mandata.

*QUÆR. 5. Quomodo cesset dispensatio per obitum concedentis?*

*Dico.* Dispensatio, sicut & alia rescripta, quibus gratia actu, vel Jus certum ad illam conceditur, non expirat per obitum concedentis, quamvis rescripta justitiæ, & gratiæ odiosæ, re adhuc integra, concedentis morte finiantur. *Cap. 36. de Prab. in 6.*

*Hinc* 1. Facultates illimitatè concessæ extra jurisdictionem contentiosam, uti sunt litteræ dimissoriæ, facultas audiendi confessiones, absolvendi a censuris, & reservatis, eligendi Confessarium, commutandi, & dispensandi vota, juramenta, impedimenta matrimonii, licentia non residenti studiorum causa, celebrandi in domo privata, vel loco non benedicto &c. non expirant morte concedentis. *Vid. in 2. Part. de Jurisdic. 2.* Facultas vero nominandi certam personam ad Beneficiū, re adhuc integra, finitur obitu concedentis; quia est gratia odiosa, & simul in alterius nominandi, ac successoris præjudiciū.

*QUÆR. 6. Quando dispensatio sit invalida?*

*Dico.* Dispensatio subreptitia, quæ obtinetur per subterfugium veri, vel obreptitia, quæ obtinetur per narrationem falsi, est invalida, si cognita veritate, superior non dispensasset; quia non intendit dispensare: valet tamen, si difficilius tantum dispensasset, modo reticentia veri, & narratio falsi ex ignorantia, & non malitiose sit facta; quia talis ab Innoc. III. declaratur nulla. Potest dispensatio obtineri etiam pro ignorante, vel invito, etiam a S. Pœnitentiaria saltem a Confessario, vel Consanguineo in quarto gradu. Modum ad eam recurrendi, vide in fine 2. Partis.

*QUÆR. 7. Quomodo cesset Lex, irritatione, abrogatione, & derogatione?*

*RESP. Pran. 1.* Irritatio est legis nondum perfecte obligantis abolitio, facta ab eo, cujus est illam habere ratam.

2. Abrogatio est totius legis perfecte obligantis abolitio. Derogatio vero, est legis adhuc vigentis secundum aliquam sui partem immutatio. His notatis.

*Dico.* Irritatio, abrogatio, & derogatio legis fieri possunt a Legislatore, & ipsius Superiore, etiam legis a suo  
Præ-

prædecessore latæ, etiam absque iusta causa saltem valide, non vero licite: quia esset in destructionem; ab inferiore vero nec valide, nec licite, Clem. V. quia non habet jurisdictionem in legem superioris. Potestque fieri. 1. Per revocationem. 2. Per contrariæ consuetudinis præscriptionem. 3. Per legem contrariam; ita tamen, ut per universalem lex particularis loci non abrogetur, nisi specialis de illa fiat mentio.

*Hinc:* licet supremus Legislator peccet, sine iusta causa legem abrogando, non tamen peccant subditi, abrogatam non servando; quia omnino cessavit lex.

### Q U Æ S T I O   I I I .

#### DE PRÆCEPTIS ECCLESIAE.

**QUÆRITUR.** 1. *Quomodo obliget Præceptum audiendi Missam in diebus Dominicis, & Festivis?*

**D**ico. Grave extat præceptum Ecclesiæ, devote in diebus Dominicis, ac Festivis integram audiendi Missam ab eodem Sacerdote, cui, ut satisfacti requiritur 1. Ex parte corporis, modesta conformatio in vultu, & habitu; *Conc. Trid. Sess. 21.* saltem de convenientia. 2. Ex parte animæ, moralis præsentia, ita, ut celebrantem immediate, vel mediantibus aliorum gestibus percipiat. 3. Intentio, saltem virtualis, audiendi Missam, & interpretativa satisfaciendi præcepto. 4. Pia in Deum, ac divina mysteria attentio, & affectio; & legitime impediti ab auditione Missæ, diem saltem Dominicam sanctificare tenentur alio bono opere, ut eliciendo actus fidei, spei, charitatis, oratione &c. quod etiam in Festis suadendum est.

*Hinc:* graviter peccat 1. Omittens notabilem Missæ partem v. g. ab initio usque post Offertorium, vel a Communionem usque ad finem. 2. Audiens unam partem ab uno, & alteram ab alio Sacerdote. 3. Per notabilem Missæ partem confabulantes, dormientes, examen conscientiarum, vel confessionem facientes, vel alio opere se voluntarie distrahentes, & aliam Missam non audientes. 4. In Dominica a Missa legitime impediti, nullo alio bono opere eam

re eam supplentes, & Dominicam sanctificantes. Excusantur tamen per breve tempus absentes, præparando, vel quærendo ad Missam necessaria, & præcepto adhuc satisfaciunt ad Evangelium venientes, vel post Communionem recedentes,

*QUÆR. 2. An gravis sit obligatio audiendi Missam in propria Parochia in diebus Dominicis, & Festivis?*

*Dico.* Missam in diebus Dominicis, ac Festivis in Ecclesiis Regularium audientes satisfaciunt præcepto. Ita *Leo X. S. Pius V. Clem VIII.* Pium tamen, maximeque decens est, ut quisque in diebus Dominicis, majoribusque Festis, si commode fieri possit. Missæ Parochiali intersit, eamque sæpe sine justa causa negligens, graviter peccat, 1. Si fiat cum contemptu. 2. Cum periculo non addiscendi necessaria, vel non servandi jejunia, & Festa. 3. Si alicubi grave extaret præceptum, prout in Gallia in quibusdam locis sub pœna excommunicationis, contra in tribus Dominicis continuis sine honesta causa absentes, statutum est.

*QUÆR. 3. Quanam sint causa excusantes ab auditione Missæ in diebus Dominicis, & Festivis?*

*Dico.* Causæ excusantes ab auditione Missæ sunt impotentia physicā, qua quis absolute ab auditione Missæ est impeditus, & impotentia moralis, quæ est eorum, qui Missam audire nequeunt, sine gravi incommodo sui, vel proximi, vitæ, corporis, animæ, famæ, bonorum, lucri &c. *Hinc:* excusantur ab auditione Missæ. 1. Impotentia physica: incarcerati, ægroti, nimium distantes. 2. Impotentia morali: convalescentes, longe distantes, v. g. trium, vel quatuor horarum, vel etiam minus distantes, ob pluvias, nives, difficultatem viæ, vel ob infirmitatem, vel ætatem. 3. Interdicti, & excommunicati non tolerati. 4. Ægrotis inservientes, matres nutriendes infantes, ac domum custodientes, custodes gregum, viatores, mercatores, cursores, nautæ, muliones, famuli &c. si sine gravi damno, & magnis impensis Missam accedere, vel expectare nequeant. 5. Non decenter vestiti, ex fornicatione occulta gravidæ, vel ex consuetudine egredi non audentes, ut tempore partus, nec sibi in loco privato Missam procurare tenentur. 6. Non tamen excusantur famulæ tardius surgentes, quæ non satis maturè pro victu, & vestitu necessaria præparantes, propterea impeditæ, Missam non audiunt.

QUIÆR. 4. *Quomodo dies Festi sanctificandi sint?*

RESP. Prænot. 1. Præceptum sanctificandi dies Festos est duplex: affirmativum nimirum, quatenus cultum Dei præcipit, & negativum, quatenus opera servilia prohibet.

2. Opera bona, quibus dies Festi sanctificari possunt, sunt præter Missam; Concio, Catechismus, Vesperæ, Oratio, Lectio spiritualis, docere ignorantes, visitare ægros, & alia opera misericordiæ spiritualia, & corporalia.

3. Opera liberalia sunt, quæ ad animum colendum spectant, hominemque liberum decent, & sunt 1. docere, studere, legere, scribere, dare consilium, concionari. 2. Canere, instrumenta Musica pulsare, ludere, Choreas ducere; licet alia ratione possint esse prohibita. 3. Venari, piscari parvo labore v.g. arundine, vel leporem, uno, aut alio cane insequi, aucupare retibus exiguis. 4. Pingere res valde parvas, lineare domus, picturæ, vel operis textorii adumbrationem ducere. 5. Præparare victui necessaria, purgare cubile &c.

4. Opera per se servilia sunt, quæ a servis, & infima plebe, vel artificibus fieri solent, ut 1. arare, seminare, fructus, ligna, scænum colligere, vecturas laboriosas, navigia, currus, jumenta onusta ducere. 2. Nere, imprimere, characteres ordinare, sculperre, pingere, nisi essent res valde parvæ, parietes colorare, colores terere. 3. Piscari, venari magno labore, quamvis fieret recreationis causa.

5. Opera servilia ex constitutione Juris sunt. 1. Opera forensia, uti in Judicio Civili, citare testes, exigere juramentum, & in criminali saltem ferre sententiam; quia quamvis liceat in judicio criminali in die Festivocitare, & audire testes, exigere juramentum; prohibitum tamen est ferre sententiam. 2. Mercatus, nundinæ, emere, vendere res non necessarias, locare, conducere cum instrumento publico.

6. Materix gravitas desumitur, 1. Ex notabili fatigatione, & diuturnitate laboris, sic v. g. in opere laborioso, quod minus est hora, & in opere minus servili, vel laborioso, quod minus est duabus horis, materia levis est; quod magis est, materia gravis est. 2. Ex unione materix, sic respectu Heri imperantis tribus famulis opus laborio-



horiosum per mediam horam durans, coalescit, vel æquivaleret labori duranti per horam, & mediam, & facit materiam gravem respectu Heri, præcipue si dolo fiat, licet respectu servorum sit levis. 3. In forensibus, desumitur ex gravitate negotii. His notatis.

*Dico.* Licet omnes Christi Fideles in diebus Dominicis, ac Festivis non solum Missæ solemnæ, Concioni, Catechismo, ac Vesperis interesse, sed in laude Dei, & bonorum operum exercitio ad Vesperam usque perseverare Ecclesia, ac SS. Patres desiderent; solius tamen Missæ auditio per se, & sub peccato mortali præcepta est; quia per eam tanquam opus præstantissimum dies Festivi perfectius sanctificantur. Vesperis tamen interesse, vel alio pio opere eas supplere negligens, venialiter peccat; ita sentit S. Antoninus, ac Fideles communiter.

*QUÆR. 5. Quanam opera prohibeantur in diebus Dominicis, & Festivis?*

*Dico.* Diebus Dominicis, ac Festivis opera servilia gravi prohibentur præcepto, quorum omissione integra dies sanctificari debet; quia, quoad hanc partem, est præceptum negativum, non autem eodem modo tota dies per bona opera sanctificanda præcipitur; quia, quoad istam partem præceptum est affirmativum: ideoque peccata mero interna, vel occulta, licet in diebus Dominicis, ac Festivis commissa, sint graviora, ut omnes fatentur; non tamen ex sanctitate temporis novam speciem, vel circumstantiam notabiliter aggravantem in Confessione necessario explicandam, contrahunt, *Cajet. Sylvius, Pont. & alii communiter contra P. Thom. ex Charm.*; nisi exteriori cultui Festorum notabiliter repugnent. 1. Quia ita docet communis praxis Confessariorum, ac sensus Fidelium, qui innumeris exponerentur scrupulis, si se accusare, & Confessarii inquirere tenerentur de peccatis, an in diebus Festis fuerint commissa. 2. Quia peccata nullibi in diebus Festis speciali præcepto prohibita sunt. 3. Quia peccata non sunt opus servile, nisi metaphorice, seu mystice, s. *Thom.* ac proinde non sunt contra substantiam præcepti opus servile duntaxat prohibentis, & sanctificationem per certa opera, ut auditionem Missæ, præcipientis.

*QUÆR. 6. Quanam sint causa excusantes ab opere servili?*

*Dico.* Causæ excusantes ab opere servili sunt sex, videli-

delicet 1. Consuetudo legitime introducta . 2. Pietas erga Deum non remota . 3. Charitas erga proximum: 4. Lætitia publica . 5. Necessitas, vel notabilis utilitas propria, vel aliena corporalis, vel spiritualis, quæ præveniri, differri, vel omitti non potuit. 6. Dispensatio legitima.

*Hinc:* excusantur 1. *Consuetudine*, nundinæ, in quibusdam locis introductæ; emptiones, venditiones rerum parvi momenti, usus quotidiano necessariorum; contractus privati, maxime inter plebejos; quia nonnisi diebus Festis convenire possunt, & ex consuetudine videntur tolerati, sic etiam permittuntur circa illos, acta Notarii, contractus matrimoniales, testamenta &c. quia permittente necessitate, vel consuetudine contractus, etiam permittuntur acta Notarii tanquam accessorium. 2. *Pietate* gestantes Cruces in Processione, Imagines; Reliquias, insufflantes organis, agitantes thuribulum, pulsantes campanas, ornantes Altaria fertis, candelabris, vestimentis, ut Pallio Tabernaculi, antipendio; quia proxime ad cultum Dei pertinent; non vero excusantur ornantes parietes tapetibus, componentes ferta pro altaribus, Ecclesiam lavantes, aras in viis publicis erigentes, si commode die præcedenti fieri potuissent, saltem venialiter peccant, *Bill.* quia remote tantum ad cultum Dei pertinent; lapides vero advehentes ad aram construendam, ligna ad Ecclesiam ædificandam, lintheamina Ecclesiæ lavantes, conficientes, vel reficientes, calices fabricantes, agros Ecclesiæ colentes, & similia facientes, mortaliter peccant; quia remotius ad cultum Dei pettinent; vel facientes scapularia, rosaria, cordulas, flores, imagines cereas, sericas, vel chartaceas, & similia pietilia Monialium, præcipue, si his, diu immorentur, *Henno*; nec excusantur motivo pietatis. 3. *Charitate*; medicinas pro ægrôtis præparantes, actus judiciales pro pauperibus exercentes &c. 4. *Lætitiâ, publica*, ut construentes ignes artificiosos, theatra perficientes, aulas ornantes pro adventu magni Principis, vel obtenta de hoste victoria, nisi possent prævenire. *Necessitate, vel utilitate notabili*, pauperes audita Missa clam sine scandalo laborantes, si aliter se, & suos alere nequeant, servi, ancillæ suas vestes reficientes, si aliis diebus eis non permittatur, nec per alioseas reficere valeant; vel etiam ex metu gravi Dominorum, una aut altera vice laborantes; si enim sæpius fiat, suos Heros deferant: restau-

restauratores pontium, viarum, fontium, si differre nequeant laborem, piscatores certorum piscium, qui certis tantum temporibus cæpi solent, molitores, naucleri dependentes a ventis, laniones, pistores, si ob populi concursum prævenire nequeant; sartores ob solemnitatem nuptiarum, exequiarum laborantes, barbitonfores rusticos, & opifices aliis diebus laboribus depressos tondentes; mercatores urbium iisdem rusticis calceos, vestimenta &c. vendentes, cum aliis diebus urbem accedere nequeant; viatrii, coctores laterum, vectores, opere, vel itinere inchoato, quod absque gravi damno interrompere nequeant; rustici ob aeris intemperiem, hostiles incursus &c. messes, vindemiam, fœna colligentes; attamen petito prius consensu Parochi, nisi periculum sit in mora, in diebus tamen Dominicis major requiritur in omnibus prædictis necessitas, quam in diebus Festivis. 6. Partim *necessitate*, partim *consuetudine* excusantur rustici in diebus Dominicis, & Festis gratis transvehentes sive equis, sive curru, sive navi, quæstus Religiosorum mendicantium; quia suis expensis in diebus ferialibus ægre sufficerent, & sic fere ubique praticari solet absque contradictione, aut scandalo, & tacito Superiorum consensu, *Bill.* quod in Festis minoribus facilius, & communiter admittitur, ait Sylvester: Licentiam vero, si necessaria foret, non possunt Prælati regulares concedere, etiam si ageretur de labore intra septa Monasterii a sæcularibus peragendo; quia in eos nullam habent jurisdictionem, sed ab Episcopo, vel eorum Parocho esset obtinenda; *Rodriguez.*

*QUÆR. 7. Quomodo præceptum jejunii, & abstinentiæ sit observandum?*

*Dica.* Jejunium Ecclesiasticum est abstinentia a quibusdam cibis, a carne nimirum, & in quibusdam locis ab ovis simul, & lacticiniis, cum unica in die refectio non notabiliter interrupta, hora competenti sumenda. Ideoque tria ad illud legitime observandum requiruntur, videlicet, 1. Abstinentia a carne, & ubi est consuetudo, ab ovis, & lacticiniis. 2. Unica refectio non notabiliter interrupta, permixta parva collatiuncula vespertina. 3. Certum tempus refectiois, nempe circa meridiem.

*Hinc* 1. graviter peccant 1. sine justa causa manducantes carnes in quantitate excedente mediam untiam; *Paul. Lugd.* vel utentes lardo, pinguedine porcorum, vel anserum,

rum, sanguinem, &c. in notabili quantitate. 2. Sumentes secundam, vel plures refectiões, vel collationem duplo majorem alias permiffa, & toties, quoties sumunt, etiam in cibis quadragesimalibus, ultra unam refectiõem, & collationem, id, quod æquivalet levi jentaculo, vel collationi, vel tertiæ parti refectiõis, *Billuart*, vel plusquam duas uncias, *P. Gerv.*; quia talis quantitas cenfetur gravis, & præceptum de unica refectiõne, licet videatur verbotenus affirmativum, in re tamen, eft negativum, & permittendo unicam tantum refectiõem cum parva collatione, plures prohibet, *Sylv. Medina, & alii*; pro collatione vero communiter quarta pars moderatæ refectiõis permittitur, *P. Gerv.*; vel quod æquivalet mediocri jentaculo, *Bill.* quantitas tamen, ac qualitas ciborum pro collatione, diverfa effe potest pro diverfitate confuetudinis Prælati Ecclefie notæ, & tacite approbatæ, vel pro ratione regionum frigidarum, vel complexionis, laboris, ætatis, infirmitatis, itineris, &c. Cibi calidi ordinarie fine caufa non funt liciti, *P. Gerv.*; Multi putant, ut Bonacina Cajet, & alii, collationem non in qualitate, fed in quantitate confiftere, & nullis cibis quadragesimalibus violari, faltem puto, non violari mortaliter, nifi exceffu notabili in quantitate. 3. Graviter peccat aliquid leve, fed pluries in die jejunii ultra prandium, & collationem manducans, cum ad notabilem quantitatem adverterter pervenerit, vel fi intentionem ad illam perveniendi habuerit; quia ita patet ex damnatione propof. 29. ab Alex. VII. & qui mane fcienter, vel inadvertenter jentaculum fumpferit æquivalens prandio, tenetur effe contentus vefpertina collatione; fi vero fuerit æquivalens collationi, potest fumere cœnam, aut fi fubfit ratio, v. g. quia debet adeffe communitati prandenti, fumere prandium omiffa collatione, *Bill.*; quia debet falvari unica refectio, iu quantum potest.

Hinc 2. Non peccant, 3. manducantes carnes a carne pifcium parum diftintas, ut ranarum, lutrarum, gallinarum aquaticarum, &c. 2. nec anticipantes prandium iufta caufa, v. g. iter faciendi, hofpites dimittendi, debilitati ftomachi fuccurrendi, &c. 3. nec ob eafdem rationes illud ufque ad vefperam differentes, fumpta mane collatione: Nec fumentes liquidum extra refectiõem, nifi fimul putriat; ut jufculum, lac, uvæ, etiamfi fuccus folum-

solum exugatur; vel etiam vinum, cafferum, si in notabili quantitate, & in fraudem jejunii sumantur, vel aliquem specialiter nutriant; quoad chocolate adhuc difficilius permittitur; cujus tamen una parva patera in quibusdam locis, honesta causa sumpta, consuetudine toleratur; saltem non est materia notabilis. 4. Nec saltem graviter peccat lautius prandens, ut laborem jejunii facilius sustineat, quamvis levis quædam intemperantia subreperet; quia juxta S. Thomam quantitas cibi in una refectioe non taxatur præcepto jejunii, nec si ob eandem rationem pridie lautius cœnaret; aut postridie citius jentaret; si tamen gravi cum excessu ita impleret ventrem præcise eo animo, ut nullatenus sentiret difficultatem jejunii, vix præter peccatum intemperantiæ, ab alio contra jejunium excusari potest; quia S. Thomas ait: *legem violat, qui in fraudem legis aliquid facit*. 5. Nec videntur peccare contra jejunium, dispensata Quadragesima, manducantes carnes in Dominicis, plusquam bina vice; quia pro istis diebus, lex censetur integre dispensata, non vero pro aliis diebus; nisi de alia constet dispensantis intentione; & ita in Diœcesi Argentinensi declaratum est.

*Hinc* 3. Non peccant interruptentes prandium ex iusta causa; ut plerumque pauperes non habentes, ut integram refectioem simul, & semel sumere possint, vel infirmus, non valens eodem tempore, integram sumere refectioem, ob stomachi infirmitatem; Parochus, inchoata refectioe, vocatus ad audiendam ægroti periclitantis confessionem; mercator, occurrente occasione transiente vendendi, aut solutionem percipiendi, quæ sine damno, vel periculo lucris notabilis, negligi nequit: vel assistens ægroti sub prandio auxilio indigenti; quia in prædictis est impotentia, vel physica, ut in pauperibus, vel moralis, ut in aliis: abrumpens vero mensam sine causa legitima per notabile tempus, puta unius horæ, sine animo continuandi, sive finiendi, & eidem, vel alteri accumbens, mortaliter peccat, contra substantiam jejunii, si fuerit antea sufficienter refectus, vel contra modum unicæ refectiois, & venialiter, si interruptio fuerit semi-horæ animo continuandi, vel semiquadrantis, animo finiendi, & nullum, si fuerit brevissima interruptio; quia in moralibus, parum pro nihilo reputatur. Sic non peccant sub mensa ministrantes, modo refectio non ultra duas protrahatur.

hatur horas; quia censetur moraliter eadem refectio; non ita videntur excusari lectores, & ministrantes, paulo ante mensam aliquid sumentes, & post mensam absolventes, nisi infirmitas eos excuset.

*QVIÆR. 8. Quanam sint causa a jejuniis excusantes?*

*Dico.* Causæ a jejuniis in toto, vel ex parte excusantes, sunt quinque, videlicet: 1. Impotentia saltem moralis. 2. Labor gravis. Pietas, ac utilitas publica. 4. Dispensatio. 5. Materiæ parvitas, saltem a mortali excusat.

*Hinc.* 1. Excusantur *impotentia* a jejuniis simul, & abstinencia notabiliter ægroti, & convalescentes gravi, vel longo morbo extenuati, prout etiam est febris tertiana, vel quartana diuturna: pauperes non habentes nisi cibos prohibitos; vel non sufficientes, non solo pane contenti esse tenentur. 2. A solo jejuniis, non vero ab abstinencia, excusantur debiles; qui ob debilitatem stomachi, integram refectionem sumere nequeunt; feminae gravidæ, vel lactantes; item sexagenarii, si sint debiles, & adolescentes ante 21. annum; a jejuniis tamen regulæ in nostro Ordine professi, non sunt exempti, licet sint sexagenarii, nisi simul sint debiles; nec ante 21. annum, nisi esset jejuniis Ecclesiæ in regula non præceptum, ut in vigiliis; non vero in Quadragesima, quia in regula simul est præceptum.

2. Excusantur a solo jejuniis *Labore*. 1. Fabri ferrarii, lignarii, sutores, agricolæ, vinitores, fossiores, & alii notabiliter laborantes ex necessitate, vel officio &c. in diebus, in quibus laborant, vel si ob labores antecedentes, vel subsequentes fatigati sint, licet una; aut altera die non laborent; etiam si sint divites. *Eug. IV. apud P. Gerv.*; nisi operis labor commode differri possit, vel diminui absque detrimento, S. Thom. 2. 2. q. 157. 2. 4. quod gravi labori ordinariè deditis raro contingere solet; vel nisi in fraudem jejunii laborent; vel labor non sit honestus. 2. Itinerantes pedestres, cum notabili fatigatione, quæ ex difficultate viæ, distantia, v. S. trium vel quatuor horarum, debilitate personæ; necessitate itineris continuandi dijudicanda est; equo tamen, vel curru itinerantes non excusantur, nisi per plures dies itinerantes notabiliter essent fatigati, nec si peregrinatio facile differri, vel abbreviari posset. 3. Qui  
Offi-

Officium, ad quod tenentur, cum jejuniò exercere nequeunt.

3. *Pietatè, vel utilitate publica*; excusantur, i. Concionatores, Præceptores, Professores ordinarii, Cantores, Confessarii, &c. si labor eorum tantus esset, ut propter jejunium omitti deberet. Apud nos potius a concionando abstinere, quam Jejunium frangere, a Constitutionibus nostris jubentur. His, quidam addunt, itinerantes devotionis causa; quia, ut ait S. Thomas, Ecclesia, instituendo Jejunium, non intendit impedire pias causas.

4. *Dispensatione*; excusantur, dispensati a Papa, Episcopo, Parcho, Prælato, regulari Guardiano aut Vicario in ejus absentia &c. etiam in jejunio regulæ Dispensato jejunio Ecclesiæ ab Episcopo, non possunt tamen Religiosi exempti, manducare carnes, etiam extra Conventum, non obtenta prius suorum Prælatorum licentia; nisi ubi consuetudine, ipsis consentientibus, ita sit receptum, ut quoad lacticiuia, & ova; nec possunt Confessarii laicis dispensare, sed tantum necessitatem declarare, quæ, si sit clara, non indiget dispensatione; nisi ubi a superioribus exigitur, vel ex convenientia; unde eos mittant ad Pasochum.

5. *Parvitate materia*, saltem a mortali excusantur, 1. sumentes quantum coquo sufficit ad gustandum, infirmario ad causandum ægroto appetitum, vel mediam unciam in carne, & duas in cibis quadragesimalibus, ultra unam refectionem, & collationem. 2. Interrumpent prandium per mediam horam, animo continuandi, & durante adhuc eodem prandio; vel animo finiendi, sed post brevius intervallum, puta semiquadrantis circiter, eidem vel alteri mensæ incumbentes; *Billuart, & quidam alii*; quia videtur materię parvitas. 3. Prandium per, unam, aut alteram horam sine ratione anticipantes, vel collationem mane sumentes.

6. Non tamen excusantur, 1. illi, quorum labor non est notabilis, ut Pictorum, Barbitonorum, Sartorum, Scribarum, &c. & Opificum, qui solum materiam præparant. 2. Quorum labor, licet notabilis, non tamen est necessarius, ut venantium solius recreationis causa, ludentium pila, itinerantium sine necessitate, vel notabili utilitate. 3. Quorum labor non est licitus, ut in die Festo. 4. Nec per se excusantur uxores, quæ cum jejunio

68. DE LEG. Q. 3. DE PRÆC. ECCLESIAE.

non possunt reddere debitum, nisi simul sint debiles; quia promissio debiti intelligitur, & obligat in quantum sine legis transgressione fieri potest; bene autem per accidens ad vitandam alterius incontinentiam, iram, blasphemias, &c. quia alia lex charitatis, ita suadet.

De aliis Præceptis Ecclesiæ, videlicet annuæ Confessionis, ac Communionis Paschalis, opportuniustractabitur in 2. Parte, in Tract. de Pœnit. & Euchar.



TRA-





## TRACTATUS III.

### DE VARIORUM STATUUM OBLIGATIONIBUS.

*Tractatus hic quatuor habet quæstiones, 1. de obligationibus Clericorum, 2. de Simonia, 3. de obligationibus Religioforum, 4. de obligationibus parentum, & aliorum officiorum.*

#### Q U Æ S T I O I.

##### DE OBLIGATIONIBUS CLERICORUM.

*Quæritur 1. Quam sint generales Clericorum obligationes?*

**D**ico. Clericis Statum Ecclesiasticum aggredientibus præcipitur 1. ut vera vocatione, bona intentione, non turpis lucri gratia Statum Clericalem amplectantur. 2. Ut sibi comparent, & conservent competentem scientiam. 3. Ut sint perfectionis sui status studiosi, obediētes Episcopo, pauperes spiritu, castitate præditi. 4. Ut tonsuram, ac nigram gestent vestem talarem, præsertim Beneficarii, vel Sacris initiati. 3. Ut accipientes Beneficium, voluntatem in Statu Ecclesiastico perseverandi, habeant.

*Hic: graviter peccat 1. Statum Clericalem sine debita vocatione, intentione, & principaliter appetitu rerum temporalium amplectens, vel eum promovens, nec in pœ-*

nam delicti ad Sacerdotium, vel Monachatum aliquis committi potest: quia plus honoris, ac dignitatis; quam oneris habent, & peccati vindicta esse nequeunt. 2. In Sacris constitutus, præcipue regimini animarum deditus, studium perfectionis sui status, vel scientiæ suis functionibus necessariæ notabiliter negligens. 3. Episcopo in re gravi inobediens, lucri suo statui graviter prohibiti nimis cupidus, & in Sacris constitutus castitatem violans, duplicis peccati est reus. 4. Clerici Beneficarii, vel Sacris initiati tonsuram, aut nigram vellem talarem per notabile tempus gestare negligentes, *Tourn. & Pont. & alii*; Ubi nimirum statutum Concilii Tridentini, vel Diocæsanum sub gravi obligatione est receptum; nisi itinere faciendo, vel alia iusta causa excusentur; non tamen itinerantibus sine veste talari celebrare licet; *Tourn.* nisi cogente necessitate. In minoribus vero, habens propositum in statu clericali permanendi, venialiter saltem peccat, tonsuram, vel habitum clericalem non gestans; nec comam adscititiam, nisi modeste, & ex iusta causa ferre licet; *Tourn.* 5. Beneficium recipiens se solum ditandi, vel sustentandi causa, donec uxorem sumat, illud resignare tenetur, & si esset curatum, & non haberet animum infra annum suscipiendi Sacerdotium, præter peccatum mortale, fructus restituere tenetur.

*Quar. 2. Quanam Clericis prohibeantur?*

*Dico.* Clericis graviter prohibita sunt sequentia. 1. Negotiatio, alienarumque possessionum conductio, lucri causa. 2. Negotiorum alienorum administratio. 3. Venatio clamorosa. 4. Armorum gestio, excepta itineris necessitate. 5. Comædiæ, choreæ, ac saltationes publicæ. 6. Ludus alearum, & chartarum a fortuna dependentium. 7. Propinarum ingressus. 8. Chirurgiæ exercitium, non vero Medicinæ, nisi ob defectum scientiæ, vel peritiæ. 9. Officium Judicis in causa sanguinis, & Advocati, nisi in propria, vel miserabilium causa.

*Hinc:* graviter peccant Clerici. 1. Aliena prædia, agros &c. lucri causa conducentes, saltem si sint in sacris, vel Beneficarii, vel Religiosi, nisi gravis eos excuset necessitas, *S. Aug. & alii*; non vero peccant animalia in propriis prædiis alentes, & ex lana, lacte &c. lucrum percipientes, *Tourn.* Nec artem exercentes; modo non deceat statum clericalem, ut chartas lusorias, vel arma belli.

bellica, aut taxillas conficiendo, vel nundinas frequentando. *Tourn.* Nec, saltem mortaliter peccant, per alios negotiantes, pecuniam mercatoribus in societatem conferendo, totam laico curam relinquentes. *Ibid.* 2. Temporalia in domibus Nobilium, vel aliorum sine necessitate, & licentia Episcopi administrantes, vel officium Advocati, Procuratoris, Tabellionis exercentes, nisi in propria causa, Ecclesiae, aut miserabilium. In Gallia tamen ob bonum commune etiam in civilibus, officio Consiliarii, in suprema Curia fungi solent. 3. Venantes clamore, armis, canibus, avibus &c. non vero peccant venatione quietâ, laqueo, retibus, recreationis moderatæ, vel necessitatis causa. 4. Gestantes arma, excepta itineris necessitate. 5. Choreas, ac saltationes publicas ducentes, cum scandalo, & status clericalis dedecore, vel comœdiis, ac spectaculis assistentes. 6. Ludentes aleis, chartis &c. a sola fortuna dependentibus, vel cum iactura notabilis temporis ad studia necessarii, aut magnæ pecuniarum summæ, saltem si fiat cum scandalo, quod facilius in Religiosis arctiorem, sanctioremque vitam profitentibus, evenire potest, sic PP. Capucinos, vel Carmelitas Discalceatos, & similes chartis ludentes, mortalis reos judicat *Lugo Card. apud Tourn.* non vero moderate, & interveniente industria, honestæ recreationis causa, ludentes. 7. Popinas sine necessitate ingredientibus, saltem ubi specialia desuper statuta diocesana graviter obligantia vigent, vel si scandalum sequeretur. 8. Chirurgiam exercentes cum adustione, incisione, aut amputatione, vel Medicum gerentes, & ob imperitiam, vel negligentiam mortem promoventes, fiuntque simul irregulares.

*Quar.* 3. *Quanam sint particulares Clericorum & Beneficiatorum obligationes?*

*Dico.* Tenentur 1. Clerici simplices divinis inter esse Officiis diebus Festis, ac Dominicis; patet ex *Conc. Trid. de Reform. Cap. 6.* 2. Sacras Ecclesiae cæremonias scire, & observare, præcipue si sint in Sacris, & Beneficiarii ad divini Officii recitationem juxta Breviarium suæ, vel Romanæ Ecclesiae. 3. Ad Beneficii legitimam acquisitionem, resignationem, vel permutationem. 4. Ad præscriptam in loco beneficii residentiam. 6. Et in sacris, ad castitatem, per implicitum castitatis omnimodæ votum; *Tourn. & communior.* 7. Ad Simoniam evitacionem, de qua specialis infra erit quæstio.

*Hinc* 1. duplicis peccati est reus sacris Ordinibus insignitus, cogitatione, vel delectatione morosa castitatem violans, nempe luxuriæ, & sacrilegii. 2. Graviter peccant, qui contra Canones, vel statuta Diœcesana sub gravi peccato recepta, habent ancillas juiiores, vel cum proximo pudicitia temerandæ periculo; *Tourn.* 3. Suspectas apud se, retinentes mulieres, in quocunque gradu consanguineas, præcipue pravam de se suspensionem, & laicis scandalum ingerentes, *ibid.*

*Quar.* 4. *Quinam ad divinum Officium & parvum B. V. Mariæ teneantur?*

*Dico.* Ad Officium juxta Breviarium propriæ, vel Romanæ Ecclesiæ, ab una media nocte ad alteram, sub gravi peccato, obligantur 1. Clerici sacris initiati, incipiendo in die ordinationis ab hora, qua ordinantur. 2. Beneficium Ecclesiasticum, etiam tenue possidentes, a tempore tranquillæ possessionis, quamvis sacris non sint initiati, etiam primis annis carentiæ, *Sassarath*; quia fructus applicantur Fabricæ, ad ejus conservationem tenentur contribuere. 3. Religiosi, ac Moniales ad Chorum professi, ab hora professionis. 4. Ad solum Officium B. V. Mariæ obligantur pensionem, vel alios Ecclesiæ fructus; ut Clerici percipientes, *S. Pius V.* vel quasdam simplices Præposituras, Patronatus, Prioratus, &c. habentes, ad Officium parvum B. V. Mariæ, tantum ex foundatione eorum obligantes, Ad neutrum vero tenentur 1. Coadjutores, & Cappellani, quorum Capellania non est collativa, nec auctoritate Episcopi erecta. 2. Beneficarii nullos percipientes fructus absque eorum culpa, ut tempore belli, &c.; nec spem illos recuperandi habentes. 3. Quorum Beneficium inter duos est litigiosum, neuter ad illud tenetur. 4. Invalide ad Beneficium promoti, v. g. per Simoniam, cum irregularitate, excommunicatione, vel ante ætatem requisitam, &c.; nisi alio titulo. v. g. Ordinum, ad Officium divinum obligentur; nec Officium B. V. Mariæ, est de præcepto in Choro in diebus ferialibus, ubi non fuit de præcepto ante Bullam S. Pii V. nec Psalmi graduales, ac pœnitentiales.

*Quar.* 5. *Quomodo ad Officium divinum, vel B. V. Mariæ obligati; illud recitare teneantur?*

*Dico.* Ad Officium divinum vel parvum B. V. obligati, tenentur juxta *Cap. dolentes* illud dicere: 1. studiose, id

est

est integre sine notabili omissione, mutatione, aut verborum mutilatione; ordinate, non dicendo unam ante alteram horam; distincte, verba articulate, motu linguæ, & labiorum pronuntiando. 2. Devote, id est cum intentione saltem virtuali, dicendi Officium, & interpretativa satisfaciendi, & cum attentione saltem virtuali, id est actuali virtualiter perseverante ad verba, ne erret, vel ad sensum, vel ad Deum, distractionem in se, vel in sua causa voluntariam excludente.

Hinc: graviter peccant, 1. ad Officium divinum, vel parvum B. V. Mariæ obligati, etiam degradati, excommunicati, suspensi, ad triremes damnati, si tempus habeant sufficiens, notabilem partem, v.g. integram horam, vel nocturnum omittentes, vel voluntarie distracte persolventes, etiam infra annos carentiæ. 2. Versum incipientes antequam socius suum finiat, vel pro tertio versu, tertium socium adhibentes, vel versus, pro quibus organum pulsatur, non recitantes, vel cogitantes, aut ab alio audientes, vel non omnia verba articulate ore pronuntiantes, ita ut simul sumpta notabilem faciant materiam. 3. Scienter unum Officium, præsertim notabiliter diversum, vel majus, ut Dominicæ, vel Paschatis in Officium de Sancto mutantes, vel in alia, quam lingua latina, illud recitantes; quia agunt in re gravi contra usum Ecclesiæ, 4. Venialiter saltem peccant sine causa iusta nimis præcipitanter, attamen sine scandalo, contemptu, aut notabili omissione Officium recitantes, vel interrumpentes, separando unum Psalmum ab alio, absque tamen scandalo, prout facile in Choro fieri posset, vel dicentes unam horam ante aliam, vel eas non dicentes horis præscriptis extra Chorum, videlicet matutinum pridie a tempore vespertino occasui propiore, quam meridiei, usque ad horam decimam sequentis diei, parvas horas ante meridiem. Vesperas post meridiem, exceptis Feriis Quadragesimæ, & Completorium post Vesperas. Non tamen peccant venialiter, si prædicta fiant iusta causa, v.g. dicendo horas non horis præscriptis, vel eas interrumpendo, ut quis ægroto assistat, vel mandatum Superioris audiat, vel dicendo unam horam ante aliam, ut Officium cum Choro continuet, vel cum socio oret, vel separando tantum matutinum a Laudibus, dicto Pater noster, & oratione; vel recitando, unum Officium pro alio, ex inadvertentia incul-

pabi-

pabili, vel assistendo solemnitati alienæ Ecclesiæ, vel orando cum ægroto; tenentur tamen supplere ea, quæ sunt propria proprii Officii, & cognito errore recitare residuum proprii Officii: non autem licet Officium omis- sum, substituere in diem Officii per errorem recitati, sed debet in sua propria die iterum dici. Potest Director Monialium, dicens earum Missam conventualem de Sancto Ordinis, etiam ejus dicere Officium de communi, si proprium, non sit pro omnibus approbatum, & Regularis inserviens per notabile tempus alienæ Ecclesiæ, illius recitare Officium, imo teneri videtur ipsi Tournely. 6. Sæcularis certæ mancipatus Ecclesiæ tenetur illius recitare Officium; si nulli, dicat Romanum, & si plura haberet Beneficia, recitare debet Officium pinguioris; & Regulares absentes, Conventus sui tenentur recitare Officium, S. R. Congr. 3. Sept. 1662. & inter suffragia facere commemorationem titularis sui Conventus; si vero frequentent Chorum, eidem se conforment, licet quibusdam horis non interessent. Brev. Ord. 7. Excusantur a veniali, omittentes aliquos versus, vertendo folia, &c., vel ex naturali, vel involuta consuetudine, verba syncopantes, vel ex defectu oculorum, vel auditus non omnia in Choro perfolventes, vel alios non audientes; quia faciunt, quantum est ex se, & Sixtus IV. declaravit Fratribus Minoribus sufficere, in fine aliquem Psalmum subjunxisse. Nec ille, qui adhibita debita diligentia, lectiones ob malam legentis pronuntiationem, non intelligit, eas repetere tenetur. Pont. 8. Satisfacit accipiens Breviarium, vel accedens Chorum, ut Officium recitet cum attentione ad id, quod incipit, licet involuntarie distractus pergat usque in finem; quia volens recitare Officium, implicite habet intentionem honorandi Deum, & satisfaciendi suæ obligationi, ac virtutalem censetur habere attentionem, quamvis perfectionis studiosum, deceat majoris præparationis, ac devotionis adhibere conatum.

Quar. 6. *Ad quid teneatur Officium divinum omittens?*

Dico. Ad Officium divinum, seu parvum B. V. per Beneficium, aut alios Ecclesiæ redditus obligatus, elapsis sex mensibus post adeptam tranquillam Beneficii possessionem, totum omittens Officium, vel voluntarie distracte perfolvens, vel in aliud sine causa, præsertim notabiliter brevius mutans, tenetur fructus illi diei correspondentes ad  
pias

plas causas restituere; vel pro matutino medietatem, & pro qualibet alia hora sextam partem; *S. Pius V.* & quidem ante declaratoriam Iudicis sententiam; quia non satisfaciendo Officio, non facit fructus suos; *Conc. Lat. S. Pius V.* an autem eodem modo obligentur Curati, Episcopi, & Parochi, sicut Canonici, non conveniunt Auctores. Aequaliter obligari asserit *Nav. Dur. Suar. & alii*, & Concilium Lat. sub Leone X. expresse ait: ut quilibet habens Beneficium cum cura, vel sine cura; si non recitet divinum Officium, non faciat fructus suos; idem confirmat *S. Pius V.* Curatores vero majorem partem fructuum pro aliis sui Officii oneribus retinere posse, docet *Med. P. Gerv. Tourn. & alii*; quia dignus est operarius mercede sua. 2. Quia Concilium Lat. & Bulla S. Pii V. non cum tanto rigore fuerunt recepta; *Vanroy. Habert*; & possunt intelligi de fructibus correspondentibus divino Officio, non vero aliis operibus debitis; alius enim sensus non esset æquitati conformis. 3. Quia ita docet Praxis Episcoporum, ac Parochorum, quartam partem fructuum pro rata Officii omissi, restituentium, reliquas pro aliis oneribus retinentium; *Henriquez*. Prior opinio videtur conformior verbis Concilii Lat. & Bullæ S. Pii, & est securior; secunda vero est conformior rationi, & probabilior, potestque in Praxi retineri; *Tourn.* præcipue ubi consuetudine confirmatur. Ad Chorum autem in Ecclesiis Cathedralibus, & Collegiatis obligati, ultra tres menses, vel etiam brevius tempus, juxta statuta propriæ Ecclesiæ, absque justa causa, ab eo absentes mortaliter peccant, nisi parvitas materiæ, v. g. unius, aut alterius diei respectu novem mensium, a mortali excuset; & distributiones quotidianas percipere nequeunt, quamvis alios Beneficii fructus faciant suos, si Officium privatim recitent; nisi etiam illis consuetudine propriæ Ecclesiæ, vel per sententiam priventur, *P. Gerv. Vid. infra de resid.*

*Hinc* 1. Clericus in Sacris duo habens Beneficia, & per unum ad Chorum obligatus, sicut unico Officio quadruplici satisfacit obligationi, ita illud omittendo quadruplex committit peccatum, & utriusque Beneficii redditus, & distributiones restituere tenetur Ecclesiæ, vel pauperibus, vel etiam defunctis, Missas applicando, vel pro melioratione bonorum Beneficii, nisi obset consuetudo, vel statutum, vel distributiones massæ incorporari soleant, exceptis

ceptis duobus, vel tribus annis carentiæ, quando nullos omnino percipiunt fructus, *Laym. Nav.*; quia fructus illius temporis jam applicantur Fabricæ; vel si tempore belli, vel alio injusto modo, nullos perciperet fructus, nec penes ipsum steterit, illos percipiendi; vel si Beneficium esset litigiosum, licet speret victoriam. *P. Gerv.*; quia nullus adhuc est in tranquilla possessione. Tenetur tamen ad restitutionem, si pacifice Beneficium possideat, licet fructus sint sequestrati, *Bass.*; vel si sex primis mensibus Officium divinum non recitaverit, saltem in foro conscientiæ; *Tour. Snar. & alii*; quia peccat contra Justitiam commutativam, cum stipendium pro illo dicendo acceperit, & SS. Pontifices post sex menses Officium omitten-tes modo obligantes, intelliguntur tantum in foro externo. 2. Curati, ut Episcopi quintam partem fructuum pro rata Officii omissi. *Henriq.*; vel ut alii volunt tertiam, vel quartam, vel juxta judicium prudentum, & pro ratione aliorum onerum, restituere tenentur, *Tourn.*; sic Cappellanus habens præter Officium divinum, obligationem Missæ singulis diebus dicendæ, ad mediam partem pro Officio omisso, vel si tantum semel in hebdomada teneatur ad Missam, ad majorem partem fructuum obligari potest; quia Officium est major pars onerum Beneficii. 3. Regulares sæpe a Choro absentes, vel notabiliter sero venientes, vel ante finem recedentes, licet graviter peccent, ad nullam tamen tenentur restitutionem. Possunt etiam Superiores nostri ex concessione Clementis VIII. Lectores a Choro dispensare in diebus, in quibus legunt, & Concionatores in iis, in quibus concionantur, vel etiam alios ex justa causa; *Gerv. & alii*. 4. Peccant Superiores graviter horam in Choro omitti, vel tempus notabiliter mutari, permittentes, nisi ex justa causa, v. g. ob Processionem, vel adventum magni Principis anticipetur; eodem modo peccant subditi, si ob eorum absentiam aliqua hora omittetur, vel Chorus notabiliter pateretur: duo tamen suffi- ciunt pro Choro, cui etiam Novitii sine professio satisfaciunt. *P. Gerv.*

*Quar. 7. Quot sint causa excusantes a recitatione divini Officii, & a Choro?*

*Dico.* Causæ a divini Officii recitatione excusantes, sunt  
 1. Impotentia physica, vel moralis. 2. Dispensatio Papæ.  
 3. Gravis, honesta, ac necessaria occupatio, quæ absque  
 gravi



gravi sui, vel proximi detrimento corporali, seu spirituali omitti, aut differri nequit. Causæ vero a Choro eximientes cum perceptione fructuum Beneficii, non autem distributionum, sunt 1. Indulgentia Ecclesiæ, quoad tres menses. 2. Prælectio, vel studium per quinquennium Theologiæ, vel juris Canonici. 3. Obsequium duorum Canoniorum Episcopo pro Ecclesiæ utilitate, vel Papæ exhibendum. 4. Administratio functionum Parochialium tempore Officii. Causæ vero excusantes a Choro cum perceptione omnium fructuum etiam distributionum, sunt. 1. Infirmitas. 2. Rationabilis corporis necessitas. 3. Evidens Ecclesiæ propriæ utilitas. *Bonif. VIII.*

Hinc, a recitatione Officii, excusantur. 1. *Impotentia physica*, cæcus, vel non habens Breviarium; quæ tamen illi sciunt memoriter, ea dicere tenentur, & non habens proprium, tenetur dicere alienum. 2. *Impotentia moralis*: timens grave damnum, vel prodicionem inter hæreticos, vel gravi morbo laborans; non tamen sufficit levis stomachi, vel pectoris dolor; nec febris tertiana, aut quartana, si non tota die affligat, nisi ex ejus recitatione experiat stomachi cruditatem, capitis gravedinem, virium lassitudinem, tardio rem morbi relaxationem; in dubio standum est judicio conscientiosi Medici, vel adhibenda est Superioris dispensatio, qui injungendo unum Pater noster, & septem Ave, apud nos dispensare potest; *Clem. VII.* qui vero non potest dicere integrum, tenetur ad partem; qui non potest solus, tenetur cum socio saltem facile comparabili, præsertim, si alias illud cum socio recitare consueverit. 3. Eximuntur a Choro, & redditus Beneficii, vel pensionem scholarem, non vero distributiones pro præsentia, recipere possunt, juniores Canonici, per quinquennium Theologiæ studentes, vel Professores illam docentes, tempore, quo docent, & Secretarius, vel duo alii Canonici, in obsequio Episcopi, pro utilitate Ecclesiæ, vel ob eandem causam, servitio Papæ addicti. 4. Eximuntur a Choro, & etiam distributiones lucrantur, ob pedum, vel oculorum &c., infirmitatem, accessum ad Chorum impedi entem; convalescentes ex consilio Medici, vel ob medicinam sumendam, vel aerem in alia civitate, vel loco pro recuperanda sanitate, vel ob senectutem e domo egredi non valentes, vel ab hoste retenti, injuste incarcerati, negotiis Capituli ex ejus mandato, tempore Officii occupati, v.

ti, v. g. faciendo distributionem reddituum, aut exercendo Ecclesiæ suæ Jurisdictionem, vel nomine Capituli ad Papam, vel alium Principem legatione missi.

*Quar. 8. Quid sit; & quod sit Beneficium?*

*Resp. 1.* Beneficium est Jus perpetuum, competens Clerico, percipiendi fructus, ex bonis Ecclesiasticis, propter Officium spirituale, auctoritate Ecclesiæ constitutum. Hinc Vicaria, & Commenda temporalis, pensio etiam perpetua, Capellania non collativa, quæ non est auctoritate Episcopi erecta, non sunt Beneficia.

2. Beneficium dividitur in sæculare, quod pro Clericis sæcularibus, & regulare, quod pro regularibus est institutum; omne censetur sæculare, nisi ex fundatione, vel per pacificam 40. annorum præscriptionem probetur regulare; & in Gallia triplici insuper collatione, ita ut nec sola trium regularium possessio, nec unius per 40. annos sufficiat, *Nonet; Duperrai; Fuet; & Gibert.* modo non fuerit datum in commendam; quia commenda, quantumcunque tempore durat, Beneficii naturam non mutat; *Molinaus apud Tourn.*

3. Dividitur in simplex, & duplex, seu curatum. Simplex est, quod non habet annexam curam animarum, vel præminentiam; duplex est, quod habet annexam curam animarum, ut Parochia; vel præminentiam cum jurisdictione, in foro externo, & vocatur dignitas, ut Episcopatus, Prælatura &c. vel præminentiam sine jurisdictione, & vocatur personatus, ut Primiceriatus, Lectoratus; vel solum administrationem sine jurisdictione, & dicitur Officium, ut Cantoria &c.

4. Dividitur in titolare, quod cum plenitudine juris confertur, juxta ejus fundationem, & commendatum, quod solius administrationis, vel custodiæ gratia traditur, & æquivaleret Beneficio in titulum dato, si sit ad vitam.

*Quar. 9. Quot sint tituli, quibus Beneficium acquiri potest?*

*Dico.* Septem sunt tituli, quibus Beneficium acquiri potest, nimirum. 1. Collatio libera. 2. Præsentatio. 3. Electio. 4. Postulatio. 5. Resignatio. 6. Permutatio. 7. Subrogatio, & in Gallia datur insuper regressus.

*Collatio*, est attributio Beneficii facta a Prælato jure pleno independente a jure patronatus, electione &c.

1. Fit a Papa, 1. præventionem præveniendi Patronum Ecclesiasticum, non sæcularem, per gratiam expectativam

ad

ad primum Beneficium vacans. 2. Jure reservationis per mandatum, vel indultum, aut in favorem graduatorum, quorum in Gallia in Januario, & Julio de rigore jus habent antiquiores, nominati ab Universitate pro Beneficiis vi graduum possidendis, & in Aprili, & Octobri de favore ad arbitrium Patroni. 3. Jure concursus cum alio Collatore Ecclesiastico, in Germania alternatim, v. g. in Januario, Martio &c. ita tamen, ut si infra tres menses a die notæ vacationis in loco Beneficii nulla a Papa appareat dispositio, Ordinarius libere conferat. 4. Jure devoluti, ob inhabilitatem possidentis, vel negligentiam Collatoris.

2. Fit ab Episcopo in sua diocesi, nisi ex fundatione, vel legitima præscriptione ad alios spectet, vel etiam jure devoluti, si inferiores sint negligentes.

3. Fit a Capitulo sede vacante quoad Beneficia, quæ simul cum Episcopo conferre solet.

4. Rex Galliæ nominat 1. omnes Episcopos, & Archiepiscopos, ac Abbates. 2. Mortuo Episcopo Jure Regaliæ omnes Beneficiatos de nominatione Episcopi exceptis Parochis. 3. Præstito ab Episcopo juramento fidelitatis, ad primum Canonicatum, aut dignitatem vacantem, & dependentem a collatione Episcopi. 4. Post susceptam Remis consecrationem, ad primam Præbendam in qualibet Regni Cathedrali, & Collegiata vacantem. 5. Denique ad omnia Beneficia a se, vel a suis Prædecessoribus fundata.

*Præsentatio*, est exhibitio personæ idoneæ a Patrono facta Prælato, ut ipsi Beneficium vacans conferat per institutionem. *Præsentatio*, dat jus ad rem, & institutio, jus in re: Patronatus autem: est potestas præsentandi Clericum ad Beneficium vacans per mortem, vel per resignationem. Jus patronatus, est duplex, Ecclesiasticum, quod a personâ Ecclesiastica de bonis Ecclesiæ fundatum est, & laicum, quod a laico, vel Clerico de bonis patrimonialibus fundatum est, & utrique competit ex fundatione; quia patronum faciunt dos, ædificatio, fundus.

Conveniunt Patronatus Ecclesiasticus, & laicus, quod neuter Patronorum possit se ipsum præsentare, bene autem suum filium, si sit capax, & potest ipsimet consentienti, Beneficium conferri ab Episcopo proprio motu, & si plures ejusdem Beneficii Patroni non conveniant præsentatione, *is*, in quem plures conveniunt, est præferendus.

si æquales circa diversa subjecta, potest Episcopus præferre, quod voluerit. Differunt 1. quia Patronus laicus quatuor habet menses ad præsentandum a die vacationis Beneficii, sex vero Ecclesiasticus, intra quod tempus, si non præsentent, Episcopus jure devoluti illud confert. 2. Laicus, si duos successive præsentet ante institutionem, potest Episcopus alterutrum instituere, non vero si Patronus sit Ecclesiasticus, sed prior tempore, potior jure. 3. Laicus potest variare, & si indignum præsentaverit, potest alium præsentare, non vero Ecclesiasticus, sed jure suo pro illa vice privatur, & a Collatore confertur. 4. Beneficium Patroni laici non potest absque ejus consensu resignari, permutari, pensione gravari, nec præveniri a Papa, jure indultorum, graduatorum, vel gratiarum expectativarum, bene autem Patroni Ecclesiastici.

*Electio*, est personæ eligibilis præ aliis ad Beneficium vacans assumptio: ut valida sit, requiritur. 1. Legitima jus electionis habentium vocatio. 2. Ut fiat intra trimestrem. 3. Ut Electores sint saltem Subdiaconi. 4. Ut major pars consentiat; si tamen non esset Canonica, sufficit pluralitas, si ita antea convenerint, & solet fieri, 1. per scrutinium. 2. Per compromissum, committendo uni, vel pluribus communi eligentium consensu, electionem faciendam. 3. Per inspirationem, omnes in unum viva voce conveniendo. Electio, dat jus ad rem, confirmatio vero subsequens Superioris, jus in re.

*Postulatio*, est obsecratio ab Electoribus Superiori facta, ut ad Beneficium vacans admittat aliquem, qui alias ob impedimentum Canonicum non est eligibilis, v. g. quia non est de capitulo, vel non habet ætatem, vel est illegitimus &c. Ut sit valida requiritur. 1. ut habeat duas partes capituli, alias ultra tertiam partem habens, præferendus est. 2. Admissio Superioris, quæ dat jus ad rem, & in re; antea enim nullum habet.

*Resignatio*, est spontanea sui Beneficii dimissio facta coram legitimo Superiore eam acceptante. Alia est simplex, quæ fit sine conditione, & pacto. Alia est conditionata, quæ fit cum reservatione pensionis, vel in favorem alterius, cum conditione, ut illi Beneficium conferatur. Resignatio simplex, potest ab ordinario Collatore admitti, & Beneficium, cui libuerit, conferri, licet sine Simonie labe a resignante rogari possit, ut tali conferat; & resignans

omni

omni spoliatur jure. Resignatio vero conditionata, 1. potest a solo Papa admitti, eam a Simonia purgante, dispensatione. 2. Papa debet conferre Beneficium ei, in cuius favorem resignatio est facta. 3. Resignans retinet jus, donec conditio impleta sit; & ut valida sit, debet habere sequentes conditiones. 1. Ut resignans in infirmitate supervivat 20. dies post resignationem. 2. Ut intra sex menses a die supplicationis datæ, resignatio publicetur in loco Beneficii, si fiat in Curia Romana, & intra menses, si fiat alibi. 3. Ut Patronus consentiat, si sit laicus, vel privilegium laici habeat, ut Ordo Melitenfis, prout probant ex variis Bullis, præcipue Pii IV. & Gregor. XIII. in Gallia Literis Patentibus, & Edicto Regis 1719. confirmatis. 4. Ut a Superiore acceptetur.

*Permutatio*, est Beneficii ad aliud Beneficium facta mutua præstatio, ab Ordinario admissa. Ut valeat, præter plerasque conditiones ad resignationem in favorem requisitas, habere debet sequentes, 1. consensus Patroni laici, & Ecclesiastici debet saltem peti, & licet non obtineatur, attamen valet. 2. Ut fiat rerum ejusdem generis, spiritualia cum spiritualibus, jus in re cum jure in re, & non cum jure solum ad rem; nam Beneficium præsens actu possessum, cum sola nominatione ad Beneficium, non valeret, nec decimæ, vel jus patronatus cum Beneficio; bene autem plura pro uno; duplex, vel dignitas pro simplici.

*Regressus*, est jus resumendi Beneficium resignatum, aut permutatum, etiam post admissam a Prælato resignationem, vel permutationem, quamvis sit contra Concilium Tridentinum; valet tamen in Gallia in sequentibus casibus, 1. si in gravi infirmitate resignans, convalescat, 2. si facta permutatione, unum Beneficium deprehendatur litigiosum, & continuata lite, evictum fuerit, alter redibit ad suum, 3. si ob criminis capitalis accusationem resignans, evadat damnationem, 4. si unum Beneficium nova pensione gravetur, vel veterem ignoraverit, 5. si resignatarius pensionem promissam a Papa approbatam, non solvat, 6. si vi, fraude, dolo, metu sit facta: in resignatione tamen, non debet conditio regressus, exprimi, alias vacabit per obitum.

*Subrogatio*, est unius vocatio in jus alterius: solummodo locum habet inter duos litigantes, quorum uno mortuo,

alter per simplicem petitionem Judici factam ejus jus acquirit, ita, ut, si mortuus jus alteri cecisset, & Beneficium impetrasset, ejus provisio esset irrita.

*Quar. 10. Quomodo Beneficium vacet?*

*Dico.* Beneficium vacat, 1. per mortem naturalem, vel civilem, per professionem religiosam, vel condemnationem ad mortem absque appellatione, vel per sententiam in effigie executam, vel ad triremes, aut exilium in perpetuum, vel ad tempus ultra novem annos. 2. Per matrimonium, etiam ratum, vel invalidum. *Tourn.* 3. Per resignationem, & permutationem. 4. Per crimina quædam atrocia, qualia sunt hæresis, schisma, crimen falsi in literis Apostolicis, notabilis læsio Sedis Apostolicæ in persona Papæ, vel Cardinalium, crimen læsæ Majestatis, incarceration Clerici, ut resignet Beneficium, sodomia, bestialitas, simonia confidentiæ, intrusio in Beneficium, carnale commercium Confessarii cum sua poenitente, homicidium, publicum, vel qualificatum, patris, fratris, propriæ prolis, Episcopi, Presbyteri, Clerici inservientis Ecclesiæ, vel mutilatio, accedente Judicis sententia, licet hæc necessaria non sit, ut titulo devoluti Beneficium impetretur ex omni delicto irregularitatem pariente, modo subsequatur sententia pro ejus possessione. Si non fiat Sacerdos intra tempus pro Beneficio præscriptum. 6. Per Beneficium incompatible cum eo, quod jam habet; quorum unum intra annum optionis a die tranquillæ possessionis resignare, permutare, vel dimittere tenetur. 7. Simoniacæ, vel mala fide sine titulo Beneficium invadendo, fitque ad illud inhabilis. *Alex. III.* Attamen, si bona fide absque labe Simoniacæ cum titulo colorato, v. g. collatione, electione, &c. ingressus: triennem possessionem pacificam habeat, & aliunde non sit inhabilis, illud retinere potest.

*Quar. 11. Quid sit pensio, a quo, & ob quas causas constitui possit?*

*Dico.* Pensio est jus percipiendi fructus ex alterius Beneficio a Papa concessum. 1. Ut tollatur Beneficiorum permutatorum inæqualitas. 2. Ut lis inter duos de Beneficio litigantes componantur. 3. Ut Sacerdoti indigenti, qui Beneficio inservivit, subveniatur. In Gallia potest pensio, etiam in necessitate, constitui ab Episcopis. 1. Cum uniunt Beneficia, vel constituunt Vicarios Parochis ex infir-

infirmirate, sua munia exercere non valentibus. 2. Cum fiunt transactiones pacis gratia. 3. In permutationibus mandato Episcopi, vel sententia Officialis factis; ut autem pensio licite constitui, ac percipi possit, requiritur. 1. ut pensionarius sustentationem aliunde habere nequeat. 2. Ut Beneficio, si residentiam exigat, per quindecim annos illi inservierit, vel eidem ob gravem infirmitatem amplius inservire nequeat. 3. Ut pensio tertiam partem fructuum non excedat, quamvis Papa ex justa causa, majorem constituere possit. 4. ut titulario ad victum, & vestitum supersint sufficientia, nimirum ad minimum trecentæ libræ annuæ. 5. Ut percipiens pensionem, sit Clericus, saltem prima tonsura initiatus, & ex thoro legitimo, ac immunis ab omni censura, & irregularitate. 6. Ut consensum Patroni, si sit laicus, habeat.

*Quar. 12. Quomodo pensio extinguitur?*

*Dico.* Pensio extinguitur iisdem mediis, quibus fit Beneficiorum vacatio, ut per matrimonium, homicidium præmediatum, professionem religiosam &c. vel etiam redemptione, consentiente Papa; solvendo pensionem pro certis annis; non tamen morte resignarii pensio extinguitur, si sit realis cum clausula: *ad quoscunque successores.*

*Quar. 13. Quibusnam Beneficia conferenda sit?*

*Dico.* Omnia Beneficia Ecclesiastica, maxime autem curata sub gravi peccato conferri, resignari &c. debent dignioribus *Conc. Trid.*; qui nimirum præter conditiones a jure requisitas, morum honestate, scientia, prudentia, ac experientia alios antecedunt, nisi pro certo loco, vel familia essent fundata. Potest tamen aliquando, ad non curata, etiam dignus, relicto digniore promoveri, videlicet 1. cum id postulat charitas, ut pauper Clericus inopia levetur. 2. Cum majus Ecclesiæ bonum exigit, ut minus idoneus a cura amoveatur, & dignior pro Beneficio curato servetur. Potest etiam aliquando promoveri dignus, etiam ad Beneficia curata, relicto digniore. 1. Si promovendus debeat esse ex gremio. 2. Si ipse fundator Beneficii, præsentet dignum, *C. Monasterium caus. 16. q. 7.* non solum prima vice, sed toties, quoties Beneficium ipso vivente vacat, modo hoc jus sibi reservaverit in erectione Beneficii: hoc jus tamen non transit ad hæredes, *Bill.* 3. Si votum datum digniori non solum, non prodesset, sed si non conferatur minus digno, omnino indignus eligeretur.

F 2

4. Si

4. Si Patronus præsentet, licet peccet, potest tamen præsentatus, ab Episcopo admitti sine peccato; quia eum recusare nequit.

*Hinc* 1. Ipso jure invalida est ad Beneficium promotio. 1. Si promotus non habeat tonsuram, vel ordinem a Beneficio requisitum, vel saltem intra annum, illum non suscipiat. 2. Si non habeat ætatem requisitam, pro Episcopatu, videlicet 30. in Germania, in Gallia vero 27. annos inchoatos, ad dignitates sine cura, 22. completos. Pro Beneficio simplici, 14. inchoatos, ad Canonicatum vero in Ecclesia Cathedrali, 21. propter annexum Subdiaconatum, ex consuetudine tamen datur etiam habenti tantum 14. annos. 3. Si sit maritatus, vel aliqua censura, aut irregularitate notatus. 4. In Gallia si sit extraneus, valida quidem est collatio, ita, ut Beneficium resignare possit, non vero retinere, nisi literas naturalitatis obtineat, *Gibet. & alii plures apud Tourn.*

*Hinc* 2. Valida, sed mortaliter illicita est promotio. 1. Si fiat ad Beneficium curatum, vel Officium Ecclesiasticum indigni, vel minus digni prætermisso digniori, & uterque, promovens indignum, & indignus promotus, tenetur restituere Ecclesiæ, omnia damna, ex indigna administratione secuta; quia promovens peccat contra justitiam distributivam, & simul commutativam erga Ecclesiam, cui, ex officio, tenetur præficere dignos Ministros; & promotus, quia illud acceptando, injustitiæ cooperatur; & si promotus, Beneficium dimittere renuat, debet ad id compelli a Judice Ecclesiastico, interveniente Promotore, *Bill.* Promovens vero indignum, vel dignum relicto digniore extra concursum, nihil tenetur restituere digniori prætermisso; quia nullum habet jus strictum ad Beneficium, sed tantum, ne impediatur dolo, fraude, vi, metu &c. nec promovens dignum, relicto digniori, tenetur restituere Ecclesiæ; quia Ecclesia illam non solet exigere, licet per se, illam exigere posset. Promovens vero minus dignum in dicto concursu, relicto manifeste digniore, tenetur ad restitutionem digniori; quia sit ipsi injuria contra justitiam commutativam; cum dignior, jus habeat strictum ad Beneficium, æque, ac victor in certamine publico, ad præmium propositum, *Bill.* nisi parva tantum esset differentia, inter promotum, & digniorem; quia Episcopus, & Examinatores, non censentur velle tam strictam, sibi imponere obligatio-



gationem, alias nimis difficile esset, illorum officium, *ibid.*  
 Nec tenetur minus dignus promotus, Beneficium dimittere;  
 re; quia promotio est valida, & dignior relictus, habet  
 tantum jus ad rem, & recursum ad Promotores; promo-  
 tus vero, habet jus in re. Nec tenetur ad aliquam aliam  
 restitutionem; quia potest supponere, Examinatores sanctos  
 fuisse suo munere, & attendisse ad qualitates ipsi ignotas;  
 Si autem ei certo constabat, ipsum injuste promotum iri;  
 videtur obligari, deficiente Episcopo, uti cooperator inju-  
 stitiae, *Bill.*; quia debuisset se retrahere ab acceptatione  
 injusta. Non tenetur tamen Collator, vel Patronus di-  
 gniores inquirere in toto regno; quia hoc non raro de-  
 ceptioni esset obnoxium; sed ex his, qui in promptu sunt,  
 aut quorum noticiam habet, vel morali diligentia habere  
 potest. Nec dignitas hic attenditur simpliciter, & secun-  
 dum se, sed comparative ad bonum commune, quod ali-  
 quando potens in opere, & sermone, robusta sanitate,  
 ac industria, magis promovere potest, praecipue in Bene-  
 ficio laborioso, quam alius sanctior, & doctior cum par-  
 va complexione. Non autem excusatur Collator, vel Pa-  
 tronus, si nesciat esse indignum; quia debet positive sci-  
 re esse dignum, & inquirere, ut satisfaciatur suae conscien-  
 tiae. 2. Valida, sed graviter illicita est promotio minus  
 digni relicto digniore ad Beneficium simplex, sed gravis  
 momenti, v. g. ob suffragium dandum in electionibus ad  
 dignitates, & officia curam animarum habentia, quia inde,  
 grave damnum inferri potest Ecclesiae; ad alia vero  
 simplicia minoris momenti, ut modici Canonicatus, Ca-  
 pellaniae sine cura, non nisi veniale esse videtur, *Syl-  
 vius, Nav. Less. Gass. & alii*; quia ordinarie duntaxat  
 ad recitationem Officii divini, vel Missam dicendam obli-  
 gant; modo non frequenter fiat; quia tunc, grave Eccle-  
 siae, posset evenire damnum defectu Ministrorum, probita-  
 te, ac doctrina perspicuorum. 3. Valida, sed graviter  
 illicita, est collatio per resignationem, vel permutationem  
 cum digno, relicto digniore, *Sot. Nav. Sylvius Pont. &  
 alii*; saltem, si agatur de Beneficio curato, vel simplici,  
 magni momenti; quia Concilium Tridentinum dicit omnes  
 peccati mortalis reos, qui cooperantur quovis modo, ad  
 talem promotionem digni, relicto digniore, licet sententia  
 opposita suos etiam habeat Patronos, & non raro sit in  
 usu, etiam apud timoratos, *Less. & alii*; quia ajunt, non  
 F 3 incum-

incumbit, resignanti ex officio, præficere Ecclesiæ Ministros, ac proinde non peccant contra iustitiam, & ordinarie resignans est senes, ac inhabilis, & resignatarius juvenis, ac proinde Ecclesiæ utilior; Prior tamen opinio est securior, & in praxi tenenda.

*Quar. 14. Quale Beneficarii bonorum suorum habeant dominium?*

*Resp.* Prænot. 1. Bona Ecclesiasticorum sunt triplicia, videlicet: 1. Patrimonialia, quæ ex donatione, hæreditate, industria, & alio civili titulo eis obveniunt. 2. Quasi patrimonialia, quæ ut stipendia pro functionibus Ecclesiasticis, v. g. pro Missis, pro Cantu, præsentia in Choro, &c. acquirunt. 3. Mere Ecclesiastica, quæ ex solo Beneficii titulo, possident.

2. Congrua Ecclesiasticorum sustentatio secundum cujuslibet statum, officium, dignitatem, & Beneficii qualitatem adjudicari debet, & potest esse infima, media, & summa, v. g. si infima essent 100. aurei, media erunt, 225. & summa 250. aurei, & ad illam referuntur, 1. victus, vestitus, famulatus. 2. Hospitalitas. 3. Remuneratio fidelitatis domesticorum. 4. Modesta convivia, ac munuscula, ad fovendam amicitiam amicorum, vicinorum, ac benefactorum. 5. Solutio debitorum, ratione congruæ sustentationis, factorum, vel alio modo contractorum, si ex aliis bonis solvi nequeant. 6. Sustentatio consanguineorum in studio, vel Monasterio, si parentes nolint, vel non possint eos sustentare. 7. Dotatio illegitimorum, levatio indigentium ad statum conditionis Clerici, v. g. Episcopi, Cardinalis, &c. convenientem, fundando eis etiam redditus perpetuos, pro statu suo stabiliter conservando. His notatis.

*Dico.* Beneficarii circa bona patrimonialia, vel quasi patrimonialia, perfectum habent dominium, liberamque eorum dispositionem; quoad bona vero Ecclesiastica, congruam, ex eis habere possunt, sustentationem; superflua autem, ad piostenentur impendere usus, graviterque peccant, ad profanos illa impendentes, *ita communiter Doctores*; an autem insuper, ad restitutionem pauperibus, vel ad pios usus faciendam obligentur, solemniss est inter Doctores controversia, opinio affirmativa est securior, & ab iis, qui suæ salutis curam habent, tenenda.

*Hinc:* 1. Graviter peccant Clerici bona superflua mere Ec-

Ecclesiastica, ad usus profanos, in ea quantitate impendentes, ut mali eorum dispensatores æstimari possint, v. g. si tota summa bonorum superfluatorum, excedat centum, vigesima pars censetur pars notabilis, *Lugo. 2.* Qui ex superfluis emit possessiones, vel bona mobilia, tenetur in omni sententia, illa, cum adhuc possit, ad pios usus impendere. 3. Bona mere Ecclesiastica superflua, per donationem, hæreditatem, &c. dantes, & acceptantes, graviter peccant, & juxta securiorem, ea pauperibus, vel ad pias causas restituere tenentur; nisi titulo paupertatis, illa acceperint, 4. Non vero peccant, ex mere Ecclesiasticis, se sustentantes, & alia patrimonialia, vel quasi patrimonialia, ad alios usus licitos impendentes; nec peccant mere Ecclesiasticis, pro congrua sustentatione licite adhibendis, parcius utentes, & ad alios usus honestos adhibentes.

*Quar. 15. An licitum sit plura simul possidere Beneficia?*

*Prænot.* Beneficia alia sunt compatibilia, quæ personalem residentiam non exigunt, saltem pro eodem tempore, nec idem officium, eodem tempore exercendum habent, talia sunt etiam, quidam Canonicatus in Germania, tres tantum, vel sex menses residentię, exigentes. Alia sunt incompatibilia, quæ sunt duplicis generis: primi generis sunt, ea, quorum unum, ipso facto excludit alterum, v. g. duo Beneficia curata, duo Episcopatus, duo Canonicatus, vel Capellanıe eandem functionem habentes sub eodem titulo. Secundi generis sunt ea, quæ non ipso facto se excludunt, ita, ut primum vacet obtento secundo; attamen sine dispensatione retineri nequeunt; ut duo Canonicatus in diversis Ecclesiis. His notatis.

*Dico.* Illicitum est, ipsique institutioni Beneficiorum plerumque contrarium, plura sine justa causa, simul possidere Beneficia, etiam compatibilia, ac simplicia, *s. Thom. Conc. Trid.* quia minuitur cultus divinus, & voluntas Fundatorum defraudatur per plura Beneficia simul possessa. Justæ autem causæ sunt 1. Beneficii tenuitas. *Conc. Trid.* 2. Papæ dispensatio, ob evidentem videlicet Ecclesię necessitatem, vel utilitatem; sine justa causa vero, non valet dispensatio Papæ, *s. Thom.* 3. Legitima consuetudo ab Ecclesia expresse, vel tacite approbata.

*Hinc:* Clericus plura habere potest Beneficia compatibilia, etiam sine dispensatione. 1. Si neutrum sufficiat pro

sustentatione. 2. Si sint auctoritate Episcopi legitime unita. 3. Quando unum habetur in titulum, & aliud in commendam non perpetuam, sed solum ad aliquos menses, donec de idoneo provideatur, 4. Cum dispensatione ob necessitatem Ecclesiæ; cum alius dignus non reperiatur, vel ob utilitatem, cum sit persona sanguine, vel literatura sublimis, & ad Ecclesiæ defensionem valde utilis. 5. Si approbante, vel non reclamante Ecclesia, consuetudine ita sit receptum. 6. Si annum optionis habeat, redditibus tamen unius tantum Beneficii gaudere potest.

*Quar. 16. Quinam ad residentiam teneantur?*

*Resp.* Residentia est commoratio in loco Beneficii, personalisque, munerum Ecclesiasticorum administratio. Hoc notato.

*Dico.* Omnes Beneficiati curam animarum habentes, cujuscumque sint dignitatis, jure divino, tenentur ad residentiam in sua Ecclesia, vel Diœcesi, si sint Episcopi, suisque per se fungi Officiis, & Superiores curati, ut Episcopi, absque legitima causa, ultra tres menses continuos, vel interruptos, & inferiores, ut Parochi, Capellani perpetui, &c. ultra duos menses ex causa a Superioribus cognita, & probata concessos, absentes, præter alias pœnas, & peccati mortalis reatum, pro rata, temporis absentiae, fructus non faciunt suos, sed eos Fabricæ Ecclesiæ, vel pauperibus, sine alia declaratione, restituere tenentur; quia ita expresse decrevit Concilium Trid. *Seff. 23. de Refor. c. 1.*; non curati vero, ut Canonici ultra tres menses, vel brevius tempus juxta propriæ Ecclesiæ Constitutiones absentes, dimidia parte fructuum in primo anno, & in secundo omnibus, quos eodem anno lucrati fuerint, priventur. *Conc. Trid. Seff. 24. de Ref. c. 12.*, quæ pœna est ferendæ sententiæ, *Less. & alii*, & patet ex verbis Concilii Trid. citati, quæ sunt imperativi modi (priventur) & actionem alterius, nempe Superioris indicant. An vero recitando Officium divinum privatim, fructus annuos, absentiae suæ correspondentes, faciant suos, non conveniunt Auctores: non facere suos, saltem in foro conscientiæ, docet *Pontas & alii*; quia Bonifac. VIII. dicit Beneficium est propter Officium; contra existimat *P. Gervasius & Billuart*; si Divino Officio satisfecerint, eos, licet sine justa causa absentes peccent, non teneri restituere fructus annuos, secluso statuto, vel lege

lege speciali, vel Superiorum sententia. 1. Quia nulla extat lex generalis eos, ipso facto, ad restitutionem omnium fructuum obligans, prout extat pro curatis. 2. Quia Officium, de quo loquitur Bonifacius VIII. præter Chorum comprehendit recitationem Horarum Canonicarum, & residentiam in loco Beneficii, ac proinde Horas Canonicas recitans, mereretur etiam partem fructuum, pro sua sustentatione; dignus est enim operarius mercede sua, licet illud omittens omnibus fructibus privetur; & residens in loco Beneficii, meretur aliam partem, relicta tertia pro præsentia; quia residentia etiam, est onus Beneficii mercede dignum. 3. Quia non videtur æque graviter puniendus, a Choro solum absens, sicut simul non residens, nec Horas Canonicas recitans; quia minus est culpabilis, & relicta tertia parte pro præsentia a Choro, videtur satis punitus, secluso alio statuto particulari; & hæc videtur esse opinio Ecclesiæ, absentes a Choro, sola tertia parte fructuum, ipso facto privantis, & rationi conformior, ac proinde practicabilis, licet prior sit securior. Causæ autem legitimæ absentiæ, ultra duos, vel tres menses, sunt, 1. Christiana charitas. 2. Urgens necessitas. 3. Debita obedientia. 2. Evidens Ecclesiæ, vel Reipublicæ utilitas; *Concilium Trid. Sess. 33. de Refor. cap. 1.*; quibus additur consuetudo immemorabilis; ubi Concilii Tridentini dispositio, usu non est recepta. *Laym. & alii apud P. Gerv.*

*Hinc.* 1. Graviter peccat, & fructus non facit suos, Episcopus ultra tres menses continuos, vel interruptos per notabile tempus, solius recreationis, vel commoditatis causa a sua Diocesi absens; quia Concilium Trid. *Sess. 23. cap. 1. de Refor.* tres ad summum menses, æqua ex causa, & absque gregis detrimento permittit, & pro rata temporis absentiæ, fructus non facit suos, *ibid.* 2. Parochus graviter peccat, a sua Parochia absens, unum, aut alterum mensem apud suos parentes, vel amicos contemns, *Pontas*; saltem, si fiat sine alia ratione ab Episcopo cognita, ac probata, *P. Gerv.* quia idem Concilium Trid. nimis clare, approbationem Episcopi requirit, declarando, Curatos inferiores non posse abesse, nisi causa, prius ab Episcopo cognita, ac probata, & relicto Vicario idoneo, & non ultra bimestre tempus, nisi ex gravi causa, *ibid.* & ultra duos menses sine gravi causa absens, tenetur restituere fructus, suæ absentiæ correspondentes, *P. Gerv.*  
*Laym.*

*Laym. & alii*; quia juxta Concilium Trid. cit. non facit fructus suos, pro rata temporis absentiae: & ubi statutum est, ut ultra duos dies non absint sine licentia, statuto se subicere tenetur, *Declarat. Congr. Concilii Trid.*; ex iusta tamen, & gravi causa absentes, non petita licentia, non tenentur ad restitutionem, *Paul. Lugd.*; quia iusta causa ab ea excusat, licet non excuset a peccato, nisi ob periculum moræ, licentiam non prius petant, & postea Episcopum informant. Nec obstat residentiae continuæ, si parochus divertat ad funus vel anniversarium in vicinia, vel recreationis causa, eadem die reversurus; secus si sæpe de nocte fiat. Materia autem, gravis absentiae Parochi, est, unius diei Parochiano graviter ægrotante, nulloque relicto Substituto; quia eum exponit periculo carendi in necessitate spirituali, illius subsidio. Nullo vero ægrotante, absentia, quatuor, aut quinque dierum, *Paul. Lugd.*; & relicto in Parochia substituto, octo, vel decem dierum, *ibid.* Infra duos menses vero a Concilio Trid. concessos, absentia sine iusta; & ab Episcopo probata causa, ultra quindecim, vel viginti dies, censetur gravis, *Pont. Cabass. apud Tourn.*; quia habent minorem absentiam, relicto in Parochia idoneo Substituto, pro parvitate materiæ. 3. Graviter peccat Canonicus ultra tres menses notabiliter a Choro absens, præter distributiones tamen, non tenetur ipso facto, restituere fructus annuos, absentiae correspondentes, seclusa lege, vel statuto particulari Capituli, quia nulla datur lex generalis, ipso facto eum privans, & ob rationes supra dictas; existimat tamen Pontas, eum in foro saltem conscientiae, obligari ad restitutionem fructuum annuorum, pro rata absentiae, quod securius est, etiamsi resideat in loco Beneficii, *Pont.*; quia non censetur formaliter residens, cum inutiliter adesse, & abesse idem sint. Sufficit tamen pro fructibus annuis percipiendis, si Choro per novem menses ordinarie assistat cantando, licet non omnibus omnino Officiis adesset, *Pont.*; quia censetur formaliter residere, saltem moraliter loquendo, etsi aliquando absit. 3. Nec eum mortaliter peccare, censet Habertus, una, aut altera die, per novem menses, sine iusta causa, absens a Choro; quia duo dies respectu novem mensium, censentur materia levis; nisi Chorus graviter inde pateretur, & Paulus Lugd. tres, vel quatuor dies absentiae a Choro continuæ, vel interrupte requirit pro materia gravi.

gravi. 4. Canonicus sæpius sub Choro celebrans Missam, præter peccatum ob absentiam a Choro, tenetur ad restitutionem distributionum, & si absentia per novem menses plures dies efficiat, etiam fructuum pro rata absentiae, saltem secundum securiorem ut supra; nisi ob aliquam necessitatem, aut ex præcepto Superiorum, vel Sedis Apostolicæ fiat; *Concilium Mediol. IV. apud Tourn.* 5. Gravi-ter peccat cum onere restitutionis, ut supra, una die per singulas hebdomadas ultra tres menses abiens, vel ex septem horis, tribus tantum assistens, *Pont. & alii*; vel per triginta annos, Canonicatum in aliqua Ecclesia possidens, diebus Dominicis, ac-Festivis Choro duntaxat assistens, eo quod jubilatus dicatur; Licet fieret vi Statutorum Capituli, *Tourn.*; quia Statuta particularia Capituli non possunt derogare Concilio Trid. ac Juri communi. 6. Archidiaconi, Theologales, Pœnitentarii, &c. Canonici de comitatu Episcopi, non faciunt fructus suos, saltem juxta securiorem, si non interfint Officio, quoties non sunt legitime impediti, *Tourn.*; quia actualis duntaxat pro Ecclesia utilitas eos a Choro, & Residentia excusat.

Hinc 2. Excusantur a Residentia, curati Episcopi, ac Parochi, &c. 1. Succurrentes alteri Ecclesiæ in hæreseos periculo constitutæ, per prædicationem; vel inter Magnates, ac personas illustres pacem componentes, fidem diffeminantes; modo per suam absentiam propriæ Ecclesiæ, non plus noceant, quam aliis possint; quia charitas christiana ita suadet. 2. Absentes ob grave periculum particulare, ut vitæ morbi, bonorum, persecutionis tyranni, vel inimici; non vero ob commune, uti tempore pestis, vel belli, &c. quia bonus pastor animam suam dat pro ovibus, *Joan. 11.* Possunt tamen pro pestiferis, alios adhibere, & se sanis utiles præbere; quia utrisque debitores sunt. 3. Ægroti, etiam propria culpa, vel peccato, & non habentes in loco Residentiæ Medicum, vel aeris mutatione indigentes, injuste incarcerati, vel ab hoste retenti, vel pro processu prosequendo, *Pont.*; quia necessitas ita exigit, modo ab Episcopo fuerit recognita, & approbata. 4. Assistentes Concilio Generali, vel Provinciali, vel alio Ecclesiæ negotio applicati; quia evidens Ecclesiæ utilitas dicat. 5. In Officiis publicis a Rege detenti, vel pro Legatione missi, vel Consilarii in supremis Curii, Elcemosinarij Principum, Capellani apud Regem, vel Reginam

ginam pro tempore functionum, ac itineris necessarii, Musici, Cantores, *Gibert. Cabass. & alii*; quia Reipublicæ utilitas postulat. 5. Parochus vocatus ab Episcopo, per duos menses, in Visitationum cursu, vel ad alia Ecclesiæ suæ servitia, substituto in illius locum Vicario, *S. Congr.*; quia obedientia debita ita obligat, *apud Tourn.* non vero ut Vicarii Generalis, aut Officialis Officium exercent, *Pont.*; quia ad similia munia alii ordinarie reperiuntur, vel dimissa Parochia, Canonicatu, vel æquo stipendio donetur.

*Hinc* 3. Non Curati excusantur a Residentia, 1. Canonici Theologiam, vel Jus Canonicum docentes; vel per quinquennium studentes, consentiente Episcopo, qui ob indigentiam Chori eos ad Residentiam cogere potest, *Pont.* 2. Episcopum comitantes in visitatione, &c. vel duo aliis ejus obsequiis, vel Papæ addicti, vel nomine Capituli ad Papam missi. 3. Ad magnum Principem Legatione missi, vel pro deservienda Parochia rurali, ab Episcopo deputati, præcipue, si alius haberi non potuerit. *Pont.* vel ultra tres menses absentia a jure concessos, assistendo per duas, vel tres hebdomades cognatos, vel amico de salute periclitanti absque illius auxilio, *Pont.*

*Quar.* 17. *Quanam sint alia Parochorum obligationes?*

*Dico.* Parochus præter Residentiam corporalem, tenetur 1. residere etiam formaliter per se, fungendo suo Officio, & vix semel in mense, populum, verbo Dei reficiens, vel non utiliter de rebus fidei, moribus, & Sacramentorum susceptione instruendo, graviter peccat. *Tourn.* vel duobus, aut tribus mensibus totius anni discontinuis, *Bonac. Pont.* quia censetur materia gravis. 2. Grassantia scandalis per se, vel si non possit, per Episcopum coercere, & curare, ut Parochiani intersint Missæ Parochiali, Paschali fungantur Officio, nempe Confessionis, & Communionis, a superstitionibus, ac contractibus usurariis &c. abstineant, ludimagister recte doceat, mares a puellis separet. 3. Singularem pauperum curam gerere, infirmos Sacramentis munire, frequenter visitare, in extremis roburare, & consolari, egenos gratis sepelire, & omnibus ex corde condolare. 4. In diebus Dominicis, ac Festivis Missam parochialem parochianis suis, sine stipendio applicare, *S. Congr. Conc. Trid. plerique Theologi*; imo si Beneficium pingue habeat, singulis diebus pro ipsius applicare laudabile est; nisi Missas, ex alia Beneficii obligatione, ut in  
die



die depositionis, vel anniversarii suorum Parochianorum habeat, & Missas pro alio stipendio quærere, avaritiæ saltem indicium est. 5. Subditorum Confessiones excipere; & Eucharistiam ministrare quoties rationabiliter petunt ratione Festi, vel Indulgentiæ, vel conscientiæ gravatæ; & spirituales gregis suæ profectum pro viribus procurare; statum gratiæ in se continuo conservare: quia singulis momentis ad Sacramenta ministranda vocari potest. 6. Matrimonio non jungere in fidei rudimentis, Deique & Ecclesiæ præceptis non satis eruditos, nec vagos, ac advenas, sine Episcopi licentia.

## Q U Æ S T I O II.

### D E S I M O N I A.

*Quæritur. 1. Quid, & quotuplex sit Simonia?*

*Resp.* Simonia a S. Thoma definitur, studiosa voluntas emendi, aut vendendi aliquid spirituale, vel spirituali annexum, nempe, vel antecedenter, cui prius existenti succedit spirituale, ut fundo jus patronatus, benedictio vasi, lapidi altaris, vestibus &c. vel concomitanter, quod simul est cum spirituali, ut labor in Missa, vel Sacramentorum administratione; vel consequenter, quod sequitur spirituale, ut jus percipiendi fructus ex Beneficio; per aliquid temporale, sive ut pretium, sive ut motivum, sive ut gratuita compensatio detur, *Innoc. XI.* vel quocunque contractu non pure gratuito, vel non ex mera benevolentia.

2. Simonia alia est Juris divini, seu naturalis, quæ Jure divino, ac Naturali prohibetur, & est commutatio rei temporalis cum spirituali, ut tali, estque intrinsece mala. Alia est Juris Humani, seu Ecclesiastici; & est quælibet alia conventio ab Ecclesia sub pœna Simoniz prohibita; quia labem Simoniz redolet; talis est, dare, vel accipere pretium, etiam spontaneum, pro examine ad Beneficia, Ordines, vel occasione Ordinum, primæ consue- ræ, vel literarum testimonialium, vel dimissoriarum respectu Episcopi; licet tamen Secretario aliquid accipere pro

pro illarum expeditione juxta taxam, *P. Gerv.*; *vid. infra num. V. circa ord.* talis etiam est venditio Ecclesiæ, vel Cœmeterii, aut Officiorum, licet sæcularium ad Ecclesiam tamen spectantium, ut œconomi, Sacristæ &c., vel Chrismatis, etiam quoad materiam tantum; videtur tamen licitum, aliquid recipere pro illius distributione; præcipue, ubi ita usu est receptum. Item Simonia confidentiæ, permutatio Beneficiorum propria auctoritate, aliæque circa Beneficia pactiones, sine dispensatione Papæ, vel Episcopi in quibusdam casibus. Pro ipsis autem ordinibus, vel dimissoriarum concessione pretium accipere, Simonia est Juris divini; quia est exercitium potestatis spiritualis pro pretio.

3. Alia est realis, cujus pactio ex utraque parte est executæ, saltem inchoate v. g. si Beneficium est actu collatum, & pars pretii soluta. Alia mentalis, quæ est datio rei temporalis pro spirituali, nullo interveniente pacto, ut si Clericus serviat collatori principali intentione Beneficii obtinendi. Alia conventionalis pure, quæ ad pactum externum deducitur, sed ex neutra parte executioni mandatur. Alia conventionalis mixta, cujus pactum ex una parte, aut altera executioni est mandatum. Alia confidentiæ, quæ fit, quando confertur, resignatur, eligitur, præsentatur, vel acceptatur Beneficium cum intentione, vel certa confidentia, quod illud, vel illius pars, ut pensio, aliquo tempore sit reversura in favorem sui ipsius, vel alterius; & committitur quatuor modis, 1. per accessum, conferendo, vel procurando alicui Beneficium, ut postea alius, obtenta ætate, illud accipiat. 2. Per ingressum, resignando Beneficium alteri, ut postea, ipso mortuo, vel Beneficio dimisso, illud iterum ingrediatur. 3. Per regressum; resignando Beneficium alteri, ut idem sibi, vel alteri iterum resignet. 4. Per stipulationem, resignando cum pensione sine Papæ dispensatione. Permutatio autem propria auctoritate facta cum pensione, vel cum pacto regressus, Simonia est conventionalis, non vero confidentiæ. *Tourn.*

1. *Quar.* 2. *Quale peccatum sit Simonia, & quinam illam committere possint?*

*Dico.* Simonia ex genere suo, est peccatum mortale, nullam admittens materiæ parvitatem: quia omni Jure, Naturali, Divino, & Ecclesiastico graviter prohibetur; ref-  
que

que spirituales pretio terreno æstimare, gravis est injuria Religioni in omni materia; & quo minus datur pretium pro re spirituali, eo magis vilipenditur. Potest Simoniam etiam ipse Papa committere, non solum Jure Naturali, & Divino prohibitam; quia utrique subditus est; sed probabilius etiam illam Juris Ecclesiastici; quia tenetur ad leges a se, vel Prædecessoribus latas, saltem directive; rarius tamen eam incurrit; quia paucæ eum concernunt, & sicut cum aliis, ita & secum dispensare potest. Nec incurrit pœnas etiam contra Simoniam Lege Naturali, ac Divina prohibitam a Jure Ecclesiastico latas; quia non tenetur ad legem coactive, *Tourn.*; bene autem illius Ministri Simoniam, ac pœnas incurrunt, excepta Simonia Juris Ecclesiastici, si Papa sciens, diuturno tempore silentium servet, *Tourn.*; quia lex, quæ sciente, ac diu dissimulante Legislatore infringitur, censetur dispensari, vel per dissuetudinem abrogari, *ibid.*

*Hinc:* Papa Simoniam committit exigendo pecuniam pro Officiis Jure Divino, vel Ecclesiastico vendi prohibitis, *Tourn.*; ut pro Episcopatu, Prælaturis, Præposituris &c. Non vero eam incurrit, 1. exigens dispensando, certam pecuniæ summam ad sustentanda status sui munera; vel pro pœna criminis suppositi; vel pro vulnere Canonibus inflicto, desistendo per dispensationem a lege communi; vel ne nimis frequenter dispensationes petantur. 2. Nec recipiendo annates, quæ ex fructibus primi anni Beneficiorum vacantium percipit in subsidium honestæ sustentationis, aliosque pios usus. 3. Nec conferendo Beneficia, ac reservando partem fructuum pro annua pensione Clerici indigentis; vel pro Regibus, & Principibus ob Ecclesiæ defensionem; vel sibi pro sustentatione Ministrorum Evangelii; quos ubique fovet; quia Juris sunt Ecclesiastici, in quo dispensare potest.

*Quar. 3. Quot modis Simonia committi possit?*

*Dico.* Simonia variis modis committi potest, præcipue tamen fit, 1. per munus a manu, solvendo pecuniam, vel aliquid pecunia æstimabile, ut remissio debiti, solutionis dilatio, &c. 2. Per munus a lingua, promittendo, vel exhibendo laudem; intercessionem, recommendationem &c, apud alium. 3. Per munus ab obsequio præstando, vel promittendo quodlibet obsequium; & committitur, 1. Circa res Sacras. 2. In ingressu Religionis. 3. In Ord-

Ordinibus. 4. Circa Beneficiorum acquisitionem, permutationem, confidentiam, & foundationem.

*Hinc 1. Circa Res Spirituales* Simoniam committunt 1. ob benedictionem carius vendentes Vasa, ac Paramenta sacra, Altaria portatilia, Aquam benedictam &c. 2. Coronas, Agnus Dei, Imagines propter Indulgentias annexas. 3. Reliquias, vel pro pecunia illas deferentes, vel cultui fidelium exponentes. 4. Decimas, aut alia bona propter jus Patronatus annexum, vel propter jus percipiendi redditus Ecclesiasticos vendentes, aut ementes. Non tamen est Simonia, si res sacræ vendantur secundum suum valorem intrinsecum, ut Calices, Rosaria, Decimæ laicæ &c. vel Capsulæ Reliquiarum ratione materiæ; nisi lex obstat, ut in venditione Chrismatis.

2. *Circa Functiones spirituales*, dans, vel acceptans pretium pro labore intrinseco in celebratione Missæ, in Sacramentorum administratione, Concione, & Catechismo, prout excitant fidem, & conferunt gratiam; item in Oratione, Officio divino, dono Prophetiæ, vel Miraculorum, Benedictione, Exorcismis &c. Licet tamen, aliquid accipere, tanquam stipendium sustentationis; quia, qui Altari deserviunt, cum Altari participant, 1. Cor. 9.; & dignus est operarius mercede sua; etiamsi alias divites sint, *Suar. & alii*; quia cum serviant Altari, privantur facultate vacandi aliis suis negotiis, & mediis lucrandi suam sustentationem, & nemo, etiamsi dives sit, suis stipendiis militat; possuntque pacisci de stipendio, *Billuart.* quia non est mere elemosina; periculosum tamen est, certum extorquere stipendium, & Simoniam sapit, ultra taxatum, vel indebitum ob functiones, ad quas ex officio tenetur, exigere, *Tourn.* quia rationem pretii pro spiritali habet. Licet tamen aliquid accipere tanquam pretium pro obligatione celebrandi tali tempore, tali loco, tali hora, vel toties in hebdomade; quia talis circumstantia est quid temporale onerosum, pretio æstimabile, distinctum ab ipso opere spiritali: non videtur idem dicendum de tali solemnitate, saltem esset periculosius; quia non ita est distincta ab opere spiritali; sic qui melius, vel majori cum fatigatione concionatur, Missam solennem canit, non potest præse ratione majoris laboris, vel moræ temporis, aliquid pretii accipere, *Suar. & alii apud Tourn.* quia in unum coalescit cum opere spiritali: pot-

est

est tamen ab Ecclesia taxari majus stipendium v. g. pro Concione Passionis Domini, vel Patrocinii, aut Missa cum cantu, *apud Tourn.* quia non venditur major labor, sed qui plus laborat maxime in verbo, & doctrina duplici honore (id est majori mercede) digni habeantur, 1. *Tim.* 5. nec licet vendere studium, vel præparationem ad Concionem, etiam seorsim a Concione. *Tourn.* quia non æstimatur, nisi in ordine ad spirituale.

3. *Circa Sacramenta*, vendens, vel emens materiam proximam, vel formam Sacramentorum, ut ablutionem in Baptismo; consignationem frontis in Confirmatione, Panem, aut Vinum consecratum, etiam secundum valorem panis, ac vini non consecrati; quia per Consecrationem definit substantia panis, ac vini, & constituunt species materiam proximam Sacramenti, quæ cum forma est ipsum Sacramentum; etiam si fieret in extrema necessitate spirituali, ut si nullus adesset, qui infantem periclitantem sine pretio baptizare vellet; quia est intrinsece malum; nec licet pecuniam offerre pro redimenda ista vexatione, ut cesset a mala, ac sacrilega voluntate, *Tourn.* & alii contra aliquos; quia hæc vexatio non removetur, nisi per collationem Sacramenti, & ablatio vexationis, est ipsa collatio Baptismi; adultus vero potest salvari Baptismo flaminis; potest etiam licite emi aqua pro Baptismo, etiam benedicta, si alia non possit haberi gratis, modo propter benedictionem non carius ematur; vel alia materia remota Sacramentorum, ut Panis, ac Vinum consecrandum, excepto Chrismate, cujus venditio etiam quoad materiam specialiter prohibetur ab Alexandro III. *cap. 16.* & ab Innocentio III. *cap. 36. de Sim.* quia Episcopi ex Ecclesiæ dispositione, tenentur, gratis, de materia, suis Ecclesiis providere. Si tamen fur illud subriperet, & tanti, quanti ratione materię valet, venderet, non committeret Simoniam; quia solis Episcopis sub Simonia illius venditio, prohibita est, *Tourn.*; nec si aliquid recipiatur pro illius distributione, uti supra dictum est: potest etiam pretio addisci forma baptizandi, *Tourn.* vel modus administrandi alia Sacramenta; quia ista docere, vel addiscere, est aliquid naturale, sicut docere, & addiscere Theologiam; quia licet objectum illius, sit quid supernaturale, ac fidei; potest tamen cognitio, esse naturalis, & fundari in fide humana, ut in hæretico, vel infideli, & ut sic, prout intellectum

audientis, cognitione sublimium imbuat, sumi potest, in ordine ad pretium, pro labore.

4. *Circa Ecclesias*: 1. vendens, vel emens Ecclesiam Deo dicatam, vel Cœmeterium, etiam ratione materiæ; quia utrumque in Jure prohibitum est. 2. Vendens sepulturam sumptam pro ritu religioso, vel pro jure generatim in terra sacra, quod omnis habet Christianus, vel ratione terræ, in qua sita est, in jure de Sepult. & Simon; potest tamen vendi sumpta pro opere periculoso, ut tempore pestis, vel laborioso, ut fodendo terram, pro loco communi sepulturæ; ut Abraham emit speluncam, vel pro certa familia, ita, ut alii ibidem sepeliri nequeant, vel in loco honoratiori, emendo carius, ut in Ecclesia, vel prope Altare; Decog. quia est aliquid temporale, modo non attendatur major sanctitas. Nec si major crux majori pretio deferatur, vel Clerici aliquid accipiant pro funere comitando; Decog. quia hæc spectant ad pompam funebrem; vel titulo sustentationis, aut laboris datur; quamvis S. Antoninus, Suar. & alii apud Tourn. videantur contrarii, usu tamen comprobatur. Posset etiam emi Ecclesia; v. g. a Seminario, nullam habente pro servitio divino, cum licentia superioris, juxta valorem intrinsicum, Fromageau.

5. *Circa jurisdictionem*: accipiens etiam titulo sustentationis temporale, pro usu jurisdictionis spiritualis, ut pro dispensatione in votis, juramentis, impedimentis matrimonii, jejunii, & quibusvis Legibus Ecclesiasticis, pro censuris ferendis, vel absolvendis, pro correctione subditorum ex officio spirituali debita, vel illius omissione cum usu potestatis spiritualis, ut muneribus corruptus declarans judicialiter innocentem, qui erat puniendus, vel innocentem tueri, aut vero poenitentem reconciliare recusans; lib. Decr. de Sim. quia juxta Concilium Trid. Sess. 25. cap. 18. tenetur ad prædicta, gratis, ex officio, cui annexi sunt redditus Ecclesiastici pro sustentatione, & aliquid recipientes, censentur exercere potestatem spiritualem pro pretio. Non tamen Simonia committitur omissione pura, sine exercitio potestatis, ut omissione Missæ pro pretio; includit tamen turpitudinem Simoniacæ affinem. Potest etiam dispensando, aliquid imponi pro punitione criminis, ut in dispensatione irregularitatis criminis, vel impedimenti ex copula illicita, vel ne nimis frequenter petatur,

sur,

tur, aliquid exigi ad pios usus, vel pro compensanda deformitate ob recessum a lege communi; nulli dispensantium emolumento obveniente. Possunt etiam Superiores Ecclesiastici sine Simonie labe, accipere procuraciones, seu impensas, subditos visitando, vel Ecclesias consecrando, ita in jure.

6. *Circa Ordines*; 1. conferens; vel accipiens Ordines mediante pecunia, vel quodcunque munus ante; vel post ordinationem accipiens, vel ob preces amicorum; aut intuitu servitii præstiti, vel præstandi, admittens ad Ordines ineptos, *Tourn.*; vel promissionem, aut juramentum exigens; ne inquit et Episcopum super alimentis, quæ Episcopus dare debet sine titulo ordinato, vel Examinatores pro pecunia ad Ordines promoventes; vel Notarii pro literis dimissoriis, aut testimonialibus, vel sigillo etiam sponte oblata accipientes; *Conc. Trid. Sess. 21. Cap. 1. de Ref.* Possunt tamen Notarii in locis, ubi non viget consuetudo, nihil accipiendi, pro singulis literis dimissoriis, vel testimonialibus collationis Ordinis decimam tantum partem aurei (Id est Julium, seu septem, vel octo asses, ait *Tournely*;) accipere, dummodo nullum omnino; nec parvum, ait *Tournely*; eis constitutum sit salarium pro officio suo exercendo; vel alicubi legitima sit consuetudo, aliquid juxta taxam accipiendi; nec Episcopis, ex Notarii commodis, emolumentum ex Ordinum collationibus directe, vel indirecte provenire debet, *Conc. Trid. cit.* idem ob paritatem rationis dicendum de Notariis in collatione Beneficiorum, *Fagnanus, Pirhing. apud Tourn.* præcipue in Gallia; quia ita declarant sanctiones *Blesenses*; ann. 1579. art. 26. Licet tamen accipere candelas ab Ordinatis oblatas; non vero forcipes, pestines, ac mappas, quæ olim a consurandis præsentabantur, *Congr. Concil. Trid. 2.* In exercitio Ordinum; etiam minorum, ut Acolytus serviens ob pecuniam Missæ, imo etiam Laicus cantans Epistolam pro pretio in Missa, vel Choro; quia cooperatur rei Sacræ, *Tourn.*, vel Ostiarius ex officio claudens, vel aperiens pro pecunia ostium Ecclesiæ; secus si sit purus Laicus; *ibid.*; item Cantores, Musici, *Hubert. & alii apud Tourn.*; quia cantus, ac musica in Missa, ac Vesperis, rationem cultus Dei habent. Possunt tamen, aliquid accipere, titulo sustentationis, vel omnino gratuito.

7. Circa *ingressum Religionis*, dans, vel accipiens pro ingressu; quia saltem inchoate fit Religiosus, & Religiosi privilegiis gaudet, vel pro professione; quia est quid spirituale præbens jus, ac obligationem Deo serviendi, vel pro jure ad sustentationem; quia annexum est Statui Religioso, ut redditus, beneficio, vel pro victu, & vestitu, si Monasterium sufficienter sit dives, ac fundatum; quia est Simonia saltem palliata; qui in re non accipitur pro sustentatione, quam Monasterium dives jam sufficienter habet; sed pro ipso Statu Religioso, *Tourn. & S. Thom. S. Antoninus, Sylv. Pontas & alij contra Sylvestrum, Sotum, Tolet. &c.* existimantes esse Simoniam Juris Ecclesiastici, ubi Canones prohibentes sunt recepti, non vero alibi. Nec est Simonia, si Monasterium sit vere egenum; quia tunc datur pro sustentatione, vel gravamine impediendo, quæ sunt aliquid temporale; quando autem satis sit egenum judicandum, ut aliquid absque Simonia recipere valeat, omnes circumstantiæ loci, temporis, personæ, mala, ac infortunia præsentia, ac probabiliter futura, &c. pensari debent; modo insuper, bona intentione fiat, & nihil ultra congruam sustentationem exigatur: potest etiam communitas, licet dives sit, munera gratis oblata, vel eleemosinas, etiam copiosas accipere, *Greg. XIII.*; modo pure, & non, ut Superiores ad recipiendos in ordinem promptiores fiant, accipiantur, *Pont.* Possunt etiam ab aliis munuscula recipi, nullo interveniente pacto, & convivia tolerari, saltem sine Simonia notata; quia non pro Statu Religioso dantur, sed ut amici, ac propinqui, & ipsa communitas, quasi nuptiis spiritualibus recreentur, quamvis in jure, *Extravag. 1. de Sim.* severissime prohibeantur. Licet etiam beneficiis temporalibus allicere ad devotionem Monasterii, ut quis ex illa moveatur ad Religionem suscipiendam; quia licet beneficiis temporalibus alium movere ad ea, quæ ipsi sunt salutaria; uti ad conversionem, ad Sacramenta, vel Missam audiendam.

8. Circa Beneficia, Simoniam committit per munus a manu, 1. Episcopus, Beneficium conferens Vicario Generali, Sacellano, vel filio Advocati, ut extinguatur stipendium, quod illis alioquin solvere tenetur; vel alius quivis Collator, aut Patronus, aliquem præsentans ad Beneficium, eo pacto, ut Collatori, vel Patrono, aut alteri amico, vel con-



consanguineo pensionem, aut aliud debitum præsens, vel futurum condonet, vel dilationem solutionis concedat, vel solutionem anticipet; domum minori pretio locet, officinam fratris, frequentet, a lite iuste inchoata desistat, pecuniam mutuo det, domum, ac ædificia Præbendæ ex suis reparet, Decimas remittat, vel pro illis recuperandis processum non intendant, dimidiam partem Præbendæ Capitulo cedat, aliud Beneficium ipsi, vel alteri amico resignet, consanguineos nutriet, tot Missas pro eo applicet, vel ex fundatione sine loci, ac temporis determinatione præscriptas certa die, vel hora dicat, ut sibi, vel alteri præstet, quæ ex charitate tantum, vel religione, aut alia virtute a iustitiâ distincta debet; v. g. ut Medicus sollicitans pro Beneficio ferat auxilium ægrotanti, ut tali pauperi graviter indigenti succurrat, &c. quia simul cedunt in utilitatem temporalem conferentis Beneficium, vel alterius ipsius nomine: secus si ageretur solum de debito spiritali in commodum accipientis, v. g. ut Communionem Paschalem faciat, malum consortium vitet, &c. vel sine pacto, & obligatione solum eum movens non per Beneficium, sed rogando, suadendo, exhortando, animum illius placando, ut debitum temporale executioni mandet, *Billuart.*; vel dando pauperi Beneficium, ut debita inde solvat, etiamsi ipse esset ex creditoribus, *Suar.*; quia non novum ei onus imponit; periculosum tamen alii iudicant, præcipue, si ipse Collator esset ex creditoribus, vel accedente pacto; quia omne pactum circa Beneficia, ut simoniacum a jure reprobatur. Nec Simoniam committit, exigendo debitum, Beneficio annexum, v. g. ut in Choro cantet, hora sexta Missam dicat; vel Theologiam, aut Grammaticam doceat, modo hæc onera beneficio sint annexa, & non de novo, propria auctoritate exigantur; quia tunc non pro, sed cum onere conferuntur: potest etiam auctoritate Papæ, alicui Præbendæ, onus docendi annexi, & fructus unius Præbendæ juxta *cap.*, *nonnullis sit de magisteriis*; applicari ei, qui Grammaticam, sive Theologiam sit docturus. 2. Capitulum a novis Canonicis, certam summam exigens, etiam ex consuetudine pro certo jure (*droit de chape*) vel alia munuscula, si cedant in utilitatem Canoniorum particularium, non vero, si cedant in commodum Fabricæ; *Declar. supra Cons. Trid.*; ut dans chirotecas, vel etiam ex consuetudine

sine exigens, *Tourn. Pont.*; quia a Concilio & S. Congregatione prohibita sunt, & consuetudine cogente, & non ex mera liberalitate dantur. 3. Pretio procurans vota ad Beneficium, vel Officium jurisdictionem spirituales habens, vel ut alius maximam spem habens non concurrat, vel ut alterius literas, vel equi in via retardentur, ut illum apud Collatorem præveniat; quia pretio alterius jus ad spirituale impedit, ut ipse illud assequatur. 4. Offerens pretium pro institutione, aut confirmatione, vel commutans propria auctoritate, vel cum pensione sine Papæ dispensatione, vel Episcopi in Gallia, etiam pro compensanda inæqualitate Beneficii, vel ut unus solus sumptus solvat, vel quoscunque alios circa Beneficia contractus propria auctoritate perficiens, ut cedendo jus suum ad Beneficium pro pretio, vel cum pacto, ut alter impensas solvat, vel alio modo non gratuito propria auctoritate, lites circa Beneficia componens, etiam dando spirituale pro spirituali, v. g. aliud Beneficium, vel pensionem; quia sunt pacta a jure, ut simoniaca, prohibita; Potest tamen hoc fieri auctoritate Papæ, vel Episcopi in Gallia, *Tourn.*; quia æquivalet permutationi, & Episcopi in Gallia in necessitate in transactionibus, ac permutationibus pensiones permittere possunt, *Tourn. cit.*; nempe pro sustentatione, compensatione laborum, expensatum in lite, vel bono pacis; non autem pro ipso jure, quod quis cedit; quia esset Simonia Juris Divini, dando temporale pro spirituali, *Billuart.*; potest etiam fieri compositio amicabile, gratuito, cedendo juri suo, *ibidem*. Potest etiam fieri transactio, vel mutatio propria auctoritate circa alias res spirituales, Prælatis Ecclesiæ non contradicentibus, ut circa jurisdictionem spirituales, dividendo loca, vel actus jurisdictionis, vel circa reliquias, illas dividendo, vel dando reliquias pro reliquiis, vel dicendo uni Missam, ut ipsi dicat aliam; quia consuetudine est permixtum, *Billuart.* Non tamen possunt cedi reliquias, ut cedenti, pars eveniat oblationum; quia esset dare spirituale pro temporali. Nec Simoniam committit redimens injustam vexationem, muneribus arcens injuste impediens a consecutione Beneficii, cujus jus acquisitum certum, ac liquidum habet, sive in re per confirmationem, vel institutionem, aut ipsam possessionem, *Tourn. & alii*; sive ad rem per præsentationem, vel

vel

vel electionem, *Billuart.*; quia in utroque casu non dat temporale pro spirituali, ad quod jam supponitur jus habitum, sed pro amotione injusti impedimenti illud prosequendi, modo remotio impedimenti sint distincta a re spirituali, & non sit illius collatio: sic injuste incarceratus electus, vel præsentedatus, ne confirmationem, vel institutionem obtineat. vel institutus, seu confirmatus possessionem acquirat, potest sine Simonie labe procurare muneribus liberationem a carcere, ut postea liberatus confirmationem vel possessionem gratis obtineat; quia munera non dantur pro confirmatione, sed pro liberatione a carcere, sic ob paritatem rationis, impediendi injuste confirmationem, vel institutionem, diffamatione, vi, fraude, vel etiam muneribus, blanditiis, precibus importunis, offerri potest pecunia, ut cesset a vexatione, *Sylv. & alii*; quia cessatio non est collatio rei spiritualis, sed quid temporale, modo absit scandalum, & non detur spirituale pro cessatione vexationis, quæ est temporalis; nisi ex sola benevolentia cessationem a vexatione expectaret; quia tunc Beneficium gratis datur. Nec Simoniam incurrit offerens pretium electoribus volentibus eligere indignum, ne eum eligant. *Billuart.*; quia est redimere vexationem injustam Ecclesiæ, etiamsi sciat nullum præter se esse dignum; modo non directe intendat electionem sui, vel alterius digni in genere, vel in particulari, *ibid.* quia directe intenderet spirituale pro temporali. E contra Simoniam committit offerens pretium neganti, sive juste ex odio, confirmationem, vel institutionem Beneficii; quia si juste neget, non est vexatio, nec pro illa datur; si injuste neget, ablatio vexationis est ipsa collatio institutionis, & non est vexatio quid distinctum: item Simoniam committit, electioni sui ad Beneficium a majori parte communitatis factæ juste contradicenti, offerens pretium, ut pariter consentiat, *Lucius III.*; non præcisè, quia ex inlenso, fecit, pretio, sibi amicum, sed quia ob contradictionem jus illius ad rem spirituales non est certum, sed dubium, & periculo se exponeret emendi spirituale, nempe jus certum; secus, si injuste contradiceret, *S. Thom. apud Pont. 5.* Simoniam incurrit conferens Beneficium ex metu, cujus evitatio est simul boni temporalis consecutio; ut minantis subtractionem ulteriorum favorum, dignitatum, &c. vol interveniente pa-

cto; secus si non nisi imminens damnum, mortem, infamiam, odium evitare intendat, *Suaz. Soto & alii*; quia nihil temporale recipit. Nec Simoniam incurrit conferens alicui Beneficium, propter consanguinitatem, vel amicitiam, vel alio affectu carnali; est tamen illicita collatio; quia est acceptatio personarum, & recta deest intentio; nec pretium offerens, vel certas impensas in alia Commenda faciens, vel obsequia prestant pro Beneficiis Equitum Melitenium, quæ dicuntur Commendæ Militares, *Bill.* quia non sunt proprie Beneficia, sed subsidia propter obsequia in defensionem Ecclesiæ præstita, vel præstanda, concessa; Est tamen illicita illarum pro aliis obsequiis, vel pro pecunia acquisitio, *ibid.*; quia est contra intentionem fundatorum, volentium, ut ob defensionem, vel defendendam Rempublicam christianam dentur. 6. Simoniam committit redimens pensionem clericalem spirituales, quæ datur Clerico, qua Clerico, titulo ministerii spiritualis, ut Coadjutori Episcopi, Parochi, Concionatoris, &c. solvendo certam summam simul; vel sine dispensatione Papæ redimens pensionem clericalem mixtam, quæ datur Clerico, sed non titulo ministerii spiritualis, ut Pastori seni, resignanti, permutanti, cedenti lite, &c. ad sustentationem; vel etiam redimens laicalem, quæ datur ex fructibus Ecclesiæ ex foundatione provenientius Laico, vel Clerico ob ministerium temporale præstitum, vel præstandum, ut Œconomo, Aedituo, Medico, Organistæ, Principi ob defensionem Ecclesiæ, vel resignans cum conditione, ut alter impensas a resignante in consecutione ejusdem Beneficii factas refundat, domum, & suppellectilem resignantis emat, vel status clericalis per totius sororem resignatarii facilius in uxorem accipiat, vel illum in aliis rebus adiutorem habeat, *Tourn.*; quia hæc omnia sunt pretio æstimabilia. Non tamen esset Simonia, promissio Beneficii pro pretio facta, animo non promittendi; quia non est vera pactio; bene zutem facta, animo promittendi, sed non servandi, vel se non obligandi; quia in utroque casu vera est pactio.

*Per munus a lingua*, Simoniam committit, 1. conferens alicui Beneficium, ut eum laudet apud Principem, fratrem pro officio recommendet, in Capitulo ejus suffragio potentior fiat, vel alium favorem ipsi, vel ejus consanguineis exhibeat. 2. Ad amicorum, vel potentum preces dans

dans alteri Beneficium, ut eos sibi devinctos habeat, præcipue interveniente pacto, *Tourn.*; vel si preces, ut obligationem civilem, aut precantis favorem, ut prelium Beneficii attendat, *Billuart.*; quia tunc datur spirituale pro temporali, quod potissimum fit, si preces fiant pro indigno, *S. Thom.*; quia tunc non dignitate personæ, sed favore humano, pretio æstimabili moveri censetur. Secus autem hac intentione, vel pacto, precibus ab alio porrectis motus, Beneficium conferens, ac acquirens non committit Simoniam, *Tourn.*; præcipue si fiant pro digno, *Tourn.*; quia si sit dignus, preces non impediunt, ne fiat gratis ad Dei honorem, ac Ecclesiæ utilitatem, & si sit indignus, licet male fiat, gratis tamen fieri potest, quamvis difficilius, ac proinde sine Simonia. Idem dicendum est de eo, qui pro se petit Beneficium curatum *Tourn.*; quia quamvis se dignum, vel digniorem existimans ex præsumptione juxta *S. Thomam* fiat indignus, & pro indigno petat, nisi aliunde testimonium capacitatis habeat, vel se examini, aut judicio Superiorum, vel concursui pro ea cognoscenda offerat, vel jure graduatorum petat, vel non nisi manifeste indigni adessent promovendi, vel Beneficium esset simplex, pro quo quælibet fere capacitas sufficit, vel pro supplemento tituli exspectetur; potest tamen gratis illud obtinere. 3. Simoniam committit familiaribus Episcopi, vel amico Collatoris munera præbens, vel offerens pro intercessione, vel recommendatione ad Beneficium, *S. Thom. apud Tourn.*; quia muneris interventu spirituale assequitur, & preces, ut medium ad spirituale, & ratione Beneficii æstimatas emit; secus, si solum labor, impensæ, molestiæ, lucrum cessans, ac damnum emergens in itinere adeundo Collatorem, rogando, scribendo, compensarentur pecuniis æquivalentibus, & non excedentibus, nulla habita ratione successus, pinguedinis Beneficii *Tourn. Sylvius, & alii*; nec Simonia committitur, si detur donum familiaribus Episcopi, vel domesticis Collatoris, ut per eos habeat aditum, *Tourn.*; quia non intendit per munus Beneficium; nec si detur, ut ignotus apud Collatorem per eos notus fiat, ipsiusque merita, ac dignitas Collatori innotescant, & pro libitu disponat, *Billuart.*; sed hoc in praxi, ob periculum, vix rolerari debet, *Tourn.*; quia alia, & sine pretio, ipsius dignitas insinui potest Collatori. 4. In Concionibus, vel

Con-

Confessionali Magnatibus adulans, ut inde aliquid temporalis commodi reportet, *Tourn.*; vel Conciones eo animo habens, ut hominum laudes, ac suffragia promereatur, *Tourn.*; præcipue si hic esset finis principalis, vel pactum interveniret; secus, si pro cognoscenda, vel indicanda capacitate fiat.

*Per munus ab obsequio*, Simoniam incurrit, Magnatum negotia gerens, pueros ad literas informans, vel Episcopo, præcipue in temporalibus, inserviens, ut eorum favore pro obsequiorum compensatione, Beneficium consequatur, vel Episcopus, obsequia Capellani, præcipue temporalia, & sibi personaliter exhibita, Beneficii collatione compensans; quia datur, & accipitur spirituale pro temporali. Excusari tamen potest, si eis gratis inserviens, attamen ut capacitas illius simul ipsis innotescat, eorum benevolentiam captivet, licet ex gratitudine mera, vel benevolentia Beneficium speret, *Sylv.* vel si obsequia spiritualia principaliter ad Dei honorem, & Ecclesiæ utilitatem exhibeat, ut se digniorem efficiat, vel probet, licet secundario de Beneficio cogitet, vel Episcopus Beneficium conferat, ut zelum, & obsequia spiritualia populo, vel Ecclesiæ exhibita compenset; quia nihil accipit.

*Confidentia*, Simoniam committunt conferentes, vel procurantes alicui Beneficium, ut alius id obtenta ætate accipiat, vel ipse eo mortuo, vel Beneficio dimisso, idem ingrediatur, vel ut sibi, vel alteri a se assignato postea iterum idem Beneficium resignet, vel pensionem sine dispensatione solvat, non tamen est Simonia Confidentia, si alicui conferat Beneficium, qui jam aliud cum eo incompatible habet, cum pacto, ut aliud sibi, cujus est etiam Patronus, pure, & simpliciter resignet; quia nihil exigit, nisi quod suum est, ratione Patronatus, & conforme intentioni Ecclesiæ; nec est, Simonia, si conferat Beneficium ei, quem scit illud, vel aliud resignaturum suo nepoti, nullo interveniente pacto; peccat tamen graviter, accipiens Beneficium, cui inservire non intendit, *Pont. do confid. casu 7. & 8.*

*Circa foundationem*, fundans Beneficium principali intentione, ut sibi conferatur, vel sibi collatum permutet, vel ipsemet id alteri conferat, ut aliquid Beneficium sibi, vel alteri a se assignato resignet.

*Quar. 4. Quanam sint poena Simonia; & quinam eas incurrant?*

*Dico.*

*Dico. 1.* Quamvis quælibet Simonia species gravissimum sit peccatum, & jure positivo, solum pretium simoniace pro Religione, Ordine, ac Beneficiis acceptum, sit restituendum, jure tamen naturæ pro quacunque re spiritali acceptum ante Judicis sententiam restitui debet, *s. Thom. & alii plures contra alios*; quia, cum acceptum sit pro re, non vendibili, & per contractum Jure Naturæ nullo, retineri nequeat; hinc absolute restitui debet ei, qui illud dedit, præterquam in materia beneficii, *Tourn.* quia Jure Naturali unicuique, quod suum est, reddi debet, nisi lex vetet; sic ex juris dispositione in materia beneficii Ecclesiæ, in qua est Beneficium, restitutio fieri debet, *Tourn. & alii*; quia ipsi injuria facta est. Res vero spirituales simoniace acceptæ, ut Ordines, Professio religiosa, Consecratio Altaris &c. non sunt ante Judicis sententiam restitutioni obnoxie, *Bonac. Suar. Cabass.* quia valide, licet simoniace conferuntur, *Tourn.*; exceptis beneficiis, & rebus Ecclesiasticis, ut pensio, quæ viribus omnino carent, *Paul. II.*; & abdicatio Beneficii simoniace accepti fieri debet inter manus Collatoris; qui ipse illud legitime conferre potest; nisi esset simoniacus publicus, ac proinde excommunicatione publica notatus, *Pont.*; occulta enim non privat jure collationis; & tunc devolvitur ad Ordinarium, *Billuart.*

*Dico. 2.* Pœnæ juris solum incurruntur per Simoniam in ingressu Religionis, in Ordinibus, in Beneficiis, ac Officiis Jurisdictionem spiritualement habentibus, commissam, *Cajet. Suar. Tourn.*; & quidem solum per realem ex utraque parte saltem inadæquate completam, soluta parte saltem pretii, *Nav. Less. Cabass. Tourn. & praxis Romane curia*, excepta Simonia confidentiæ, in cujus speciale odium per completam solum ex una parte incurruntur, *Cabass. Tourn. & alii*; siue Simonia realis fiat per munus a manu, siue lingua, vel obsequio, *Salmantenses, & alii communiter contra Thom. de Charm. Paul. Lugd. & Pont.*; quia lex nullam facit exemptionem, & Simonia per munus a lingua, & ab obsequio est realis, & completa, ut supponitur, & munus ab obsequio, vel a lingua æquivaleret pretio muneris a manu; nec auctores contrarii aliquam suæ opinionis afferunt rationem.

*Dico. 3.* Pœnæ juris contra Simoniam in ingressu Religionis sunt 1. excommunicatio Papæ reservata contra singulos dan-

tes

tes & accipientes. 2. Suspendio Capituli, vel Conventus a functionibus capitularibus, si consenserit, Papæ pariter reservata. 3. Reclusio simoniace admissi, in arctius Monasterium, post sententiam Judicis, *Tourn.* Contra Simoniam in ordinatione, 1. excommunicatio Papæ reservata simoniace ordinati, ordinantis, ac mediatoris. 2. Suspendio Ordinis non solum scienter simoniace suscepti, sed etiam eorum, quos antea legitime suscepit; & si alicujus functiones exerceat, sit irregularis; non tamen eam incurrit Simoniam ignorans, *Tourn. contra Thom. ex Charn. & S. Thom.*; quia non datur poena sine culpa, & ex parte sui valide, ac licite eos recipit, & odiosa sunt restringenda. 3. Suspendio simoniace ordinantis a collatione Ordinum, etiam primæ tonsuræ, & executione omnium munerum Pontificalium, & ab ingressu Ecclesiæ interdictio, *Tourn.* Contra Simoniam in Beneficiis, 1. excommunicatio dantis, accipientis, & mediatoris Papæ reservata. 2. Nullitas Beneficii simoniace obtenti, ac inhabilitas ad idem beneficium, 3. Restitutio pretii, & omnium fructuum vi Beneficii obtentorum Ecclesiæ, in qua est Beneficium, facienda, etiam distributionum præsentia; quia illas recipit vi tituli simoniaci, etiam bona fide accepti: non tamen stipendia Missarum, Concionum &c. quæ recipit pro labore personali, *Tourn.* Contra Simoniam *Confidentia* poenæ sunt 1. excommunicatio, nullitas Beneficii simoniace obtenti, ac privatio omnium Beneficiorum, ac pensionum, antea legitime acquisitarum, saltem post Judicis sententiam. 2. Inhabilitas ad idem, & omnia alia Beneficia. 3. Restitutio, ac reservatio Beneficii confidentiarie obtenti, Sedi Apostolicæ, & fructum illius a die confidentiæ, *Camera Apostolicæ* extra Galliam; in Gallia vero Ordinario, in cujus manus Beneficia confidentiarie collata possunt resignari; quia Sixtus V. reservationem abstulit pro toto regno Galliæ, *Tourn.*

*Hinc:* Parochus vendens Sacramenta, vel Episcopus Dispensationes, Reliquias, Chrisma, Oleum sanctum. Calices, Altaria portatilia &c. ratione Consecrationis carius vendens, graviter peccat contra Religionem, & tenetur refundere pretium ei, a quo accepit; quia invalide fuit datum, & acceptum pro re non vendibili; non tamen incurrunt alias poenis Juris; quia solum contra Simoniacos in ingressu Religionis, Ordine, ac Beneficiis sunt lætæ.

Nec



Nec tenetur accipiens rem spiritualem, eam restituere, quia illius collatio ex parte accipientis est valida, ut supra dictum est; *Tourn.*; Reliquiæ tamen, refuso pretio, repetitæ, reddi debent. 2. Acquirens simoniace Pensionem, vel Vicariam temporalem, graviter peccat, debetque restitui pretium ei, a quo fuit acceptum, ac pensio; quia Urb. II. nullitatem imposuit Simoniz in rebus Ecclesiasticis; idem dicendum de Præstimoniiis, *Tourn.* & de venditione Juris Patronatus, *Tourn.* & alii; quia Concilium Trid. *Sess. 25. cap. 9. de Reform.*; illius venditionem declarat nullam, & perit emptori, ac venditori, & revertitur ad Episcopum, *Pont.*; pœnas juris tamen non incurrunt; quia non sunt Beneficia, *Tourn. Habert.* 3. Episcopus, Ministri &c. ut Examinatores, Secretarii, Notarii simoniace promoventes ad Ordines, etiam ad primam tonsuram, pœnas Juris incurrunt, *Tourn. cum communiori*; quia prima tonsura in sacris Canonibus, Ordo vocatur: sic emens, ac vendens literas dimissoriales, vel sigillum ante consecutionem Ordinum, censuras saltem incurrunt, *Bonac. Tourn.*; quibus faver Concilium Trid. *Sess. 11. de Reform.*; quia jus dant ad Ordines subsequeutes: non vero pœnas incurrunt, si quid pro illis detur, susceptis jam gratis Ordinibus sine prævia conventionione; peccant tamen dans, & accipiens, ubi viget Concilium Trid. cit. *Tourn. nisi dent coacte, & alio modo eas habere non possint, Suar. Less.* quia esset mera vexationis redemptio. 4. Dans, vel accipiens, quodcunque munus, sive a manu, sive ab obsequio, vel lingua, etiam Prælati, Abbates, Guardiani, Generales &c. pro Beneficio, vel officio incurrunt pœnas juris, *Cajet Suar. Cabass. & alii*; quia inter Beneficiarios simoniace contrahentes a Paul. II. recensentur: non vero eas incurrit dans, vel accipiens, cum intentione Beneficii, nullo tamen interveniente pacto; quia est pure mentalis; nec solum promittens, & facti pœnitens, nihil solvens, etiam si chirographum pro solutione dedisset, ac Beneficium obtinisset, *Tourn.*; quia non est realis completa; nec in utroque casu tenetur ad restitutionem Beneficii obtenti, *Tourn. Nav. Less. Cabass. & alii*; quia acquisitio Beneficii Jure Naturali est valida, & nullo jure positivo irritatur; obtento vero Beneficio, & soluto unico tantum aureo, vel minus, pœnas juris incurrit; quia est Simonia realis completa, ex utraque parte, saltem inadæquate,  
& te-

& tenetur restituere Ecclesiæ Beneficii pretium, ac fructus Beneficii, etiam distributiones, vel ad pios usus, ubi consuetudo permittit. Potest tamen dispensationem a Papa obtinere quoad fructus; & si restituendo sit impar, tenentur mediatores non solum ad pretium, sed etiam ad fructus, quos Beneficiarius accepit, vel culpa sua non accepit: quia sunt causæ cooperantes damni, & tenentur in defectum principalis; nec potest resignare alteri, nisi Collatori, si Simoniā sit occulta, & Episcopo, si sit publica; *Tourn.*; quia Beneficium non est suum; & Collator per Simoniam publicam incurrens excommunicationem notoriam collatione privatur; non tamen amittit Beneficia antea rite possessa, bene autem postea acquisita; nondum obtenta absolutione ab excommunicatione; obtenta autem absolutione, etiam ab Episcopo, si Simoniā fuerit occulta; resumit capacitatem possidendi Beneficia, *Cabass. Pont. & alii*; nec qui bona fide ex ignorantia probabili pecuniam dedit; illa privatur; quia; ubi est bona fides, non est culpa, ac proin nec pœna; debet tamen restitui Beneficium, *Tourn.* quia invalide fuit collatum. 5. Exigens pensionem, vel sibi solvi consentiens ex Beneficio confidentiarie dato, easdem pœnas incurrit, quibus subiacet confidentiarie Beneficium accipiens, Pius IV. non vero sub confidentia resignans, nec ejus mediatores excidunt a Beneficiis; vel Pensionibus legitime partis; nec inhabiles ad eadem sunt, *Cabass.*; quia illæ pœnæ contra accipientes latæ sunt; censuras tamen incurrunt jure veteri latas contra Simonicæ reos; quia Simoniam in Beneficio comittunt, *Nav. & alii*; prædictas pœnas tamen non incurrunt, qui statim ad se reversi, & resipiscentes celeri Beneficii confidentiarie accepti dimissione, sibi profuerint, *S. Pius apud Tourn.*

*Quar. 5. Qualem, Simoniam ignorans, pœnam incurrat?*

*Disc.* Licet ignorans Simoniam, v. g. a patre, vel ab alio in Beneficio acquisito commissam a culpa, & excommunicationis pœna sit immunis; invalida tamen est ejus ad Beneficium promotio, sitque ad idem Beneficium inhabilis, ac illud ante Judicis sententiam dimittere tenetur, omnesque restituere fructus adhuc extantes, non vero bona fide consumptos, nisi in quantum ex illis factus est ditior, *Billuart*; excepto triplici casu, 1. Si inimicus provisi, ipso ignorante, pretium malitiose obtulerit, ut

eum

tum ad Beneficium inhabilem reddat. 2. Si providendus expresse contradixerit, & quantum in se erat, prohibuerit, modo Simoniam non noverit antequam Beneficium acceptaverit, nec pretium postea solverit. 3. Si per triennium ignorans Simoniam, bona fide Beneficium possederit, *Tourn. & alii.*

*Quar. 6. Quisnam a panis contra Simoniacos latis possit absolvere?*

*Dico.* Licet pœnæ contra Simoniacos latae ab ipso jure, soli Papæ sint reservatae, possunt tamen in Gallia Episcopi ab excommunicatione absolvere, si sit occulta, & ad Beneficium simplex ignoranter per Simoniam promotum, post liberam in eorum manus resignationem, rehabilitare, modo eam non habuerint ratam, & ad Forum contentiosum non sit deducta, & absolvere a suspensione ignoranter simoniace ordinatum, potestque ipsemet Episcopus a quovis Confessario, in hunc finem electo a pœnis Simoniae absolvi, & rehabilitari; *Greg. IX.*

### Q U Æ S T I O III.

#### DE OBLIGATIONIBUS RELIGIOSORUM.

*Quaritur. 1. Quid sit Status Religiosus?*

*Dico.* Status Religiosus est stabile vitæ institutum ab Ecclesia approbatum, tendens ad perfectionem per tria vota, Paupertatis, Obedientiæ, & Castitatis. Contemplativus est perfectior activo.

*Hinc:* contra substantiam Religionis graviter peccat Religiosus, 1. notabiliter negligens, tendere ad perfectionem. 2. Contemnens media perfectionis, regulam, constitutiones, statuta &c. 3. Volens tantum observare sub peccato obligantia, & non curare alia perfectionis media. 4. Volens semper in eodem perfectionis statu permanere. 5. Invalida est professio in Religione non approbata, *Bell.*; quia ab Ecclesia non est acceptata, & profitens, non intendit se obligare, nisi in Religione valida, & approbata.

*Quar. 2. Quanam sint obligationes Status Religiosi?*

*Dico.* Obligationes Status Religiosi sunt, 1. licita, ac  
vali-

valida Candidatorum receptio. 2. Valida trium Votorum Religiosorum professio. 3. Paupertatis, Obedientiæ, & Castitatis observatio. 4. Stabilis in eodem Ordine permanſio, non niſi gravi ex cauſa permiſſo egreſſu. 5. Legitima Superiorum electio. 6. Debita Papæ, ac Episcopis ſubmiſſio, juxta Juris, ac Concilii Tridentini diſpoſitionem.

*Quar. 3. Quinam Religionem teneantur ingredi, & quomodo ad illam compellentes, vel ab ea retrahentes peccent?*

*Dico.* Licet Status Religioſus ſolum ſit de Conſilio; qui tamen vovit Religionis indeterminatæ ingreſſum, nulloque determinato tempore, unam tenetur ingredi, quamprimum moraliter fieri poteſt, & in ea profiteri, ſi ei convenire agnoverit; & ſi in una non recipiatur, tenetur alteri ſe præſentare; & ſine juſta cauſa egrediens, vel propria culpa diſmiſſus, aliam tenetur ingredi; non tamen extra ſuam nationem, nec puella extra ſuam provinciam: ſi vero determinatam voverit, adhibito morali conatu, in ea non admiſſus, liber eſt a voto, & qui vovit laxiorem, poteſt ingredi ſtrictiorem; impellere autem vi, fraude, &c. ad ingreſſum Religionis, vel ſine juſta cauſa, aliquem ab ea retrahere, græve eſt peccatum, *Concil. Trid. Seſſ. 25. de Reg. 18.*; nec minus peccant, reſuſatis dignis, indigno recipientes, vel ſuffragium digno negantes, & indignè votum dantes; quia dignus, juſ habet per Novitiatum ad Profeſſionem; indignus vero, Religioni, eſt pernicioſus.

*Quar. 4. Quinam invalide, & illicite in Religionem recipiantur?*

*Dico.* Invalide in Religionem recipiuntur, 1. qui non ſunt ſui juris, ut Episcopi, ſervi, pueri ante annos paupertatis, conjugati matrimonio conſummato, ſine comparitis conſenſu, niſi eſſet adultera; profeſſi in alia Religionē ſtrictiori; vel per proprias Conſtitutiones Religionem mutare prohibiti. 2. Hermaphroditi, niſi ſexu prævaleat. 3. Per propria ſtatuta excludendi, ſub pœna nullitatis: illicite autem recipiuntur, 1. debitis gravati. 2. Habentes parentes pauperes. 3. Qui ſub ſpe matrimonii, virginem decepit. 4. Rationibus reddendis obnoxius, ut Tutor &c. 5. Criminofus, de crimine capitali accuſatus, vel inquiſitus.

*Quar. 5. Quanam ſint Novitiorum privilegia?*

*Dico:* Novitiū, 1. valide, ſed non ſemper licite confiteri

teri possunt Sacerdoti sæculari ab Ordinario approbato. 2. Non incurrunt casus, ac censuras Ordinis. 3. Possunt absolvi ab omnibus, etiam irregularitate, ut professi. 4. Gaudent privilegiis Fori, & Canonis, ac exemptione ab Ordinario, & Indulgentiis, ut professi, & plenariis assumendo habitum, *Paul. V.* 5. Vota in sæculo emissæ, sunt saltem suspensæ, si Ordinis obsequiis repugnent. 6. Possunt Beneficium sæculare, durante Novitiatu, retinere.

*Quær. 6. Quinam sint valida Professionis conditiones?*

*Disco.* Ad validitatem Religiosæ Professionis, requiritur 1. ætas 16. annorum, *Consil. Trid.* 2. Annus integer, & non interruptus probationis, a momento habitus suscepti, in momentum Professionis. 3. Prælati tacita, vel expressa acceptatio, cum majoris partis Capituli localis, consensu. 4. Plenus, ac liber voventis consensus, absque metu gravi, vel reverentiali, cum minis rigidæ tractationis. 5. Exclusio, omnis alterius impedimenti, in eo ordine, essentialis; pro ejus vero renovatione si fuerit invalida, requiritur 1. notitia invaliditatis, 2. consensus novus, expressus, & liber.

*Hinc* 1. Novitius fide ingressus, animo non profitendi, vel mutans animum, quem habuit profitendi, valide incepit, & continuat Novitiatum, modo sincere emitat Professionem, *Billuart*; quia intentio non est de valore, cum sine illa fieri possit probatio, quam lex tantum intendit: idem dicendum de eo, qui vi, vel metu ingressus, modo cessante vi, vel metu, libere profiteatur; quia licet vis, & metus repugnent Professioni, non tamen Novitiatus, cui sufficit, quod Novitius probetur, quacunque intentione, & voluntate libera, vel coacta, nec per dimissionem habitus, animo redeundi ad sæculum, censetur interrupisse Novitiatum, si manserit in Conventu, & facti pœnitens habitum reassumat, *Billuart*; quia desertio non fuit consummata, quamdiu manet in Conventu; nec si retento habitu, exeat sine licentia, animo non reverendi, si exterius, suam intentionem non manifestaverit; quia cum Ecclesia non judicet de internis, ab ea Novitiatus censetur continuatus; nec si dimisso ad tempus habitu exeat sine licentia, non animo derelinquendi Religionem, sed ob vexationem Magistri, recurrendi ad Superiorem majorem, vel ob alium finem, etiam malum; si tamen diu sine habitu, & licentia maneat extra Conven-

*Theol. Moral. Pars I,*

H

tum,

tum, juxta præsumitur animum redeundi abjecisse, & Novitiatum interrupisse; nec discontinuat Novitiatum injuste expulsus, & admissus, potest continuare Novitiatum; non tamen computato tempore absentiae. *Bill.*; quia nemo, sine culpa, debet privari jure suo: nec per infirmitatem, etiam per totum annum durantem; quia etiam in infirmitate, perseverantia, patientia, & obedientia &c. probantur; modo aliunde ad Religionem non sit inhabilis; nec per amentiam vi morbi, v. g. febris, & ad tempus causata; secus, si ex propria causa, & perturbatione cerebri proveniat, & per unum, vel duos menses duret, saltem tempus amentiae, per aliud supplendum est; quia per amentiam non abdicavit Religionem, sed tantum, tempus probationis humanæ suspendit, *Bill.* nec si absoluto integra probationis anno, non emissâ Professione, exeat, cum, vel sine licentia, sive retento, sive dimisso habitu, animo non revertendi, & si postea redeat, absque novo Novitiatu anno, posse profiteri, declarat *S. Congregatio Concil. Trid.* 1597. & 12. febr. 1598.; modo conditio personæ non sit mutata; levitas tamen animi, per talem egressum indicata, potest etiam exigere, si non annuale, saltem ad certum tempus, probationem ulteriorem, *Bill.*; nec tenetur ad novum Novitiatum, in eodem Ordine, transiens de uno Conventu, vel Provincia laxiori, ad strictiorem sub eodem Generali, ut de non reformatis Dominicanis, vel Benedictinis ad reformatos; quia supponitur eadem regula, ac eadem vota; secus si transeat de una Religione ad strictiorem, vel laxiorem; quia licet vota essentialia, in omni Religione sint eadem, diversæ tamen sunt Regulæ, & Constitutiones, & Superiores.

*Hinc* 2. Professio decimo sexto anno completo emissâ, 1. est valida, licet juxta Statuta alicujus Religionis, ut nostræ, nonnisi completo decimo septimo vel octavo essent admittendi in Ordinem, *Declarat. Conc. Trid. Sess. 25. cap. 15. de Reg.* 2. Nullus potest absque gravi culpa, reclamare contra Professionem, nisi de ipsius invaliditate sit certus, *P. Paul. Lugd.* & tunc fieri debet 1. coram Superiore, & Ordinario. 2. Servata forma a jure præscripta. 3. Retento, vel iterum assumpto habitu. 4. Intra quinquennium, nisi ultra quinquennium invaliditatem ignoraverit, vel metu gravi, aliave gravi causa reclamatio-

matione fuisset impeditus, & si nullitas Professionis probari nequeat, ratificari debet, si orta sit propria culpa, v. g.; quia fiste professus est, non vero, si aliena culpa sit invalida, v. g. vi, metu, &c.

*Quar. 7. Quinam sit Professionis effectus?*

*Dico:* Præcipui Professionis effectus, sunt: 1. gravis obligatio servandi tria vota, ac præcepta fundamentalia, etiam relaxata tempore Professionis, præcipue, si eorum reformatio fiat; talis enim videtur esse mens Ecclesiæ, licet alia fuisset profitentis. Permutatio omnium votorum, etiam in Novitiatu emissorum, in votum Religionis, si ita intenderit. 3. Matrimonii rati dissolutio. 4. Dispensatio irregularitatis defectu natalium ad Ordines suscipiendos, vel Beneficium simplex; non vero ad Curatum, vel Prælaturam. 5. Liberatio a patris potestate. 6. Omnis pœnæ peccatis debitæ, ex opere operantis, remissio, s. Thom.

*Quar. 8. Quid, & quotuplex sit obedientia?*

*Resp.* Obedientia est virtus moralis Virum Religiosum inclinans ad executionem, præcepti Superiori, in omnibus, quæ cadunt sub virtute obedientiæ. Alia est materialis, quæ inclinatur ad executionem operis præcepti, non qua præcepti, sed quia honestum est, &c. Alia formalis, quæ inclinatur ad executionem operis præcepti, qua præcepti. Inobedientia etiam, est duplex, alia est materialis, quæ est violatio præcepti ex passione, negligentia, ira, &c. Alia formalis, quæ est violatio præcepti cum intentione contemnendi præcipientem, nolendo ei subesse.

*Quar. 9. Ad quid teneatur Religiosus, vi voti obedientiæ?*

*Dico.* Religiosus vi voti obedientiæ 1. observare tenetur Regulam, secundum vim obligationis, in qualibet Religione, receptam. 2. Implere Superioris præcepta, Regulæ, Constitutionibus, ac regulari observantiæ consentanea, & Regulam FF. Minorum proficientes omnia, quæ non sunt contra Deum, & animam, & quidem sub peccato mortali, si in virtute obedientiæ in re ex se, vel ex circumstantiis gravi sint præcepta.

*Hinc:* Religiosus, tenetur 1. nova Capituli Statuta servare, 2. Reformationem admittere in votis essentialibus, & præceptis stricte obligantibus, etiam ante Professionem relaxatis, & ad eorum observantiam immediate condu-

centibus. 3. Obedire, etiam cum periculo vitæ, si bonum Religionis ita exigit, ut tempore pestis, inserviando fratribus, vel Sacramenta administrando Sæcularibus, deficiente Parocho, si sit Religiosus Ordinis Mendicantium, in adiutorium salutis animarum instituti. 4. Superiores possunt obligare suos subditos ubique terrarum, revocando absentes, capiendos fugitivos, &c. 5. Subditus peccat graviter per inobedientiam materialem, in re gravi sub præcepto formali præcepta, & per inobedientiam formalem, etiam in re levi.

*Quar. 10. Quid sit Castitas Religiosa?*

*Resp.* Castitas est votum solemne, quo Religiosus promittit, perpetuo abstinere ab omni delectatione carnali illicita, vel licita in matrimonio.

*Quar. 11. Ad quid teneatur Religiosus vi voti Castitatis, & quanam sint media, contra carnales delectationes?*

*Dico.* Tenetur Religiosus vi voti castitatis omnes evitare veneretas, ac carnales delectationes, casque voluntarie admittendo, duplex committit peccatum: media autem contra illas, sunt 1. Humilitas. 2. Oratio. 3. Sensuum custodia. 4. Occasionum evitatio. 5. Scripturarum, ac Passionis Christi meditatio. 6. Mortis, ac novissimorum Commemoratio. Corporis castigatio. 8. Honestæ occupatio. 9. Præsentis Dei recordatio. 10. B. V. Mariæ devotio.

*Quar. 12. Quid sit Paupertas Religiosa, quotuplex licentia Superioris, & quotuplex sit necessarium?*

*Resp.* 1. Paupertas Religiosa est votum solemne, quo Religiosus abdicat omne dominium, proprietatem, usumque independentem a Superioris voluntate, aut licentia.

2. Licentia Superioris est quadruplex: alia enim est expressa, quæ aperte conceditur verbo, vel scripto; alia virtualis, quæ in expressa continetur; sic in licentia recipiendi devotionalia, includitur licentia illa distribuendi, & in officio, actiones officii. Alia tacita, quæ inferitur ex silentio Superioris scientis, & non reclamantis, cum facile reclamare posset. Alia præsumpta, seu interpretativa, quam superiorem habere, vel habiturum inferitur, si statum rei, sciret.

3. Necessarium est duplex, nempe absolute, vel simpliciter, sine quo res nullo modo subsistere potest; & necessarium secundum quid, seu congruentiæ, sine quo res decenter conservari nequit; superfluum vero, est, quod pen-



peñsatis omnibus circumstantiis Religionis, personæ, temporis, loci, officii, nec ad vitam, nec decentiam status est necessarium,

*Quær. 13. Ad quid teneatur Religiosus vi voti paupertatis?*

*Dico.* Religiosus per solemne paupertatis votum, tenetur, omne abdicare dominium, proprietatem, ac independentem a Superiore, bonorum temporalium usum, graviusque peccat. 1. utendo rebus temporalibus, tanquam suis, vel sine licentia, saltem virtuali, aut tacita in materia gravi, quæ est eadem, ac in furto circiter 15. assium Gallicarum apud nos, *Capit. gen. 1662.* nisi ratione circumstantiarum, v. g. in esculentis tempore recreationis, major quantitas ob indulgentiam Superiorum requiritur: nec sufficit sola licentia præsumpta, nisi urgente necessitate, & recursum ad Superiorem non permittente, quem postea, pro retinenda illa re, sumere debet. Imo in re gravi, videtur expressa adhibenda, quando res non urget, & facilis ad Superiorem pateat recursus,

*Hinc:* contra paupertatem, peccat Religiosus in materia gravi, qui sine debita Superioris licentia, vel solum vi, fraude, metu, murmuratione gravi, obtenta, aliquid etiam pro communitate, accipit, retinet, dat, impendit, vendit, emit, permutat, commodat, &c. & dans, ac accipiens tenentur ad restitutionem: nec in Monasteriis bene ordinatis licentia tacita, vel generalis, ob periculum abusus, concedi debet, nisi in rebus parvis sæpe occurrentibus, multo minus interpretativa tolerari debet. 2. Qui rem etiam cum licentia Superioris acceptam abscondit, ne Superior de illa disponat, vel alius cum licentia Superioris illa utatur. 3. Qui murmuratione, minis, &c. liberam Superioris dispositionem impedit; rem non statim dimittit, precepta Superioris dispositione; res sibi concessas, vel Monasterii dilapidat, prodigaliter consumit, negligenter conservat. 4. Qui usum moderatum, statum suæ Religionis decentem, licet sit Superior, notabiliter excedat; res in usus turpes, vanos, inutiles adhibet, ludendo in notabili quantitate, opinare epulando, ædificia supra statum, vel inutilia construendo, &c. 5. qui sine licentia rationabiliter præsumpta edunt, vel bibunt apud sæculares; in itinere tamen potest quis accipere, & uti rebus statui suo necessariis. 6. Procuratores, & Officiales, de rebus Monasterii aliter disponentes, quam Superior,

Regula, vel consuetudo permittit. 7. Surripientes tapers ex cubiculis hospitem, & ad usum proprium applicantes, &c. vel scripta, ut conciones confratris, ipso invito, ac furtive describentes, & iterum occulte restituentes, vel in certo cubili, vel Monasterio contra voluntatem Superioris commorantes; quia isti sunt proprietarii loci, & priores usus rei alienæ, nempe communitalis invito Superiore, vel confratris quoque inviti; utentes tamen rebus Monasterii ad breve tempus, vel rebus alicujus extranei, sine licentia Superioris, excusantur a mortali; nisi notabiliter ipso usu atterantur; quia v. g. usus liberi ab extraneo ad breve tempus accepti, non tanti æstimatur, ut materia peccati mortalis sit, *Bill.*; idem asserit de commutatione rerum communium, & æqualium, vel fere æqualium, ut libri, cultri, vestis &c. cum alio libro, cultro, &c. fere æquali; quia, licet sine licentia Superioris sit actus proprietatis, cum tamen Monasterium non notabiliter inde gravetur, Superior non censetur graviter invitatus, quod ex usu cujuslibet Religionis dijudicandum est. Nec peccat accipiens aliquid sine licentia Superioris, non pro se, sed ut det alteri, manente dominio penes dantem; quia nihil juris acquirit, & vices internuncii agit, modo apud nos, non sit pecunia alia lege nobis prohibita. Nec peccat dicens aliquid esse suum, v. g. dicendo: mea cella, mea vestis, intelligendo quoad usum facti, & dependentem a Superiore; secus, si intendat dominium, vel usum independentem; quia repugnat voto, & veritati, &c. 8. Fratres Minores de damno ipsis illato, v. g. in Monasteriis, hortis, vel aliis rebus, proprio nomine, & auctoritate in judicio contententes, satisfactionem exigentes, per se, vel per alium; quia agunt contra suam Professionem, qua, vi suæ Regulæ renunciarunt omni juri, ac dominio rerum temporalium, nisi per Syndicum Apostolicum nomine Papæ fiat, quia ipse dominium rerum temporalium, quarum Fratres Minores sunt incapaces, in se suscepit, & illius nomine vindicari debet. 9. Equites Ordinis Melitenfis S. Joannis, vel S. Jacobi bona ad nutum Magistrum restituentes, vel de iis sine licentia illius testantes; evitare vero superflua, vi sui voti non tenentur, quia non est rigida paupertatis Clausuralium.

*Quer. 14. Ad quid tenentur Religiosus, bona Monasterii, immoderate dissipans?*

*Dico.*

*Dico.* Religiosus bona Monasterii immoderate, vel sine licentia dissipans, tenetur ad restitutionem rei, vel si non existat, de peculio sibi concessio, aut parcius vivendo; & accipientes a Religioso data sine licentia, Monasterio restituere tenentur; & proprietarius, 1. est includendus ad agendam poenitentiam, c. 6. de Stat. Monach; 2. Voce activa, & passiva ad biennium privandus, atque etiam juxta suæ Regulæ, & Ordinis Constitutiones, puniendus est. *Conc. Trid. Sess. 25. cap. 2. de Reg. 3. Eccle. siastica sepultura privandus, cap. 4. & 6. de Stat. Monach.* quæ poenæ sunt ferendæ sententiæ.

*Quar. 15. An peculium Religiosis sit licitum?*

*Dico.* Peculium, seu annua pensio apud Religiosos, proprietatem in communi habentes, est licita sequentibus cum conditionibus. 1. Ut constituatur cum expressâ Superioris licentia, ad ipsiusque nutum sit revocabilis, & ad usus Monasterii applicabilis. 2. Ut quoad dominium, ac proprietatem communibus Monasterii bonis, sit incorporatum. 3. Ut non sit in potestate Religiosi, sed Superioris, vel Procuratoris. 4. Ut ad usus licitos, juxta paupertatis Religiosæ, limites adhibeatur. 5. Ut justa ex causa permittatur, videlicet ob indigentiam, vel Religiosi, ut propter senium, infirmitatem, &c. vel conventus, non omnia subditis suppeditare valentis.

*Quar. 16. Quanam sint causa egressum a Religione permittentes?*

*Dico.* Potest Religiosus a Religione, in qua est professus, egredi, licito modo, 1. per dispensationem Papæ, ex gravi causa. 2. Ut strictiorem ingrediatur, petita, licet non obtenta sui Superioris licentia. 3. Assumendo Episcopatum; tenetur tamen eandem servare castitatem, ac eandem Papæ exhibere obedientiam, & servare paupertatem, nullius rei proprium acquirendo dominium, nisi Ecclesiæ, cui præest, & de facto, Episcopi, etiam Religiosum retinere solent habitum. 4. Per ejectionem, ob incorrigibilitatem, cum ter juridice, de eodem crimine gravi convictus, incorrigibilis manet. 5. Ob crimen, cui ejectio ex Religionis statuto, est annexa. 6. Ob impedimentum essenziale, ante Professionem occultatum. 7. Ob extremam parentum necessitatem, vel etiam ob gravem, si ante Professionem ipsis evenerit, & alio modo sublevari nequeant; non vero, si casualiter post Professionem contigerit. Illi-

cito vero modo, per fugam, & per Apostasiam; hos Superiores requirere, & recipere tenentur, nisi aliis essent scandalosi; tunc sponte redeuntibus recipere, non vero requirere tenentur.

*Hinc*; graviter peccat, Religiosus, sine licentia e Monasterio egrediens, etiam abstrahendo a pravis circumstantiis, puta contemptu, malo fine, scandalo, gravi damno; quia usu, ac consuetudine graviter est prohibitum, & gravi poena puniri, & nocturna egressio reservari solet juxta Bullam Clem. VIII.; sit autem veniale ex levitate materiæ, ut si fiat in die ad breve tempus; notabile tempus ex majori, vel minori rigore Religionis dijudicandum est: *Passer*: duos, vel tres dies breve tempus esse censet; si sit diuturnius, animo redeundi, censetur fugitivus, & animo non redeundi, Apostata; apud nos, juxta nostras Constitutiones, brevius requiritur tempus, & intra 24. horarum spatium rediens, graviter puniendus; nec quadrans nocturnæ, & furtivæ egressionis, excusatur a mortali in Religione bonæ observantiæ, *P. Gerv.*

*Quar. 17. Quinam sint in Superiores eligendi, & quam eorum obligatio, & potestas?*

*Dico*. Superiores, debent, gravi sub peccato eligi digniores, qui suis subditis tenentur 1. præesse exemplo. 2. Præluce doctrina. 3. Eorum promovere perfectionem, procurando observantiam Regulæ, Constitutionum, ac regularis disciplinæ, 4. Delinquentes monere, corrigere, increpare, ac punire omni cum charitate, & patientia; possuntque eos absolvere ab omnibus peccatis, censuris, sententiis, etiam Papæ reservatis, notoriis, vel occultis, a jure vel homine quomodocunque latis, aut promulgatis, saltem in foro interno, ut dicitur 2. in Parte *Traff. de Pœnit.* & dispensare in omni irregularitate, excepta ex bigamia, membrorum mutilatione, ac homicidio voluntario; quam potestatem etiam delegere possunt, prout de facto apud nos, quibusdam, in quolibet conventu, quoad casus reservados, delegata est: *Ita varij SS. Pontifices*. Item possunt Prælati Regulares, dominium bonorum, saltem in communi habentes, absque licentia Superioris majoris, & consensu Conventus, alienare, sive dando, sive vendendo, sive permutando bona mobilia non pretiosa, vel pretiosa, quæ servando, servari nequeunt ad triennium; ut vinum, frumentum, pecunia

nia in parva quantitate ; prudenter tamen , & discrete . ac juxta cujuslibet Ordinis Constitutiones , & consuetudines ; Patet ex Clementina , 2. §. *sed talis*. lib. 31. tit. 1. non vero immobilia , & mobilia pretiosa , quæ servando servari possunt , ut agri , domus , gemmæ , vasa aurea , &c. *ita communis* ; nisi essent modici valoris , ut refectio calicis , vel locatio bonorum ad modicum tempus , quod minus est decennio , Billuart.

*Quar. 18. An Superiores , possint , fœminis permittere , ingressum in Monasteria ?*

*Dico.* Superiores , non possunt , fœminis permittere ingressum in Clausuram , sub qua apud nos etiam sacristia , hortus , viridaria &c. comprehenduntur ; *S. Congr. 1685. 1. Fnl.* & mulieres Claustro Virorum temere ingredientes , & introducentes , etiam in Gallia ex consuetudine vim legis habente , graviter peccant , nisi mentis levitas , bona fides , vel ignorantia excuset , & ubi Bullæ S. Pij V. & Greg. XIII. sunt receptæ , prout apud nos sunt receptæ , mulieres eam cum audacia , ac magna cum temeritate ingredienti , excommunicationem Papæ reservatam , ipso facto incurrunt ; Religiosi vero , ipsas introducētes , vel non impediētes , pœnam suspensionis a divinis ( id est exercitio Ordinum ) privationis Officiorum , & inhabilitatis ad omnia Officia incurrunt : in Claustro autem Mulierum , ingressus absque urgente necessitate , & Superioris , vel Episcopi licentia , respectu sibi subjectarum tam viris , quam fœminis cujuscunque conditionis , sub pœna excommunicationis , ipso facto incurrendæ , ac Papæ reservatæ , a Concilio Tridentino , interdicitur ; & sub eadem pœna , prohibetur sanctimonialibus , exire o Monasterio . *Conc. Trid. Sess. 25. de Reg. cap. 5.*

*Hinc :* non peccant Clausuram ingredienti , 1. quando Missa , vel Concio , intra Clausuram habetur pro populo . 2. Quando fidelium corpora , ibidem sepeliuntur , & suffragia pro iis fiunt . 3. Quando tantus populi est concursus , ut commode per portam Ecclesiæ ingredi , nec egredi valeant , dummodo recto tramite ad portam accedant . 4. Speciale privilegium habentes , ut Fundatrices , Regina , &c. cum honesto comitatu . Nec peccant cum licentia Superioris Regularis , intellige Generalem , Provincialem , vel Prælatum localem , respectu Monialium exemptarum , vel Episcopi respectu sibi subjectarum , in casibus

bus necessariis, Monasteria Monialium ingredientes, ut Medici, Chirurgi, Opifices necessarii, Superior visitando Monasterium, Confessarius pro administratione Sacramentorum infirmis, quoties exigit devotio infirmæ, etiam Religiosi nostri Ordinis, in Gallia, ab Ordinariis requisiti, ad audiendas Confessiones Monialium, aliarumque personarum intra clausuram ægrotantium, *Clem. XII. 1733. 26. Sept.* non vero potest dare hanc licentiam Abbatissa, seu Priorissa, nisi Superior, ipsi, hanc facultatem delegaverit; nec Superior, nisi ex necessitate, saltem morali, quæ debet esse major pro viris, quam pro sæminis, & major pro officinis interioribus, quam pro locis portæ vicinis, *Bill.* ac manifesta, & non dubia; quia in dubio non licet agere, *ibid.*; nec peccant Moniales cum licentia Superioris sui Ordinis, ac Episcopi, licet sint Ordinis exempti, ubi Bulla S. Pii V. est recepta, egredientes propter ingruens bellum, ob ingentem illuvionem, Monasterii ruinam minantem, si deputentur ad reformandum, vel fundandum aliud Monasterium, vel gerendum officium Magistræ Novitiarum, vel Abbatissæ in alio Monasterio, in quo non habentur aliæ idoneæ; vel ad præstandum juramentum, Domino sæculari, propter feudum, si per Procuratorem fieri nequeat; vel ut ad Religionem transeant perfectiorem; vel ut Eleemosinis, necessitatibus urgentibus, succurrant; vel ob periculum vitæ, ratione infaustæ, vel morbi sine egressione non curandi, saltem, ubi consuetudine ita est receptum.

*Quæst. 19. Quanam sint Religiosorum privilegia, & exemptiones?*

*Resp.* Prænot. 1. Privilegium mare magnum, est Bulla, multa Regularium privilegia congesta, complectens, nostrum mare magnum est Bulla Sixti IV. incipiens: *Universalis Ecclesia*, continens omnia privilegia a diversis SS. Pontificibus, Ordini Fratrum Minorum concessa. Simile habent alii tres Ordines Mendicantium, Prædicatorum, Augustinianorum, & Carmelitarum.

2. Communicatio privilegiorum Mendicantium, est concessio privilegiorum, omnibus aliis Religiosis non solum Mendicantibus, sed etiam Societatis Jesu Concessorum, & concedendorum, quæ nobis specialiter est facta per Constitutionem Pii IV. an. 1630. & jam ante a Paulo III. 1536. & a Clemente VII. 1529. modo non sint contraria Regulæ, ac Regulari observantiæ. His notatis.

*Dico.*

*Dico.* Exemptio Regularium est exemptio a potestate Ordinarii, sub quo nomine etiam Nuncii Apostolici, ac Legati comprehenduntur, & immediata Papæ subiectio in iis, in quibus per Concilium Tridentinum, vel jure communi, ei non subjiuntur; gaudentque Mendicantes privilegiis in mari magno sui Ordinis, vel in aliis Bullis contentis, & per communicationem privilegiorum, etiam omnibus aliis Ordinibus Mendicantibus concessis, vel concedendis, modo per Concilium Tridentinum non expresse per verba: *Non obstantibus quibuscunque privilegiis*, sint revocata, prout privilegia vivæ vocis a Greg. XV. & Urb. VIII. revocata sunt. Subjiuntur tamen Religiosi, etiam exempti, legibus Episcoporum, ad communem observantiam, ac totius populi devotionem spectantibus, quoad vim directivam; quia ut sit conformitas in membris, ratio ita suadet; non vero coactivam, nisi in casibus, a Concilio Tridentino exceptis; quia in cæteris omnibus, præfatorum Ordinum privilegia, & facultates, quæ ipsorum personas, loca, & jura concernunt, firma, & illæsa declarat, idem Concilium Trid. *Sess. 25. de Reg. cap. 20.*

*Hinc 1.* Regulares exempti non tenentur, 1. ad observantiam Legum Episcoporum, vel synodaliū, vel loci, nisi directive ad evitandum scandalum. 2. Non tenentur citati ab Episcopo comparere, nisi in causis, in quibus eis subjiuntur, quamvis deceat etiam in aliis comparere. 3. Non possunt Episcopi visitare Monasteria exempta, vel Prioratus, in quibus viget regularis disciplina, vel quæ subsunt Abbatibus, vel aliis Superioribus, qui suorum Ordinum sunt capita, vel jurisdictionem legitimam in alia Monasteria inferiora, vel Prioratus exercent, a quibus visitari, & corrigi debent. *Conc. Trid. Sess. 25. de Reg. cap. 20.* quod confirmatur Declaratione Regia, *an. 1696. supra art. 18. Edict. Reg. an. 1695. Hericourt.* nec Abbates, vel Abbatissas capita, vel Generales prædictorum Ordinum. *Declaratio est.*

*Hinc 2.* Possunt Episcopi in Gallia visitare in propria persona, 1. Monasteria etiam exempta nulli Congregationi aggregata, *Conc. Trid. Sess. 25. de Reform. c. 8. & Ordon. de Blois art. 27. apud Hericourt. fol. 72.* 2. Monasteria non exempta etiam in Congregationes erecta, *Hericourt. est.* 3. Ecclesias parochiales sitas in Monasteriis, *Com-*

Commendis, & Ecclesiis Religioforum, etiam exemptorum, *Edict. Reg. 1693. art. XV. 4.* Per se, vel alios Ecclesiasticos, Ecclesias, in quibus Religiosi sunt Parochi, vel Capitula Jus visitationis prætendunt habere, *Edict. Reg. cit. 5.* Possunt quoque visitare Monasteria exempta, vel non exempta, ubi non viget observantia regularis, *Conc. Trid. Sess. 21. cap. 8.* & ubi disciplina regularis viget, si Regularium Superiores, ab Episcopo, de quadam irregularitate admoniti, intra sex menses sibi subditos non visitaverint, vel correxerint, Episcopi, etiam ut delegati Sedis Apostolicæ, eos visitare, & corrigere possunt, prout eorum Superiores id possent, quibuscunque appellationibus, privilegiis, & exemptionibus penitus remotis, *Conc. Trid. Sess. 21. cap. 8. de Reform. Decl. Reg. ann. 1696.*; & Religiosus, Episcopo non subditus intra Claustra degens, & extra illa notorie delinquens, ut populo sit scandalo, Episcopo instante, a suo Superiore intra tempus ab Episcopo præfigendum, severe puniri, ac de punitione Episcopus certior reddi debet; secus a suo Superiore officio privetur, & delinquens ab Episcopo puniri potest, *Conc. Trid. Sess. 15. de Reg. c. 14.*; & extra Claustra habitans, potest judicari ab Officiali. *Hericourt. fol. 75.* quia iudicium sequitur forum delicti, & vagabundos, Episcopus potest obligare, ut redeant ad sua Monasteria, etiam per censuras Ecclesiasticas, *Innoc. III. apud Heric. fol. 88.* 6. Jure novo visitare possunt in Italia, & Insulis confinibus Monasteria, in quibus non habitant duodecim Religiosi. *Leo X. Innoc. X.* non tamen extra Italiam, *Miel: Tug. in suo Bull. Tom. 6.*; quia nulla de aliis Provinciis extat Bulla. 7. Etiam subjacent, præcipue in Gallia, Regulares etiam exempti Ordinationibus Episcopi, vel illius Vicarii Generalis politiam exteriorum totius populi concernentibus, ut quoad Generalem campanarum sonitum, stationes tempore Jubilæi, Processiones, Preces pro necessitatibus publicis, gratiarum actiones &c. *Declat. Reg. 1710. art. 1.*

Hinc 3. Regulares Jure communi, ac Concilii Tridentini Episcopis subjiciuntur 1. in editione librorum. 2. In promulgatione, & observatione interdicti, & aliarum censurarum, & Indulgentiarum promulgatione. 3. In collocandis Festis; non tamen tenentur ad Festa, seu Officia synodalia, excepto Patroni principalis, & titularis Ecclesiæ Cathedralis, ejusque dedicationis, ac Patroni loci;



doceri; non tamen ad eorum Octavas: 4. Quoad approbationem pro Sæcularibus, ædificationem Monasteriorum, & Ecclesiarum, earumque consecrationem. 5. Quoad Ordines, aliaque muneris Episcopalis; possunt tamen Superiores, paramenta, & corporalia benedicere, & Abbates, Calices pro suis Ecclesiis, non vero pro aliis, nisi ex longævâ consuetudine, vel Ordinario non contradicente: possunt etiam, privata ex causâ, SS. Eucharistiæ Sacramentum exponere, dummodo e tabernaculo non extrahatur, & velatum, nempe in Ciborio maneat. *Decret. S. Congr. 1602. 16. Dec. in Bull. P. Mich. Tug. Tom. 6.* non vero publice, ita, ut S. Hostia pateat, nisi ex causâ publica, ab Ordinario approbata, *ibid.* 6. Quoad Processiones publicas, & lites quoad præcedentiam in eis. 7. Quoad nullitatem professionis, in executione ultimarum voluntatum, in casibus Matrimonii, & agentes contra subditum Episcopi. 8. Quoad fraternitatum, ac scholarum sæcularium institutionem. 9. Asserentes in actis publicis, B. Virginem in originali esse conceptam, vel hæreses in Concione, aut lectione Theologiæ disseminantes, vel in eis negligentes. 10. In causâ hæresis publicæ; Superiores tamen ultramontani, possunt suos subditos absolvere. 11. Regulares speciali cum licentia, extra Monasterium commorantes; alii vero delinquentes extra Conventum a propriis, puniri debent Superioribus, & Episcopi de eorum correctione certiores fieri, ut supra. 12. Quoad degradationem, renunciationes Novitiorum, & Novitiæ Monialium, in mense ante Professionem, extra Clausuram; ab Episcopo examinari debent.

*Hinc* 4. Jure Gallico, 1. non possunt Generales non regnicolæ, visitare sine Regis licentia, nec nominare Vicarium, vel Commissarium, nisi regnicolam, qui insuper suam commissionem referre debet, in acta Senatus supremi; nec judicare per se ipsos appellationes extra Regnum, sed ad judicandam appellationem, nominare regnicolam tenentur; nec exequi licet obedientiales illorum, sine licentia Provincialium, qui sunt regnicolæ, *Hericourt. fol. 74. & 75.*; & Provinciales extranei, saltem Commendantem provinciæ, & Regium Reipublicæ, ac ærarii summo jure Propositum (*Intendant*) certiores reddere debent de visitatione instituenda, & tempore belli in scriptis licentiam obtinere. 2. Superiores Regulares non possunt

inst.

infigere, pœnas graves, ut carceris, depositionis &c. nisi observent Ordinationes Regias præscriptas anno 1670. pro Tribunali Ecclesiastico, & Cívili, exceptis Monasteriis, quibus, forma magis simplex, per sua Statuta est præscripta per literas Patentes Regias firmata: possunt tamen infligere pœnitentias modicas, ac regulares sine processu, dummodo ipsis de crimine constet, *Heric. cit. fol. 76. 3.* Appellationes fieri debent gradatim, intra ordinem, usque ad Generalem, & Papam, qui debet nominare Judicem delegatum; Ordinationes autem, ac Decreta, disciplinam monasticam concernentia, per Episcopos, vel Superiores Regulares in visitatione facta, non obstante appellatione, etiam ad Papam, vel Senatum supremum (*comme d'abus*) interim exequi debent, *Conc. Trid. Sess. 24. de Reform. cap. 10. & Edict. Reg. 1693. art. 18. 4.* Nullum Monasterium vel Hospitium potest erigi sine licentia Regis, & literis Patentibus, *Ordon. 1666. 5.* Reformatio, ac visitatio Monasteriorum fieri debet per Episcopos, & Superiores Regulares, ut supra dictum est: non possunt tamen, Religiosi seniores, obligari ad Regulam austeriorem, illa, quæ per sua Statuta est præscripta, vel usu, publice ante Professionem observata, modo talis usus non sit, contra vota essentialia, vel bonos mores, *ibid. 6.* Tenentur Regulares, ut alii Clerici comparere ante quemlibet Judicem, pro ferendo testimonio in causa criminali sine pareatis, & in Civilibus consulant Episcopum.

*Quar. 20. Quanam sit Ecclesiarum immunitas?*

*Dico.* Quoad immunitatem Ecclesiarum, standum est consuetudini Regnorum; in Gallia locum non habet; non possunt tamen Regulares, aut Clerici cooperari captioni malefactorum, & ne fiat in locis piis indecenti modo, pro posse impedire tenentur.

## Q U Æ S T I O IV.

## DE OBLIGATIONIBUS PARENTUM, ET ALIORUM OFFICIORUM.

*Quæritur 1. Quasnam habeant obligationes Parentes, & eorum vices gerentes erga sua cura commissos?*

**P**arentes, vicesque eorum gerentes, ut Tutores, Curatores, Magistri, Domini, debent suis infantibus, & suæ curæ respective commissis, 1. amorem. 2. Instructionem. 3. Bonum exemplum. 4. Discretam correctionem. 5. Et Tutores, ac Curatores, fidelem bonorum administrationem. 6. Et Domini, justum suis famulis, stipendium.

*Hinc:* peccant Parentes pro gravitate rei, & respective alii eorum vicesgerentes, 1. eos exponendo periculo abortus, non procurantes convenientem sustentationem, eos Xenodochiis, vel alibi exponentes, partialiter quosdam amantes, aliosque nimis acerbè tractantes, ad aliquem Statum invitos cogentes, vel ab eo retrahentes. 2. Nec per se, nec per alios rudimenta Fidei docentes, perniciosam libertatem eis relinquentes immoderate ludendi, se delectandi, in occasione peccati versandi, eos non assuescentes mane, & vespere orandi, ceteraque Vitæ Christianæ munia, Missam; Vesperas, Concionem, Catechesim frequentandi. 3. Verba impudica, blasphemias, juramenta, imprecationes coram illis proferentes, ebrietatem, ludos immoderatos sectantes, secum, vel in eodem cubili dormire permittentes, præcipue in certa ætate. 4. Delinquentes non corripientes, vel cum nimia ira, impatientia, imprecationibus &c. vel eos non retrahendo a consortio malorum, præcipue alterius sexus; permittentes lectionem librorum obscænorum, aliorumve prohibitorum, frequentationem spectaculorum inhonestorum spiritum mundi, amorem obscænum, aliarumque passionum motus, sensum sine sensu imprimentium. 5. Tutores, ac Curatores administrationem bonorum notabiliter negligentes, tenenturque ad restitutionem damni. 6. Magistri discipulorum, instructionem, ac progressum negligentes, & ad

ad restitutionem stipendii obligantur. 7. Domini conductentes famulos infra iñimum pretium, non solvendo, vel nimis differendo promissa, obligantes eos ad reparanda damna, absque eorum culpa contingentia; vel absque legitima causa eos anteterminum constitutum dimittentes.

*Quer. 2. Quasnam habeant Infantes, Discipuli, Famuli &c. erga Parentes, & Dominos obligationes?*

*Dico.* Infantes minores, discipuli, ac Famuli, debent Parentibus, eorumque vicesgerentibus, Tutoribus, Magistris, Dominis. 1. Amorem. 2. Reverentiam. 3. Obedientiam, quoad suum statum spectantia. 4. Et Famuli insuper fidelitatem, gerendo Dominorum suorum negotia, & servando terminum permanentiæ conductum.

*Hinc:* peccant pro gravitate rei, Infantes, & alii respective, videlicet Minores, Discipuli, Famuli, 1. Nul- lum Parentibus, vel eorum vicesgerentibus exhibentes a- morem, præcipue in necessitate constitutis; sed ipsis si- gna odii exhibentes, dure eos tractantes, vel contristan- tes, aut de ipsis erubescences. 2. Ipsi non subvientes in necessitate corporali, aut spiritali, eos ægrotos non visitando, vel egenos derelinquendo. 3. Eos spernentes, irridentes, contumeliis afficientes, torvis oculis aspicien- tes, vel etiam leviter tantum, eos percutientes, aut ma- nus contra ipsos levantes, graviter peccant. 4. Nolentes obedire in rebus ad domesticationem, vel mores spectan- tibus, & quidem graviter, in causa matrimonii, ipsis iu- vicitis, illud contrahentes sine justa causa. 5. Discipuli scholam, ac studia notabiliter negligentes. 6. Famuli se- creta familiæ, aliis revelantes, laborem notabiliter ne- gligentes, damnum Domini, non impediens, vel eos non monentes de damno ab aliis illato, cum obligatione restitutionis, si aliud avertere potuissent.

*Quer. 3. Quanam sit obligatio Judicis.*

*Resp.* Prænot. Ad iudicium concurret 1. Iudex, 2. Ac- tor, seu Accusator, aut Denunciator, 3. Testis, 4. Reus, 5. Advocatus, 6. Referens, 7. Procurator, 8. Notarius, seu scriba, 9. Apparitor. His notatis.

*Dico.* Obligationes Judicis sunt 1. ut habeat jurisdictio- nem in personas, & causam, sub pœna nullitatis, & re- stitutionis. 2. Sufficientem scientiam. 3. Constantiam, & virtutem resistendi iniquitati. 4. Justitiam, & integrita- rem. 5. Ut iudicet secundum Legem, servetque modum,

ac

ac ordinem procedendi, formam iudicii, & sententiæ ferendæ, ac exequendæ.

*Hinc:* Iudex graviter peccat 1. adscribendo sibi jurisdictionem, ac potestatem, quam non habet, cum onere restitutionis damni. 2. Non habens sufficientem scientiam, & tenetur a iudicio abstinere, donec sit sufficienter instructus, sub onore restitutionis damni. 3. Protrahendo sententiam, vel ferendo ambiguum, ita ut novæ impensæ sint adhibendæ; aut fraudolenter sub prætextu dubii causæ eventus, inducendo ad compositionem, in re evidenter iusta; vel recipiendo munera pro sententia iusta, sive iniusta. 4. Recipiendo, munera etiam liberaliter oblata sine onere, si cor suum illis depravari sentiat, vel contra Legem ea prohibentem, ubi sub gravi obligatione recepta est. 5. Condemnando non auditum, sine testibus, vel ex scientia iniuste acquisita, v. g. interrogatione absque præcedente infamia, vel semiprobatione, aut iudiciis sufficientibus facta, vel dolo impunitatem promittendo. 6. Augendo, vel minuendo pœnam, a Lege taxatam, sine iusta causa. 7. Instituendo specialem personæ inquisitionem, sine præcedente infamia, vel semiprobatione; generalis tamen, licite fit, crimine certe commissio, vel quando non agitur de crimine puniendo; sed solum de malo evitando, vel de Beneficio conferendo, Matrimonio contrahendo, de correctione danda. 8. Reum torturæ subijciendo, absque gravibus iudiciis, & confessio etiam ratificata, est nulla, vel eidem subijciendo exemptos, imberbes, senes, prægnantes, viros illustres, eorumque filios, Doctores in quacunque Facultate, eorumque liberos, milites, nisi in criminibus exemptis, ut hæresis, læsæ Majestatis, &c. possunt tamen prædicti terreri verbis, torturæ comminatione, valetque confessio, ut spontanea. 9. Condemnando ad mortem, aut mutilationem, testibus quidem convictum, quem tamen scientia privata scit innocentem, vel obligans maritum accedere ad uxorem, licet convictum, quam tamen scientia privata, scit non esse ipsius uxorem; quia in utroque casu, omnes tenetur inire vias, ut liberet innocentem; impediendo accusationem, testes minis terrendo, iudicium protrahendo, vel ab eo omnino desistendo, & se testem exhibendo, quamvis in civilibus, quando agitur de pœnis pecuniariis, secundum allegata, & probata judicare possit, etsi

scientia privata de contrario ipsi constet; quia Respublica habet dominium altum in bona, & bonum commune ita exigit.

*Quar. 4. Quanam sit obligatio Accusatoris, & Denunciatoris?*

*Prænot.* Accusator est, qui crimen defert Judici ad vindictam, cum obligatione probandi crimen. Denunciator est ille, qui crimen defert Judici, ad rei emendationem, sine obligatione illud probandi: Testis est, qui asseveratione sua, rei fidem facit. Alius est idoneus, seu omni exceptione major, cui nihil opponi potest, quo minus ei fides adhibeatur. Alius minus idoneus, cui aliquid opponi potest, quo minus ei fides adhibeatur. His notatis.

*Dico.* Officiales Justitiæ; ut Fiscalis, custodes agrorum, nemorum delinquentes ex justitia denunciare tenentur cum veritate, & justitia; privati vero ex charitate. 1. Quando crimen vergit in malum Reipublicæ, 2. Quando ad grave innocentis malum avertendum, est necessarium.

*Hinc:* graviter peccant, & ad restitutionem damni tenentur, 1. Officiales Justitiæ, Fiscales, Custodes, &c. delinquentes non denunciantes; non tamen restituere tenentur multas; quas Dominus acquisivisset. 2. Accusator adhibens probationes falsas, vel dubias, aut testes falsos. 3. Judices corrumpens, vel ab eorum sententia injuste appellans. 4. Contra charitatem peccant, privati, non declarantes Judici crimina hæresis, proditionis, læsæ Majestatis; veneficii, aut alia in Reipublicæ, vel innocentis damnum vergentia.

*Quar. 5. Quanam sit obligatio testis?*

*Dico.* Testes legitime interrogati testari tenentur, & quidem in veritate. 1. dum præcessit infamia rei. 2. Dum adsunt indicia sufficientia. 3. Quando in grave Reipublicæ, vel privati malum vergit; quod alio modo, quam per Judicem averti nequit; non tamen testificari tenetur, 1. sciens delictum ex confessione, vel secreto naturali, consilii, aut auxilii causa, ut Advocatus, Medicus; Obstetrix, &c. nec isti possunt testari; nisi nolle reus desistere Reipublicæ, aut innocenti nocere. 2. Scientes cum injuria, v. g. aperiendo literas, novamque testando committerent injuriam. 3. Si sciat a viris non fide dignis. 4. Si sit consanguineus, aut affinis delinquentis, usque in quartum gradum. 5. Si grave sibi inde vitæ, aut famæ immineret periculum.

*Hinc*

*Hinc* 1. Graviter peccat falsum testimonium dicens, testeturque reparare omnia damna inde secuta, etiam revocando testimonium, cum pari damno, ac periculo etiam vitæ; si accusatus ob illud testimonium falsum, de vita periclitetur; & retractatio profutura putetur. 2. Non verò peccat Confessarius, vel alio modo sciens ex Confessione, Medicus, Obstetrix, sciens per injuriam, Consanguineus, Affinis in 4to gradu, etiam cum juramento testificantem, se nihil scire, sub intelligendo; quod in Judicio dicere tenentur; quia ista restrictio mentalis, in his circumstantiis, est sensibilis & licita.

*Quar.* 6. *Quinam sint testes minus idonei?*

*Dico.* Testes in jure minus idonei sunt 1. mulieres in criminalibus in Jure Canonico; in jure vero Civili in omni causa admittuntur. 2. Minor 20. annis in criminalibus; in civilibus impuberes. 3. Inimicus rei 4. Domestici accusatoris. 5. Infames. 6. Perjuri. 7. Persona vilis, & inops; si suspicio sit facilis corruptionis; non verò si honesta sit. 8. Semisatus, aut delirus. 9. Socius criminis; quamvis in criminibus exemptis, ut hæresis. &c. solo jure positivo inhabiles etiam admitti possint, vel quando delictum fuisset commissum in loco; & tempore, quo alii testes haberi nequeunt; ut in criminibus difficilis probationis.

*Quar.* 7. *Ad quid teneatur Reus?*

*Dico.* Reus a legitimo Judice juridice, ac legitime interrogatus, nimirum præcedente infamia, vel accusatione, aut denunciatione, & semiprobatione (quæ Reus in Judice perito supponere debet, nisi aliter constet) sub gravi peccato, crimen suum, etiam morte dignum, fateari tenetur, pœnamque; iusta Judicis sententiæ, decretam; per seipsum exequi; si non sit nimis gravis; & de complice pariter legitime interrogatus, videlicet, præcedente infamia de crimine, complicem supponente Reipublicæ, vel innocenti nocivo; eum declarare tenetur.

*Hinc* 1. damnatus ad mortem non potest resistere Judici, aut executori Sententiæ, & injuste appellando, etiam in causa civili, graviter peccat. 2. Pœnam non valde gravem, ut pecuniariam, carceris, aut exilii; lata sententiæ, per seipsum tenetur exequi; non verò si sit crudelis, ut carceris perpetui, mutilationis, vel mortis; & pro istis evitandis potest rumpere vincula, ac carceres,

& aufugere, quamvis Custodi carceris grave inde eveniret damnum, secluso juramento, ac scandalo; potestque ei fuga suaderi, non vero promoveri mediis illicitis, rumpendo carceres, aut vincula; &c. nec a Ministris Justitiæ suaderi.

*Quar. 8. Quanam sit obligatio Advocati, Procuratoris, Referentis, Notarii, Scribæ, & Apparitoris?*

*Dico*, Advocati, Procuratores, Referentes, Notarii, Scribæ, & Apparitores tenentur competentem habere scientiam, & in omnibus sectari justitiam.

*Hinc*: graviter peccant, & tenentur ad restitutionem damni, 1. Advocati, & Procuratores causam injustam scienter defendentes, nec clientem monentes de injustitia, aut periculo litis amittendæ; causam cum damno clientis differentes; secreta causæ, parti adversæ detegentes, aut utrique parti servientes; in causa manifeste justa, clientem ad injustam compositionem, inducentes; injustam appellationem suadentes, aut pretium, justo majus, accipientes. 2. Referens defectu studii, vel debitæ diligentiz, male referens, vel substantiale omittens; jus unius magis, quam alterius exponens, vel secretum unius in præjudicium alterius, manifestans. 3. Notarius cum damno proximi, instrumenta sine causa, non perficiens, vel juste petentibus non exhibens; clausulas ambiguas inferens; acta, & instrumenta negligenter custodiens, vel usuraria, falsa, aut injusta perficiens; testamenta, aliove contractus hominis, usu rationis destituti, faciens; falsos, vel non idoneos testes admittens; solemnitates essentielles ex ignorantia, negligentia, vel malitia omittens. 4. Scribæ juramentum, aut secreta violans; processus, ac sententias non diligenter custodiens, testimonia, &c. non fideliter transcribens. 5. Apparitor juramentum, ac secretum in præjudicium partis violans; eos, quos debet deprehendere, vel eorum bona, monens, ut se, & illa salvet, plura negotia in eodem loco, ac die expediens, ac solutionem exigens, ut pro diversis itineribus, & in diversis diebus expeditis; falsa in actis exponens; ea tempore præscripto cum partis præjudicio, non conficiens, nec tempus ad acta juridica facienda sufficiens, concedens, vel occasione commissionum suarum, pauperes vexans, ac violentias exerceus.

*Quar. 9. Quanam sit obligatio Regum, & Magistratum?*

*Dico*.



*Dico.* Reges, ac Magistratus tenentur 1. Leges Divinas, & Religionem auctoritate sua tueri. 2. Incolumitati populi, sibi commissi invigilare. 3. Justitiam distributivam, onera, ac officia julle distribuendo.

*Hinc:* peccant pro qualitate excessus Reges, ac Magistratus 1. in diebus Dominicis, & Festivis permittentes, officinas, sine necessitate aperiri, choreas publicas, ac nundinas consuetudine julta non approbatas haberi; vinum tempore divinorum Officiorum sine necessitate a cauponibus ministrari. 2. Populum tributis gravioribus sine necessitate onerantes; res ad victum, & vestitum nimio pretio vendi permittentes. 3. Crimina, ac scandala publica tolerantes; officia insufficientibus tribuentes, impositiones, ac alia onera, & communitatis emolumenta, cum personarum acceptatione, distribuentes.

*Quar.* 10. *Quanam sit obligatio Ducum, ac Militum?*

*Dico.* Duces, ac Milites servare tenentur 1. fidelitatem, & obedientiam erga Principem, & militiae Praefectos. 2. Charitatem, ac mansuetudinem erga populos. 3. Fidem, & justitiam erga hostes.

*Hinc* 1. graviter peccat contra justitiam Dux secreta militiae revelans. 2. Numerum, militum, debitum, non complens. 3. In recensione copiarum extraneos (*gallice passe-volans*) adhibens. 4. Militibus debitum stipendium, vel annonam retinens, vel corruptam ministrans. 5. Fidem tam non servans. 6. Non imperatus, hostibus damnum inferens, innocentes, mulieres, pueros occidens. 7. Contributiones jam redemptas exigens. 8. Milites peccant, stationem suam, etiam metu mortis, derelinquentes; ad partes inimicorum transeuntes, vel sine justa causa, vel licentia, militiam derelinquentes; ab hospitibus indebita extorquentes, vel ab hostibus sine Ducum licentia, & tenentur ad restitutionem, nisi in extrema necessitate fiat; reliqua vide de bello.

*Quar.* 11. *Quanam sit obligatio Medicorum, Pharmacopolarum, & Chirurgorum?*

*Dico.* Medicorum, Pharmacopolarum, & Chirurgorum obligatio est, 1. ut peritiam, ac scientiam habeant sufficientem. 2. Ut cum fidelitate, pietate, religione, ac charitate, artem suam exercent.

*Hinc:* pro gravitate damni, peccant Medici, Chirurgi, Pharmacopolæ, 1. suam artem sine sufficienti experientia,

& scientia exercentes. 2. Non debitam curam pro gravitate morbi, adhibentes, 3. Medicamenta dubia, relictis certioribus adhibentes. 4. Ad ditandos Pharmacopolas remedia inutilia præscribentes. 5. Curationem majoris lucri causa, protrahentes. 6. Morbos occultos pudendos, divulgantes. 7. Stipendium injustum extorquentes. 8. Sine iusta, & sufficienti causa a jejuniis, & abstinencia eximientes, 9. Ægros non monentes de periculo mortis, pro Viatico recipiendo. 10. Pauperibus graviter ægrotantibus non oppitantes, 11. Collegis suis detrahentes, ut se extollant, & recommendent, 12. Contra morbos, media illicita adhibentes, v. g. ebrietatem, pollutionem, vel dando medicamenta, directe pro abortu procurando, etiam pro evitando periculo vitæ ex partu immigente, vel famæ, aut vitæ ex detecto crimine; non vero peccantes pharmacum directe in curationem matris, foetus nondum animato, vel sine eo non vivo pariendo, cum spe probabili matris conservandæ, quæ alias sine remedio, esset peritura.





## TRACTATUS IV.

### DE VIRTUTIBUS THEOLOGICIS.

*Tractatus hic sex continet Quaestiones, 1. de Virtutibus in communi, 2. de Fide, 3. de vitiis Fidei oppositis, 4. de Spe, 5. de Charitate Dei & Proximi, 6. de vitiis Charitate Dei & proximi oppositis.*

### QUÆSTIO I.

#### DE VIRTUTIBUS IN COMMUNI.

*Quæritur 1. Quid sit Virtus; quotuplex; & quam sint ejus proprietates?*

*Resp. 1. Virtus definitur a S. Augustino bona qualitas, qua recte vivitur, & nemo male utitur.*

2. Virtutes aliæ sunt intellectuales, quæ perficiunt intellectum, & sunt, intelligentia, sapientia, scientia, prudentia, ars. Aliæ sunt morales, quæ perficiunt voluntatem, in ordine ad bonum honestum, & sunt quatuor cardinales, Prudentia, Fortitudo, Temperantia, Justitia, quæ plurimas sub se habent species. Aliæ Theologicæ, quæ circa Deum immediate versantur, & sunt tres, Fides, Spes, & Charitas. Aliæ sunt acquisitæ per frequentatos actus. Aliæ sunt infusæ a Deo, vel per se; quia alio modo acquiri nequeunt, ut Virtutes Theologicæ, &

etiam quædam morales, ut Castitas &c. vel sunt infusæ per accidens; quia etiam naturali diligentia acquiri possunt, ut morales.

3. Proprietates Virtutum sunt quatuor; 4. Supernaturalitas. 2. Mediocritas. 3. Divisibilitas. 4. Connexio.

*Quar. 2. An dentur virtutes infusæ, ac supernaturales; & quam consistant in medio?*

*Dico.* Dantur virtutes infusæ, & supernaturales omni substantiæ creatæ, aut creabili indebitæ, non solum Theologicæ, ut Fides docet, sed etiam morales. Virtutes intellectuales, & Theologicæ non consistunt in medio; quia nemo potest excedere intelligendo, sciendo &c. vel credendo, sperando, aut amando, nisi per accidens ratione modi, intellectum vel corpus nimis debilitando; sed solum Virtutes morales, & quidem Iustitia in medio rei, & rationis, aliæ vero in medio solum rationis, præbentes quod sat est, & quod nimis est dementes, pro ratione loci, temporis, personæ, & aliarum circumstantiarum.

*Quar. 3. An virtutes, necessariam inter se, habeant connexionem?*

*Dico.* Virtutes intellectuales, ac Theologicæ non habent necessariam inter se connexionem; quia una sine altera haberi potest; nec morales in statu imperfecto consideratæ, sed solum in statu perfecto spectatæ; quia una per alteram perficitur, ut prompte in suum objectum feratur; sic iustus per liberalitatem inclinatur, ut prompte reddat cuique suum, per avaritiam vero retrahitur.

## C A P U T II.

### D E F I D E.

*Quæritur. 1. Quid, & quotuplex sit Fides?*

*Resp. 1.* Fides est Virtus Theologica, divinitus infusa, qua firmiter assentimur iis, quæ a Deo revelata sunt, propter auctoritatem ipsius revelantis.

2. Fides alia est actualis, quæ est actus, quo intellectus ex imperio voluntatis per Gratiam excitatæ firmiter assentitur, rebus a Deo revelatis, propter auctoritatem revelan-

velantis. Alia habitualis, quæ est ipse habitus a Deo infusus, actum Fidei elicitivus, cum auxilio gratiæ actualis. Alia est explicita, qua alicui determinato Fidei articulo assentimur, ut SS. Trinitatis, Incarnationis &c. Alia implicita, qua omnia a Deo revelata, & ab Ecclesia credenda proposita, generatim, sine alicujus particularis articuli determinatione, credimus. Alia viva, quæ operibus bonis, ac mandatorum observatione animatur. Alia mortua, quæ est sine operibus a Lege præceptis. Alia formata, quæ Charitate, & Gratia sanctificante informatur. Alia informis, quæ Gratia, & Charitate, est destituta.

*Quar. 2. Quotuplex sit actus Fidei?*

*Resp.* Actus Fidei alius est internus, qui est firmus mentis assensus veritatibus a Deo revelatis, & ab Ecclesia propositis, propter summam Dei veritatem in dicendo, datus. Alius externus, qui est exterior Fidei professio, ore, opere, aliove signo facta.

*Quar. 3. Quid sit articulus Fidei, & propositio mediate revelata?*

*Resp.* 1. Articulus Fidei est propositio habens rationem principii in Fide, specialemque ad credendum difficultatem, ab omnibus explicitè credenda, quorum præcipui continentur in quatuor Symbolis, videlicet Apostolico, Nicæno, Constantinopolitano, & in illo S. Athanasii in Concilio Florentino, tanquam Fidei regula approbato. 2. Propositio mediate de Fide, est propositio ex duabus immediate revelatis, vel ex majori univèrsali revelata, & minore saltem moraliter certa, vel ex majori non revelata, attamen omnino certa, & minore revelata legitime deducta; quia in immediate revelata implicite continetur.

*Quar. 4. Quotuplex sit necessitas?*

*Resp.* Necessitas alia est medii, sine qua, etiam inculpabiliter ommissa, salus non potest obtineri, & hæc est vel absoluta simpliciter, & in re, vel tantum secundum quid in re, vel in voto: Alia est præcepti, sine qua inculpabiliter ommissa, salus adhuc haberi potest.

*Quar. 5. Quodnam sit objectum materiale, ac formale Fidei; an creverit, & quomodo pereat, habitus Fidei?*

*Dico.* Objectum materiale Fidei primum, est ipsemet Deus revelatus, & secundarium reliqua a Deo revelata; formale vero est prima, ac summa veritas revelans, seu in dicendo, quia Deum revelatum, primum, & omnia alia

alia revelata, secundo credimus; quia Deus prima veritas se, & alia revelavit, quæ est ratio formalis. Objectum materiale, quoad Articulos Fidei ab origine mundi successu temporis usque ad nos, non crevit secundum substantiam, sed duntaxat secundum maiorem explicationem, & magis explicitam professionem, omnesque Fidei articulos explicite, vel implicite credere, ad salutem necessarium est, & semper fuit; unde distinctio in fundamentales, quos credere necessarium est ad salutem, & non fundamentales, quos credere liberum est, ab hæreticis inventa, inanis est; totusque Fidei habitus perit in hæretico, etiam, unicum Fidei minimum articulum, negante; non vero in peccatore Fidem integre proficiente; quia non per quodlibet peccatum, sed per Fidei specialiter oppositum, habitus destruitur, *Conc. Trid. sess. 6. cap. 15.*; in Angelis vero viatoribus, vera fuit Fides, & adhuc est in animabus in Purgatorio, non autem in damnatis, nisi naturalis; quia habitu supernaturali Fidei earent; nec in Beatis Deum intuitive videntibus; quia illo non indigent.

*Quar. 6. Quanam sint vera Fidei proprietates, regula, Ecclesia vera nota, & Caput visibile?*

*Dico.* Quatuor recensentur Fidei proprietates, videlicet: 1. supernaturalitas ob habitum, & gratiam actualem, quibus elicitur. 2. Certitudo tam ex parte revelantis, quam hominis credentis, qui falsum Fide divina credere nequit, estque assensus Fidei certior quocunque alio scientifico. 3. Obscuritas ex parte rei revelatæ, quæ res revelata sub diverso motivo Fidei, & scientiæ potest esse objectum. 4. Credibilitas, & quidem per motiva evidenter suadentia, quorum octo assignantur, nempe 1. auctoritas revelantis, Dei nimirum, vel Christi. 2. Sanctitas doctrinæ. 3. Efficacia propagationis illius. 4. Sanctitas, illam, sequentium. 5. Perseverantia illius, nunquam interrupta. 6. Infinita propemodum Martyrum illam profitentium, multitudo. 7. Vaticiniorum Prophetarum adimpletio. 8. Miracula multitudine innumera. Regula vero Fidei primaria, est tam scriptum, quam traditum Dei Verbum; & secundaria, & quasi animata, est ipsa infallibilis Dei Ecclesia, quæ est Una, Sancta, Catholica, & Apostolica, & de facto Romana, cujus Caput invisibile ipse est Christus; visibile vero legitimus divi Petri Successor summus Pontifex, qui cum Concilio legitime congreg-

gregato est infallibilis Controversiarum Judex, ut Fides docet, & sine Concilio decicens, si non sit infallibilis, ut docetur in Gallia; saltem loquendo ex Cathedra, eum errasse, non constat; ejusque decisionibus adhaerendum est; quia supremus est totius Ecclesiae Superior, & Caput.

*Quar. 7. Quomodo actus Fidei internus sit necessarius, & quam credenda sint; necessitate medii, & praecepti?*

*Dico.* Actus Fidei internus ad obtinendam justificationis Gratiam, ac salutem, omnibus adultis semper fuit simpliciter necessarius, necessitate medii; quia sine Fide impossibile est placere Deo, *Hebr. 11.* omnique tempore necessarium fuit necessitate medii explicite credere, 1. Deum esse, id est, Ens summum, omniumque Creatorem. 2. Esse Remuneratorem virtutum, & Vindicem vitiorum; poenitentia placari, hominemque justificare, & animam esse immortalem, 3. Mysterium SS. Trinitatis, & Incarnationis, saltem implicite; Post sufficientem autem Evangelii praedicationem, etiam explicite, credenda sunt, necessitate medii Mysteria SS. Trinitatis quoad unitatem essentiae, & Trinitatem Personarum, & Incarnationis quoad Divinitatem, & Humanitatem Christi, Passionem, Resurrectionem, Ascensionem, & Judicium per eum futurum, *S. Bonav. S. Thom.*; nec sufficit solum credere in confuso, quidquid credit S. Mater Ecclesia. Necessitate vero Praecepti quilibet credere tenetur 1. ea omnia, quae sunt de necessitate medii. 2. Articulos in Symbolo Apostolico contentos, saltem quoad substantiam. 3. Septem Sacramenta, & Missae Sacrificium; & scire tenetur ea, quae ad illius auditionem, & Sacramentorum receptionem, pertinent, quae quis vult, aut tenetur recipere. 4. Praecepta Decalogi, & Ecclesiae, aliasque sui status obligationes 5. Orationem Dominicam, Salutationem Angelicam, & modum formandi Crucem, quae omnia post sufficientem rationis usum, quoad substantiam, sub gravi peccato scire, & sub veniali memoriter addiscere, quilibet, pro sua capacitate tenetur.

*Hinc.* 1. Confessarius, de necessaria poenitentium instructione, merito dubitans, quia valde rudes, vel suae salutis valde negligentes, eos examinare, & instruere tenetur in Confessionali, si urgeat necessitas, ut in articulo, vel periculo mortis, vel si eos ob nimium pudorem post Confessionem nec ad se, nec ad alium pro instructione

accessuros, probabiliter credat; secus eos dimittat, donec melius sint instructi. 2. Interrogati de contentis in Symbolo, in Præceptis Decalogi, & Ecclesiæ, in Oratione Dominica. Salutatione Angelica, de Sacramentis recte respondentes, quoad substantiam, possunt absolvi, licet ea memoriter dicere nequeant; quia sub veniali duntaxat illa memoriter discere tenentur, nisi simul alios docere teneantur, ut parentes suos infantes.

*Quar. 8. Quoties actus Fidei internus sit eliciendus, & Fides externa profitenda?*

*Dico.* Grave extat præceptum eliciendi actum internum Fidei, omnes obligans adultos ratione præditos, & quidem directe, & per se, 1. Infideles, & Hæreticos, cum Fides ipsis sufficienter fuerit proposita. 2. Infantes, quando usum rationis adepti, sufficienter instructi sunt. 3. In probabili mortis periculo. 4. Quoties quis lapsus est in hæresim, vel gravis contra Fidem urget tentatio. 5. Aliquoties, vel quod securius est, sæpius in vita; nam factis esse actum Fidei semel in vita elicere, vel nullum extare speciale præceptum actum Fidei eliciendi, damnavit Innoc. XI. per accidens vero, & indirecte obligat, quoties occurrit obligatio alterius actus, aut præcepti, quod sine Fide interna recte observari, vel fieri nequit, ut externa Fidei confessio, justificatio. Eucharistiæ sumptio, Dominicæ, ac Festorum sanctificatio, Missæ auditio; quia Fidem præcipuorum Mysteriorum supponunt, ut recte, & devote fiant. Non minus grave est præceptum, Fidem positive, & externe, etiam cum periculo vitæ profitendi, quoties honor Deo debitus, aut proximi utilitas exigat, *s. Thom.*; illamque negare, vel de ea dubitare, aut aliam Religionem simulare, nullo in casu licet.

*Hinc:* graviter peccat 1. auctoritate publica, publice, seu privatim interrogatus, Fidem, etiam cum periculo vitæ, non profitens; auctoritate vero privata interrogatus, eam eludens, tacendo, vel occultando, non peccat. 2. Fidem non externe profitens, exigente necessitate, pro repellenda Fidei injuria, vel pro confirmanda Fide in vacillante, vel pro promovenda in iis, quos ex professione Fidei, Catholicam Religionem amplexuros; vel sine illa in sua falsa confirmandos prævidet. 3. Fidem indiscrete, sine necessitate honoris Dei, & utilitate salutis proximi profitens, seque cum periculo negandæ Fidei, vi tormen-



torum exponens, vel infidelium sacrificia, aut Hæreticorum ritus palam sine utilitate, & necessitate cum eorum perturbatione, graviorique malo, ac Fidei præjudicio, arguens. 4. Se Turcam, aut Lutheranam esse, affirmans, vel se Christianum esse, negans; vel falsam Religionem simulans, sumendo cum ipsis Cœnam, utendo vestibus, vel cæremoniis falsam eorum Religionem, vel Cultam significantibus, Idolo genuflectendo, thus offerendo, idolothyta in cultum Idolorum manducando, cum Hæreticis orando, psallendo, Concioni assistendo, in odium, vel contemptum Religionis, vel animo eorum Religionem profitendi, vel cum proprio, vel proximi scandalo, aut perversionis periculo. Non vero peccat utens vestibus ad solum finem politicum institutis, vel idolothyta pro fame sedanda, manducans, vel alias carnes comedens in die jejunii, ne Catholicus agnoscatur, gravemque pœnam evitet, aut Hæreticorum Psalmodiæ, vel Concioni ex curiositate, vel pro obsequio, domino suo, exhibendo, assistens, secluso semper scandalo, & contemptu Religionis. 5. Baptismum absque necessitate ab infideli recipiens, Matrimonium coram Ministro hæretico contrahens, vel cum hæretica sine speciali ratione, & dispensatione, vel cum pacto dividendi Religionem inter infantes, & aliquos in hæretica educandi. 6. Sine sufficiente scientia cum Religionis dedecore, vel aliorum Catholicorum perturbatione in Fide cum Hæreticis disputans, vel si habeat sufficientem scientiam, eorum pertinaciam, ac Fidei injuriam non repellens.

### Q U Æ S T I O III.

#### DE VITIIS FIDEI OPPOSITIS, INFIDELITATE, ET BLASPHEMIA.

*Queritur. 1. Quid, & quotuplex sit Infidelitas?*

*Resp.* Infidelitas in genere est carentia Fidei in subiecto apto; & est triplex: 1. Negativa, quæ est carentia Fidei in eo, cui Fides nullo modo, vel non sufficienter est annunciata, 2. Privativa, quæ est carentia Fidei in

in eo, cui Fides est sufficienter annunciata; credere tamē negligit, vel contemnit, licet nulli errori Fidei, contrario adhæreat. 3. Positiva, seu contraria; quæ est carentia Fidei, in eo; quod Fidei sufficienter propositæ dissentit; & errori Fidei contrario adhæret; hujus tres sunt species. 1. Est Paganismus, Turcismus; Atheismus; qui totam Fidem novi, & antiqui Testamenti negant. 2. Est Judaismus, qui admissio antiquo Testamento, novum negat. 3. Hæresis; quæ admissio utroque Testamento, unum, aut alterum Fidei articulum negat, vel errori Fidei contrario adhæret; ad hanc spectat Apostasia, quæ est abdicatio totius Christianismi, antea professi, & ad Paganismum; seu Turcismum; aut Atheismum, vel Judaismum transitio.

*Quar. 2. Quid sit Hæresis formalis?*

*Dico.* Hæresis formalis definitur, error voluntarius, & pertinax contra aliquam Fidei Catholicæ veritatem in eo qui se Christianum proficetur; hinc ad hæresim formalem requiritur; 1. error intellectus, aliquem Fidei articulum judicantis esse falsum; vel de ejus veritate, positive dubitantis; dubius enim in Fide, infidelis est; quia Ecclesiam fallibilem credit. 2. Pertinacia voluntatis; qua cognitæ Fidei veritati repugnat, vel dissentit.

*Hinc;* graviter peccat, & est Hæreticus formalis, non solum pertinaciter, & scienter articulum Fidei negans; sed etiam de eo dubitans; vel negans, aut dubitans de articulo; quem per errorem articulum Fidei putat, licet re ipsa non sit; quia in utroque casu eum negans; vel de ipso dubitans, credit Ecclesiam fallibilem. 2. Graviter peccat, non tamen est Hæreticus formalis, nec censuras incurrit; articulum Fidei exterius tantum negans; interius vero credens, vel eum negans ex ignorantia etiam vincibili, vel solum ex tardio addiscendi, præcipue si paratus sit judicium suum Ecclesiæ subicere; & non ignorare affectet; ut liberius suo errori adhæreat; quia ignorantia affectata non excludit pertinaciam.

*Quar. 3. Quale infidelitas sit peccatum? an a Principe Christiano possit tolerari; & Christianis cum infidelibus communicare liceat?*

*Dico.* Licet infidelitas negativa nullum sit peccatum, privativa tamen, & positiva, peccata sunt, ex genere suo gravissima, nec possunt infidelium, ac Hæreticorum ritus, aut libertas Religionis tolerari a Christiano Principe,

pe, nisi ad majus malum impediendum; Judaismus verò tolerari potest; quia figura est novi Testamenti, possuntque Hæretici, ac Apostata ad Fidem compelli; non vero alii infideles; nec licet communicare cum infidelibus in rebus ad cultum falsum spectantibus; bene autem in contractibus, & rebus politicis; secluso perversionis periculo; nec ad Missam possunt admitti; nisi ad partem Cathecumenorum; & ad Concionem, & Catechesim: Cum Judæis verò specialiter in jure prohibitum est: 1. Cohabitare. 2. Comedere azyma. 3. Accipere medicinas ab ipsis paratas, non vero præscriptas; & a Christiano parandas. 4. Comuni uti balneo. 5. Interesse eorum conviviiis. 6. Nutrire eorum iufantes in eorum domibus. 7. Apud ipsos famulari; eorumque servituti subjici. 9. Accedere ad eorum Synagogas; Festa, ac nuptias; quando superstitiosa tractant; 9. choreas, ludos, &c: cum ipsis ducere: 10. Eos ad officia inter Christianos admittere; materiæ tamen parvitas, necessitas; aut alia causa rationabilis a mortali, aliquando etiam a veniali peccato excusat; secluso perversionis periculo, aut dignitatis christianæ diminutione ex nimia cum ipsis conversatione.

*Hinc:* graviter peccant Christiani, præparantes Judæis in Synagoga; necessaria ad superstitiosa tractanda, in Sabbato; vel in aliis eorum Festis; quia eos juvant, ut superstitiosa tractare; & observare valeant; nisi parvitas materiæ; eos a mortali excuset; prout videtur esse observatio Sabbati quoad substantiam a Deo præcepti. Illis tamen inservire in Festis nostris; ac Dominicis, vel quando superstitiosa tractant; insuper a Consilio Regio Colmariensis prohibitum est anno 1766.

*Quar. 4. An famulari liceat apud Acatholicos?*

*Dico.* Quamvis generatim omnibus apud Hæreticos famulantibus suadendum sit, ut quamprimum sine peculiari incommodo possunt; Heros acatholicos deserant; quia raro omne abest in Fide, ac moribus periculum; at tamen eos non teneatur deserere, si Præcepta Dei, ac Ecclesiæ apud illos æque, ac apud Catholicos servare possint, nullumque suæ salutis; ac Fidei periculum, ex eorum conversatione, sibi imminere animadvertant. 2. Si sine notabili damno; (uti est tertia pars stipendi) eos deserere nequeant, quamvis non possent quædam Festa colere, aliquando Missam non audire: jejunium non observare. 3.

Si

Si non possent invenire Catholicos, nisi rixis, aliisque vitiis deditos; quia Præcepta Ecclesiæ, cum gravi damno non obligant.

*Hinc* 1. Neganda est absolutio famulantibus apud A catholicos, si Confessarius in iisdem animadvertat periculum Fidei, nisi promittant intra tres menses se discessuros, quo tempore per bonam exhortationem Confessarii, in Fide conservari creduntur. 2. Sine iusta causa apud Hæreticos famulantibus, cum transgressione Præceptorum Ecclesiæ, vel expresse talem famulatum quærentibus, nisi promittant tale servitium, se derelicturos, proximo termino, quo sine notabili damno possunt. 3. Possunt famulantibus, vel laborantibus apud A catholicos, qui laborem apud eos famulandi habent, ossa, & legumina cum carne coacta in diebus jejunii permitti, non vero carnes, nisi sine carne non pares essent labori, vel dispensationem a Parocho impetrent, quam, ut petant, Confessarius injungat.

*Quar. 5. Quomodo prohibita sit librorum hæreticorum lectio?*

*Prænot.* Libri hæretici, aut prohibiti in indice Concilii Trid. sunt triplicis classis, 1. classis sunt, qui in odium Auctorum, ut Hæresiarcharum, &c. in Catalogo Romano damnati sunt, licet hæresim non contineant, nec de Religione tractent, 2. classis sunt, qui non propter Auctores, sed propter doctrinam non sanam, aut suspectam, aut offensionem in moribus fidelibus afferentem, damnati sunt, quorum Auctores noti, & ab Ecclesia nunquam desciverunt. 3. classis sunt, quorum Auctores ignoti, & pariter propter Doctrinam Fidei Catholicæ, aut morum integritati contrariam, damnati sunt. Hi Auctores triplicis classis possunt considerari, vel ut hæresim, vel falsi dogmatis suspicionem continentes, vel ut artem magicam, & res obscenas tractantes. His notatis.

*Dico.* Lectio librorum prohibitorum cujusunque classis, Jure Naturali, ulique omnibus prohibita est, qui ex eorum lectione perversionis in Fide, vel moribus periculum, vel graves tentationes sibi imminere sentiunt, etiam si licentiam illos legendi obtinuerint; quia non licet se exponere periculo peccandi: Jure vero Ecclesiastico, 1. excommunicationem indicis Concilii Trident. non reservatam, incurrunt legentes, vel habentes libros 1. classis

classis in odium Auctorum damnatos, & libros 2. aut 3. classis ob hæresim, vel falsi dogmatis suspicionem prohibitos, *ita index Concilii Trident.* 2. Legentes, aut habentes libros artis magicæ, vel res obscænas ex professo tractantes, præter peccati mortalis reatum, iudicio Episcoporum severe puniendi sunt; nullam tamen excommunicationem incurrunt, *Laym.*; quia horum pœna, Episcoporum arbitrio relinquitur. Antiquorum vero Ethnicorum lectio, ob sermonis elegantiam permittitur; non tamen pueris, nisi correcti sint. *Ita index Conc. Trid.* 3. Legentes, retinentes, imprimentes, defendentes libros Hæreticorum de Religione tractantes, excommunicationem Bullæ Cœnæ, Papæ reservatam incurrunt; quæ pœnæ Bullæ Cœnæ, ac indicis, licet in Gallia non vigent, legentes tamen libros Hæreticorum hæresim continentes; vel artis magicæ, aut obscænos graviter peccant, vel etiam excommunicationem incurrunt virtute antiquarum Constitutionum in Gallia receptarum, vel Conciliorum in Gallia hæbitorum, vel ob specialem Episcoporum prohibitionem, quorum Statuta consulenda sunt; qui etiam in Gallia sine recurso ad Papam, facultatem legendi libros prohibitos, ad refutandas hæreses, concedere possunt. *Conf. a' Angers apud Pont.*; quamvis cæteroquin solus Papa, & quibus id concessit, hanc potestatem habeant, *P. Gerv.*

*Hinc* 1. Legentes, vel habentes libros, 1. 2. vel 3. classis graviter peccant, & incurrunt excommunicationem indicis, Concilii Trid. ubi receptum est, nemini reservatam; & si de Religione tractent, excommunicationem Bullæ Cœnæ, ubi recepta est, Papæ reservatam, licet non ore, sed solum oculis eos percurrant, vel per famulos eos sibi legi jubeant, vel essent solum, scholia, Hæretici, Fidei contraria, libro Catholico addita, vel libri prohibiti proœmium, vel Epistola dedicatoria. 2. Non tradentes libros prohibitos, quamprimum moraliter possunt, inquisitioni, ubi viget, vel habenti potestatem illos legendi; vel non comburentes, possunt tamen ob grave damnum Bibliopolis hæreticis vendi, qui alias similes in quantitate habent, *Paul. Gerv.* 3. Graviter peccant, quamvis excommunicationem non incurrant, legentes vel habentes libros artis magicæ, vel obscænos, vel animadvertentes, se ex lectione aliorum librorum pro-

hibitorum, etiam Bibliæ in vulgari lingua, vel de controversiis dubiis iu Fide graviter concuti, & perverſionis periculum exoriri, etiamſi licentiam illos legendi habeant, *Paul. Lugd.*; vel ſi ſolum ex curioſitate libros hæreticos legant, etiam ſuppoſita licentia, *ibid.*; quia licentia abutuntur ad refutandas hæreſes ſolum conceſſa. 4. Non tamen graviter peccant legentes libros Hæreticorum, de Religione non tractantes, nec hæreſim continentes, ſi ſint examinati, approbati, purgati, vel conſuetudine tolerati, prout etiam ſunt in Germania libri prohibiti 2. claffis, ut Juridici, Medici, Hiſtorici, unam aut alteram hæreſim obiter continentes; quia prohibitio librorum 2. claffis, uſu, in Germania non eſt recepta; *Laym.*; nec legentes libros obſcœnos ab antiquis Ethnicis conſcriptos ob ſermonis elegantiam; nec pueri, ſi ſint correcti; nec legentes Bibliam in lingua vulgari, vel libros de controverſiis contra Hæreticos; quia nec horum prohibitio in Germania valet; *Laym.*; nec cenſuras Bullæ Cœnæ incurrunt, legentes librum prohibitum, de Religione non tractantem, vel literam hæreticalem, nec audiens proprio motu legentem, nec legens domino, ex gravi metu, vel cenſuram ignorans; nec legens ſolum unam paginam, etiamſi eſſet libri in folio, *Carol. a Crem. & alii apud P. Gerv.*; quia verba Bullæ utpote in re odioſa, in rigore ſunt intelligenda; quavis *Thomas ex Charm. & Tournely* parvitatem materiæ in lectione librorum prohibitorum non agnoſcant; quia quamlibet lectionem minimam periculoſam dicunt; quod difficile de periculo gravi, ac probabili, ſub peccato mortali evitando, creditur, præcipue in his partibus, ubi alias hæreſes ſatis notæ ſunt.

*Quar. 6. Quanam ſint pana contra Hæreticos in jure lata?*

*Dico.* Pœnæ contra Hæreticos in Jure latæ, aliæ ſunt temporales, & aliæ ſpirituales Forum noſtrum ſpecialiter concernentes, videlicet: 1. eſt excommunicatio major, etiam Bullæ Cœnæ, ſi hæreſis ſit exterius, licet ſecretiſſime manifeſtata, niſi eſſet pure mentalis, & Confeſſario, vel Inquiſitori, aut alio amico pro remedio manifeſtata, vel exercitio bonorum operum, vel omiſſione malorum, vel ſi quis ex joco ſolum ſe dixiſſet Hæreticum. 2. Irregularitas, & inhabilitas ad Officia, Dignitates,

tes, & Beneficia, quæ poenæ remanent; obtemperant etiam absolute a poena excommunicationis, donec ab Episcopo, vel alio habente potestatem dispensentur; *Tourn.* 3. Est privatio Beneficiorum, antea legitime obtentorum, subsequente sententia declaratoria, pro actuali amissione, quæ etiam requiritur, pro possessione Beneficii hæretici, per alium obtenti, jure devoluti, vel collationis, quod contra lapsum in hæresim, ante sententiam, potest obtineri, non vero possessione exerceri. *Pont. apud Tourn.* 4. Est privatio sepulturæ Ecclesiasticæ, accedente sententia declaratoria, vel si quis publice aliam Religionem esset professus; potestque solus Papa absolvere ab Hæresi, ubi Bulla Cœnæ est recepta, & qui ab eo habent potestatem.

*Hinc* 1. Hæreticus formalis, est excommunicatus ipso facto, & irregularis, inhabilis ad omnia Officia, Dignitates, & Beneficia, privandus per sententiam, non vero actu privatus Beneficio, legitime possessio, & jurisdictione; potest tamen ante Judicis sententiam devolutum contra ipsius Beneficium, vel collatio obtineri; non vero in Gallia possessio acquiri, nisi accedente sententia declaratoria Crimidis. 2. Ipse hæresim lapsus, valide approbat, absolvit, dispensat, modo sit toleratus; quia excommunicatus non toleratus, privatur jurisdictione, *P. Geru. & communior.*; & possunt Sacramenta ab eo recipi in casu, in quo a malo Ministro peti possunt; non vero si sit periculum perversionis, vel ritu hæretico ministraret, vel ab alio possint recipi, *Tourn.*

*Quar.* 7. Quid, & quotuplex sit Blasphemia?

*Resp.* 1. Blasphemia, est contumeliosa contra Deum locutio, per modum maledictionis, convitij, seu contumeliæ; vel contra Sanctos, aut Res Sacras, quæ virtualiter in Deum referuntur; potestque fieri mente, ore, vel signis, spuendo, vel frendendo in Cælum; & committitur quadrupliciter, nempe 1. quando Deo, vel Sanctis, aut Rebus Sacris negatur, quod eis convenit. 2. Quando eis attribuitur, quod non convenit. 3. Quando id, quod convenit, cum irrisione, aut contemptu attribuitur. 4. Quando creaturis attribuitur, quod soli Deo convenit.

2. Dividitur in hæreticalem, quæ aliquem contra Fidem continet errorem intellectus, & in simplicem, quæ nullum contra Fidem continet errorem intellectus; hæc

est quadruplex, 1. est enunciativa, quando ad injuriam Dei, vel Sanctorum aliquid se facturum, quis dicit. 2. Imprecatoria, seu detestativa, ut pereat Deus. 3. Irrisoria, seu dehonestativa, quando Deo aliquid attribuitur ei conveniens, sed cum irrisione, vel contemptu, ut *vah, qui templum Dei destruis*, 4. Juratoria, quando cum blasphemia aliquid asseritur, ut per mille Sacramenta.

3. Dividitur in formalem, quæ sit cum indignatione in ipsum Deum, immediate, vel mediantibus Sanctis, vel cum attentione ad Dei vilipensionem; & in materialem; quæ solum ore, sine attentione ad verborum significationem, vel Dei vilipensionem, aut sine indignatione in Deum profertur, sed solum in homines, seu bestias, ut signa iræ.

*Quar. 8. Quale peccatum sit Blasphemia?*

*Dico.* Blasphemia formalis cujuscunque speciei, quæ in Confessione est explicanda, gravissimum est peccatum, nullamque materiæ admittit parvitatem. Materialis vero a peccato mortali excusari potest, si omnibus consideratis, nulla ex verbis prolatis honoris Dei, vel Sanctorum, aut Rei Sacræ diminutio appareat: non autem excusatur, si verba ex communi ea intelligendi, vel proferendi modo, aliisve circumstantiis, Dei, vel Sanctorum; aut Rei Sacræ dehonestationem, aut contemptum continent, quamvis ex joco, vel inadvertentia culpabili, ad Dei contemptum essent prolata; quia in Rebus Sanctis nec joculari, nec eas contemnere licet.

*Hinc* 1. Blasphemiam formalem committunt, cum indignatione in Deum asserentes, Deum injustum, non habere rerum omnium providentiam, esse nimis durum, crudelem, &c. & quidem hæreticalem, si ita esse, credant. 2. Blasphemiam solum materialem committunt, cum indignatione in homines, vel bestias sine attentione ad verborum significationem, & Dei, ac Rerum Sacrarum contemptum, dicentes, (prout mos est apud Germanos.) *ex. gr. proh centum mille Sacramenta, ignis Sacramenti; Sacramentum triste, Sacramentum infidele*. 2. Graviter tamen peccant ob scandalum, vel malam consuetudinem, si sit voluntaria, quam sub mortali tenentur deponere. 3. Non vero per se sunt Blasphemiae: *Sacramentum proh triste, Sacramentum; triste Deus? &c.* Nec o Jesu! bone Deus &c. sunt tamen vana vel irreverentialia divi.



divini nominis usurpatio, & peccatum veniale; nec gallice, *Sacre Dieu*, si Deum Sanctum, vel *Mort Dieu*, si Mortem Christi intelligant sine indignatione in Deum, & Christum: bene autem sunt Blasphemix, si maledictum Deum, mortem divinitatis intelligant, vel mortem Deo, vel Christo imprecantur. 4. Nec est Blasphemia, si quis non ex animo, sed per hyperbolem, amasiam suam, Deam dicat; SS. Crispinum, & Crispinianum sutores vocet, secluso scandalo, & contemptu; bene autem esset Blasphemia formalis dicere, eos furatos esse corium, & dedisse calceos pauperibus, licet ex joco diceretur, nisi inadvertentia inculpabilis excusaret. 5. Nec sunt Blasphemix, imprecationes malæ hominibus, vel bestiis factæ; sunt tamen mortales, si serio. vel desiderio damni notabilis, vel contumeliose cum gravi irreverentia in faciem Superiorum, vel Parentum fiant.

## Q U Æ S T I O IV.

### D E S P E.

*Quæritur. 1. Quid & quotuplex sit Spes?*

**RESP.** **S**pes definitur Virtus Theologica, per quam certa cum fiducia, Beatitudinem æternam, & media illius consequendæ, a Deo expectamus. Dividitur in habitualement, quæ est ipse habitus Spei a Deo infusus; & in actualem, quæ est actus, quo voluntas cum habitu Spei, & Gratia actuali, certa cum fiducia expectat æternam Beatitudinem; & in formatam, quæ juncta est cum Charitate, & in informem, quæ reperitur in homine Charitate destituto.

*Quæritur. 2. Quodnam sit objectum materiale, & formale Spei?*

**Dico.** Objectum materiale Spei primum, est beatitudo nostra tam objectiva, quam formalis; id est Deus possidendus; & secundarium sunt beatitudinis media, ut Gratia, Virtutes &c. objectum vero formale primum, est bonitas Dei relative ad nos, id est Deus, ut summum bonum nostrum amabile, amore concupiscentiæ superna-

turalis; & secundarium omnipotentia Dei auxiliatrix, ob meritum Christi, nobis promissa; quia Spes, primario, nos inclinat in Deum possidendum, & secundario, ad media adhibenda; & ratio formalis est; quia nobis infinite bonus est, & media ad ipsum possidendum promissit.

*Quar. 3. An Spes sit distincta a Fide, & Charitate; an sit infallibilis, & in quibus reperitur?*

*Dico.* Spes est realiter distincta a Fide, & Charitate, quia diversum habet objectum formale: & est certa ex parte Dei promittentis, qui in suis promissis est infallibilis; incerta vero ex parte nostri; quia media Salutis sæpe negligimus, vel indebite adhibemus, & reperitur, 1. in omnibus iustis viatoribus, quacunque Charitatis perfectione præditis; quia Deum possidere desiderant, & expectant, licet eum perfectissime ament. 2. In peccatoribus, dummodo non desperaverint. 3. In animabus Purgatorii; quia Beatitudinem sperant. 4. In Beatis; quia sperant corporis gloriam. 5. In Christo; quia resurrectionem omnium, & gloriam inde accidentalem sperat; non vero in Hæreticis, ac infidelibus; quia Fide, tanquam fundamento Spei, carent; nec in desperatis, ac damnatis; quia habitum Spei amiserant.

*Quar. 4. Quomodo Spes sit necessaria, & obliget?*

*Dico.* Actus Spei ad justificationem est necessarius necessitate medii, & præcepti per se omnes adultos obligantis. 1. Quando utrumque rationis attigerint, & de Spei necessitate cogitent. 2. In gravi tentatione contra Spem. 3. In gravi vitæ periculo. 4. Quando quis in desperationem, vel præsumptionem lapsus est. 5. Aliquoties, vel, ut alii securius volunt, sæpius in vita; per accidens vero obligat, cum ex præcepto alii Virtutum actus sunt eliciendi, qui necessario actum Spei præsupponunt, ut oratio, justificatio, receptio Sacramentorum, sanctificatio Dominicæ, ac Festorum per Orationem, Missam &c. præceptum autem negativum obligat semper, & pro semper; quia nunquam desperare licet.

*Quar. 5. Quænam sint vitia, Spei opposita?*

*Dico.* Duo sunt vitia, Spei opposita, desperatio per defectum, quæ est voluntaria dissidentia assequendi Beatitudinem, & obtinendi media ad illam assequendam; & præsumptio, per accessum, quæ est temeraria Beatitudinis, & mediorum, ad eam assequendam expectatio, quod fieri so-

ri so-

ri solet tripliciter 1. Viribus naturæ, ut Pelagiani. 2. Si-  
ne bonis operibus, ut Lutherani. 3. Sub Spe Dei miseri-  
cordiæ peccando, vel pœnitentiam usque in finem vitæ  
differendo, ut mali Christiani.

*Quar. 6. Qualia desperatio, & præsumptio sint peccata;  
& quam earum causa, & media?*

*Dico.* Desperatio, ac præsumptio, gravia maximeque  
perniciosa sunt peccata, & ordinarie parvitatem materiæ  
non admittunt, nisi in quibusdam casibus, de aliquibus  
rite peragendis desperando, vel de quibusdam bonis nimis  
præsumendo. Causa desperationis est luxuria, & acedia;  
præsumptionis vero superbia, & sæpe utriusque debilis  
fides, vel illius carentia; remedia vero, fervor in divinis,  
humilitas, firma promissorum fides.

*Hinc:* Graviter contra Spem peccant, 1. bona tempo-  
ralia æternæ Beatitudini præferentes, finem suum ul-  
timum in iis ponendo; perpetuo in hæc vita manere, vel  
nunquam fuisse, vel annihilari cupientes; vel de Beati-  
tudine æterna, de Dei auxiliis, peccatorum venia despe-  
rantes, & si illa irremissibilia credant, hæresim simul com-  
mittunt. 2. Æternam Beatitudinem sine bonis operibus, vel  
sola Fide sperantes; & si ita credant, hæresim commit-  
tunt. 3. Spe misericordiæ peccantes, vel in peccatis per-  
severantes. 4. Venialiter saltem peccant, in tribulatione,  
tentatione ex pusillanimitate, vel iuordinata tristitia ora-  
tionem, vel alia bona opera omittentes, vel venialia ob  
spem veniæ facile obtinendæ committentes.

## Q U Æ S T I O V.

### DE CHARITATE DEI, ET PROXIMI.

*Quæritur . 1. Quid, & quotuplex sit Charitas?*

*Resp.* **C**haritas in genere, est volitio boni alicui. Alia  
est naturalis, quæ provenit ex motivo naturali.  
Alia supernaturalis, qua Deus ex motivo supernaturali  
diligitur. Alia est affectiva, seu inefficax, quæ consistit  
in solo affectu inefficaci, & complacentia de summa Dei  
bonitate. Alia effectiva, & efficax, quæ simul includit,

voluntatem efficacem, adimplendi Dei voluntatem, omniaque ipsius mandata. Alia concupiscentiæ, qua Deus diligitur propter nos, ut finem, qui est infinite bonus, & beatitudo nostra. Alia amicitiae, seu benevolentiae, vel perfectæ charitatis, qua Deus super omnia diligitur propter se, prout in se summe bonus est. Alia intensive summa, quæ summo ardore, & conatu, in Deum tendit. Alia appretiative summa, quæ Deum omnibus anteposit. Alia objective summa, qua Deus majus bonum, quam creaturæ volumus. Alia est habitualis, quæ est ipse habitus Charitatis a Deo infusus, & est a Persona Spiritus Sancti distinctus. Alia actualis, & est actus amoris benevolentie, ac amicitiae, qua Deus super omnia diligitur propter se, & proximus sicut nos propter Deum; potest etiam elici cum sola gratia actuali a peccatore eliciente actum Charitatis, vel contritionis, quo justificatur, & habitus Charitatis denuo infunditur.

*Quar. 2. Quomodo stricte definitur Charitas, & quasnam debeat habere condiciones?*

*Dico.* Charitas Dei, stricte definitur, Virtus Theologica a Deo infusa, qua Deum super omnia diligimus propter seipsum, ut summum bonum, & proximum sicut nos propter Deum, debetque esse, 1. efficax. 2. Gratuito propter Deum, ut summum in se bonum. 3. Super omnia, & saltem appretiative, & objective summa, ita ut potius quis velit omnia perdere, quam peccare graviter, vel loquiter, saltem ut sit perfecta. 4. Cum aliquo intensiōis gradu; quia tenemur Deum diligere ex totius viribus, & ex tota fortitudine, & sine aliquo intensiōis gradu, non potest appretiative, super omnia amari.

*Quar. 3. Quodnam sit objectum materiale, & formale Charitatis?*

*Dico.* Objectum Charitatis Dei, materiale proximum, & primum, est ipse Deus, secundarium vero proximus, sub quo nomine nos ipsi, & juxta S. Augustinum etiam Judæi, Pagani, amici, & inimici comprehenduntur; etiam animæ in Purgatorio, Beati, Angeli, ac ipse Christus, ut Homo, aliæque creaturæ, etiam irrationales; quia Deus primario, & propter se amatur; alia autem omnia propter Deum, quatenus Dei imago, vel bonitas in iis relucet, vel quatenus sunt res sui amici, & ad ejus gloriam ordinatæ: non vero animæ damnatæ, nec

dæmo-

dæmones; quia Dei imago in eis, pro semper, est foedata, & nonnisi amore naturali, & ratione naturæ diligere possunt. Objectum formale Charitatis Dei, est bonitas Dei absoluta; quia Deus, & creaturæ propter Dei bonitatem, quæ in ipsis relucet, amantur, & ideo utriusque Charitatis Dei, & proximi idem est habitus in via, & in patria, & idem specie actus; quia idem est utriusque objectum formale.

*Quar. 4. Quanam sit necessitas, & obligatio Charitatis?*

*Dico.* Charitas habitualis a Deo infusa omnibus parvulis, & adultis est necessaria necessitate medii ad salutem; quia sine illius infusione, nec peccatum originale, nec personale mortale remittitur: actus vero Charitatis Dei interne, & formaliter eliciendi, grave, ac speciale extat præceptum, ab aliis præceptis distinctum, *Matth.* 22. quo Deus diligitur, 1. super omnia, eum omnibus rebus præferendo. 2. Affective, sibi de summa Dei bonitate complacendo, & volendo ipsi omne bonum. 3. Effective, servando omnia ejus Mandata. 4. Gratuito propter seipsum, ut est in se summum Bonum; non tamen obligat semper, & pro semper, ut est affirmativum, ita ut omnia opera nostra, quæ non ex Charitate fiunt, peccata sint, ut patet ex damnatione propositionis 48. Bay, & 44. Quesnelli. Obligat autem per se, 1. quamprimum, quis, usum rationis attigerit, & de obligatione se ad finem ultimum suum convertendi, Deumque diligendi, cogitet. 2. In probabili mortis periculo, etiam si Sacramenta quis recipiat. 3. Quando ad vincendam gravem tentationem, actus Charitatis Dei, judicatur necessarius. 4. Sæpe, imo juxta *P. Thomam ex Charm.* & tutiorem sæpissime in vita; quia præceptum Charitatis, solum obligare in articulo mortis, vel semel in vita, vel singulis quinquenniis, vel quando justificari tenemur, ab *Alex. VII.* & *Innoc. XI.* damnatum est: per accidens vero obligat, 1. quando quis per actum Charitatis, vel Contritionis justificari tenetur, nimirum, si conscius sit gravis peccati, & copiam Confessarii non habens, Sacramenta recipere, vel administrare tenetur. 2. Quoties Deum blasphemias, vel gravi scelere offendi videmus; quia de eo non solum non gaudere licet, sed de Dei injuria dolere, & juxta exemplum Davidis tabescere nos zelus facere debet, quod effectus est Charitatis. 3. Quoties per se obligat Orationis

tio Dominica, vel auditio Missæ; quia Oratio Dominica recte dicta, actus Fidei, Spei, & Charitatis Dei, & proximi perfectissime continet, *Paul. Luzd.*; per illam enim volumus bonum Deo, nempe, *sanctificetur nomen tuum, fiat voluntas tua*; & proximo, *adveniat Regnum tuum, panem quotidianum, remissionem peccatorum, liberationem a tentatione, & ab omni malo*; & quod petimus etiam credimus, & speramus; nec Missa recte auditur, nisi quis Christum, ac illius Mysteria credat, illius effectus speret, & bonum Deo, & proximo per illam intentum, saltem in actu exercito velit.

*Hinc*: contra Præceptum Charitatis Dei, graviter peccant, 1. Obligationem præcepti agnoscentes, raro, vel non quando tenentur, actum Charitatis Dei elicientes, vel solum ore, & non corde Deum sincere amantes. 2. Blasphemias, aliave grandia scelera videntes committi, & ut sunt offensio Dei, de eis gaudentes, vel ea, si possint, non impediennes correctione fraterna, vel aliis mediis ex obligatione adhibendis. 3. Parentes, Parochi, Ministri suæ curæ spirituali commissos a tenera ætate, præcipue, cum ad usum rationis pervenerint, de actibus Charitatis Dei, sicut & Fidei, & Spei elicendis, non instruentes. Attamen non scrupulose agendum cum iis, qui se hanc obligationem ignorasse dicunt; quia symbolum Apostolorum sæpe recitando, Festa Dominicæ Passionis, aliorumque Mysteriorum colendo, Orationem Dominicam recte dicendo, ad Confessionem, & ad Communionem se præparando, potius mori, quam Deum offendere, sæpe sibi proponendo, hos actus Fidei, Spei, & Charitatis necessarios, elicuisse, censentur, saltem in actu exercito: cum autem hæc, & ipsi actus Fidei, Spei, & Charitatis sæpe solum ore, & distracte fiant, ad illos studiosius, ac sæpius, & præcipue in diebus Dominicis, ac Festivis, imo quotidie elicandos, monendi sunt; quia paucis verbis elici possunt, cum magno merito.

*Quar. 5. Quomodo, & quoties proximus sit diligendus?*

*Dico*. Datur etiam aliud speciale, priori simile præceptum, diligendi proximum, sicut seipsum, non solum actu externo, sed etiam formali, & interno benevolentiae, 1. Affective, volendo ei bonum. 2. Effective, ei succurrendo in necessitate, eum supportando in infirmitate, mala ei avertendo, pro eo orando, 3. Gratuito propter Deum; per

per solum enim actum externum, præcepto satisfieri, nec nos teneri proximum diligere actu interno, ac formali, damnatum est ab Innoc. XI. quoties autem per se obliget, non adeo constat, cum simile sit præcepto Charitatis Dei, & sine se invicem esse nequeant, ut docet S. Augustinus, etiam toties per se obligare videtur. Per accidens vero obligat, 1. Dum urget gravis odii tentatio, quæ absque actu dilectionis proximi, superari nequit. 2. Cum possumus, ac tenemur proximo in aliqua necessitate corporali, vel spirituali subvenire, ejus onera portare, graves injurias in bonis corporis, vel animi, famæ, aut fortunæ sine gravi nostro incommodo avertere; vel quoties obligat Oratio Dominica, in qua bona, quæ nobis petimus, proximo, sunt petenda, quæ sine impulsu Charitatis internæ, saltem latius sumptæ, non pie, nec utiliter fiunt.

*Hinc*; graviter peccant contra præceptum Charitatis proximi, 1. raro, vel non quando tenentur, elicientes actum internum Charitatis, vel solum ore, non volendo ei in corde bonum; vel in necessitate ei non succurrentes de superfluis, vel etiam de necessariis pro qualitate necessitatis, de qua infra; vel etiam cum periculo propriæ vitæ in extrema æternæ salutis necessitate. 2. Non impediētes mala proximi, bona ipsius famæ, vel fortunæ defendendo, si sine gravi incommodo possint. 3. Nunquam. vel non quando tenentur, pro proximo orantes: excusantur tamen sæpe, & attente recitantes Orationem Dominicam, quæ actus dilectionis proximi elicitur volendo etiam ei bona, quæ in eo nobis petimus.

*Quar. 6. Quomodo teneamur diligere inimicos?*

*Dico*, Eodem Charitatis proximi præcepto tenemur diligere inimicos, ipsis 1. offensam ex corde remittendo, omnemque odii, ac vindictæ affectum deponendo, volendo eis bona, avertendo mala, succurrendo in necessitate propter Deum. 2. Communia dilectionis signa exhibendo, quæ aliis ejusdem conditionis personis exhibere solemus; specialia enim regulariter exhibere non tenemur, ut sunt visitare, familiariter colloqui, ad mensam invitare, &c. nisi illis omisissis oriretur scandalum; vel si inimicus, primus, specialia amicitiae signa, dederit, similibus correspondere oportet, vel si spiritualis, vel corporalis inimici necessitas, specialia exigeret, vel si antea, talia solebamus exhibere, modo profutura, & non pejorē redditura præbabi.

babiler credantur. 3. Petendo veniam, vel reconciliationem ab eo, qui prius, vel gravius fuit offensus; si æqualiter, uterque tenetur; vel si offendens, læso, sit valde dignior, alia reconciliationis media adhibere tenetur, familiariter cum eo agendo, specialius eum honorando, &c. 4. Petitam veniam statim ex corde concedendo, & condonationis signa exhibendo, nisi esset Superior, qui ea, & alia dilectionis, vel amicitiae signa ob correctionem, & aliorum exemplum potest differre, modo in corde dimittat; non tamen tenetur quis, actionem injuriarum remittere, seclusa vindicta, nisi oblata satisfactione, judicio prudentum sufficiente, quam acceptare tenetur, nisi reus sit Reipublicæ noxius, vel infamia absque juridica satisfactione, non posset deleri.

*Hinc:* graviter peccat contra Charitatem, inimicis debitam 1. offensam non ex corde dimittens, sed gravem odii, vel vindictæ affectum retinens, 2. Eum non, ut alios ejusdem conditionis, actu interno amans, quando obligat Præceptum, prout obligare videtur post grave odium. 3. Gravia ei volens mala, vel a Deo, aut ab hominibus ei exspectans. 4. De ejus calamitate gaudens, vel de prosperitate ejus dolens; gravia ejus mala non impediens, si sine gravi incommodo possit; in necessitate ei non succurrens. 5. Inimicum ab oratione communi, vel eleemosynis, aut venditione mercium excludens. 6. Non salutans ex gravi odio, quem antea salutare consuevit, vel alia signa communia dilectionis negans; secus, si ex inadvertentia, levitate, vel ex justo nimiae injuriæ dolore feret, vel alias, talia signa non exhibuisset. 7. Salutantem non resalutans; vel alia signa etiam particularia dilectionis non exhibens, ut visitare, familiariter colloqui, invitare ad prandium, &c. si scandalum ex eorum omissione oriatur, ut inter fratres, sorores, proximosque cognatos, vel etiam inter Religiosos ejusdem Ordinis, & Conventus facile oriri potest, sibi ob leves rixas non loquentes, vel se non salutantes, vel specialia primo exhibenti non correspondentes; vel si inimicus sine illis, in gravi ira moriturus, vel in gravibus peccatis mansurus esset, a quibus, per signa particularia liberandus, probabiliter creditur; secus, si inde peior fieret. 8. Invitatus ad prandium ob inimicum etiam invitatum comparere nollens, nisi ob rixas, quas timet, vel alias justa causa fiat.

9. Non



9. Non concedens veniam debite petitam, vel signa condonationis negans, nisi esset Superior ob correctionem, & aliorum exemplum. 10. Non acceptans satisfactionem prudentum iudicio sufficientem, nisi esset noxius Reipublicæ, vel fama, sine juridica satisfactione, læsa maneret. 11. Non petens veniam, vel reconciliationem, si prius vel gravius, vel æqualiter offenderit, vel aggressor fuerit, aliudque post gravem offensionem remedium adhiberi non possit, nec debeat; etiamsi esset valde dignior, si injuria sit valde gravis. Excusantur tamen a veniæ petitione 1. si æquivalens satisfactio per se, vel per alium, vel reconciliatio jam sit facta. 2. Si non profutura, sed obfutura credatur. 3. Si offendens sit multo superior, nisi injuria esset valde gravis; alia tamen media reconciliationis adhibere tenetur, humaniter eum salutando, familiariter cum eo agendo, &c. 4. Si injuriæ sibi invicem factæ sit compensatio; reconciliari tamen tenentur. 5. Quando offensus, est absens, & nec per se, nec per alium potest conveniri. 6. Quando prudenter præsumitur læsum, non corresponsum, ut quando nondum tantum temporis spatium intercessit, ut remissio prudentum iudicio, sit speranda; nec statim post offensam ad veniam petendam coarctandi sunt; filii tamen respectu parentum, subditi respectu Superiorum, uxores respectu virorum, servi respectu dominorum, frequentius ad petendam veniam obligandi sunt, licet ex prædictis alias etiam sæpe excusentur: nec motus odii in parte inferiori hominis, sine consensu voluntatis, vel dolor de gravi injuria illata apparente inimico denuo exurgens, impediunt absolutionem, dummodo vere, & corde condonet.

*Quer. 7. Quinam sit ordo Charitatis Dei, & proximi servandus?*

*Prænot. 1.* Duplex est in exercitio Charitatis ordo, videlicet, affectionis, qui petitur a dignitate, vel bonitate objecti; & subventionis, seu Beneficii, qui petitur vel ex indigentia personæ, habita tamen ratione conjunctionis per sanguinem, amicitiam, Religionem.

2. Necessitas proximi alia est, spiritualis, alia corporalis. Necessitas spiritualis triplex est, 1. est extrema, in qua absolute sine auxilio in æternum est periturus, ut infans sine Baptismo moriturus. 2. In qua quidem, absolute, quis salvari potest, absque alterius ope, sed cum magna

gna difficultate; ut consuetudinarius sine Confessione per Contritionem ipsi valde difficilem. 3. Communis, in qua absque auxilio alterius, quis salvari potest, & sine gravi difficultate; ut in communi peccandi occasione constitutus.

3. Necessitas corporalis etiam triplex est, 1. extrema, in qua vita absolute sine alterius ope non potest salvari. 2. Gravis, in qua absolute, sed magna cum difficultate servatur. 3. Communis, in qua vita sine magna, attamen cum aliqua difficultate servatur. His notatis.

*Dico.* Ordine affectionis diligendus est, 1. Deus super omnia; quia super omnia bonus est. 2. Creaturæ præ cæteris sanctiores; quia Eo sunt conjunctiores, & anima plusquam corpus; quia ipso est melior. 3. Aequales, vel quorum ignoratur inæqualitas, æqualiter; quia æstimantur pares in bonitate: ordine vero subventionis, tenetur quis diligere se ipsum plus, quam proximum in eodem bonorum genere, quoad bona spiritualia, & corporalia necessaria, quæ sibi servare præcipitur, ut vita; quia Charitas bene ordinata incipit a seipso, nisi bonum commune Reipublicæ exigit, ut vita privata pro Republica, pro vita Principis exponatur; in diverso autem bonorum genere, tenetur quis, vitam suam temporalem exponere pro spirituali proximi, 1. In extrema necessitate spirituali constituti; quia Joan. 15. ait Christus: *hoc est preceptum meum, ut diligatis invicem, sicut dilexi vos.* 2. Pro constituto in gravi necessitate spirituali, solus proprius Pastor quoad Sacramenta absolute necessaria administranda, etiam extremam Unctionem, si non possit recipere Pœnitentiæ Sacramentum; quia Joan. 11. *bonus Pastor animam suam dat pro ovibus.* Alius vero non Pastor saltem cum gravi damno temporali, *Tourn.* In communi nullus tenetur succurrere cum periculo vitæ, vel gravi bonorum suorum jactura; quia est plane voluntaria, nec difficilis; tenetur tamen sine suo damno, vel cum exiguo: quia *mandavit Deus cuilibet de proximo suo Eccles. 17.* Quando autem plures sunt in eadem necessitate, & non omnibus succurrere possumus, extraneis, præferendi sunt conjuncti, sanguine, amicitia, Religione, juxta gradum conjunctionis, *s. August.*; in necessitate inæquali, extraneus in gravi præferendus est, propinquo in communi constituto, *s. Thom.*; & in necessitate gravi spirituali constitutus, con-

conſanguineo in neceſſitate gravi corporali; quia indigentia ſpiritualis boni, eſt altioris ordinis.

*Hinc*: 1. Non licet peccare venialiter, nec ſe exponere occaſioni proximæ peccandi, pro procuranda ſalute proximi, etiam æterna; nec directe ſibi inferre mortem, dando ſe præcipitem in aquam; ſine ſpe evadendi, ut baptizet infantem; aquæ ſupernatantem; nec matri, licet pati ſectionem; ob imperitiã Chirurgi, vel propriam infirmitatem, ſpe probabilis ſuæ incolumitatis deſtitutam, ut infans perveniat ad Baptiſmum; bene autem cum ſpe probabili, vitæ ſervandæ; nec licet relinquere tabulam, ſe projiciendo in mare, ut proximus per illam ſalvetur; nec exponere ſe periculo certo vitæ, ut liberet proximum ab incerto; nec ſi moriendo, æternæ ſe exponeret damnationi, vel Reipublicæ, aut propriæ familiæ valde eſſet neceſſarius; nec pro evitando gravi peccato proximi, vel lapſu in hæreſim; quia datur locus pœnitentiæ; nec ſi auxilium non judicatur probabiliter profuturum; vel ſi alius velit, & poſſit ſuccurrere, ſic nullus tenetur pro converſione infidelium ire ad Indos; quia jam alii ibi ſunt. Licet tamen incurrere probabile mortis periculum, ut eripiat proximus a certiffimo; accipere mortem ab injuſto invaſore, quem poſſet occidere, ut æternæ eripiat damnationi; propriam amittere vitam, ex motivo gratitudinis, pro ſalvanda vita patris, alterius amici. 2. Tenetur ſubditus exponere vitam pro vita Principis, & poſius ipſi, quam proprio patri, in extrema neceſſitate, ſuccurrere, *Paul. Lugd.*; miles pro Republica, quilibet pro infante fidei, ſine Baptiſmo, abſque ſuo auxilio morituro; pro ebrio, vel dormiente, vel rationis uſum recens adeptus; in peccato mortali, ſine contritione ob ignorantiam morituro; non vero pro ſufficienter de contritione elicienda inſtructo; quamvis ei ob pravam conſuetudinem eſſet valde difficilis; niſi eſſet proprius Paſtor; tenentur tamen, etiam alii ſuccurrere cum gravi damno, non vero cum vitæ periculo; poteſt etiam aggreſſus deſenſione occiſiva ſe defendere, quamvis aggreſſor ſit in extremo ſalutis periculo; ut dicetur infra; *Tract. 6. Quæſt. 7. Quar. 2. Hinc* 1. quia periculum eſt ex voluntaria invaſione malitia, & nec propria ſalus eſt certa. 3. Tenetur, Extra Matrimonium prægnans, iſtante morte, cum propriæ famæ jactura, declarare crimen imprægnationis, pro ſalute infantis.

fantis; obſtetrix ſaga extremum ſubire ſupplicium, ut ab æterna damnatione eripiat, in nomine dæmonis, & ſine forma Baptiſmi a ſe baptizatos, ſi non alia tanti ſcleris reperandi via appareat. 4. In neceſſitate extrema, ſub peccato gravi: parentes debent præferri omnibus; in gravi vero, uxor liberis, & parentibus, pater matri, uxor filiis, filii fratribus, fratres cognatis; per accidens tamen poteſt mater bona, præferri patri, vel proli maleficæ, filius utilis domeſticationi matri inutili, & in extrema neceſſitate filius præferri patri, ſaltem ſine peccato mortali; & potius patri, & filiis carnalibus, quam ſpiritualibus ſuccurrendum, *S. Thom.* in communi vero potius ſpiritualibus, *Paul. Lugd.*; Paſtor tenetur potius gregi, & ovibus ſuis, quam parentibus, ac cognatis ſub cura alterius degentibus in extrema neceſſitate ſuccurrere; quia ſimul ex juſticia tenetur.

*Quar. 8. Quot ſint opera miſericordia, & quid ſit correctio fraterna?*

*Reſp. 1.* Miſericordia eſt alienæ miſeriæ efficaciſſima compaſſio. Opera miſericordiæ ſunt quatuordecim, quorum ſeptem ſunt corporalia, alia ſpiritualia hiſ verſibus contenta:

*Viſito, poſco, cibo, redimo teſgo, colligo, condo.*

*Conſule, carpe, doce, ſolare, remitto, ſer, ora.*

Inter quæ, correctio fraterna, & eleemoſyna ſpecialiter ſunt obſervandæ.

2. Correctio, eſt triplex, juridica, paterna, & fraterna. Juridica eſt actus juſtitiæ vindicativæ, ordinatus, non ſolum ad emendationem delinquentis, ſed etiam ad ejus caſtigationem, ob bonum commune, & aliorum terrorem. Paterna, eſt actus auctoritatis, quo Superior abſque forma judicii corrigit delinquentem, ut emendetur, & tollatur ſcandalum aliorum. Fraterna, eſt actus miſericordiæ, quo quis proximum, monitione ſalutari, a peccato revocare conatur.

*Quar. 9. Qualis ſit correctionis fraterna obligatio, & quam ſint cauſa excuſantes?*

*Dico.* Grave extat præceptum tam naturale, quam divinum, fraternæ correctionis, obligans omnes; maxime vero Superiores, ratione curæ ſubditis debitæ, etiamſi ex ignorantia, etiam inculpabili, peccent; niſi majus inde timeatur malum: obligat etiam ſubditos, reſpectu ſuorum Superiorum, cum debita tamen reverentia; etiam reſi-

resistendo in faciem juxta exemplum S. Pauli, necessitate ita exigente pro spirituali aliorum ruina præcavenda, etiam cum periculo vitæ in extrema salutis æternæ necessitate, & in gravi, saltem Pastores; alios vero cum aliquo, non autem cum gravi famæ, ac bonorum damno, ita *Tourn.* & alii; non tamen obligat 1. si non probabiliter constet de peccato mortali commissio, vel proxime committendo, nec tenetur privatus inquirere, bene autem Superior, si dubium, aut suspicio appareat. 2. Si constet jam resipuisse, vel sua sponte emendatum iri, vel ab alio magis idoneo, v. g. Superiore probabiliter esse corrigendum. 3. Si non sit probabilis emendationis spes; quia consuetudine, vel contemptu peccavit, nisi correctio; esset necessaria, pro avertenda spirituali proximi ruina, vel gravi Dei, seu Religionis irreverentia, aut damno tertii; vel si esset in articulo mortis, sufficiens dubia emendationis spes. 4. Si speretur tempus opportunus ex parte sui, vel delinquentis, potest differri. 5. Si sine gravi suo incommodo, vel damno fieri nequeat; non tamen potest omitti ob delinquentis tristitiam, vel levem iram. 6. Si materia sit levis, nisi sit Superior, qui etiam venialia subditorum corrigere tenetur, si graviter lædant regularitatem; ut si nimis frequenter fiant; imo etiam privati, si probabiliter in grave inducant peccatum, vel grave communitati, vel delinquenti damnum, aut dedecus causent.

*Hinc:* graviter peccat, 1. oportunitatem fratrem emendandi occasionem, sponte, ac scienter elabi sinens, vel zelo nimis indiscreto corripiendo, in graviora peccata scienter præcipitans. 2. Linguam detrahentem, impudicam, blasphemiam, &c. non admonens, vel saltem facie tristitia dissipans. 3. Pastor non docens ex ignorantia culpabili peccantes, etiam si non prævideret fructum; quia tenetur ex officio; vel alius quivis non monens, volentem contrahere Matrimonium, cum impedimento dirimente, etiam invincibiliter ignoto, vel aliam Legem humanam, aut divinam transgredi paratum. 4. Magistratus communitati, vel proximo nocivos non corripiens. 5. Superior prævidens ex non emendata etiam legi regularum, ut silentii, &c. frequenti transgressione, notabilem regularitatis diminutionem, vel piarum consuetudinum abolitionem; vel non inquirens subditorum delicta, de quibus merito du-

bitat, vel suspicatur, ut ea corrigat. 6. Prævidens proximum ex levi in vino excessu, furto, aliove veniali abique correctione, in gravia probabiliter peccata lapsurum, vel grave scandalum eventurum, & non admonens. Excusant tamen a mortali, materiæ levitas, inadvertentia, timor, vel cupiditas, ut ait S. Thomas, modum aptum corrigendi, verbaque sale sapientiæ condita, delinquentique proficua præcludens, ob quam prudentius correctio fraterna differtur, donec sermone idoneo, animisque utrinque pacatis utiliter fiat.

*Quar. 10. Quisnam ordo in correctione fraterna sit servandus, & quando delictum immediate ad Superiorem possit deferri?*

*Dico.* In correctione fraterna, gravi sub peccato, observari debet, ordo a Christo Matth. 18. præscriptus, videlicet, 1. si autem peccaveris in te frater tuus, vade & corripe eum inter te, & ipsum solum. 2. Si autem te non audierit, adhibe tecum adhuc unum, vel duos, nimirum Confessarium, & alium prudentem. 3. Quod si non audierit eos, dic Ecclesia, id est Superiori: attamen peccatum proximi, immediate deferendum est Superiori, 1. si sit publicum, id est notum majori parti vicinæ, vel communitalis, vel si in via sit deveniendi publicum; si tamen privata correctione delinquens emendari; & scandalum reparari possit, non deferendum esset Superiori, nisi Superior, qui jus habet judicandi de publicis, denunciationem exigat. 2. Quando crimen, etsi occultum, vergit in grave detrimentum corporale, vel spirituale proximi, nisi certa spe, malum alienum, secreta correctione posset impediri. 3. Quando correctio privata, merito judicatur non profutura. 4. Si satisfactionem debitam, denegat. 5. Si cesset juri suo, absque aliorum detrimento: non potest tamen Superior, ex notitia per paternam denunciationem accepta, judicialiter procedere, nisi paterne correptus, rebellem se exhibeat; & antequam paterne admoneatur, de veritate prudenter inquirere oportet.

*Hinc:* graviter peccat, 1. deferens ad Superiorem grave delictum, quod privata correctione potuisset, ac debuisset emendari: non vero peccat immediate ad Superiorem deferens peccatum publicum, vel occultum, vergens in detrimentum proximi, ut arte magica, ac maleficio, proximo nocentis, monetas adulterantis, prodicionem patriæ medi-

meditantis, errores contra Fidem disseminantis, in confessione sollicitantis; furto, rapina damnum proximo inferentis, vel peccato carnis, ex malitia commissio, Religionem suam prostituentis; quia mora denunciationis in similibus criminibus, est periculosa, & correctio fraterna solum cautiores, non vero meliores facere solet. 2. Nec peccat deferens ad Superiorem peccata ex habitu, vel contemptu, aut pertinacia commissa; ut hæresis, &c. quia secreta admonitio iis non esset profutura.

*Quar. 11. Quanam sit corporalis Eleemosyna obligatio?*

*Resp.* Prænot. Eleemosyna juxta S. Thomam est opus misericordiæ, quo datur aliquid indigenti, ex compassione propter Deum.

1. Indigentia, seu necessitas proximi est triplex. 1. Est extrema, quando est in periculo mortis, morbi, seu vulneris incurabilis. 2. Gravis, quando sine Eleemosyna e statu caderet, vel in aliud malum grave, morte tamen minus, ut notabilis morbi, amentia, captivitatis, infamiae, amissionis dignitatis, &c. 3. Communis, in qua sunt pauperes ordinarii.

3. Bona etiam sunt triplicis generis. 1. generis sunt bona vitæ absolute necessaria, sine quibus homo se, & suos alere nequit: 2di sunt necessaria status, sine quibus decentia status, non potest conservari. 3tii sunt superflua, quæ nec vitæ, nec statui sunt necessaria. His notatis.

*Dico.* Datur grave, tam naturale, quam divinum faciendæ Eleemosynæ præceptum, 1. quidem in extrema necessitate constitutis, ex bonis vitæ superfluis, & decentiæ proprii status necessariis; non tamen cum tota sui status, aut familiæ subversione; dans autem solum mutuo postea restituendum, non satisfacit præcepto, nisi res esset usu non consumptibilis, ut equus ad fugiendum, vel alibi bona, vel certam eorum spem haberet. 2. In gravi necessitate existentis, ex bonis proprio statui superfluis, vel si non habeat sufficientia, etiam ex necessariis ad aliqualem status proprii decentiam, nisi forte ex propria malitia, seu culpa orta sit; non tamen cum enormi ejus læsione. 3. In communi necessitate ex superfluis vitæ, ac statui; non tamen tenentur ad omnia ipsis distribuenda; nisi esset Beneficiarius; quia pauperes communes a multis juvari solent; Potestque ex illis ad altiorem ascendere statum, si illo sit dignus, nec ambitione fiat, pauperum-

quæ necessitas sublevetur; nec tenetur, pauperes inquire, sed sufficit occurrentibus subvenire, nisi esset Beneficiatus, Pastor, vel Præpositus, aut tempore pestis: secluso tamen infectionis periculo: ratio horum omnium est: quia quilibet in necessitate ita rationabiliter vult amari, & juvari. Ut autem Eleemosyna debite fiat, debet esse 1. iusta, id est ex bonis propriis. 2. Discreta, juxta indigentis exihentiam, propinquitatem, & meritum; non tamen severiori examine discutiendum, an vere sint pauperes; nec impiis neganda. 3. Liberalis juxta cujusvis statum. 4. Prompta. 5. Hilaris. 6. Humilis. 7. Urbana, sine aîperitate, & contemptu.

*Hinc:* mortaliter peccat, dives cognita pauperis extrema necessitate, per indicia probabilia, & evidentiâ, uti est testimonium Parochi, aut Confessarii, vel duorum fide dignorum de visu, & certa scientia testantium, ei non subveniens, etiam ex bonis ad status decentiam necessariis, diminuendo status splendorem, famulorumque numerum, vestium, & domorum ornatum; non tenetur, solis pauperum dictis, sæpe de veritate suspectis, credere, nec voluntarie pauperibus, non voluntate virtutis, sed otii, succurrere. 2. Omnes pauperes repellens vel ita modicum tribuens, ut si omnes divites, habita ratione quantitatis superfluatorum similiter facerent, communibus pauperibus, necessaria sustentatio notabiliter deesset. 3. Tempore publicæ necessitatis frumentum, &c. reconducentes, ut carius vendant, & proximum in gravi relinquentes necessitate. 4. Magistratus, pauperes peregrinos omnino repellentes, qui sæpe in patria remanere nequeunt, & alibi repulsi sine Eleemosyna fame perire deberent: nisi graves habeant rationes, ut si Eleemosynæ non sufficerent, nisi pro indigenis, vel morbos, prodigiosos, hæreses per extraneos timeant. 5. Servi, ancillæ, administratores, tutores, filii familias, uxores, Religiosi, notabiles facientes Eleemosynas ex bonis, quorum liberam non habent administrationem; nisi in extrema necessitate, vel nisi modicum, & raro cum consensu, vel ratihabitione proprii Domini tribuant. 6. Dans furto, usura, &c. invalide acquisita pauperi, cum sciatur, vel sciri possit proprius Dominus; nisi in extrema necessitate, in qua etiam ea surripere, & dare extreme indigenti licet sine restitutionis onere; non vero in gravi, minus in

com-



communis illicite tamen acquisita, ut pro opere meretricis, vel labore in Dominica, recte dantur pauperibus, & quandoque id pro pœnitentia imponi debet. 7. Major etiam pars Capituli dans Eleemosynam ex bonis partialiter possessis, & cuique in particulari distribuendis, nisi omnes consentiant; bene autem fit ex collegialiter possessis, ut ex massa, consentiente maiore parte. 8. Se pauperes simulantes, cum non sint, vel extremam necessitatem fingentes, tenenturque ad restitutionem; non vero suam paupertatem solum exaggerantes. 9. Succurrens hostibus Reipublicæ, etiam ad extremam necessitatem redactis, nisi victos se præbeant; quia bellum, propterea cum notabili damno, prolongatur. 10. Cibos præbens iuste damnato, ut fame pereat, si propterea contra Judicis voluntatem a morte liberetur; quia Judicis potestatem æque violat, ac si carceres infringeret, vel cum a patibulo, vi liberaret.

## Q U Æ S T I O IV.

### DE PECCATIS CHARITATI DEI, AC PROXIMI OPPOSITIS.

**Q**Uamvis omnia peccata, Charitati Dei opponantur, specialiter tamen Charitati Dei opponitur odium Dei, & accedia. Charitati vero proximi, odium proximi, invidia, discordia, contentio, scisma, bellum iniustum, rixa, seditio, & scandalum: hic de odio Dei, & proximi. de bello, schismate, & scandalo agendum; de aliis alibi.

*Quar. 1. Quid sit odium, & quale peccatum?*

*Resp.* Odium est actus voluntatis objectum averfantis, & est duplex, nimirum inimicitiae, quo alteri malum volumus quatenus est malum; & abominationis, quo voluntas aliquid, ut sibi incommodum; averfatur. His notatis.

*Dico.* Odium Dei, est peccatum omnium gravissimum, nullam materiæ parvitatem admittens; odium vero proximi, 1. est grave peccatum, si grave malum proximo ferio velimus, vel etiam leve, vel grave non serio, attamen cum gravi scandalo, aut gravi irreverentia in faciem

ejem imprecamur. 2. Est autem veniale, si ex levi displicentia leve malum, vel grave, sed non serio, vel solum creaturis irrationabilibus optemus. 3. Est nullum peccatum, si non personam, sed ejus vitia aversemur, vel per malum ipsius conversionem, æternamque salutem velimus; quia odium primo modo, graviter, secundo modo, leviter, & tertio modo, neutiquam, Charitati opponitur, debetque in Confessione, malum vitæ, famæ, aut fortunæ proximo volitum, specificari; quia officere proximo in vita, fama, vel fortuna, specie differunt; ergo & desiderium illorum. Similiter aperienda quantitas mali, duratio, & renovatio odii, & circumstantia personæ; Superioris, Parentis &c. speciem mutans, vel novam superaddens.

*Hinc:* gravissime peccat se contristans de Dei bono, de ejus offensa gaudens; cupiens, Deum non esse, vel non esse justum, aut omnipotentem, ne peccata punire possit. 2. Graviter peccat sibi, vel proximo, serio mortem, ut malum, dæmonem &c. volens, vel creaturis irrationabilibus, bestiis &c. quatenus proximo damnum notabile inde evenit, etiamsi ex ira fiat, & transacta ira doleat, modo in ira serio, ac deliberate malum voluerit. 3. Maledicens vento, pluviis &c. ut sunt a Deo, cum implicita in Deum indignatione, estque species Blasphemiae. 4. Imprecans proximo malum grave, quamvis non serio, attamen cum scandalo, alios, præcipue infantes, suo exemplo easdem imprecationes docendo; vel leve, attamen contumeliose, personæ singularis venerationis, ut parentibus, & Superioribus in faciem imprecando. 5. Graviter, vel leviter peccat, pro majori, vel minori pravitate affectus, de vita alicujus dolens. de morte gaudens, eam affectu inefficaci desiderans, licet non ex displicentia personæ, sed ob aliquod emolumentum temporale proprium capientis, fiat, v. g. ob pinguem hæreditatem ex morte patris; quia contrarium damnatum est ab Innoc. XI. potest tamen quis salva Charitate, ait S. Thomas, optare malum temporale alicui, & gaudere, si contingit, non in quantum est malum ipsius, sed in quantum est impedimentum malorum alterius, quem plus tenetur diligere, vel communitalis, vel Ecclesie, vel quod per malum pena impeditur frequenter malum culpe ejus. Sic potest desiderari morbus, vel captivitas insigni nebuloni, qua a peccato resipiscat,

piscat; mors hæresiarchæ, vel malefactori, a Deo, vel justitia infligenda, non ut ipsorum malum, sed prout bonum commune inde exurgit privato præferendum; sic publicis celebramus lætitiis, justum hostium excidium, gaudemus de Turcarum damnis ob Regui, & Ecclesiæ bonum; sic de prompta maleficantis executione, de liberatione morbi doloriferi per mortem. 6. Verbum maledictionis, ait S. Thomas, veniale est propter parvitatem mali, propter affectum maledictionis ex levi motu, ex ludo, ex subreptione, id est ex inconsideratione, ex parva consuetudine, ait Sylvius, dummodo illam deponere conetur, & non sit voluntaria; vel si fiat contra bestias, &c. sine relatione in Deum, & homines; vel contra homines, sed non serio, & secluso scandalo, gravique irreverentia. 7. Nullum est peccatum, si maledictio fiat non rei secundum se, sed ratione mali, quod in ea, vel per illam accidit, ut David maledixit montibus Gelboe, ob cladem Populi sancti, Job diei, in qua est natus; sic etiam, cum merito, possumus optare mortem, ut a peccatis, & miseriis hujus vitæ liberemur, æternam Beatitudinem consequamur; non vero ex ira, & impatientia.

*Quar. 2. Quid sit bellum, & quod duplex?*

*Resp.* Bellum est publica armorum contra extraneos assumptio, Reipublicæ gratia tuendæ. Aliud est offensivum quo hostis oppugnatur, compensationis obtinendæ, aut injuriæ vindicandæ, gratia. Aliud defensivum, quo vis vi, & injuria, armis repellitur.

*Quar. 3. An bellum sit licitum?*

*Dico.* Bellum est licitum, si debitis fiat conditionibus, nimirum, 1. Auctoritate suprema. 2. Justa ex causa, videlicet ob gravissimam injuriam Principi, vel subditis, aut confœderatis, fidei, aut Religioni illatam, v. g. Impediendo prædicationem Evangelii, vel Fidem contumeliis afficiendo, quam pars adversa tollere, vel pro ea satisfactionem petitam dare recusat. 3. Bona intentione, zelo nimirum justitiæ, & pro bono communi, qua tamen deficiente non peccat contra justitiam. 4. Servato modo in bello moderato; potestque ex utraque parte esse justum formaliter; non vero materialiter; quia potest ex utraque parte, causa belli, prudenter justa existimari; non vero in re ipsa esse justa; in dubio tenetur miles, Ducem sequi; potest etiam, Princeps Catholicus, turmas auxilia-

liares infideli, vel hæretico dare, & ab eo recipere, si nullum inde Religioni detrimentum, vel hæreseos incrementum sequatur, in quo casu bonum Religionis, & Ecclesiæ prævalet politico. Repressalia sunt quoque licita, 1. si fiant auctoritate Principis. 2. Si conslet de injuria illata. 3. Si sint injuriæ proportionata. 4. Si satisfactionem petitam recusarunt. 5. Si non fiant in Ecclesiasticis, & bona eorum. Res immobiles justo bello captæ, sunt, jure belli, Principi, mobiles militibus, si sint hostium; si vero non sint hostium, detracta æstimatione laboris, ac industriæ, suis dominis debent restitui, possuntque justo bello occupata emi, etiam vili pretio; non vero injuste acquisita, nisi cum spe, & intentione ea restituendi proprio Domino, præcipue si alio modo ad eum non pervenirent; quia Dominus non est rationabiliter invitus.

*Hinc:* graviter peccat, 1. immoderata dominandi, vel injuste nocendi, aut ulciscendi cupiditate bellum incipiens, aut bellum Principi vicino indiçens, ne fiat potentior, & potentia ejus crescens, statui fiat periculosa, vel ne ipso rupto fœdere bellum indicat; quia timor ille non est causa sufficiens. 2. Turmas dans auxiliares hæretico aut infideli, cum prævisione damni Religionis, ac incrementi hæresis. 3. Absque jure, vi, aut dolo, invitos militiæ adscribens, teneturque ad restitutionem totius damni illi, vel illius parentibus, uxori, liberis, inde exorti. 4. Repressalia excessiva sine causa, aliisve conditionibus exerçens. 5. Occidens innocentes, ut infantes, mulieres, Clericos, nisi fiat per accidens, eos tamen spoliare licet, ne succurrant hostibus; non vero Clericos, aut Ecclesiam; nec licet eam dirripere, nisi per accidens, si alio modo victoria non posset obtineri; possuntque gravissimis ex causis urbes igne consumi; id predam militibus dari, injuste pugnantes, & obsides nocentes occidi, victi, bonis privari, tributa imponi, arces in eorum bonis construi, &c. non vero innocentes, ad hostes missi, occidi, quamvis mittentes non servarent fidem; possunt tamen in carcere retineri, vel ad tritemes mitti. 6. Clerici in Sacris, propria manu pugnantes, nisi pro sui, & sociorum defensione in necessitate; possunt tamen pugnantes ad pugnam exhortari, & in Minoribus propria manu pugnare. 7. Non servantes fidem hostibus datam, nisi injuste vi fuisset extorta in grave Reipublicæ, aut Religionis præjudicium, vel

vel circumstantiæ essent ita mutatæ, ut fides data non censeatur obligare, vel ipsemet hostis eam non servasset.

8. Milites contra expressam, vel tacitam Ducis prohibitionem aliquid surripientes, & tenentur ad restitutionem, nisi ob solam disciplinam militarem prohibitio sit facta, non vero, ne hostibus damnum inferatur.

*Quar. 4. Quid, & quotuplex sit Duellum?*

*Resp.* Duellum est certamen periculosum, duorum, vel paucorum, ex condicto, ad certum locum, & tempus initum, armis ad mortem inferendam, aptis. Aliud est solemne, quod sit servata solemnitate, nimirum adhibitis testibus, sen patrinis, aut fidejussoribus, carthellis, seu literis provocatoris cum loci, & temporis determinatione, & loci securitate. Aliud particulare, quod sit sola loci, ac temporis determinatione, armis ad mortem inferendam, aptis. Aliud sit auctoritate publica; aliud privata.

*Quar. 5. An Duellum aliquando sit licitum? "*

*Dico.* Duellum, etiam particulare, privata initum auctoritate grave est peccatum; quia omni Lege Naturali, Divina, & Humana est prohibitum; auctoritate autem publica aliquando iusta iniri potest causa, qualis fuit, 1. inter David, & Goliath ad repellendam ignominiam, & ad hostes debilitandos. 2. Ad terminandum bellum minori damno, & periculo. 3. Ne inimicus fiat audacior, & proprii milites cadant animo; quia ita pugnantes, partes sunt belli..

*Hinc:* graviter peccat 1. Princeps Duellum indicens ob solam virium, aut dexteritatis militum ostentationem, vel ad vindictam, aut spectaculum, licet ambo, iuste, ultimo supplicio essent addicti; quia periculo proximo iræ, vindictæ, æternæque damnationis uterque exponeretur, & læsus non christiane moreretur. 2. Duellum ineuntes ad probandum, vel purgandum crimen, vel terminandam litem particularem; ad evitandam ignominiam, aut timiditatis labem, vel dignitatis officii, aut favoris Principis privationem, etiam si non esset usque ad mortem, sed solum usque ad sanguinem, vel certum ictuum numerum, *Clem. VIII.* 3. Pugnans Duello, etiam metu mortis contra innocentem, vel contra actorem, a quo injuste apud Judicem est accusatus, quamvis alia non sit via evadendi damnum vitæ, famæ, aut fortunæ; vide infra *Tract.*

6. *Quæst.*

6. *Quæst.* 7. *Quar.* 2. *Hinc.* 1. nec licet inire Duellum vindicandæ Religionis causa, quæ gaudio Verbi divini, non ense defendi debet. 4. Nec consultum est provocanti respondere, se Duellum quidem non acceptare, sed sese defensurum in omni loco, & tempore; quia effect implicita ad pugnam invitatio in omni tempore, & loco, & si locus, & tempus, in quo solet ordinarie comparere, manifestet, æquivalenter Duellum acceptat. 5. Nec a Duello excusantur in domo Dei, aut Principis rixantes, & ad se invicem dicentes, eamus foras ad pugnandum, vel digladiemur in vicino prato, vel in primo ad pugnam aptiori loco, vel hic exspecta donec asseram arma; quia est designatio loci, & temporis, licet propinqui; excusantur tamen a Duello, licet, graviter peccent, in rixa in arma proruentes, & in eodem loco pugnantes, vel inimici in platea sibi occurrentes, enses exerentes, & digladiantes, adversarius adversarium quærens, vel ejus transitum explorans, & cum eo demicans; quia in his deficit loci, ac temporis determinatio.

*Quar.* 6. *Quanam sint Duellantium pæna?*

*Dico.* Duellantes etiam in Duello particulari, vel illud permittentes in suis terris, impunitatem concedentes, suadentes, auxilium, consilium, favorem præbentes, & quocunque modo cooperantes, spectatores ex proposito, 1. excommunicationem ipso facto Papæ reservatam incurrunt, licet non ad mortem, sed usque ad sanguinem, vel certum ictuum numerum pugnassent, vel fuisset inter unius, & alterius exercitus milites, ob inimicitias particulares, etiam cum Ducis permissu, vel etiam si pugnam non commisissent, si ad locum pugnaturi accessissent, & per eos non stetisset, quo minus pugnarent, *Clem. VIII.* In Gallia tamen excommunicatio non est reservata, nisi ab Episcopis reservetur, *Tourn.* 2. Duellantes, eorumque patrini, omnium bonorum suorum præscriptione, perpetua infamia, ac pœnis homicidarum, afficiuntur a Clemente VIII. Hæc tamen pœnæ nec in Germania, nec in Gallia habent locum, *Tourn.* sed in Gallia, duellantes, puniuntur pœna mortis, bonorum, ac corporum confiscatione, testamentorum etiam longe ante conditorum irritatione, ac Ecclesiasticæ sepulturæ privatione, *Tourn.*; & in conflictus loco, vel extra paulo post, vel in eadem die mortui, sepultura Ecclesiastica, etiam de

de jure communi, privari debent, licet pœnitentes ab excommunicatione fuissent absoluti *cap. 1. de Tournementis & rit. Paul. V.* hoc in casu tamen, si tempus permittat, consulatur Episcopus. Ad qualem autem teneantur restitutionem, vide infra *Tract. 6. Quæst. 7. Quar. 2. Hinc 3.*

*Hinc :* supradictas pœnas non incurrunt, 1. in transitu paulisper subsistentes, vel e fenestra, etiam ex curiositate duellantes intuentes; caveant tamen, ne spectando pugnantibus animum addant, satiusque erit, averfis oculis transire, si malum impedire nequeant. 2. Constituto loco, & tempore pugnantes animo, ac pacto, se non lædendi, sed honoris defendendi gratia; quia non est Duellum, sed Duelli simulatio, omnique periculo vacans, graviter tamen est peccaminosa, & in Foro externo pro Excommunicatis habentur, *Tourn. 3.* Ad locum pugnae accedentes, non tamen pugnantes pœnitentia ducti, secus, si ab aliis fuissent impediti; incurrunt tamen excommunicationem, contra solum provocantes, latam:

*Quar. 7. Quid, & quotuplex sit Schisma?*

*Resp.* Schisma est voluntaria separatio baptizati ab unitate Ecclesiæ, Capitis scilicet, seu membrorum ei subditorum. Aliud est purum, quo quis totam Fidem conservans, se a Capite separat, vel ab ejus membris. Aliud conjunctum hæresi, quod importat dissensum in Fide: hinc omnis Hæreticus est Schismaticus; non vero omnis Schismaticus est Hæreticus.

*Quar. 8. Quale Schisma sit peccatum, & qua illius sit pœna?*

*Dico.* Schisma est speciale, ac gravissimum peccatum; quia præclarissimum Charitatis vinculum rumpit; ejusque pœnæ sunt, 1. Excommunicatio Bullæ Cœnæ. 2. Inhabilitas ad Beneficia recipienda, aut conferenda; estque Beneficii collatio invalida. 3. Illicita Ordinum collatio, & a Schismatico scienter susceptorum suspensio; quæ tamen pœnæ respectu puri Schismatici non sunt latæ, sed ferendæ sententiæ; nec jurisdictione privantur Schismatici.

*Hinc :* est Schismaticus, 1. Summum Pontificatum usurpans, Synodus generales sine auctoritate convocans, verum Pontificem negans; Antipapam eligens, vel electum sequens, vel ipsemet Papa a tota Ecclesia se separans, ejusque membra sine ratione excommunicans, vel omnes  
ejus

ejus cæremonias Apostolica traditione firmatas evertens.  
 1. Se expresse a Capite Ecclesiæ, vel ejus membris, ut ei unitis separans, vel etiam proprio Episcopo, ut suo Pastori Papæ unito, subesse, vel ejusdem membris, ac Ecclesiæ etiam particulari communicare nolens in Religiosis cultu, Oratione, Sacramentis, & aliis Spiritualibus.  
 3. Graviter peccat, non tamen est Schismaticus, Papæ in re gravi & iusta obedire detrectans, eo quod sit res sibi gravis, vel incommodo, vel in re Ecclesiam universalem non concernente, vel a majori parte Episcoporum tacite saltem non acceptata, vel non ut Pastori universali Ecclesiæ, sed tanquam Domino suo sæculari, subesse recusans.

*Quar. 9. Quid, & quotuplex sit Scandalum?*

*Resp. 1. Scandalum, a S. Thoma definitur, dictum, vel factum ( vel dicti omisso ) præbens alteri occasionem ruinæ spiritualis; & est duplex, activum, quod est mox definitum, seu ipsa occasio ruinæ spiritualis data. Aliud passivum, quod est, ipsa actualis ruina spiritualis.*

2. Scandalum aliud est directum, quo quis expresse intendit proximum inducere in peccatum, ut sollicitans puellam. Aliud indirectum, quo quidem aliquis non expresse, attamen scienter aliquid facit, vel dicit, quod aliis est occasio peccandi. Passivum aliud est pusillorum, quod ex ignorantia, vel infirmitate accipientis oritur. Aliud pharisaicum, quod ex malitia accipientis nascitur, ut Phariseorum, Christi actiones, male interpretantium.

*Quar. 10. Quale peccatum sit Scandalum?*

*Dico. Scandalum passivum, est quidem, in re gravi grave peccatum, cum sit actualis in peccatum lapsus, non tamen, ab ipso lapsu, specie distinctum, ac proinde non necessario in Confessione explicandum: Scandalum vero activum, seu occasio peccati data, licet actu ruina in peccatum non sit secuta, in re gravi est grave, ac speciale contra Charitatem peccatum in Confessione exprimendum, quoad speciem, & gravitatem mortalem, & numerum personarum, quibus scandalizans occasionem peccati dedit; quia ipsi est culpabiliter voluntarium; cum illud impedire potuit, & ex Charitate debuit.*

*Hinc: graviter peccant peccato scandali, 1. mulieres, & puellæ ornatum ad lasciviam provocantem gerentes, vel nimium se depudantes, 2. Imagines, seu statuas nu-*  
 das



das facientes, aut palam exponentes. 3. Colloquia, cantilenas, scripta impudica, Fidei contumeliosa, moribus Christianis contraria, ut sunt libri hæretici, amatorii (gallice *Romans* dicti,) componentes, imprimentes, vel imprimi facientes, vel legendos subministrantes. 4. Comœdias obscœnas, vindictam, aliosve vitiosos affectus, ratione gestuum, verborum, aut factorum insinuant es componentes, agentes, sua præsentia approbantes, solutione, aliove modo cooperantes. 5. Graviter peccat peccato scandalali, per leve etiam peccatum, vergens, in grave proximi damnum spirituale, uti est correctio rei levis a Superiore sæpe neglecta, osculum mulieris, juxta patriæ consuetudinem, cum probabili prævisione, impuræ delectationis voluntariæ recipientis, convitia levia, ac vexationes, etiam solius joci causâ dictæ, quibus proximus ita fatigatur, ut in blasphemias, gravesque contumelias prorumpat. 6. Graviter peccat, non tamen peccato scandalali blasphemans, vel aliud grave peccatum coram ita religioso, & firmo committens, ut non ad idem vitium moveri, sed potius contra illud indignari soleat, vel coram ita perverso, ut iisdem vitiis jam assuetus, vel actu in iis sit comprehensus, ut blasphemanscum blasphemantibus, turpiter loquens cum turpiter loquentibus, peccans, coram proximo disposito, ad idem peccatum sine alterius actione, probabiliter committendum.

*Quar. II. Quomodo scandalum pharisaicum, ac pusillorum sit vitandum?*

*Dico.* Scandalum pharisaicum nemo per se evitare tenetur, dimittendo bonum temporale notabiliter utile, vel omittendo actiones bonas, aut indifferentes, modo rationabilem illas ponendi causam habeat, absque causâ enim præbere proximo occasionem peccati, etiam ex malitia peccanti, non licet, sed sicut peccatum proximi correctione fraterna, ita etiam omissione actus non necessarij, vel valde utilis, impedire tenemur: scandalum vero pusillorum saltem per accidens evitare tenemur 1. illud tollendo admonitione, vel instructione, quâ facta jam videtur malitia esse, *s. Thom.* 2. Si tamen scandalum, ut absolute contingere potest, pergat esse effectus infirmitatis, tenemur illud evitare, dimittendo bona temporalia propria, sine magna tamen eorum jactura, *Sylvius*; non vero aliena, Ecclesiæ, seu pupillorum, &c. 3. Omittendo dif-

differendo actus indifferentes, vel etiam bonos, de Confilio; imo etiam de Præcepto affirmativo Naturali, & positivo Divino, vel Humano, si prudentum judicio nati sint, infirmis omnibus scandalum parere, vel probabiliter parturi, prævideantur; non vero, quando solum generatim loquendo, & indeterminate possent esse occasio ruinæ; quia alias intollerabile esset onus; innumerisque scrupulis causa; nec ad evitandum scandalum pusillorum, omittenda sunt de necessitate mediæ, vel Præcepti naturalis negativi, quorum omissio est intrinsece mala; quia *non sunt facienda mala, ut eveniant bona.*

*Hinc:* graviter peccat, absque necessitate, gravique causa, petens mutuum ab usurario; juramentum a perjuris; Missam a malo Sacerdote; non vero licet mulieri abesse a Missa in Dominica ad evitandas mariti rixas, blasphemias, &c.; vel si se ab alio turpiter concupiscendam prædicat, nec filere peccatum, ex cujus declaratione, Confessarium lapsurum prævidet; quæ sunt scandala pharisaica potius, quam pusillorum, & non evitanda; attamen si vere esset scandalum pusillorum probabiliter futurum; Missa in Dominica saltem aliquando esset omittenda, & peccatum supposita necessitate Confessionis, & tali Confessatio faciendæ, pro alia Confessione differendum, *Thom. ex Charm.* similiter omittenda, vel differenda est correctio peccatorum ob graviora peccata, rixas, dissensiones, &c.; etiam ex malitia inde secutura; quia magis obesset, quam prodesset; item ingressus filii familias in Religionem, saltem ad breve tempus ob patris blasphemias, differendus; honestæ mulieri ad breve saltem tempus, ab ornatu honesto, abstinendum, quo probabiliter alteri occasionem lapsus, est præstitura; non tamen scrupulose dubitare, sed quemlibet bonum æstimare debet; alias vix publice comparere posset; sic etiam bona Ecclesie, possunt relinqui tyranno, ne plebem a fide retrahat, schisma excitet, &c. non potest tamen peccatum leve suaderi, ut evitetur grave, bene autem omissio majoris, non vero amplexio minoris: sic non potest suaderi fornicatio, ut evitetur adulterium, nec furtum vituli, ne accipiat vaccam, excusatur tamen a restitutione, si alias vaccam accepisset.

*Quæ. 12. An liceat peccato proximi cooperari?*

*Respondo.* Dico. Non licet alterius peccato cooperari vendendo, commodando, &c. vel dando aliquam rem etiam bonam, vel

vel indifferentem, vel operam ei, qui illa probabiliter est abusus ad peccatum, si sine gravi damno negari potest: attamen si spectatis circumstantiis proxime ad peccatum non concurrat, non peccat, 1. si delit prava intentio peccato cooperandi. 2. Si non sit abusus contra Reipublicæ, vel Ecclesiæ bonum, vel in præjudicium tertii, nisi ipsemet ex ejus negatione timeat damnum, ante tertii damnum præcavendum. 3. Si non ex officio teneatur impedire malum, ut Superior, vel Magistratus, &c. 4. Si peccatum æque esset futurum, si fuisset negata. 5. Si fiat rationabili causa, quæ gravior, aut levior esse debet, quo gravius peccatum, & quo certius est, te non cooperante; alterum non esse peccatum.

*Hinc:* graviter peccat, vendens res, quæ ordinarie ad malos usus solent adhiberi, nisi de bono usu constet, ut venenum, vel idolum pagano. 2. Vendens gladium, in damnum tertii, probabiliter usuro, vel arma Turcis, contra Ecclesiam pugnaturis. 3. Caupo in die jejunii, cœnam apponens, bene pransus, nec dispensatis; vel carnes contra Præceptum Ecclesiæ, probabiliter manducaturis, vel vinum se inebriaturis. 4. Famulus, hero, alterum occisuro, gladium afferens, meretricem in domum introducens, literas amatorias scienter deferens, submissis humeris, herum per fenestram ascendentem, ad stuprandum adjuvans, vel scalam ei, deferens ad furandum, etiamsi id faciat metu notabilis detrimenti; puta, ne a Domino male tractetur, torvis oculis aspiciatur, e domo expellatur, *Innoc. XI. in damnat. Prop. 51.* 5. Peccat, pro gravitate rei, paterfamilias, ex industria, præbens filio, vel servo, occasionem furandi, pecunias deponendo in certum locum, ut eorum probet fidelitatem, vel domum locans meretricibus, etiamsi alii adessent iis locantes, nisi domus in ea parte esset civitatis, in qua a Magistratu tolerarentur. Vide infra de locatore. Excusantur tamen a peccato 1. opifices, mercatores, &c. Videntes aleas, fucos, chartas, gladios, licet generatim plurimi iis abutantur, modo non certo moraliter sciant, eum, cui vendunt, vel le iis abuti. 2. Caupo militi furioso, vinum ad ebrietatem, eo abusuro suppeditans, vel mulier marito furioso, si sine damno vitæ, incendii, blasphemiarum, execrationum, negare nequeant; quia sunt peccata ebrietate graviora. 3. Famulus exhibens Domino obsequia, ratione famula-

mulatus debita, ut eunti ad lupanar, sternens equum, aperiens januam, &c. quæ tamen alteri, qui non est ip-  
sius famulus, non essent licita. 4. Paterfamilias non ex  
industria, occasionem furandi filio præbens, sed illam non  
auferens, ut deprehensus corrigatur, & plura furta exi-  
tentur, si non sit alia corrigendi aptior via. 5. Depre-  
hendens servum in furto occulto, vel uxorem in adulte-  
rio, utriusque permittens consummationem, ut testes ha-  
bere, rem suam recuperare, divortium obtinere possit, si  
aliter id fieri nequeat. 6. Sponsa contrahens cum sponso,  
quem scit in mortali Sacramentum accepturum, Sacerdos  
administrans Eucharistiam peccatori occulto, publice pe-  
tenti; quia in his casibus non censentur proxime coope-  
rari peccato; sed contra suam intentionem, iusta, & gra-  
vi ex causa, illud fieri permittunt, ut communiter docens  
Theologi, quamvis hæc non omni careant difficultate.





## TRACTATUS V.

### DE VIRTUTE RELIGIONIS.

*Hic Tractatus dividitur in duas Questiones, 1. est de Actibus internis, ac externis Religionis, 2. de vitiis Religioni oppositis.*

### Q U Æ S T I O I.

#### DE ACTIBUS INTERNIS, ET EXTERNIS RELIGIONIS.

*Quæritur. 1. Quid sit Religio, & quænam sit illius ob-  
jectum, & quinam ejus actus?*

**D**ICO. Religio est virtus moralis, per quam Deo, tan-  
quam primo rerum omnium principio, cultus debi-  
tus exhibetur. Objectum ejus materiale, est cultus Deo  
conveniens, & formale prout est debitus ob supremam  
ejus excellentiam; Actus vero ejus interni sunt Devotio,  
& Oratio; & externi sunt Adoratio, Sacrificium, Obla-  
tiones, & Decimæ, Votum, Juramentum, & Adjuratio.

*Quæ. 2. Quid sit Devotio, ac Oratio; & quotiuplex sit  
Oratio?*

*Resp. 1.* Devotio est volitio efficax tradendi se prompto  
ad ea, quæ pertinent ad Cultum Dei; cujus effectus  
sunt, lætitia spiritualis, ex considerationis infinitæ Dei  
Bonitatis proveniens, & tristitia ex meditatione nostræ  
infirmittatis, & exilli a cœlesti patria procedens.

2. Oratio est actus Religionis, quo res decentes a Deo  
postulamus, vel absolute, si per se ad salutem conducant.

*Theol. moral. Pars I.*

M

ut

ut Gratia, Virtutes, &c. vel conditionate, si nobis sine salutaria, ut bona temporalia. Oratio alia est mentalis, quæ fit sola mente, ut Meditatio, quæ est veritatis investigatio, ad concipiendum devotionis fervorem; & contemplatio, quæ est mentis in Deum suspensæ elevatio. Alia vocalis, quæ simul ore exprimitur; & hæc, vel est publica, quæ fit a communitate, seu a persona publica, nomine communitatis; vel privata, quæ fit a persona privata, estque prior præstantior.

*Quær. 3. Quanam requiratur ad Orationem præparatio, & quanam conditiones, ut sit efficax?*

*Dico.* Ut Oratio pie fiat, requiritur, 1. præparatio remota, consistens in accurata Legis observantia, & proxima, consistens in auxilii Dei imploratione, aliarumque curarum, ac cogitationum depositione. 2. Requiritur attentio ad sensum, vel ad Deum, saltem virtualis; ut autem sit efficax, debet fieri, 1. pro se. 2. Pro rebus necessariis, vel ad salutem conducentibus. 3. Pie. 4. Perseveranter.

*Quær. 4. Quomodo Oratio sit necessaria?*

*Dico.* Oratio adultis est necessaria, necessitate medii; quia Gratia, quæ medium est, ad servanda Dei Mandata, necessarium, ordinarie sine Oratione non datur; & necessitate Præcepti, prout indicat Christus, Matthæi 26. dicendo: *Vigilate, & orate*. Non tamen obligat vi Præcepti semper, & pro semper, sed sæpius in vita, ut docent communiter Theologi. Per accidens vero obligat 1. dum aliud Præceptum implendum exigit Orationem; ut Horarum Canoniarum recitatio, pœnitentia a Confessario imposita, obligatio audiendi Missam, suscipiendi Sacramenta, redeundi per contritionem ad justificationis Gratiâ. 2. Dum grave imminet mortis periculum, præcipue si quis esset in peccato mortali; vel si aliud magnum inderet communitati periculum, vel alia ad salutem necessaria, essent petenda. 3. Tempore gravis tentationis, quæ sine Oratione non potest vinci. 4. Quando etiam juxta Apostolum 1. Tim. 2. 1. fieri debet pro omnibus hominibus, exceptis damnatis; non solum autem vocalis, sed etiam Oratio mentalis, seu meditatio, prout est studiosa mediocrum Salutis, investigatio, omnibus est necessaria; præcipue vero Clericis, ac Religiosis; *Tourn.*

*Hinc:* graviter peccant 1. Orationem notabiliter, & cum periculo in gravia labendi peccata, negligentes, & per

per totam hebdomadem non orantes vix a mortali excusari possunt, *P. Paulus Lugd.* 2. Petentes orando rem malam; vel indifferentem absque ulla ad debitum finem relatione; ut lucrum, ludendo solius lucri incuitu; quia res non bona, est mala in individuo; Deum autem mali, etiam levis auctorem, vel adiutorem constituere, Deo graviter est injuriosum, nisi inadvertentia ad gravem Dei injuriam eos excuset.

*Quar. 5. Quid, & quotuplicis generis sint Decima?*

*Resp. 1.* Decimæ sunt pars decima fructuum, ac provenituum, quæ quotannis Ecclesiæ Ministris solvitur; quarum aliæ sunt prædiales, quæ etiam reales dicuntur, quæ solvuntur ex omnibus terræ fructibus; non deductis impensis; aliæ personales, quæ ex industria personæ solvuntur; deductis impensis. Aliæ mixtæ, quæ proveniunt, partim ex industria; partim ex prædiorum fructibus, ut animalium fœtus, eorumque fructus, ut lac, caseus, butyrum, lana.

2. Prædiales aliæ sunt majoribus, quæ ex majoribus percipiuntur fructibus, ut frumento, siligine, hordeo, avena, vino, & oleo, *Tourn.* Aliæ minores, quæ ex rebus minoribus percipiuntur, ut fabis, pis, lentibus, milio, ciceribus; lino, cannabe, rapis, lepis, lana, caseo, butyro, &c. ad minores etiam revocantur, quæ prodeunt ex animalium partu, agnellis videlicet, vitulis, fuculis, pullis, &c. quæ etiam carnatica dicitur (*gallice de charnage;*) *ibid.*

3. Aliæ sunt antiquæ, quæ sunt ex terris jam antiquitus cultis. Aliæ novales, quæ sunt ex terris nunquam, vel ultra hominum memoriam cultis, quæ proprie novalia sunt, vel quæ ex terris olim cultis, sed longo tempore sine cultura relictis, quæ proprie renovata dicuntur, vel minus proprie, quæ sunt ex terris, quæ olim fructus, sed a decimis immunes ferebant, nunc vero mutata specie, decimales pariunt. Aliæ sunt strictæ Ecclesiasticæ, quæ juxta primævam suam institutionem, Clericis hodie dum intuitu spiritualis ipsorum Ministerii solvuntur. Aliæ temporales, seu laicæ, aut feudales, quæ a Laicis usurpatæ, vel in eos justis de causis translatae sunt. His notatis.

*Quar. 6. Quo jure, & quibusnam Decima sint debita?*

*Dico.* Decimæ in Nova Lege quoad substantiam, qua-

tenus sunt stipendia Ministrorum Ecclesiæ, omni Jure debentur, Naturali videlicet, Divino, Ecclesiastico, ac Civili; quia ab omni Jure ipsis adscribuntur, & dignus est operarius mercede sua; quoad determinationem vero decimæ partis, vel minoris, vel majoris debentur Jure Ecclesiastico, vel consuetudine; quia pars quotæ ab Ecclesia, vel usu fuit determinata: & sunt actus Religionis, quatenus in testimonium universalis Dei dominii offeruntur; & actus justitiæ, quatenus Ecclesiæ Ministris, propter eorum munia, solvuntur, ipsisque solis, & quidem jure moderno Parochis debentur, *Innoc. III.*; nisi obtet contraria consuetudo, vel ab Ecclesia in Feudum propter obsequia Ecclesiæ exhibita, vel exhibenda, vel ob munus, ut pro cantu &c. Laicis sint concessæ, & ab iis nomine Ecclesiæ percipiantur. Decimæ ex Jure communi ab omnibus solvi debent, & ex omnibus bonis, etiam novalibus, ac renovatis, agris, prædiis, vineis, arboribus &c. animalibus, molendinis &c. negotiatione, opificio, militia &c. *ita in Jure*. Jure vero municipali, diversæ introductæ sunt, decimandi consuetudines, quoad bona, fructus, tempus, locum, & quotam, quibus se conformare licet, *Tourn. Bill. & alii*; quia quamvis materialiter sumptæ pro legitimo Ministrorum stipendio præscribi nequeant; possunt tamen præscribi formaliter, & sumptæ pro certa certorum fructuum portione, & quoad alias circumstantias, nisi ubi Decimæ, Lege positiva præscribi prohibentur, ut in Regnum Galliæ, excepta in quibusdam locis quota, & in quibusdam etiam præscribuntur quoad substantiam, supposita aliunde sufficiente Ministrorum sustentatione, *Tourn.*; quia Jure Naturali, ac Lege nova tantum Ministrorum Ecclesiæ sustentatio præcipitur; ac debent solvi ante campi partum (gallice *Champart*) Dynastæ, vel domino fundi debitum, *Cons. Latr. Heric. Pent. & alii*; quia antiquiores sunt censuali quocunque Jure, *Heric. Forget*; & prædiales debentur non deductis impensis laboris, seminis, &c. *ita communis*.

*Hinc*: 1. Decimas solvere tenentur 1. omnes laici, sive Christiani, sive Hæretici, Pagani, Judæi, *Innoc. III.* si bona possideant in territorio, jurisdictioni (spirituali) alicujus Ecclesiæ subiecto; quia est onus annexum rei, pro stipendio Ministrorum, talis Ecclesiæ: nec ipsi pauperes, exempti sunt, quia debentur ex justitia commutativa, ut  
 stipen-



stipendium Ministrorum Ecclesiæ, nisi ex charitate ob extremam, vel urgentem inopiam essent remittendæ; sed tunc ab iis in scriptis petatur, eos nullum inde jus emptionis velle acquirere, *Tourn.*; vel post earum perceptionem iis per modum Eleémosynæ restituantur; & debent solvi jure moderno Parocho, in cujus limitibus prædia existunt; quia Decimæ sunt onus rebus inhærens; nisi aliter sit constitutum, vel usu introductum, ut si una parochia in plures subdividatur, potest matrix in parochia noviter erecta, vel filiali, Decimas percipere, nisi Episcopus noviter erectæ, eas pro portione congrua, assignaverit, *S. Congr. Concil. Trid. 1617. Fagnan. Reiffenstuel, & alii*. 2. Episcopi, Parochi, ac alii Clerici ex bonis proprio jure, ac titulo temporali possessis, ut hæreditate, emptione &c. quia quoad hæc, ratione Decimarum, ejusdem sunt conditionis, ac laici; non vero tenetur Episcopus de bonis mensæ Episcopalis (*gallice mense*) *Tourn.*; nec Parochus ex fundis suæ parochiæ annexis, etiam in alia Parochia sitis, nec alii Clerici quoad bona sui Beneficii, *Pasch. II.*; quia levitas a levitis decimas accepisse non legitur, *Tourn.* nisi Beneficia dotata essent ex prædiis, Decimis jam antea, cuidam Ecclesiæ, obnoxiiis, *Fagnan. Barbosa & alii*; quia res transit cum onere suo, & Ecclesia prior non debet spoliari jure suo jam acquisito, ut consulatur alteri, nisi illarum compensatio fiat, vel privilegium a Papa fuisset concessum. 3. Regulares etiam exempti, *Alex. IV. Concil. Later. ann. 1215.* si non privilegio, & in Gallia Regis diplomate confirmato, exempti sint, quale Ordo Melitensis, & alii habere prætendunt, *Tourn. Bill.*; nisi fecerint conventionem cum decimatore, vel fundus earum præscriptione 40. annorum non privilegiatis esset alienatus, *Tourn.*; quia privilegia personis, non rebus inhærent, & tunc solvendæ sunt ei, qui ante privilegium eas perceperat, *Heric.*

*Hinc* 2. duplex committunt peccatum, irreligionis videlicet, & injustitiæ, Decimas defraudantes, deteriores portiones assignantes, vel non quando, & ubi eas juxta loci consuetudinem debent, solventes, ac decimatori impensas inutiles causantes; quia Deo ex Religione, & Ministris ejus ex justitia sunt debitæ, & tenentur ad restitutionem, *Concil. Trid. sess. 25. de Reform. cap. 12.*

quia sunt iniusti damnificantes, & quamvis in Gallia Decimarum reliquationes (*gallice arrerages*) locum non habeant, ac elapso semel fructuum perceptorum anno, Decimæ in iudicio exigi nequeant, in conscientia tamen ad illarum restitutionem obligantur, *Tourn.* 2. Vendens gregem ex odio Parochi, paulo ante tempus tonsionis, vel foetuum extra parochiam; vel sordidi quæstus gratia, in loco, ubi non vigent pecudum Decimæ, videtur obligari ad restitutionem Parochi; quia in fraudem egisse censetur, cujus signum est, si solum partui proximas vendiderit, vel clanculum id fecerit; secus si palam in foro, vel ex aliqua necessitate eas vendiderit, quamvis incola loci, ubi non vigent Decimæ, vel alienæ Parochiæ eas emerit, *Tourn.* 3. Pecudes ad pastum ducentes, nondum sublatis Decimis, cum notabili Decimatoris damno, modo Decimæ non ultra triduum in agris fuerint relictæ, *Hericourt.*; quia non cum nimio debitorum onere decimatori favendum. Nec licet messes de nocte transferre, relictis Decimis in agro. *Hericourt.*

*Hinc* 3. Graviter peccat Parochus, non exigens Decimas sibi debitas, prout etiam sunt novalium cum notabili sui juris, ac successoris præiudicio; quia ad earum præscriptionem, ac varias impensas occasionem præbet, nisi novalium Decimæ a Rege, vel a Papa aliis fuerint concessæ, prout Ludov. XIV. variis concessit, vel nisi pro animandis agricolis, vel extraordinariis impensis relaxiendis ex consuetudine fuissent remittendæ primis quibusdam annis, quibus terræ steriles de novo coluntur, vel aquis perviæ aggeribus cinguntur; non potest tamen Parochus exigere Decimas, ubi consuetudo est generalis, ac legitima. in toto, vel in certis speciebus non decimandi; quamvis ipsius prædecessores aliquando, eas exigere tentaverint, *Tourn. Pont.* quia Decimæ saltem formaliter, & quoad certam certorum fructuum portionem, præscribi possunt, etiam a laicis, possessione saltem immemoriali, *Dunod.* non tamen in Gallia, nisi in quibusdam locis, quoad substantiam quidem, & in quibusdam aliis, quoad quotam duntaxat, a laicis præscribuntur, ut in comitatu Burgundiæ, *Tourn.* nec si necessaria propterea deficeret Ministrorum Ecclesiæ sustentatio. Nec potest exigere Decimas, si fuerint legitima auctoritate in feudum alteri datæ, vel suæ Ecclesiæ in feudum iterum

traditæ; vel non per se, & simpliciter, sed ut cum præ-  
 tio temporali connexæ, quia manent feudales, ac laicæ,  
 quæ præscribi possunt ut bona patrimonialia, *Alex. III.*  
 quia illorum conditionem habent; & possunt emi, vendi  
 &c. *Heric.* nisi loci consuetudo obstat, *ibid.* Secus si re-  
 versæ fuerint ad suam Ecclesiam pure, & simpliciter;  
 quia tunc ad primigeniam suam institutionem, ac natu-  
 ram redeunt, & sicut aliæ decimæ, pure Ecclesiasticæ,  
 in Gallia, nulla etiam immemoriali possessione, præscribi  
 possunt a laicis; *Tourn. Dunod.*; quia sæpe ita in Gallia  
 judicatum est, quando constat, fuisse pure Ecclesiasticas  
 post Concilium Lateranense; & si vendantur Ecclesiæ,  
 non subjacent retractui gentilitio, gallice (*droit de re-  
 trait*) & non possunt a propinquiore consanguineo retra-  
 hi, nec pro illarum possessione licentia Regis requiritur,  
*Tourn.*; vel si fuissent præscriptæ ab alia Ecclesia, &  
 quidem non parochiali possessione 40. annorum cum titu-  
 lo, vel sine illo possessione immemoriali; *Tourn.* ex Boni-  
 fac. VIII. & a parochiali contra parochialem, juxta pro-  
 babiliorum, etiam possessione 40. annorum cum bona fide,  
 etiam deficiente titulo; quia hæc ordinarie requiritur  
 contra Ecclesias, Monasteria &c. *Alex. III. 2.* Nec potest  
 illas exigere a privilegiatis a Papa, prout sunt multi Re-  
 gulares, ac Beneficarii simplices ut supradictum est. Nec  
 facta transactione, compromisso, permutatione cum licen-  
 tia Superioris; & formalitatibus, pro alienatione bono-  
 rum Ecclesiasticorum requisitis, quibus deficientibus, nul-  
 lius sunt in Gallia momenti quoad successores, non ob-  
 stante quacunque possessione, hominum etiam memoriam  
 excedente, quamvis tales transactiones de certa grano-  
 rum, vel pecuniæ quantitate ligare possint privatim  
 transigentes ad dies vitæ. 3. Nec potest exigere Decimas  
 ex hortis communibus, nec ex arboribus fructiferis, in  
 terra frumentaria, existentibus, etiamsi ex aliis arboribus  
 Decimas accipiat, nisi ubi alia consuetudo invaluit,  
*Tourn.* bene autem, si fundus arabilis, vel vinea, muro  
 sit circumclusa, vel ex fundo septo leguminum duntaxat  
 feraci; si magna terrarum pars prius Decimis obnoxia in  
 eo sit conclusa, *Tourn.* potestque Decimas accipere, quam-  
 vis bona ex usus essent empta, *S. Thom.*; quia fructus  
 non sunt ex usura. 4. Nec ex agris incultis, quia Deci-  
 mæ non debentur ratione fundi, sed ratione fructuum,

nisi facta fuisset conventio cum Decimatore, de certa summa singulis annis solvenda; si tamen ager chasmate, vel aquis periisset, ad nihil tenetur; potest tamen seclusa conventionem, a Magistratu obtinere licentiam, colendi aliquos incultorum, pro ratione portionis sibi, pro Decimis debitæ, & pro impensis culturæ, non tamen simul ex iis Decimas exigere, si eos alteri locet, *Pont.*; quia portionem fructuum pro illis accipit. Nec potest Decimas exigere, facta fructuum fundi conversione, in alios non decimabile seclusa fraude, notabili damno, vel consuetudine, *Tourn.* quia, cum facta mutatione speciei non decimabilis, in decimabilem, Decimæ debeant solvi, etiam vice versa liberatur eas, permutans in speciem non decimabilem. Nec potest injuste neganti Decimas vim inferre, *Nav. ac alii communiter*; quia nullam fori externi habet jurisdictionem; nec propterea potest negare Sacramenta; *Tourn.* quia forte se non obligatos credunt, nec potest esse iudex in propria causa: si tamen manipuli omnes, ante Decimarum solutionem essent sublatis, potest ad Iudicem habere recursum, quia licet in petitorio sit Ecclesiasticus, in possessorio tamen est sæcularis, *Tourn.* & ab eo manipulorum confiscationem cum carris, & equis in suum commodum obtinere. *Edit. Meldun. 1759. art. 29. §.* Si plures jus Decimarum habent in eodem fundo, Parochus, v. g. & alius Decimator, penes Parochum erit electio, *Tourn.* quia jure antiquiore gaudet; si pluries in eodem anno ex eodem fundo, prodeant fructus, pluries debentur decimæ, *Tourn.*; nisi alia sit consuetudo. Nec tenetur Decimator, pullos adhuc lactantes, antequam ad usus ordinarios servire possint, & lacte matris adhuc indigentes, recipere, *Forgetus*. Nec potest meliores, aut pinguiore exigere, nec macilentiores colonus offerre; quia *Maledictus, qui immolat debile domino, Malach. 1. 3.* Si Decimator, agnos vel alia animalia decimabilia elegerit, pereunt Decimatori, præstito juramento a Colono, non sua culpa periisse, ita censuit Curia Parisiensis. 6. Si greges agnorum intra limites unius parochiæ pascuntur, & in alterius pernoctant, ei Decimæ solvi debent, in cujus territorio pernoctant, præcipue hyemali tempore; si in duobus locis habitent, Decimæ dividantur, si plus in uno, quam in alio, divisio fiat, servata proportionem temporis, *Forget.* nisi in prædictis alia sit

fit

fit consuetudo, quia etiam quoad tempus, & numerum servari debet; & si numerus animalium illius anni non sit sufficiens, fiat illorum æstimatio, vel jungatur partus anni præcedentis, cum partu anni subsequenti, *Dupertai*; idem dicendum de fascibus, si postremi ad numerum a lege, vel consuetudine constitutum non assurgant, jungendi sunt cum fascibus alterius campi, ad eundem dominum pertinentis, *fin* autem etiam ex his remaneat numerus insufficiens, fiat illorum æstimatio, *ibid.*

*Quær. 7. Quid, & quoruplex sit votum?*

*Resp. 1.* Votum definitur promissio deliberata, & spontanea, Deo facta, de meliori bono, ac possibili.

2. Votum aliud est reale, quo Deo res temporalis, vel actio per alium exercenda promittitur, ut calix, vel peregrinatio. Aliud est personale, quo proprius votentis actus, Deo promittitur, ut ingressus Religionis, & bonorum in pauperes distributio. Aliud est solemne, quod ab Ecclesia approbatum, & in perpetuum acceptatum est; ut professio religiosa. Aliud simplex, quod non est in perpetuum, nec ab Ecclesia acceptatum, ut Vota scholarium Societatis Jesu, quod ab Ecclesia non in perpetuum est acceptatum, & quæcunque alia Vota. Aliud est absolutum, quod fit sine ulla conditione. Aliud conditionatum, quod fit sub aliqua conditione. Aliud pœnale, quod fit sub conditione pœnæ, ut, si lusero, dabo Eleemosynam. Aliud temporale, quod durat ad tempus. Aliud perpetuum, quod durat ad vitam votentis. Aliud expressum, quod expressis sit verbis. Aliud implicitum, quod officio, vel dignitati est annexum, ut castitas Ordinibus sacris.

*Quær. 8. Quanam sint conditiones ad Votum requisita?*

*Dico.* Ad Votum sex requiruntur conditiones, nempe 1. ut sit promissio, & non propositum. 2. Animo se obligandi sub peccato facta. 3. Cum advertentia, libertate, ac voluntario directo pro peccato mortali alias sufficiente; voluntarium enim indirectum, seu in causa, licet sufficiat pro peccato mortali non tamen placet Deo ad bonum. 4. Absque errore circa substantiam rei promissæ, vel causam finalem motivam, sine qua non vovisset, & absque metu injuste in hunc finem incussio. 5. Deo, & non solum Sanctis facta. 6. De bono, omnibus spectatis, meliori, Deoque acceptiori, quam ejus oppositum, & possibili moraliter.

*Hinc :*

*Hinc:* non obligatur Voto 1. promittens Deo in Confessione emendationem, vel dicendi quotidie certas preces, nisi intentionem sub peccato se obligandi, vel Deo vovendi habuerit, cum cognitione obligationis Voti; quia censetur pium tantum esse propositum. 2. Vovens semiplena solum advertentia, pro veniali duntaxat peccato sufficiente, ut in semisopito, semiebrio, vel ex subito motu, rationem præveniente, aut in pueris plenum rationis usum, ut ante septennium, nondum habentibus. 3. Vovens in ebrietate, quamvis Votum præviderit, vel vovens metu perpetuæ incarcerationis, privationis bonorum, aliæve gravi metu in hunc finem incusso; obligatur tamen Voto cum intentione virtuali distracæ vovens, vel metu naufragii, aliæve causa naturali; nec excusatur ab ejus obligatione, licet statim eo emissio doleat, vel illud retractet. 4. Nec tenetur voto, qui vovit calicem, quem putavit argenteum, qui tamen est aureus, vel Religionem, in qua plurima sunt jejunia; cum tamen bona, vel mala fide ei dictum fuerit, in ea non esse crebra; vel si voverit solum Sanctis, & non simul Deo. Potest tamen obligari vi promissionis; quia promissio Sanctis facta, videtur æquæ obligare, ac hominibus facta. 5. Vovens rem vanam, ac inutilem, aut indifferentem ex objecto, ut ambulandi quotidie in horto, habendi domesticum Italum, vel rem bonam, sed sine malo, ut Eleemosynam pro felici successu in furto, peregrinationem piam, ut vincat, & occidat alterum in duello, vel ex fine indifferente, ut jejunium, ut lucretur ludendo, vel rem venialiter, vel mortaliter malam, & hoc utrumque est mortale, sicut si fiat sine malo, si attendat ad gravem Dei injuriam; quia facit Deum auctorem peccati. 6. Non tenetur Voto nubendi, nisi ob circumstantias, vel ob finem esset melius cœlibatu, ut ad evitandam incontinentiam, vel ex misericordia docendi pauperem, vel data fide de matrimonio, eaque cognita, ut ab infamia eam liberet. Valet tamen Votum de re bona, licet emissum affectum malo, ut vovens ex ira Eleemosynam pauperi, vel peregrinationem, ut furto deprehendatur, vel ne duello pereat, vel ut ex concubina filium acquirat, vel ob finem solum indifferentem ex parte voventis, v. g. vovens Religionem, ut latius vivat, a labore liberetur. 7. Non valet Votum tota vita non peccandi venialiter, quia sine speciali Dei pri-

privilegio moraliter est impossibile; bene autem evitandi unum, aut alterum veniale. 8. Qui non potest præstare totum, quod vovit, tenetur ad partem, si totum, & partes divisim voverit, sic qui non potest centum aureos solvere, quos vovit, tenetur solvere decem, quibus potest carere; qui vovit jejunium per mensem, si non potest jejunare per aliquos dies, tenetur ad reliquos; qui vovit ædificare Ecclesiam, si non potest totam ædificare, non tenetur solum ad fundamenta ponenda; quia non divisim, sed collective vovit, nisi forte alius reliquum vellet perficere. 9. Qui non potest accessorium Voti præstare, tenetur ad substantiam, nisi deficiente accessorio, principale fieret ita difficile, ut solitarii non vovisset; sic qui non potest ire Romam nudis pedibus, tenetur ire calceatis; qui vero vovit per rhedam, non tenetur ire pedester Romam: qui non potest principale, nec tenetur ad accessorium; sic qui non potest ire Romam, non tenetur impensas in via faciendas dare pauperibus. 10. Qui vovit virginitatem sumptam pro primo actu, quo amittitur, ea amissa ad nihil amplius tenetur vi Voti, bene autem, si vovisset abstinentiam ab actibus venereis; qui post Votum castitatis consummavit matrimonium, vel consummato matrimonio vovit castitatem, tenetur servare id, quod potest, videlicet nec exigere debitum, nec reddere, si compars jus petendi amiserit, & a secundis abstinere nuptiis. 11. Qui vovit dare equum, vel bovem, mortuo uno nondum facta electione, tenetur dare alterum, vel pretium illius, qui periit, *Bonac.*, quia illum potuisset eligere. Si autem unus perierit ante Votum emissum, ad nihil tenetur, *Tourn.*; quia, cum non potuerit eligere tempore Voti, fuit de impossibili respectu voventis, ac proinde invalidum ab initio, vel si petierit facta electione illius, qui periit, etiam ad nihil tenetur, nisi propria culpa periisset; quia tunc videtur obligari ad illius pretium. 12. Vovens prioris Voti immemor aliud cum eo incompatibile, tenetur ad melius, & si sint æqualia, ad prius.

*Quar. 9. Quanam sit obligatio Voti?*

*Dico.* Gravis, est in materia gravi, Voti obligatio, & levis in materia levi; ea autem materia Voti est gravis, quæ in materia præcepti Ecclesiæ censetur gravis; potestque vovens se leviter tantum, obligare in materia gravi, exceptis Votis in professione solemnī emissis, quæ ex ordina-

dinatione Ecclesiæ, gravem utrinque ex parte Religionis, ac voventis obligationem pariunt: non potest autem in materia levi se obligare sub peccato gravi; nisi, per accidens ratione finis, vel circumstantiarum fieret gravis; potestque voveri, quod jam est de præcepto. Obligatio Voti negativi est semper, & pro semper; affirmativi vero pro tempore a vovente præfixo, & si nullum est præfixum, quamprimum moraliter fieri potest, graviterque peccat illud differens pro ratione gravis negligentia, & conditione Votorum, ac voventium intentione: ratio prædictorum est, quia Votum, est lex privata, legisque rationem induit.

*Hint* 1. Qui vovit singulis diebus dare aſſem pauperibus, vel dicere unum Pater, & Ave, non peccat graviter, nisi per plures omiſſiones, ad notabilem quantitatem, cum attentione illius pervenerit, vel intentionem ad illam perveniendi habuerit, ut si omiſſio recitationis, æquivalcat parvæ horæ divini Officii, vel omiſſio Eleemoſynæ aſſis, adæquet materiam gravem Eleemoſynæ; nec peccat graviter differens Votum tres, vel quatuor dies sine ratione, si certo tempori non sit aſſixum, differens vero jejunium, quod vovit pro vigilia Nativitatis B. V. in ſequentem diem, graviter peccat; non tenetur tamen præviſo impedimento prævenire; nec eo elapſo ſupplere; quia aſſixum est diei: vovens vero peregrinationem ſingulis menſibus, præviſo impedimento circa finem menſis, tenetur prævenire; eo autem elapſo, ad nihil tenetur; quia annexum est menſi. Vovens autem peregrinationem, & ut eam urgeat, ultra menſem non differendam, præviſo impedimento tenetur prævenire, & elapſo menſe illam peragere; quia ad utrumque ſeorſim ſe obligavit, & factò uno impoſſibili, tenetur ad aliud; vovens vero peregrinationem poſt menſem peragendam, non tenetur prævenire; quia nondum obligat, ſed poſtea tantum eam implere. 2. Qui emiſit Vota ſolemnia, animo ſe non obligandi, tenetur ea obſervare; quia cum ab Eccleſia ſint acceptata, non dependet a vovente obligatio Votorum, animo vere vovendi, emiſſorum; qui vovit regulam eo modo, quo alii obſervant, tenetur obſervare Vota ſolemnia, ac præcepta fundamentalia, & quæ obligant ſub mortali, non vero regulam quoad primigenios rigores.

*Quar. 10. Quomodo obligent Vota conditionata, vel dubia?*

*Dico.*



*Dico.* Votum sub conditione, 1. de præfenti, vel præterito statim obligat. 2. Sub conditione contingenti, impleta integra conditione. 3. Sub conditione turpi de futuro non valet, nisi in sensu pœnali. 4. Si conditio dependeat ab alio, ejus eventus est expectandus; non vero impediendus, sed potius procurandus, si conditio sit honesta, & non impeditiva majoris boni. 5. Si dependeat ab ipso vovente, aliquando impediri potest, si nimirum libero suo arbitrio relinquatur. 6. Si voveat sub pluribus conditionibus, cum dependentia unius ab altera, eveniente una tantum, ad nihil tenetur; si sub pluribus divisim, vel disjunctive, eveniente una, Voto obligatur. 7. In dubio vero rationabili, an voverit, teneri Votum implere, multi docent Auctores, uti dictum est in *Traçt. de Aff. human.*; quia in dubiis tutior pars est eligenda; posset tamen se determinare, non vovisse, si diuturna experientia didicerit, se non oblivisci rerum, quas mature proposuit, *Tourn.*; quia præsumptio simul ipsi faver.

*Hinc* 1. Vovens Religionem, si habeat annos pubertatis, vel si pater sit mortuus, impletis actu annis pubertatis, vel mortuo patre, statim valet. 2. Vovens centum aureos, si Pater ex peregrinatione sanus redeat, ad nihil tenetur si redeat, sed non sanus, vel si jam ante Votum emissum redierit; quia in priori casu, conditio, non est integre impleta, & in secundo, est error circa finem: econtra valet Votum ingrediendi Religionem sub conditione, si soror indigens decenter nubat, si non nubat, sed moriatur; quia conditio æquivalenter impleta est. 3. Vovens Eleemosynam sub conditione, si possit fornicari, ad nihil tenetur, etiamsi fornicetur, sed dando propterea Eleemosynam, Deum auctorem mali supponeret. 4. Vovens Religionem, si pater consentiat, non potest eum rogare, ut non consentiat, potest tamen ei exponere rationes, ob quas satius esset, non consentire; & si pater dissentiat, ad nihil tenetur; quia sublata est obligatio, licet postea consentiat, nisi vovens omni modo obligare se voluisset. 5. Vovens dare Eleemosynam, si soror nubat, potest ei suadere Religionem; vovens ingredi Religionem, si filius dissipet bona, potest, & debet eum retrahere a prodigalitate; quia propterea non impeditur, ut obligationi paternæ satisfaciatur: vovens vero Religionem, si recuperet sanitatem, non potest eam impedire, utendo noxiis ali-

men-

mentis ex industria, vel ex negligentia gravi; quia æquivalet dolo, & qui tenetur ad finem, non potest negligere media. 6. Vovens, si ingrediatur Religionem, se vel le ingredi Carthusiensem, potest nullam ingredi. 7. Certus de Voto Religionis, & dubitans, an voverit strictiorem, tenetur ad strictiorem, ut multi docent; quia securius est; certus de Voto dandi Eleemosynam, & dubius, an illam dederit, tenetur eam adhuc dare; quia a debito certo, non liberatur, solutione incerta. Dubitans an sufficiente deliberatione voverit, tenetur Voto, si adeptus sit ætatem; secus, si nondum habuisset septennium; quia in priori est præsumptio pro deliberatione, non vero in secundo.

*Quar. 11. Quinam vovere possint, & an quis Voto alieno obligetur?*

*Dico.* Omnes ratione utentes vovere possunt, sed solum ea, quæ sui juris sunt; Voto autem alieno, nemo, vi Voti obligatur; personale enim per seipsum debet impleri, nisi intentionem habuisset, illud per se, vel per alium implendi, vel talis esset conditionis, ut per alios impleri soleret; Votum reale per alium quidem impleri posset, ad illud autem nec hæredes tenentur, saltem vi Voti, bene autem ex iustitia, ut ad alia debita solvenda; non tamen tenentur ultra vires hæreditatis; sed ex eo, quod deductis debitis, & impensis funerum, superest, nec ex legitima sibi debita; aliquando etiam tenentur ad personalia, videlicet, 1. si eis consenserit. 2. Si sit hæres non necessarius, & ea conditione hæres instituitur. 3. Ex usu & consuetudine, ut peregrinatio votata a communitate, præcipue cum consensu Episcopi; debent autem Vota interpretari, 1. strictè. 2. Juxta intentionem voventis, quam habuit, vel habere debuit. 3. Secundum communem verborum intelligentiam, si non constet clare de alia intentione. 4. Quoad obligationem, ratione materiæ ad instar aliarum legum.

*Hinc* 1. Invalida sunt Vota realia, quæ faciunt filiifamilias impuberes, & minores, absque Parentum, vel Tutorum licentia, exceptis votis de bonis castrensis, vel quasi castrensis; valent tamen personalia, etiam Religionis, Castitatis, Orationum, Peregrinationum, si doli sint capaces; possunt tamen irritari a Parentibus, & Tutoribus, nisi post annos pubertatis scientes, fuisse infirma,

ea confirmaverint. 2. Invalida, sunt Vota, fervorum strictè dictorum, realia, & mixta, Religionis, Peregrinationis, &c. abstrahentia a labore domino debito; valent tamen pure personalia, ut orare, servare castitatem, &c. quæ domino nihil derogant. 3. Invalida sunt Vota mariti, ac uxoris eorum, quæ sunt in præjudicium juris alterius, ut Votum non reddendi debitum, vel non petendi, saltem in marito; quia nimis esset onerosum uxori, si maritus nunquam peteret ob verecandiam, quam ipsa haberet semper petendi, quæ ratio valet etiam in uxore, si ipsa esset valde auctoritativa, maritus vero valde verecundus; nec valent de bonis, quorum nullam habent dispositionem: valent tamen Personalia, quæ possunt a se invicem irritari, si usui Matrimonii, vel proli educandæ præjudicent. 4. Invalida sunt, omnia Vota Religiosorum, excepto Voto solènni professionis, & aliis ei annexis, & excepto Voto strictioris Religionis; valent tamen, eorum Vota, de re præcepta, vel de consilio, nullumque Superiori, vel aliis incommodum, vel molestiam afferente cum tacito, vel negativo Superioris consensu, nimirum non contradicendo; & si ea sine Superioris licentia exequi nequeant, illam petere tenentur, si talis licentia in illa Religionè concedi soleat, præcipue, si vovendo, voluntatem illam petendi, habuerint. 5. Invalida sunt Vota Clericorum, & Episcoporum, residentiam ultra tempus a jure, & Concilio Trid. concessum impediencia. 6. Non tenetur filius ingredi Religionem, quam pater pro ipso vovit, nisi Votum post annos pubertatis ratificaverit; nec hæres solvere, quod pater vovit, saltem vi Voti, bene autem ex justitia, ut supra dictum est; nec communitas implere vota antecessorum, nisi vi statuti, vel longæ consuetudinis; nec qui vovit peregrinationem, tenetur alium mittere, si ipse fiat impotens, nisi id intenderit, vel ordinarie, per alios fieri soleret, ut peregrinatio ad limina Apostolorum ab Episcopis in eorum consecratione promissa. 7. Vovens jejunare aliquibus diebus, satisfacit jejunando bina vice; vovens Eleemosynam, satisfacit dando modicam, modo non sit infra ordinariam, quam personæ ejusdem conditionis dare solent; qui vovit dicere Missam, non potest pro illa recipere stipendium; qui vovit Missas per stipendium procurandas, tenetur dare ordinarium; qui vovit Calicem, tenetur dare saltem argenteum, divino cultui

tui aptum; qui vovit jejunare, qualibet feria sexta, tenetur etiam jejunare in die Nativitatis Domini, incidentis in feriam sextam. 8. Qui vovit primario Religionem, & secundario in tali Ordine, & Conventu, vel indeterminate, si in uno non recipiatur, tenetur moralem diligentiam adhibere, ut in altero recipiatur; si vero principaliter talem voverit Religionem, si non recipiatur, liber erit a Voto; si dubitet, eligat securiorem; non tamen tenetur recusatus pro Clerico, fieri Laicus, si ut Laicus posset recipi, si ex ejus vitæ cursu appareat, hunc statum Laici non intendisse; nec ire extra suam nationem, nec puella extra suam provinciam, ut recipiatur: si propria culpa dimittatur, vel sine justa causa egrediatur, tenetur aliam ingredi; qui vovit Religionem indeterminatam, non potest ingredi relaxatam, nisi speretur in brevi reformatio, & si hanc expresse vovisset, non tenetur illam ingredi, utpote suæ salutis perniciosam; nec aliam, quia hanc vovit; qui vovit strictam, peccat ingrediendo laxiorem; valet tamen Professio. 9. Vovens castitatem, & Religionem, liber a Religione, tenetur servare castitatem, quæ solet in ea servari: vovens vero Religionem, liber a Religione, non tenetur servare castitatem, quæ solet in ea servari: qui vovit non fornicari, potest nubere; qui cum Voto non nubendi contraxit matrimonium, potest petere, & reddere debitum; quia non est Votum castitatis; qui vovit non cognoscere scæminam; per tactus, & pollutiones peccat quidem, sed non contra Votum; non potest tamen nubere, si affectu castitatis ita voverit, bene autem si solo odio fornicationis; qui vovit Religionem, vel sacros Ordines, peccando contra castitatem ante ingressum, non peccat contra Votum.

*Quæ. 12. Quomodo cesset Voti obligatio?*

*Dico.* Cessat Voti obligatio. 1. *Per seipsam*, cessante causa finali, vel non eveniente conditione, vel elapsu temporis Voto præfixo, vel mutatione, materiam in statu moraliter diverso, constituyente, ut si fiat impossibilis moraliter, vel inhonesta, vel impeditiva majoris boni, vel tanta, ut si ab initio fuisset, Votum non fuisset emissum, quod ultimum de simplici, non vero solemniter valet, & in Voto Religionis, ac perpetuæ castitatis difficile admittitur per Ecclesiæ praxim. 2. *Irritatione*, vel directa, quæ est annullatio Voti in perpetuum ab habente potestatem domi-

dominativam in personam voventis, ut Superior in subditos, patet in liberos impuberes, vel ejus vicesgerentes, nec reviviscit sublata subjectione; quia penitus extinguitur; vel irritatione indirecta, quæ non est annullatio, sed potius Voti suspensio, in quantum præjudicat juri alterius, ratione materiæ ei subjectæ, & sublata subjectione reviviscit, & fit ab habente potestatem dominativam spiritualem, vel temporalem in materiam, ut Parentes, Tutores &c. in Vota puberum, patriæ potestati, vel gubernationi familiæ præjudicantia, herus, in Vota famulorum, obsequia debita impediencia, vel minuencia, Maritus, in Vota uxoris, usui matrimonii, vel proprii educandæ, vel gubernationi familiæ contraria, etiam ante matrimonium emissa, & Uxor, in vota mariti, thorum concernentia. 3. *Dispensatione*, quæ est relaxatio Voti, nomine Dei facta, ab eo, qui legitimam habet potestatem, ex justa causa, secus non est valida, *P. Gerv. & alii*; quia dispensans, est dispensator, & non Dominus. Hanc potestatem, jure ordinario, soli habent Prælati, jurisdictionem spiritualem, in foro externo habentes; quia non est Ordinis, sed jurisdictionis, pertinens ad externum Ecclesiæ regimen, talem habet 1. Papa in omnia Vota omnium fidelium, etiam castitatis, in Ordinibus Sacris, & in Religione solemniter professis. 2. Superiores, Generales, Provinciales, & probabiliter etiam Conventuales, eorumque vices plene gerentes, in omnia suorum subditorum Vota, etiam reservata, *Bill.*; etiam ingrediendi Religionem strictiorem, solis votis essentialibus exemptis, *Lexen. P. Gerv. P. Bonagr.* & quoad Novitios, saltem indirecte, quatenus regimini, & probationi obsunt, *P. Gerv.* quia in favorabilibus, gaudent privilegio sui Ordinis; non vero dispensare possunt Abbatissæ; quia non habent jurisdictionem spiritualem. 3. Episcopi, in Vota suorum Diœcesanorum, Capitulum, Sede vacante, Nuntius Apostolicus in sua Provincia, Archiepiscopus cum suis Suffraganeis, & eorum subditis, duntaxat, per viam appellationis, exceptis quinque Votis, soli Papæ reservatis, videlicet, Castitatis perpetuæ, Religionis approbatæ, triplicis peregrinationis Jerosolymitanæ, Compostellanae ad S. Jacobum, & Romanæ ad limina Apostolorum; ut autem ista sint reservata, debent esse perpetua, absoluta, perfecta, non dubia; possunt tamen etiam in his

dispensare Episcopi, tanquam SS. Pontificis delegati, si sit necessitas, & recursus ad Papam difficilis; causæ vero dispensationis pro validitate requisitæ sunt, necessitas spiritalis, vel major utilitas voventis, vel Ecclesiæ, aut Reipublicæ. 4. Regulares, pro confessione sæcularium, ab Ordinario approbatos, eandem habere potestatem dispensandi in omnibus Votis, exceptis quinque Papæ reservatis, multi probant auctores, ut *Lessius*, *Nav. Henno*, *P. Gerv. Bass.* &c. citantes privilegium, Julii II. Eug. IV. Mart. V. Innoc. VIII. & Greg. XIII. sed in praxi, non obstante eorum probabilitate tutius est; petentes dispensationem mittere ad Episcopum, vel ad alios ab eo, vel aliunde, magis fundatam habentes, potestatem. 4. *Commutatione*, quæ est substitutio operis honesti loco alterius, potestque fieri ab ipso vovente in certo, & evidenter melius saluti voventis; *Sylvius*, *Cajet. Nav. & alii communiter*; in æquale vero, vel minus bonum, solum ab habente potestatem dispensandi, vel commutandi; & pro reservatis requiritur specialis potestas; etiam ad commutanda in melius, *Sanch. & alii apud P. Gerv.*; excepto voto solemnī Religionis, in quod omnia alia commutari possunt; & licet minus videatur dubium apud auctores prædictos, Regulares posse Vota sæcularium permutare; tutius tamen est, eos mittere ad Episcopum, vel ad alios, certiores habentes potestatem, præcipue cum nulla urgeat necessitas tali utendi privilegio. Causæ autem commutandi Vota, sunt 1. notabilis molestia, & difficultas eæ exequendi. 2. Levitas animi, vel perturbatio, quæ sunt emissa. 3. Fragilitas voventis, & violationis periculum, & omne, quod viro prudenti videbitur ratio sufficiens, & si postea non talis inveniatur, valet tamen permutatio. 4. Denique major devotio ad permutanda in æquale, quod nimirum Deo æque est acceptum; & voventi æque salutare. Facta mutatione Voti reservati in non reservatum, a quolibet habente potestatem dispensandi, dispensari, vel commutari potest.

*Hinc 1. Per se ipsum cessat Votum*, v.g. jejunii pro sanitate ægroti, ipso mortuo; Votum ingrediendi Religionem, si frater e bello sospes redeat, ipso in bello occiso; quia conditio non est impleta; vel Votum, dicendi singulis mensibus, Psalmos pœnitentiales per annum, anno elapso, licet pluries non dixerit; quia affixum est,

tem-

tēpori elapso; vel Votum dandi cuidam pauperi Eleemosynam, ipso divite effecto, vel vovente facto paupere; quia materia voti est in statu moraliter diverso; qui vero vovit dare Eleemosynam pauperi sibi addicto, tenetur dare, licet non amplius sit addictus; vel cui, varia eveniunt; emissā professione, ad tria Vota tenetur; licet ea non emisisset; si illa prævīdisset; quia major requiritur ratio, & ordinarie potuit, ac debuit ea prævīdere.

Hinc 2. Cessat Votum *irritatione*; sic Papa respectu Religiosorum, omnia Vota irritare potest; quia est Prælatorum, & ratione obedientiæ ipsi subditi sunt; *Billuart* & respectu Ecclesiasticorum, in rebus Ecclesiasticis, ac Beneficialibus; quia Vota ratione istius materiæ ei subiecta sunt; non verò cæterorum fidelium; quia nec ratione materiæ rerum temporalium, nec ratione dominii in eorum voluntates, ei subjiuntur, nisi in iis; quæ Ecclesiam universam concernunt; dispensare tamen potest. 2. Episcopi in quantum habent potestatem dominativam in voventis voluntatē, vel Voti materiam. 3. Superiores Regulares, Generales, Provinciales, Abbates, Priores; Guardiani, & iis diu absentibus, vel mortuis, Vicarii, Abbatissæ &c. possunt, omnia suorum subditorum Vota, directe irritare, etiam de eorum consensu facta; quia consentiendo non censentur abdicasse jus suum non ab ipsis, sed ex natura officii dependens, etiam valide sine causa; quia non nisi sub conditione, si Superior consentiat, valent; non vero licite, sed sine causa Vota irritantes venialiter saltem peccant; quia carerent sine honesto, & mortaliter, si fuerint approbata, vel de consensu eorum facta; quia res notabilis Deo obstricta non sine gravi illius injuria revocatur. Exceptis Votis transeundi ad strictiorem Religionem, *cap. licet 18. de Regulis*; & solemnibus cum annexis, *Bill.*; & votis Novitiorum, quæ irritare nequeunt; quia nondum, per Votum obedientiæ, potestati dominativæ ipsorum, subiecti sunt, sed duntaxat illa dispensare ad tempus, & per professionem solemnem permutare possunt. 4. Pater, Tutor, & in eorum defectu Mater, quæ tunc est, ut Tutrix, omnia possunt directe irritare Vota filiorum impuberum realia; personalia, ac mixta, etiam de Religione amplectenda, vel de peculio castrensi; adepta autem pubertate, non possunt amplius irritare Vota antea facta; juxta tutiorem, sed

dispensatio petenda, nec Vota post pubertatem emissâ, vel confirmata dandi, v. g. Eleemosynam de bonis castrensibus, servandi castitatem, ingrediendi Religionem, moderati jejunii usui familiæ non inconueniens, ut in Sabato; indirecte autem irritare possunt, 1. Pater, Tutor, &c. Vota dandi Eleemosynam ex bonis non castrensibus, vel quasi castrensibus, peregrinationis longæ, jejunii usui familiæ, vel labori præstando inconueniens; quia hæc patriæ potestati, ac gubernationi familiæ obsunt. 2. Dominus indirecte irritare potest, famulorum Vota, peregrinationis, audiendi singulis diebus Missam, si famulatum debitum impediunt, vel minuant; non vero castitatis, moderati jejunii, precum parvarum. 3. Conjuges irritare possunt sibi invicem Votum de gerendo habitu religioso, de multiplici humi cubatione, de servanda omnimoda castitate, in ordine ad reddendum debitum, & petendum, saltem in marito, & aliquando etiam in uxore, si maritus timidus, ipsa autem valde auctoritativa sit; de jejunio immoderato, de longa peregrinatione, educationi prolis, ac familiæ regimini præjudiciali, etiam si essent ante Matrimonium emissâ; quia cessant esse de meliori bono; reviviscunt tamen prædicta Vota, indirecte irritata, sub lata subjectione; quia fuerunt duntaxat suspensa non possunt vero irritare Votum de Eleemosynis ex bonis parapharnalibus, vel de orationibus, ac jejuniis moderatis, nec Votum castitatis, post mortem compartis servandum; nec Votum non petendi, vel reddendi debitum, si in illud ambo consenserint, nec revocare consensum, nec reddere, nec petere: quia unus alterius peccato cooperaretur, licet Superior Vota, in quæ consensit, irritare possit; quia quoad thorum sunt sibi pares, non vero Superiores, *Tourn.*

*Hinc* 3. Cessat Votum dispensatione; sic Episcopus, & alii eandem potestatem habentes, dispensare possunt in Voto Castitatis non perpetuo, vel dubio, aut conjugali, vel non petendi debitum, vel non nubendi, mulierem non tangendi, suscipiendi sacros Ordines, ingrediendi Religionem strictiorem, ut possit manere in laxiori, vel laxiorem ingredi; item in Voto virginitatis sumptæ pro primo actu, quo amittitur, vel ingrediendi Religionem sub conditione, v. g. si frater redierit, conditione nondum impleta; non vero si impleta sit, tunc enim esset



set Votum absolutum. Item in Voto disjunctivo servandi castitatem, vel jejunandi singulis feriis sextis; in voto castitatis contracto Matrimonio ante, vel postea emissio, ut possit petere, & reddere, vel si sit emissum dolo, vel metu etiam levi, injuste, in hunc finem incusso, vel ex fervore passionis, vel cum intentione se non obligandi, nisi sub veniali, vel cum deliberatione imperfecta, vel quando est dubium, an cum advertentia requisita, animo se obligandi graviter, castitatem perpetuam, vel solum conjugalem voverit; uno verbo, si dubium sit, an Papæ sit reservatum, eo ipso non est, valetque dispensatio, licet postea agnoscat, fuisse reservatum; item dispensare potest in necessitate, si non possint recurrere ad Papam ob paupertatem, bella, locorum distantiam, incontinentiæ periculum, scandalum, damnum tertii, vel famæ propriæ, vel ad sedandas lites inter familias, pro conservanda illustri familia Reipublicæ plurimum profutura, ob periculum incontinentiæ intrinsecum, proveniens ex naturæ fragilitate, vel extrinsecum, puta, quia vovens est pauper, decora, orбата parentibus, pro alenda matre ætate profecta necessaria; pro Voto Religionis notabilis difficultas, ob morbum, quo languit, debilitatem virium, vel si sit dubium, an non sit melius manere in sæculo, & nubere, quam uri, vel pro educatione consanguineorum parentibus destitutorum.

*Hinc. 4.* Cessat Votum *commutatione*, 1. in evidenter melius, sic qui vovit calicem argenteum, potest dare aureum, qui vovit, recitare Psalmos pœnitentiales, potest celebrare Sacrum; qui vovit peregrinationem, ex hac regione, ad B. Virginem Einsidensem, potest peregrinari ad Lauretanam; & omnia realia, ac personalia potest mutare in professionem Religiosam. 2. Votum emissum in favorem tertii, & acceptatum, v. g. singulis annis solvendi Fabricæ Parochiæ decem taleros, vel alicui Monasterio sex saccos frumenti, vel dotem puellæ pauperi, non potest permutari in peregrinationem, vel aliud, etiam melius opus, nisi consentiente eo, in cujus favorem factum est, quia heret in ipsius præjudicium; nec liberaretur ab obligatione, per solam Voti remissionem; quia manet obligatus respectu Dei, in cujus honorem vovit, bene autem per Beneficii recusationem ab eo, in cujus favorem vovit, *Bill.*; quia vovens non intendebat bene-

facere, & se obligare invito. 3. Qui propria auctoritate mutavit Votum in melius, non potest propria auctoritate redire ad prius; quia majorem sibi imposuit obligationem, a qua non potest sine dispensatione liberari, nisi jus ad prius redeundi sibi reservasset; bene autem, si commutatio sit facta ab habente potestatem in æquale, vel minus, *Bill.*; quia quilibet renunciare valet ei, quod pro se noscitur introductum. *cap. 23. de Regular.* nec tenetur redire ad prius, si opus, in quod facta est mutatio, fiat impossibile, vel indifferens; quia obligatio prioris ablata est. 4. Commutatio Votorum tempore Jubilæi fieri potest, etiam Votorum eo tempore factorum; imo etiam elapso tempore Jubilæi, si eorum commutatio tempore Jubilæi fuerit inchoata, vel translata; non vero, si non fuerit inchoata, vel translata; quia potestas, pro tempore Jubilæi tantum, videtur concessa, nisi Bulla aliter continet, quamvis peccata reservata tempore Jubilæi non confessâ post Jubilæum absolvi possint; quia indirecte fuerunt remissa. 5. Commutatio, seu dispensatio cum intentione lucrandi Jubilæum obtenta, & absolute concessa, valet, licet omisissis aliis operibus, Jubilæum non lucretur; quia dispensatio absolute concessa, statim operatur, *Bill.*; peccat tamen saltem leviter illa omittens, *ibid.* Non vero valet, si conditionate, si opera præstet, fuisset concessa; quia suspenditur, donec opera impleantur, *ibid.*; vel intentionem illa præstandi non habuisset; quia potestas non fuit, nisi pro volentibus lucrari Jubilæum concessa. 6. Si commutatio fiat in æquale, prout ordinarie fieri debet, fiat compensatio impensarum, & laborum dando peregrinationis impensas pauperibus, & imponendo pro labore, orationem, jejunia, frequentes communionem, &c.

*Quar. 13. Quid sit Juramentum, & Adjuratio, & quodplex?*

*Resp.* 1. Juramentum est attestatio Divini Numinis ad fidem faciendam, aut promissionem firmandam, Adjuratio vero est actus Religionis, quo quis alterum rogat, vel ei præcipit aliquid per Deum ut Apostolus ad Thesi. 5. dicens: *adjuro vos per Dominum*; est licita, vel prohibita ut Juramentum, nec sine licentia Episcopi debet fieri contra dæmones. Dignoscitur quis a dæmone possideri, præcipue, si loquatur idiomate antea ipsi ignoto, si distantia, & vere occulta manifestet, legat, scribat, instrumentis ludat, quæ antea ignorabat.

2. Ju. |

2. Juramentum aliud est assertorium, quod est attestatio Divini Numinis, ad faciendam fidem dicti. Aliud promissorum, quod est attestatio Divini Numinis, ad firmandam promissionem. Aliud est execratorium, quod est attestatio Divini Numinis, ut vindicis; ut diabolus me rapiat, Deus me perdat, si non ita sit. Aliud est explicitum, quo divinum testimonium explicite invocatur, jurando per Deum, Aliud implicitum, quo divinum testimonium implicite invocatur, jurando per creaturas quatenus Deus in iis relucet. Aliud est solemne, quod fit cum solemnitate, tangendo Crucifixum, vel S. Evangelium. Aliud simplex, quod fit sine solemnitate. Aliud iudiciale, quod fit coram Iudice. Aliud extrajudiciale, quod fit extra iudicium.

*Quar. 14. Quanam sint formula jurandi?*

*Dico.* Formulæ vere per se juratoria sunt: per Deum; testor Deum; Deum in testem invoco; testis sit mihi Deus! o Deus esto mihi testis! juro Deo; per vitam Dei; per vulnera Christi; per matrem Dei; per Dei Sacramenta; in fide Dei; vel Christi; in Fide christiana; in veritate Dei, vel Christi; Deus me puniat, dæmon me rapiat, vivus non abeam, si non ita sit; per animam; super animam meam; sub periculo animæ: vel salutis meæ, ita est. Per cælum; per terram; per thronum Dei; per infernum; per Fidem sacerdotalem, si fiat a Sacerdote coram Iudice. *Formula dubia sunt:* juro Deum, scit Deus; vel scit meam conscientiam; vivit Dominus, & vivit anima tua; hoc tam verum est, quam vere Deus est; quæ enuntiative dicta, non sunt Juramenta, bene autem invocative, & ultima formula esset blasphemia, si omnimodam veritatis æqualitatem intelligeret. Formulæ per se non juratoria sunt: per meum juramentum; in fide viri probi; in fide regia, Christiani, Clerici, Sacerdotis, profecto, certissime, sine dubio, vere, in veritate rei, in fide, per fidem meam, super meam conscientiam, tam verum est, quam verum, me esse Sacerdotem; amputetur mihi nasus, si non ita sit. Prædictæ formulæ, ordinarie non sunt juramenta; quia ordinarie sumuntur pro fide humana, vel notitia, aut certitudine veritatis; si vero quis per illas intendat jurare, vere jurat; ideoque intentio loquentis precipue consulenda est, suntque omnia Juramenta ejusdem speciei, *Cajet. Sylvius;* attamen pro

meliori eorum cognitione in confessione sunt explicanda & quis non raro speciem blasphemiae, & injustitiae, &c. continent.

*Quar. 15. Quotuplex sit restrictio mentalis?*

*Resp.* Amphibologia, seu restrictio alia est pure mentalis, cujus verus sensus in sola mente latet. Alia est sensibilis, & late dicta, cujus verus sensus etiam externe exprimitur, qui ex modo loquendi, vel circumstantiis, vel usu percipi potest, licet per accidens audiens non advertat. Prima est mendacium, altera est licita, ex justa causa.

*Quar. 16. An Juramentum licitum sit?*

*Dico.* Juramentum licitum, ac laudabile est, si fiat in veritate, in iustitia, & in iudicio, *Jerem. 4.* id est 1. de re, quæ prudenter creditur vera. 2. De re licita. 3. Cum necessitate, vel utilitate, & reverentia; grave autem peccatum est, si fiat sine veritate, vel cum restrictione pure mentali, etiam in materia levi, vel sine iustitia in materia gravi, vel in materia levi sine voluntate implendi; quia Deum falsi, vel gravis injustitiae testem facit; veniale vero in re leviter mala cum voluntate implendi; vel deficiente solo iudicio; quia levem tantum erga Deum continet irreverentiam.

*Hinc:* Graviter peccat, 1. jurans scienter falso, vel cum dubio de veritate, vel levibus solum nixus conjecturis, vel cum periculo falso jurandi, ut consuetudinarii, vel credendo certo verum, sed temere; quia etiam se exponit periculo perjurandi; est tamen grave, vel leve pro ratione negligentiae. 2. Jurans cum restrictione pure mentali; vel particularis, exigens Juramentum ab eo, quem probabiliter perjuraturum credit; secus, si esset iudex ad instantiam partis; quia forma iudicii ita requirit: non potest tamen iudex ab utraque parte Juramentum admittere, nec ab eo, quem per falsos Deos juraturum prævidetur, nisi ex gravi necessitate, non vero peccat Confessarius da crimine in Confessione audito interrogatus, illud audisse, negans, subintelligendo, eo modo, ut revelare possit; nec reus de crimine injuste interrogatus, illud fecisse, negans, sub intelligendo, eo modo, ut illud fateri teneatur; quia in utroque casu restrictio mentalis est ex circumstantiis sigilli, & injustæ interrogationis sensibilis. 3. Graviter peccat, jurando, se occisurum inimicum; gra-

ve malum affirmando de proximo, ei detrahendo graviter, vel cum Juramento persuadendo grave, vel leve malum, vel affirmando ex jactantia, sua peccata, vanæ gloriæ certius consequendæ gratia; quia in utroque casu, Deum adiutorem sui peccati facit; esset tamen veniale, si ex levitate, vel garulitate fieret; quia abuteretur divino nomine. 4. Jurans in judicio, fiste, cum intentione non jurandi, vel extra in re gravi; quia est gravis deceptio; vel vere jurando, sed animo non implendi, etiam in re levi; vel se non obligandi, teneturque illud implere, ne Deum falsi testem faciat, & scandalum evitet; venialiter vero peccat, cum Juramento leve, malum affirmans de proximo, vel se peccaturum leviter, animo implendi, vel solum sine utilitate, vel sine necessitate jurans, secluso scandalo, contemptu, & periculo falso jurandi, quod censetur adesse, si ad falsum, sicut ad verum, quis jurare soleat.

*Quar. 17. Quomodo obliget Juramentum?*

*Dico.* Grave Juramentum promissorium, etiam ex metu gravi, injuste incusso, factum, inducit obligationem; etiam in re levi; quia etiam in re levi illud non implendo, Deum testem falsi facit; nisi Deum solum in testem voluntatis præsentis, & non rei implendæ invocasset: nec tamen obligat. 1. si sit nullum ex defectu consensus, & libertatis, vel quia factum est cum errore, vel dolo circa substantiam rei promissæ, vel circa qualitatem primario intentam, vel circa causam finalem, & motivam, vel ex juris dispositione. 2. Si sit de re illicita, aut indifferenti ad Dei obsequium, vel hominis utilitatem, vel moraliter impossibili. 3. Si sit contra legem ob bonum commune, & non privati latam, vel si oppositum ejus sit melius, nisi ei, in cujus favorem est factum, sit acceptius. 4. Si promissio non sit acceptata. 5. Si sit sub conditione non impleta. 6. Si juraverit fiste; graviter tamen peccat, contra obbedientiam, ita jurando in judicio; & in foro externo illud implere obligatur, pro evitando scandalo, ne falso jurasse credatur, vel ut Dei honor tueatur: etiam tenetur ad Juramentum sincere factum, quamvis absuerit voluntas se obligandi, vel illud implendi; quia obligatio Juramenti non dependet a voluntate jurantis, sed a Dei honore servando; non tamen Juramentum antecedens, invalidat actum subsequenter, nisi ratione prioris.

ris actus sit invalidus, nec tenentur hæredes, ad Jura-  
menta defuncti saltem vi Juramenti.

*Hinc*. 1. Qui juravit dare latroni centum aureos, te-  
netur ei dare; nisi Juramentum relaxetur ab habente po-  
testatem. 2. Qui juravit redire ad carcerem, tenetur re-  
dire; etiamsi mortem timeat. 3. Filius, vel hæres tene-  
tur; promissa jurata realia patris defuncti, implere; non  
tamen vi Juramenti, sed ex justitia; & posterius anteces-  
sorum, saltem vi statuti. 4. Qui juravit Cajo centum ta-  
leros, tenetur eo mortuo, solvere hæredibus. 5. Qui ju-  
ravit dare calicem, quem credidit argenteum, non tene-  
tur dare, si sit aureus. 6. Qui juravit inire Matrimonium  
cum aliqua, quam credidit virginem, vel divitem, tene-  
tur illud inire, licet non sit virgo, nec dives; quia er-  
ror non est circa substantiam, nisi sub hac conditione prin-  
cipaliter, & non aliter consenserit. 7. Qui juravit dare  
paramenta Ecclesiastica Ecclesiæ, tenetur dare, licet Pa-  
rochus factus sit inimicus. 8. Qui juravit non accusare  
furem, tenetur eum accusare, si bonum publicum exi-  
gat. 9. Fidejussio mulieris, a lege favente particulari pro-  
hibita, valet Juramento firmata. 10. Qui juravit Cajo cen-  
tum aureos, non potest dare pauperibus, licet melius  
sit, & castitas inrata inter conjuges, debet servari ab u-  
no, licet ab altero transgrediatur. 11. Juramentum con-  
tra aliud præcedens valet, si sit de re magis accepta ei,  
in cujus favorem est factum, 12. Qui jurat sponsalia uni,  
valide contrahit Matrimonium cum altera, & valide e-  
mittit professionem in Religione approbata. 13. Qui ju-  
rat dare Beneficium uni, valide confert alteri, & qui  
jurat non retractare testamentum, valide retractat; qui  
cum Juramento, uni vendit sine traditione, valide alte-  
ri vendit secuta traditione; quia jus ita disposuit quoad  
valerem istorum contractuum, sed non licite; quia Jura-  
mento obligabatur ad aliud: qui vero uni promissit spon-  
salia, non valide ea promittit alteri, etiamsi Juramento  
ea confirmet.

*Quar.* 12. *Quomodo Juramenti interpretatio fieri debeat?*

*Dico*, Juramenti interpretatio debet fieri, 1. in foro  
conscientiæ, juxta intentionem jurantis; si autem de in-  
tentione jurantis non constet, standum est communi ver-  
borum sensui, & explicandum juxta naturam actibus, cui  
jungitur, quoad ejus exceptiones, & conditiones ex com-  
muni

moni prudentum iudicio, tacite ei affixas, videlicet, si sit licitum; si moraliter possibile; si non relaxetur ab eo, in cuius favorem factum est; salvo Superiorum jure, illud irritandi; si acceptetur; si ita sit, & res ita maneat sine notabili immutatione; si fides reciproca servetur, vel etiam, si non sit reciproca, ut vult *Sanchez*.  
 2. Quoad ejus obligationem stricte est explicandum. 3. Juramentum est servandum, quoties sine peccato, & dispendio salutis, servari potest, nisi alia ratione cesset ejus obligatio.

*Hinc* 1. Jurans, se non amplius lusurum ex motivo majoris boni, tenetur abstinere; potest tamen ludere per alium: sed non pro alio; nec per alium si intenderit evitare dilapidationem bonorum, bene autem pro alio. 2. Jurans, se non lusurum ad evitandum grave damnum, tenetur abstinere ab immoderato; si ad rixas, & blasphemias evitandas, tenetur a tali abstinere, qui earum est causa; eritque grave, vel leve peccatum, prout magis, vel minus fini intento opponitur; si ex sola indignatione, ira, &c. juraverit, peccat; non tamen tenetur ad juramentum, si nullum alium finem honestum habuerit. 3. Qui sub pœna jurat, solum ad pœnam tenetur, si ludat; si juret a ludo abstinere, & solvere pœnam, si ludat, tenetur ad utrumque; jurans vero se non amplius lusurum cum tali socio, in tali domo, vel tali ludo, vel ex vindicta contra socium; vel quia se infelicem credit cum tali socio, in tali domo, vel ludo, non tenetur Juramento; quia est de re mala, vel indifferenti, bene autem, si ita juraverit; quia locus ipsi perniciosus, persona, vel ludus rixis obnoxius; quia tunc finis est honestus, ad vitandum malum. 4. Qui juravit solvere debitum, potest uti compensatione, ut antea, non solvendo debitum; & qui promisit sponsalia sub Juramento, non iis tenetur, si sponsa postea fornicetur. 5. Juramentum parendi alteri in omnibus, intelligitur, in re licita, & moraliter possibili; Juramentum Episcopi de non abalienandis bonis Ecclesiæ, intelligitur sine utilitate, vel necessitate, aut iuris solemnitate; Juramentum residentiæ, intelligitur juxta Ecclesiæ statuta; Juramentum de secreto Capituli, intelligitur sub gravi peccato, in re gravi, & sub levi, in re levi, & in quantum sine alterius detrimento servari potest; vel juxta tenorem statutorum; Juramentum jeju-

nan.

nandi, intelligitur, nisi infirmetur, & secundum morem patriæ; Juramentum nubendi certæ personæ, intelligitur, nisi fiat notabiliter deformis, vel alia ratio, pro dissolutione sponsalium sufficiens, eveniat: Juramentum solvendi decem aureos pauperi, intelligitur, si non patiatur notabilem status diminutionem. 6. Jurans se contentum fore stipendio pro labore, intelligitur, si non sit manifeste iniquum, vel insufficiens jussu prætentioni; mercatores, pillores, &c. jurantes se servaturos taxationem pretii, ponderis, Juramentum eorum intelligitur, si taxatio sit justa, modo tempore Juramenti non evidenter constiterit esse injustam; quia tunc debuissent declarare, se non posse taxationem servare. 7. Qui juravit societatem, non tenetur, si alter incipit fieri graviter rixosus; qui juravit, se statutum sententiæ ferendæ, non tenetur, interveniente justa causa appellanti. 8. Juramentum parentum de filiis graviter excipiendis, intelligitur, si se non emendat, vel veniam non petant; domini de ancilla ejicienda, si emendationem non promittat; mercatorum de non diminuendo pretio, si possint vendere carius; vel de pretio, quo emerunt, intelligitur considerato labore, periculo, lucro, impensis, &c. 9. Juramentum Aulici de non acceptanda præcedentia, intelligitur, nisi urbanitate alterius vincatur; & illud de accusatione alterius, nisi se emendet, vel sibi inde præjudicium fiat: unde raro graviter in his peccant, Juramentum non implendo. 10. Juramentum de statutis servandis, intelligitur de præsentibus, non de futuris, & secundum intentionem Legislatoris, ac loci consuetudinem, & obligationem receptam; Juramentum Medicorum de monendo ægroto ad Confessionem, & de ejus derelictione, si non pareat, intelligitur juxta consuetudinem receptam, nempe in morbo periculoso, vel nisi alius eum moneat; non tamen eos excusat timor affligendi ægros. 11. Jurans, se non communicaturum artem, vel speciale remedium alteri, non tenetur Juramento, si illius occultatio sit contra charitatem, vel bonum commune, bene autem ad illud tenetur, si ægroti aliud habeant remedium, & Respublica illa arte carere possit; quia tunc, illius manifestatio, esset contra jus secretum imponentis, & reportantis lucrum ex sua arte, vel remedio.

*Quæst. 19. Quando cesset Juramenti obligatio?*

*Disc.*



*Dico.* Juramenti obligatio cessat, 1. si moraliter fiat impossibile, vel illicitum. 1. Remissione ab eo, in cujus favorem est factum. 3. Fidei reciprocae fractione. 4. Mutatione notabili, vel cessatione finis. 5. Irritatione, ab habente potestatem dominativam in jurantem, vel materiam juratam, ut Superior respectu inferiorum, Pater respectu liberorum &c. ut dictum est de cessatione voti. 6. Beneficii jurati recusatione. 7. Dispensatione a Papa, vel Episcopo, nisi cedat in præjudicium tertii; qui habet potestatem ordinariam vel delegatam in vota, habet etiam in juramenta, *Cajet. Laym. & alii apud Billuart*; nec juramenta sine voto sunt reservata, *Bass. & alii*; causæ autem dispensationis sunt 1. iniquitas, vel metus, quo fuit extortum. 2. Turpitudine in recipiente. 3. Gravis necessitas, vel utilitas Reipublicæ; si tamen dispensatio fiat in præjudicium tertii, requiritur suprema auctoritas Pape, vel Principis.

*Quar. 20. Quanam sint perjurii pena?*

*Dico.* Perjurii pœnæ sunt 1. pœnitere 50. dies in pane, & aqua, & septem sequentes annos nunquam esse sine pœnitentia, ita *Jus Can. XIII. Q. 5. c. 4.* 2. Perjurus privandus Beneficiis, & declarandus inhabilis ad alia, *ibid. c. 11. & 12.* 3. A ferendo testimonio excludendus, etiam peccata pœnitentia, *ibid. c. 54. de Test. 4.* Infamia, si sit notorium, notorietate juris, vel facti, inde irregularitas. 5. Pœna talionis, si sit laicus, & de crimine capitali, & si non sit capitale, pœna deportationis. 6. Pœna exilii ad tempus; quæ omnes pœnæ videntur esse ferendæ sententiæ.

## QUÆSTIO II.

DE VITIIS RELIGIONI OPPOSITIS,  
SUPERSTITIONE,  
ET IRRELIGIOSITATE.

*Quæritur. 1. Quid sit Superstitio, & quænam sint ejus species?*

*Resp.* Superstitio est cultus vitiosus falsi Numinis; vel veri; sed cultu indebito: hujus duæ sunt species, 1. cultus falsus; veri Numinis; ut falsorum Miraculorum inventio; falsarum Reliquiarum expositio, caeremoniarum veteris Legis, Messiam venturum significantium, usurpatio. 2. Est cultus superfluous veri Dei ab usu Ecclesiæ alienus; quoad tempus, locum, situm; numerum; ut adhibendo plures cruces, vel orationes in Missa; quam sunt præscriptæ: species vero cultus falsi Numinis, sunt quinque; nempe 1. Idolatria. 2. Divinatio. 3. Vana Observantia. 4. Magia. 5. Maleficium.

1. Idolatria, est cultus divinus, creaturæ exhibitus. Alia est formalis, & interna, quæ quis divinum cultum, creaturæ exhibet, putans eam esse Deum. Alia materialis; qua quis divinum cultum, creaturæ exhibet, sine æstimatione Divinitatis; & interiori submissione.

2. Divinatio est notitiæ, divinæ usurpatio, ope dæmonis ad hoc invitati expresse, ut per magos; vel tacite, utendo mediis nullam vim naturalem, nec ex institutione Dei; aut Ecclesiæ pro occultorum notitia, habentibus. Divinationis tres sunt species; scilicet, 1. Necromantia. 2. Astrologia judiciaria. 3. Sortilegium.

Necromantia est responsio dæmonis immediate invocati; si fiat per Idolum vocatur Oraculum; si per Vates; Vaticinium; si per signa apparentia; in visceribus animalium, dæmoni immolatorum, Aruspicium; si per vocem ex umbilico, aut pudendis vatum; pythonismus; si per somnum, dicitur somnium; quod si excitet ad malum; est a dæmone, vel pravis naturæ dispositionibus, si moveat ad bonum, censetur esse a Deo, aut Angelis, vel a natura ad illud bonum disposita; si fiat dæmonis respon-

sio

sio per Manes, id est per mortuos ad speciem resuscitatos, dicitur Necromantia; si ex manuum lineamentis, Chiromantia; si ex corporis constitutione, Physiognomia; si per observationem garritus avium, augurium; si per signum effectum in terra, Geomantia; si in aqua, Hydromantia; si in igne, Pyromantia; si in aere, Aeromantia.

Astrologia judiciaria est astrorum consideratio, indeque sumpta prædictio; futurorum contingentium, a causa libera dependentium; ut Matrimonium, dignitates, morbi, mors &c.

Sortilegium est divinatio per sortes, quæ sunt divisi-  
riæ, consultoriæ, & divinatoriæ. Divisioriæ sunt, quibus decernitur, cui aliquidtribuendum sit; si-ve in pœnis, vel officiis, aut bonis. Consultoriæ, quibus inquiri-  
tur quid in aliqua re obscura agendum sit. Divinatoriæ, quibus inquiritur rei occultæ, vel futuræ cognitio; ut fur ex cribri versione.

3. Vana observantia est superstitio; qua ad effectum al-  
liquem obtinendum, adhibentur media vana, inutilia, & impropor-  
tionata; & est quadruplex. 1. Est ars notoria, qua quis scientiam sine studio, & mediis impropor-  
tionatis, ut certis precibus, potione, &c. inquiri-  
tis, quibus eventum; qua quis ex eventu fortuito adversita-  
tem, vel prosperitatem conjicit, ut cujusdam mortem ex  
12. vel 13. convivis in eadem mensa: 3. Observantia sa-  
crorum, qua ad obtinendos effectus extraordinarios abhi-  
bentur, res sacræ, quæ ad illos producendos nec vim  
naturalem; nec divinam habent, ut certæ preces ad non  
moriendum infalibiliter, morte subitanea. 4. Observantia  
sanitatum, qua ad sanandos morbos, adhibentur media  
vana, & inutilia; ut certa nomina ignota; certæ figu-  
ræ, vel signa.

4. Magia superstitiosa est ratio operandi mira; ope dæ-  
monis expresse vel tacite invocati per signa ab eo institu-  
ta; ut verba ignota, &c.

5. Maleficium est ratio nocendi aliis; ope dæmonis;  
est contra Religionem, Charitatem, & Justiciam. Male-  
ficium aliud dicitur Veneficium, quo alicui in propria  
persona, vel in animalibus damnum infertur; ut mors,  
morbi, &c. vel etiam copula carnalis impeditur. Aliud  
est amatorium, vel philtum, quo homines ad odium, vel  
amorem carnalem flectuntur, quod tamen libertatem non  
adimit, nec a peccato excusat.

*Quar. 2. Quale Superstitio sit peccatum?*

*Dico.* Superstitio falsi Numinis, & veri quoad cultum falsum, gravissimum est peccatum; quia Deo maxime est injuriosa; superstitio autem veri Numinis, quoad cultum tantum superfluum, solum veniale est, nisi cultus gravi præcepto esset prohibitus; sortes etiam divisiuæ honorum, numerum, & in electionibus licitæ sunt, exceptis Ecclesiasticis, ad quas paria vota habentibus recurrere non licet, nisi ex speciali Dei ordinatione, ut in electione Mathiæ, urgente necessitate, expectato eventu a Deo, & debita cum reverentia; etiam divinatoriæ, cum his conditionibus licitæ sunt, uti fecit Josue ad explorandum sacrilegium *Achan cap. 7.* Si autem effectus occultus, nec miraculo, nec naturæ, nec arti adscribi potest, adscribendus est dæmoni; in dubio tamen, si nulla occurrant signa superstitiosa, ut certa verba, certus numerus, præsumendum est pro natura, quæ sæpe occulta, & mirabilis est in suis effectibus, & cum protestatione, contra occultum dæmonis pactum, ea uti licet. Quamvis, variz divinationes, non differant specie, pactum tamen explicitum cum dæmone, semper in Confessione exponendum, nec absolvendi sunt, nisi pactum cum dæmone abjurent, artis instrumenta, libros, &c. comburant, damna illata reparent, chirographum dæmoni datum, pœnitentiæ lacrymis saltem, deleant; non tamen necessario a dæmone petendum est; maleficium quoque destruere licet mediis licitis; non vero superstitiosis, nec per se, nec per alium, si sine alio maleficio illud tolli nequeat; bene autem ex gravi necessitate, si licite illud tolli possit, quamvis illicito modo potius, quam licito destructum iri, probabiliter credatur; quia ex gravi necessitate res, quæ licite fieri potest, licite peritur, quamvis ex malitia agentis, male fieri soleat. *Tourn.*; sic etiam petitur debitum conjugale ab eo, qui ex propria malitia semen frustratur.

*Hinc:* graviter peccat, 1. idolum, etiam simulate, sine divinitatis existimatione colens; non tamen peccato formali idololatriæ. 2. Ex cribri versione, furem divinans, ex nativitate in certa die, vel sub certa planeta, v. g. Veneris, natos infallibiliter lubricos fore; secus si solum inclinationem ad talia indicent. 3. Divinans ex syderum inspectione mortem certi Principis; ex certarum avium cantu, cujusdam, mortem, e domo; ex lineamentis ma-  
num

num, certum matrimonium; ex die Mercurii, matrimonium in eo celebratum infantum; ex certo numero convivorum, cujusdam mortem, ideoque numerum augens, vel minuens, vel a mensa abstinens; ex offensione pedis, mane ante egressum facta, aliquid mali per diem obventuri; per certas preces, vel res benedictas, subitanam ignis extinctionem. 4. Sanationem hominum, vel animalium certis verbis, signis, diei certi Sancti, certo numero precum infallibiliter adscribens; non vero peccatum est, effectus solum naturales conjicere, ut ex planetis ad certa vitia proclivitatem; ex certo syderum concursu pluvias; ex apparitione delphinarum tempestatem; ex precibus, & rebus benedictis, auxilium a Dei dispositione, ac misericordia, per intercessionem certi Sancti, uti in Feito S. Joannis Baptistæ morbi caduci sanationem, equorum circa ejus Ecclesiam ductorum conservationem, morsus canis rapidi, intercessione S. Huberti, interveniente cujusdam tactu, rabiei dilationem, vel a certis cibis, vel speculis inspiciendis, &c. abstinendo, sanationem; quia prædicta partim naturalem, partim a Deo, effectum habere possunt, Ecclesia approbante. Nec peccant, sortes adhibentes pro divisione hæreditatis, nec pro determinando eo, qui ex pluribus reis morte damnatis mortem subire debeat; nec destruentes maleficium, comburendo ligaturas, & alia media adhibendo, ut medicinas, orationes, vel exorcismos ab Ecclesia approbato; ponendo signa, quibus positis maleficium exspirat, ut repercutiendo sagam, ei dando salem, & panem, modo per se non sint mala, vel maleficia contraria, *P. Gerv.*; nec peccant utentes notitia, superstitione acquisita, ut fodientes thesaurum a dæmone revelatum, quamvis talem notitiam inquirentes graviter peccaverint; nec saltem graviter peccant, consulentes ægyptios de fortuna, nullam fidem adhibentes, sola curiositate, sed tantum venialiter, secluso scandalo, præbendo occasionem divinationis, quod raro deest. 5. Graviter peccant virga bifurcata; seu divinatoria cum circumstantiis superstitionis, utentes, quæ etiam raro desunt, vel sæcularis munus Diaconi, &c. exercens, Miracula falsa, revelationes, vel historias falsas, ut sacras proferentes; reliquias falsas, cultui exponentes, in die Paschæ, vel Nativitatis Domini jejunantes pro fine, ad quem non magis, quam alia die jejunium contribuere

potest; nisi speciali devotione; vel mortificatione fiat. 6. Venialiter peccant plures cruces; vel orationes quam præscriptæ sunt, dicentes, nisi animo novum ritum introducendi, vel cum notabili deformitate fiat; tunc enim grave esset peccatum.

*Quar. 3. Quid sit Irreligiositas, & quanam sint ejus species?*

*Resp.* Irreligiositas, est peccatum, quo Deus in se, vel in rebus, aut personis sacris inhonoratur. Quinque sunt ejus species, 1. Tentatio Dei. 2. Sacrilegium. 3. Blasphemia. 4. Perjurium. 5. Simonia.

*Quar. 4. Quid sit Tentatio?*

Tentatio est dictum, vel factum ad capiendum a Deo experimentum per extraordinarium effectum ab eo, temere expectatum, explicate per miraculum, vel implicite, spretis mediis ordinariis a Deo solo eum expectando; nisi quis habeat donum miraculorum, vel justam causam, uti est ordinatio divina, urgens necessitas, deficiente omni alio remedio.

*Quar. 5. Quale Tentatio sit peccatum?*

*Dico.* Tentatio Dei siye expresse, siye implicite fiat, grave est ex genere suo peccatum; quia gravem erga Deum irreverentiam, & audaciam importat; a mortali tamen excusant inadvertentia, vel parvitas periculi, cui se exponit, vel rei parum extraordinariæ levitas.

*Hinc:* grave peccatum est, 1. probatio virginitatis ferro candente, vel aqua ferventi. 2. Purificatio a crimine per duellum. 3. Concionari sine ullo studio, expectando magna cum temeritate, speciale a Deo auxilium. 4. Sanitatem expectare a sclo Deo, spretis omnibus aliis remediis, cum vitæ suæ periculo.

*Quar. 6. Quid, & quotuplex sit Sacrilegium?*

*Resp.* Sacrilegium est violatio rei sacræ, & est triplex, personale, locale, & reale. Personale est, quo persona sacra Clerici, vel Monachi violatur. Locale, quo locus facit, ut Ecclesia, vel Cœmeterium violatur: non vero campanile, Monasteria, dormitoria, &c. Reale, quo alia res sacra a persona, & loco distincta violatur, positive, eam indigne tractando, vel negative, ejus puritatem negligendo. Addunt aliqui temporale, quo tempus sacrum violatur.

*Quar. 7. Quale peccatum sit Sacrilegium?*

*Dico.*

*Dico*. Sacrilegium grave est ex genere suo peccatum, & si fit cum intentione formali inhonorandi res sacras, semper mortale; quia contemptus formalis rei sacræ, cadit in ipsum Deum; si vero fiat alio fine, potest esse veniale ob levitatem materiæ, ut furtum rei levis; debetque in Confessione exprimi, in qua specie Sacrilegium sit commissum.

*Hinc*: graviter peccat; 1. *Sacrilegio personali* percussus personam sacram, vel eam subjiciens injuste foro sæculari, vel irrationabiliter gravans oneribus, ut tributis sine Ecclesiæ Romanæ indulto, &c. vel persona sacra committens peccatum luxuriæ, vel non sacra cum persona sacra.

*Hinc* 2. Graviter peccat *Sacrilegio locali*, 1. violans locum sacrum actibus, quibus polluitur, ut occisione peccaminosa, & notoria notorietate juris, vel facti, ita, ut reconciliari debeat, *Billuart*; etiam maleficientis; non vero joco, casu, vel pro justa defensione facta; item effusione sanguinis notabilis illicita, & eodem modo notoria, aut seminis humani, etiam conjugum; nisi forte longa cohabitatio tempore belli eos excuset; item sepultura excommunicati vitandi, vel non baptizati, excepto catechumeno, *Billuart*; & infante in utero matris; quia est pars matris, nisi extractus ex utero matris, reponeretur; quia tunc non amplius esset pars matris, *Sylvius*; polluta autem Ecclesia, polluitur Cœmeterium, sed non vicissim. 2. Actibus sanctitati, ac reverentiæ loci specialiter adversantibus, ut gravi percussione, occisione, & effusione sanguinis, vel seminis occulta, tactibus, aspectibus, verbis impudicis, & comœdiis lascivis; furto non solum rei sacræ, vel profanæ Ecclesiæ custodiæ traditæ, sed etiam cujusque alterius rei notabilis; item profanatione per mercatum profanum, nundinasve, vel per erectionem in stabulum, per judicium, specialiter criminale, estque invalidum. *Greg. X. in Conc. Lugd.*; per sacrificium idolorum, per confabulationes, & convivia sine necessitate, *Tourn.*; confabulationes tamen communiter non excedunt veniale; nisi fieret gravi cum excessu, ac notabili officii divini perturbatione, aut scandalo, *Bill.*; nec committitur sacrilegium, per omne peccatum externum, vel internum in Ecclesia commissum, *S. Thom.*, & communior recentiorum; quia non omne peccatum in sacro, est viola-

tio rei sacræ, in quo est sacra, sicut non omne peccatum personæ sacræ, est sacrilegium, sed solum illud, quod contrarium est ei, ad quod sacrata est. 3. Committitur sacrilegium; actibus, quibus Ecclesiæ vis infertur, ut infractione, incendia, eversione altaris.

*Hinc* 3. Graviter peccat *Sacrilegio reali*, res sacras violans, vel positive, ut Sacramenta indigne administrans, vel suscipiens, vestes sacerdotales, Oleum S. Sacrum Crisma, &c. ad usus profanos, aut ad ludicrum adhibens, ut Balthasar ex sacris vasis bibens, Sacram Scripturam ad facetias, amatoria, hæreses stabiliendas applicans; imagines, cruces, ac alia sacra ornamenta prophanans; jura bonorum temporalium Ecclesiæ graviter defraudans; pia legata suppressens: vel negative, ut munditiam vestimentorum, ac vasorum sacrorum notabiliter negligens, sacras species corruptioni, vel gravi irreverentiæ negligenti custodia exponens.

De Blasphemia agitur in *Traſſatu de Charitate*. De Perjurio in *Traſſatu de Religione*. De Simonia in *Traſſatu de variorum statuum Obligationibus*.







# TRACTATUS VI.

## DE VIRTUTIBUS CARDINALIBUS, PRUDENTIA, FORTITUDINE, TEMPERANTIA, ET JUSTITIA.

*Dividitur hic Tractatus in 7. Quaestiones; 1. de Prudentia, Fortitudine, & Temperantia, 2. de Justitia, 3. de Dominio, 4. de Contractibus in communi, 5. de Contractibus in particulari, 6. de Injustitia, & Restitutione in communi, 7. de Restitutione in particulari.*

### Q U Æ S T I O I.

#### DE PRUDENTIA, FORTITUDINE, ET TEMPERANTIA.

*Quæritur. 1. Quid, & quotuplex sit Prudentia, & quam ad Prudentiam referantur?*

*Resp. 1.* **P**rudencia est rerum appetendarum, & fugiendarum scientia, s. *Aug.* qua dignoscitur in quolibet negotio, quid agendum, vel fugiendum sit, & est duplex, personalis, quæ solum bonum operantis attendit; & gubernatrix, quæ attendit bonum communis, vel perfectæ, & dicitur politica; vel imperfectæ, & dicitur œconomia, qua Pater, vel Superior suam familiam regit.

O 3

2. Ad

2. Ad Prudentiam referuntur, 1. Memoria præteritorum. 2. Intelligentia præsentium. 3. Providentia futurorum. 4. Solertia in inveniendis mediis convenientibus. 5. Docilitas in suscipiendis consiliis. 6. Ratio unum ex alio inferendi. 7. Circumspectio circumstantiarum. 8. Cautio evitandi impedimenta, fini proposito, adversantia. 9. Diligentia in executione.

*Quar. 2. Quodnam sit Prudentia objectum, & quinam actus?*

*Resp. 1.* Objectum materiale Prudentiæ, sunt actiones humanæ particulares, & formale est conformitas actionum humanarum cum veritate hic & nunc practica; quia elicitive, prout elicit actus practicos, pertinet ad intellectum, cujus objectum formale est veritas; & directive ad voluntatem, quatenus eam dirigit in honestatem.

2. Actus, seu officia Prudentiæ sunt 1. bene consultare de honestate agendorum. 2. Recte judicare de mediis, loco & tempore. 3. Efficaciter imperare executionem.

*Quar. 3. Quodnam sit vitium Prudentia oppositum?*

*Resp.* Vitium prudentiæ oppositum, est imprudentia, ad quam spectant per defectum. 1. Præcipitatio in aggressionem operis. 2. Inconsideratio mediorum. 3. Inconstantia bene inceptorum. 4. Negligentia executionis. Per excessum 1. Prudentia carnis ex instinctu naturæ corruptæ. 2. Astutia, alios decipiendo, vel verbis, & dicitur dolus, vel factis, & vocatur fraus. 3. Inordinata sollicitudo temporalium, & futurorum.

*Quar. 4. An Prudentia sit necessaria?*

*Dico.* Prudentia ita est necessaria, ut sine illa nulla vera sit virtus; quia cæteræ virtutes, nisi ea, quæ appetunt, prudenter agant, virtutes esse nequaquam possunt, *S. Greg. lib. mor. c. 25.*

*Quar. 5. Quid sit Fortitudo, & quamam sint ejus species?*

*Resp. 1.* Fortitudo, est Virtus Cardinalis, versans circa passiones, appetitus irascibilis, superandas, vel tolerandas, firmans voluntatem ad pericula mortis, tempore, & loco debito aggredienda, & ad labores perferendos pro consecutione boni necessarios.

2. Species Fortitudinis sunt 1. Magnanimitas, quæ magna, & ardua fortiter aggreditur. 2. Magnificentia, quæ magna, & ardua efficit, nullis parcens sumptibus necessariis. 3. Patientia, quæ firmat animum in tolerantia afflictio-

**fiCTIONUM.** 4. Perseverantia, quæ corroborat animum, ut, non obstantibus quibuscunque malis, in opere bene incepto, usque ad finem persistat. 5. Mansuetudo, quæ iram moderatur. 6. Clementia, quæ vindictam coercet, & mediocritatem in puniendo, & præmiando præscribit. 7. Humilitas, quæ spem, & audaciam ita moderatur, ut non nimis de se præsumat, nec animum dejiciat, & sibi ipsi vilescit. 8. Obedientia, quæ debitam erga Superiores servat subjectionem.

*Quær. 6. Quodnam sit Fortitudinis objectum?*

*Resp.* Objectum materiale Fortitudinis, sunt pericula, & labores; formale vero honestas, in eorum tolerantia, sine nimio timore, vel audacia.

*Quær. 7. Quanam sint vitia Fortitudini opposita?*

*Resp.* Vitium Fortitudini oppositum per excessum, est temeritas, qua quis se periculis contra rectæ rationis dictamen committit; & per defectum, ignavia, qua quis ab iis deterretur periculis, quibus sese pro tempore, & loco exponere potest, & debet; ad hæc referuntur 1. præsumptio, quæ est nimia propriarum virium æstimatio. 2. Ambitio, quæ est inordinatus honoris appetitus. 3. Vana gloria, quæ est inordinatus famæ, laudis, ac gloriæ appetitus. 4. Pusillanimitas, quæ est nimia animi dejectio. 5. Profusio, quæ est excessiva divitiarum erogatio. 6. Parvificentia, quæ non sufficienter pro operis dignitate impendit. 7. Insensibilitas, quæ quis nec suis, nec alienis malis ob animi stuporem movetur. 8. Impatentia, qua quis plus justo de malis dolet. 9. Inconstantia, qua quis sine justa causa a bono proposito desistit. 10. Pertinacia, quæ dat inordinatam animo firmitatem, & plus quam oportet.

*Quær. 8. Quid sit Temperantia, & quanam ejus species?*

*Resp.* 1. Temperantia est Virtus Cardinalis, circa passionem, appetitus concupiscibilis, moderandas, versans, & juxta rectæ rationis dictamen moderans affectum, usumque voluptatum, præcipue gustus, & tactus.

2. Species ejus sunt præcipue quatuor, nempe 1. abstinentia, quæ moderatur affectum, usumque cibi. 2. Sobrietas, quæ moderatur affectum, usumque potus inebriantis. 3. Castitas, quæ moderatur, & cohibet appetitum, & usum venereum. 4. Pudicitia, quæ cohibet, & moderatur oscula, tactus, amplexus, eorumque delectatio.

tionem; his additur studiositas, quæ curiositatem sciendi indecentia, & pigritiam repellit. Modestia, quæ actuum exteriorum, sensuum, totiusque corporis rectam compositionem præscribit. Eutropelia, quæ in recreationibus modum servat honestum. Paupertas, quæ usum omnium temporalium moderatur.

*Quar. 9. Quodnam sit Temperantia objectum, & quæ vitia opposita?*

*Resp. 1.* Objectum materiale Temperantiæ, sunt delectationes omnes corporeæ, præsertim gustus, & tactus: Formale vero est earum moderatio, & in fines legitimos, ordinatio.

2. Vitia Temperantiæ opposita, sunt præcipue duo, nempe, 1. insensibilitas, qua quis omnes corporis delectationes, etiam necessarias refugit; est ordinarie veniale; mortale vero si ea. evitaret, ad quas sub gravi peccato obligatur, ut ad debitum conjugale. 2. Intemperantia, quæ quis voluptates gustus, & venercorum immoderate appetit, rationisque, ac legis æternæ regulam, in earum usu, excedit; est ex genere suo mortale.

*Quar. 10. An ornatus mulierum sit licitus?*

*Dico.* Ornatus mulierum honestus per se, est licitus 1. pro decore status sui. 2. Ut virum nanciscantur. 3. Ut propriis viris placeant; est autem veniale, si sit supra suam conditionem; & mortale, 1. ratione finis pravi, si fiat ad luxuriam excitandam, 2. Ratione scandali, præbendo aliis causam ruinæ spiritualis. *Vide de scand. & de volunt.* 3. Ratione causæ suapte natura delectationem venercam excitantis, ut nimia nuditas. 4. Ratione injuriæ propriæ familiæ ob excessivas impensas factæ, vel alienæ, propterea non solvendo debita, vel restitutionem omittendo.

*Hinc:* graviter peccant mulieres; 1. se vane ornantes cum intentione, vel prævisione aliquem inde ad libidinem fore commovendum. 2. Pectora, vel scapulas inhoneste denudantes. 3. Familiam excessivo corporis ornatu, ad gravem penuriam, reducentes. 4. Utentes fucis propter lasciviam, vel in Dei contemptum, ejus opus adulterando; est veniale, si fiat ex vanitate, vel fingendo pulchritudinem, & nullum, si fiat ex justa causa, turpitudinem solum occultandi ex ægritudine proveniente. 5. Utentes capillis alienis in finem luxuriæ, peccant tamen

tantum venialiter, si fingant esse proprios, sine alia prava circumstantia, vel sine; & nullatenus, si simpliciter ad ornatum moderatum, ut lana, lino, pellibus animalium, illis utantur, *Sylvius*; calathis mulieribus (gallice *Paniers*;) non ita quidem inventis, fortiter quoque a Confessariis resistendum, ut totaliter tollantur, vel saltem ad limites adeo angustos revocentur, ut nihil inde pudori timendum. *Tourn.* & de eorum usu sicut de fucis judicandum. 5. Utentes larvis, delectationis veneræ causa in se, vel in aliis excitandæ; venialiter vero peccant, si sint indifferentes, sine honesta causa utentes. 6. Vestimentis alieni sexus ex fine libidinis, utentes, vel illis libidini, vel gravi scandalo occasionem præbentes; si ex levitate fiat, est veniale, & nullum, si fiat ex necessitate, vel iusta causa. 7. Graviter peccant fucos, & larvas vendentes iis, quos ad graviter peccandum usuros sciunt, & venialiter, vendentes probabiliter, nonnisi ad finem venialiter malum usuris, *ibid.* nullatenus vero peccant, vendentes, usuris, ad tegendam turpitudinem, ut placeant viris suis, eosque ab adulterio retrahant, *Sylv. & S. Thom.* apud *Tourn.*

*Quer. 11. An choreæ sint licitæ?*

*Dico.* Choreæ per se impuræ ob gestus obscænos, &c. sunt mortales; de se vero indifferentes, etiam inter personas diversi sexus, sunt licitæ, 1. si saltans non sit Religiosus, vel Clericus. 2. Si fiant tempore lætitiæ, ut nuptiarum &c. 3. In loco non sacro, nec tempore officiorum sacrorum. 4. Nec in die Festo, ubi viget prohibitio civilis, vel Ecclesiastica. 5. Secluso periculo delectationis veneræ, & secluso animo, gestuque libidinoso. Vix tamen unquam a Confessariis permitti possunt; quia vix unquam habent conditiones requisitas, *Tourn. Pont.*

*Hinc;* graviter peccant 1. Religiosi, & Clerici cum gravi dedecore sui status saltantes, ut in loco publico, &c. non vero si fiat inter se, honestæ recreationis causa. 2. Saltantes tempore Sacro, & divinorum Officiorum, cum notabili eorum irreverentia, & despectu, vel contra gravem prohibitionem. 3. Choreas ducentes gestibus, tactibus &c. inhonestis, & lascivis, & harum spectatores eodem modo peccant. 4. Funambulores, mortis periculo, se exponentes.

*Quer. 12. An spectaculis interesse liceat?*

*Dico.*

*Dico.* Spectacula; si sint rerum turpium, & ad peccatum provocantium, studiosa eorum inspectio peccatum est, & quandoque in eis tanta potest libido adhiberi, ut sit mortale: alia vero de rebus utilibus, & ad vitam necessariis, ut venationes &c. animum distrahunt; unde quamvis possit sine peccato eis intendi, christiano tamen poenitenti, sunt vitanda, ita *S. Thom.* iisque vix christianus interesse potest absque peccato gravi, vel levi prout majus, vel minus, inde periculum, sibi imminere advertit, *Tourn.*

*Hinc:* graviter peccant, Comœdias obscœnas, vel ad passiones graviter malas provocare, vel eas fovere solitas, exhibentes, vel iis assistentes; histriones sustentantes, iis laborantes proxime ad Theatrum spectantia, & talibus Comœdiis publice notis, Communio Paschalis publice petita, est neganda, nisi veræ conversionis signa exhibeant, se confessos, suamque artem, ac modum turpia exhibendi deseruisse, testentur; & pro Viatico videtur idem servandum, ac pro Communione Paschali; & in articulo mortis artem suam ac modum, turpia exhibendi, pro tempore futuro abdicare nolentibus, Sacramenta, ac sepultura christiana est neganda, *Pontas*; quia censentur excommunicati, ac peccatores publici: in Gallia tamen pro negatione sepulturæ christianæ, accedere debet sententia Judicis, *Pont. V. Commun. cas. 26.*; non vero sunt prohibita Comœdiæ, quæ fiunt de rebus honestis, de correctione morum pro exercitio studioforum, vel in aulis Principum, vel ad decorem civitatis, populi recreationem, publicamque lætitiâ, dummodo omnia obscœna removeantur.

## Q U Æ S T I O II.

### D E J U S T I T I A.

*Quaritur. Quid, & quoniam sit Justitia?*

*Resp.* **J**ustitia prout hic sumitur, est constans, & perpetua voluntas, jus suum, cuique tribuendi æqualitatem. Alia est legalis, seu generalis, & est virtus,

tus, firmans voluntatem privati. adtribuendum Reipublicæ debitum, ratione dominii alti, quod habet in personas privatas, & earum bona; hæc dicitur imperans, quatenus residet in Principe, & Magistratu, & dirigit actus subditorum ad bonum commune, & exequens, quatenus residet in subditis exequentibus, quæ ad bonum commune pertinent. Alia est particularis, quæ ordinatur ad personam singularem, v. g. civis ad civem, & dividitur in commutativam, quæ est virtus moralis, inclinans privatum, ad reddendum alteri privato, debitum rigorosum, secundum proportionem arithmeticam, quæ est æqualitas rei ad rem, v. g. pretii cum merce, solutionis cum debito; & distributivam, quæ est virtus moralis, inclinans eum, qui communitati præest, ad distribuenda officia, & bona communitatis, secundum proportionem geometricam, id est juxta cujusque merita, si sit remunerativa, vel ad irrogandas pœnas juxta modum culpæ, si sit vindicativa, unde improprie in vindicativam dividitur, quæ est virtus, quæ intendit æqualitatem pœnæ cum delicto.

*Quar. 2. Quanam sit Justitia stricte dicta, & cujuslibet objectum?*

*Dico.* Sola justitia commutativa, est Justitia stricte dicta; quia sola est adæquate, & sufficienter ad alterum, cui reddit, quod stricte jure ei est debitum: non vero Justitia distributiva, & legalis, quæ reperiuntur inter Rempublicam, & civem, quatenus estejus pars: hinc ex solius justitiæ commutativæ violatione oritur obligatio restitutionis, non vero ex distributivæ, vel legalis, nisi commutativæ socientur. Objectum materiale Justitiæ commutativæ, est res, vel actio prout stricte debita, & ad æqualitatem secundum proportionem arithmeticam reddenda. Objectum Justitiæ distributivæ materiale, sunt officia, munera, & onera communicatis distribuenda; & formale prout sunt distribuenda, secundum proportionem geometricam, Vindicativæ vero objectum materiale, sunt pœnæ & formale, æqualitas cum delicto; quia a qualibet primario, & sub his rationibus considerantur.

*Hinc:* contra justitiam distributivam, commutativæ simul sociatam, peccant cum onere restitutionis 1. Magistratus ex odio, vel amicitia consanguineorum, aut ex negligentia, aliquos contra Regis mandatum plus, quam alios  
jura

juxta proportionem geometricam annuis tributis, alifve impositionibus onerantes, vel donum gratuitum secundum dignitatem distribuendum, vel Eleemosynas legatas pauperibus, certi loci, vel ligna communia ex statuto, vel consuetudine secundum quantitatem tributorum, quæ quilibet Regi solvit, dividenda, non secundum eandem proportionem, vel non iisdem distribuentes; quia quilibet habet jus strictum ad suam partem, supposito mandato, statuto, vel consuetudine; vel non punientes eos, qui civium vitæ, & bonis insidiantur, ut sua retinere, vel recuperare non valeant; quia ex officio, & stipendio ea impedire tenentur, vel ad officia non saltem dignos eligentes, ad damna inde secuta, tenentur Reipublicæ, vel iis, quæ ob eorum imperitiam damnum passi sunt; quia, stricto jure bonum commune promovere, & damna subditorum impedire, tenentur. 2. Intimato concursu pro beneficiis, dignum digniori præferentes quia ob pactum implicitum, dignior, jus ad illud acquirit. 3. Tributa, Vectigalia, vel gabellas. &c. defraudantes, clam carnes, merces, &c. introducentes, & tenentur ad restitutionem, *Sylvester, Cajet. Less. Cabass. & alii communiter apud Bill.* quia peccant non solum contra Justitiam legalem, sed etiam contra commutativam, cum sint jure stricto Principi, vel communitati debita, tanquam stipendia functionis regis, & rectæ administrationis subsidia. Vide quæ dicta sunt de Tributis, in *Tract. de Leg.* 4. Civis privatus non impediens incendium sylvæ communitalis, vel ne alii ligna in ea cædant, peccat contra Justitiam legalem; non tamen tenetur ad restitutionem; quia non stricto jure ad id tenetur.

*Quar. 3. Inter quos non possit dari Justitia perfecta commutativa?*

*Dico.* Nulla datur Justitia perfecta commutativa, nec distributiva, nec vindicativa, Dei erga creaturas; quia nulli creaturæ potest obligari; nec creaturæ erga Deum, nisi secundum quid; quia non potest reddere Deo ad æqualitatem, & non aliis titulis debitum; nec inter patrem, & filium; dominum, & mancipium; virum, & uxorem, qua tales; quia inter eos non reperitur perfecta æqualitas, & altereitas; filius enim est pars patris, mancipium instrumentum, & possessio domini, vir, & uxor sunt duo in carne una; potest autem inter illos dari, ut sunt personæ privatz, & quoad bona sibi propria,

*Quar.*



*Quar. 4. Quid, & quotuplex sit Jus, & quot sint species Juris?*

*Resp. 1.* Jus prout hic sumitur, est legitima potestas ad rem aliquam, vel functionem, vel quasi functionem, cujus violatio, injuriam parit; vel clarius, est legitima potestas ad aliquid, vel faciendum, vel prohibendum, vel obtinendum, vel retinendum, vel eo utendum, vel de eo disponendum, cujus violatio injuriam constituit; & dividitur in Jus in re, quod quis habet in re jam sua, & obtenta, & in Jus ad rem, quod quis habet, ut res fiat sua.

2. Sex sunt species Juris, nimirum usus, usufructus, servitus, habitatio, superficies, dominium.

1. Usus, alius est Juris, qui est Jus utendi re aliena salva ejus substantia. Alius usus facti, qui est actualis usus rei alienæ, ad nutum concedentis, revocabilis; hinc nec Jus strictum, nec dominium importat, & in rebus etiam unico actu consumptibilibus potest separari a dominio; quia potest concedi actualis usus rei, etiam consumptibilis, sine dominio, ut cibi in convivio.

2. Usufructus, est Jus utendi, & fruendi rebus alienis, salva earum substantia.

3. Servitus, active est Jus, quod quis habet in re aliena; ut sibi serviat, id est ut in ea aliquid fiat, vel non fiat in suum commodum; passive vero est subiectio rei alienæ, ut aliquid in ea fiat, vel non fiat in commodum alterius, salva ejus substantia. Alia est personalis, quæ res personæ, vel personæ rei obligatur. Alia est realis, per quam res rei servit; hæc dividitur in urbanam, quæ prædio urbano; id est ædificio habitandi causa ædificato, vel horto ei annexo debetur, v. g. ut fenestra in muro non aperiatur, vel murus non altius attollatur &c. & rusticam, quæ prædio rustico (ut est ager, vinea, pratum, pecorum habitaculum a domo separatum) debetur, ut via, actus, aquæductus, &c. in iis fiat. Aliæ sunt servitutes innominatæ, ut Jus aquam hauriendi, pecora adpascendi, pascendi &c. 4. Habitatio est Jus habitandi in alienis ædibus, salva earum substantia, possunt etiam aliis locari.

5. Superficies est Jus, quo quis alieni fundi superficiem possidet, & ea eo ædificare potest; superficiarius habet dominium utile, & dominus fundi proprietatem.

6. Do-

6. Dominium est principalior Juris species de quo infra.

*Quar. 5. Quomodo acquiratur Jus in re, & Jus ad rem?*

*Dico.* Ut quis habeat Jus in re, requiritur, 1. rei existentia. 2. Titulus, ut emptio, donatio, aliusve contractus. 3. Rei traditio; ad Jus vero ad rem sufficit titulus. Jus in re tribuit actionem realem in ipsam rem, ita, ut possit repeti, ad quemcunque transferit; Jus ad rem vero, tribuit tantum actionem personalem in ipsam personam, quæ obligata est ad rem, quam debet, ut ex emptione, traditione non secuta, vel alteri facta, vel ex alio contractu.

*Hinc:* equus actu possessus, & furto ablati, potest repeti, ubicunque inveniatur; quia possidens habet Jus in re, non vero emptus sine traditione, & postea alteri traditus, sed emptor solum potest venditorem in judicio insequi, ut facta cum secundo emptore conventionione eum restituat, vel pro injuria satisfaciatur.

*Quar. 6. Ad quid teneatur Usuarium, & Usufructuarius, & quomodo Usufructus acquiratur, & amittatur?*

*Dico.* Usuarium tenetur, 1. rem integram servare. 2. Non uti re concessa, nisi ad suum usum quotidianum pro se, & sua familia. 3. Prohibetur concedere usum, vel partem alteri, vel fructus ejus donare, vendere, &c. secus tenetur ad damna. Usufructuarius vero tenetur, 1. rem integram servare, & ad modicas ejus reparationes, & de damno sua culpa proprietario illato. 2. Non vendere, locare, donare, &c. Ususfructum alteri sine consensu proprietarii, bene autem omnes fructus, & jus utendi, servato sibi usufructu. 3. Solvere onera rei fructiferae, ut tributa, &c. Usufructus acquiritur. 1. Legis dispositione; talem habet Pater in peculio Filii adventitio. 2. Privatorum voluntate, ut testamento, contractu, &c. & amittitur, 1. morte Fructuarii. 2. Destructione rei. 3. Præscriptione a domino directo. 4. Elapso tempore pro Usufructu fixo. In Gallia etiam morte civili, ut damnatione peremptorie ad mortem, vel ad carceres, triremes, vel exilium in perpetuum, vel ultra novem annos, & professione religiosa.

*Hinc* 1. Usuarium equi, sylvæ, agri, domus, &c. non potest percipere pullum ex equo, nec vendere fructus agri sibi non necessarios, nec ligna ex sylva, nec locare do-

domum; & si locata comburatur quacunq; locatarii culpa, tenetur ad damnum.

*Hinc* 2. Usufructuarius potest percipere, vendere, &c. in grege lanam, lac, fœdus, &c. in fundo fœnum, segetes, lapides, &c. arbores cæduas, (*gallice bois taillis*) non vero arbores grandiores, nisi valde vetustæ, vel inutiles essent, nec fructiferas, bene autem earum fructus; idem ædes inhabitare, vel locare, &c. tenetur tamen, si gregis collective sumpti Ususfructum habeat, 1. in locum capitum demortuorum alia ex fœtu, quem percipit, submittere; non vero si singulorum capitum divisim sit Usufructuarius. 2. In locum demortuarum arborum, aut vitum alias plantare in sylva, vel vineis; non vero, si arbores vi tempestatis sint everstæ; nec sunt Fructuarii, sed proprietarii. 3. In ædibus parvas facere reparationes, ne pereat rei substantia, tributa, & alia onera eis annexa solvere.

## Q U Æ S T I O   I I I.

### D E   D O M I N I O.

*Quæritur.* 1. *Quid, & quotuplex sit Dominium, Titulus, & Possessio?*

*Resp.* 1. **D**ominium est duplex, jurisdictionis, quod est legitima potestas gubernandi suos subditos liberos; & Dominium proprietatis, quod est jus disponendi de re tanquam sua, nisi lege, aut pacto prohibeatur, sic debitor pacto, & pupilli, ac minores lege prohibentur alienare bona sua. Dominium proprietatis aliud est plenum, ac perfectum, quod est jus disponendi de re sua, & fructibus ejus tanquam suis. Aliud non plenum, seu imperfectum, quod est jus disponendi, vel de sola re, & vocatur directum, vel de solis rei fructibus, & dicitur utile. Aliud est Dominium altum, quod habet Princeps, vel Respublica in bona privatorum pro bono communi. Aliud humile, quod quilibet habet in rem suam.

2. Titulus est radix, unde jus, vel Dominium oritur, ut emptio, vel alii contractus, & est triplex, 1. verus, qui

qui est a parte rei. 2. Coloratus, qui bona fide creditur verus, licet ob defectum latentem sit invalidus. 3. Præsumptus, qui ob temporis diuturnitatem a jure præsumitur intervenisse.

3. Possessio alia est facti, quæ est apprehensio rei corporis, animi, & juris adminiculo, 1. dicitur corporis, id est per pedes, vel manus, & hæc dicitur apprehensio vera; vel oculis, scriptura, aut instrumento, accipiendo claves &c. & hæc dicitur ficta. 2. Dicitur animi, & juris, id est animo possidendi, vel retinendi, jure non prohibente. Possessio alia est juris, quæ est jus insistendi rei tanquam suæ non prohibetæ possideri, & hæc est triplex, nimirum, 1. civilis, qua res corpore, & animo apprehensa solo animo retinetur, ut ab absente a re sua. 2. Naturalis, qua res corpore, & animo retinetur per se, vel per alium, & hæc firmissima est. 3. Naturalis pure, qua res ab alio civiliter, seu animo possessa, naturaliter, seu corpore occupatur, sic fur occupat rem ab alio animo possessam, & hæc infirmior est civili, & licet injusta sit, sufficit tamen, ne ab alio, & sæpe nec a Domino deturbetur sine auctoritate Judicis. His additur civilissima, quæ sola legis dispositione, etiam ab incio, absque corporis, & animi adminiculo acquiritur, sic hæres parvulus, defuncti hæreditatem possidet.

Quar. 2. Quomodo acquiratur Dominium?

Dico. Rerum, quæ sub nullius actu sunt Dominio, ut feræ, pisces, gemmæ, &c. acquiritur Dominium occupatione, & apprehensione; rerum vero, quæ sub alicujus sunt Dominio, acquiritur, vel volente domino donatione, testamento, venditione, vel alio contractu; & nolente domino tripliciter, videlicet, 1. Jure Gentium, ut res captæ bello justo. 2. Sententia Judicis, ut pro crimine, vel damno ad restitutionem obligantis. 3. Auctoritate legis, ut præscriptione; unde ad rerum transeuntium Dominium de uno ad alterum tria requiruntur, nempe, 1. titulus. 2. Traditio. 3. Possessio, exceptis quibusdam casibus, in quibus traditio non requiritur, nimirum: 1. in rebus donatis, venditis, aut relictis civitatibus, Ecclesiis, & ad alias pias causas. 2. In Beneficiis, pro quibus sufficit collatio, & acceptatio. 3. In hæreditatē, & legato, pro quibus sufficit additio, ea acceptando verbo, vel facto. 4. In donatione sub conditione alimentorum, qua

quæ non servata, Dominium rei donatæ revertitur ad donantem sine traditione.

*Quar. 3. Quomodo acquiratur, & amittatur Possessio, & quinam sint illius effectus?*

*Dico.* Possessio acquiritur apprehensione vera, vel ficta, vel civilissima, & rerum mobilium amittitur tripliciter 1. voluntate possessoris. 2. Amissione rei. 3. Furto, & rapina; rerum vero immobilium per consensum, & negligentiam prioris possessoris alterum non excludentis. Effectus possessionis sunt quatuor. 1. rem possessam præscribere. 2. In pari, conditionem meliorem reddere possidentis, modo sit in bona fide. 3. Causare præsumptionem pro possessore. 4. Ut possit rem suam tueri etiam armis, & ablatam in continenti repetere; salvo tamen moderamine inculpatæ tutelæ.

*Quar. 4. Quinam Dominium habere possint?*

*Dico.* Deus, & omnis creatura intellectualis, etiam parvuli, perpetuo amentes, peccatores, & infideles sunt Domini capaces; quia habent rationem, & voluntatem saltem in actu primo, quæ radix sunt Domini. *Tourn.* & quidem Deus, & Christus, ut Deus habet omnium rerum Dominium perfectissimum, & ut homo rerum spiritualium super omnes homines, & Angelos; temporalium vero habuit in actu primo, & radicaliter, & in actu secundo, in quantum ad finem supernaturalem fuit necessarium. Angeli, & dæmones Dominium habent suarum actionum, non autem proprie rerum corporalium. Homo innocens Dominium habuit 1. omnium creaturarum inferiorum; post lapsum vero, & rerum divisionem solum certarum juxta distributionem. 2. Libertatis. 3. Famæ, quam tamen non potest amittere cum præjudicio tertii, vel scandalo proximi. 4. Vitæ spiritualis; non vero temporalis, & membrorum, saltem perfectum, sed tantum utile, & jus defensivum; indirecte tamen illam potest exponere; ut serviendo pestiferis, vel miles in bello. 5. Alterius hominis, non quidem jure naturæ, sed jure gentium; quia potest ejus servus effici, vel voluntarie seipsum vendendo, vel ex justa necessitate ratione nativitatis ex serva; quia partus sequitur ventrem; vel in pœnam delicti, vel ratione justii belli, vel jure paterno, ob gravem necessitatem vendendo filium; sed non nisi cum pacto retrovenditionis, si ad meliorem statum redeat; ha-

hæc etiam servus moderno tempore jus ad vitam, membra, famam, bona spiritualia, & temporalia a domino suo concessa, ludo, industria, labore non debito, vel pro compensatione injuriæ acquisita, vel ea conditione, ut ipsius, & non domini sint; cætera domino suo acquirit.

*Hinc;* graviter peccant 1. Superior, Pater, Parochus, Religiosus famam suam amittentes, & non reparantes cum præjudicio famæ subditorum, filiorum, communitatis, vel scandalo proximi. 2. Graviter peccat seipsum occidens, vel mutilans, aut membra temerarie exponens; nisi fiat pro bono communi, ut in bello justo, vel ex charitate, ut tempore pestis, pestiferis serviendo, vel Sacramenta administrando, vel membra pro conservatione totius corporis exponendo; non tamen tenetur quis, mutilationem permittere, cum ingentibus doloribus, pro conservatione vitæ, tantorum dolorum, non dignæ. 3. Seipsum castrans ad vincendas carnis tentationes, vel pro servanda castitate; se vel alios castrari faciens pro retinenda vocis suavitate. 4. Dominus mancipium sine iusta causa occidens, mutilans, vel bonis, cujus Dominium habere potest, privans. 5. Mancipium a domino suo fugiens; nisi sit mancipium iniuste factum, vel ad gravia peccata periculose sollicitetur, vel ob malam tractationem, aut si ex defectu ciborum sit in periculo vitæ, vel etiam, si esset mancipium iuste factum in bello, & ejus filii, etiam aliis iam venditi, *Lugo*; non tamen ei licet vi resistere domino eum ob fugam persequenti.

*Quar. 5. Quale Filiusfamilias habeat Dominium?*

*Resp. Prænot.* Bona filiorumfamilias sunt quadruplicis generis, 1. castrensia, quæ quis militia, vel occasione militiæ, etiam a parentibus, acquirit. 2. Quasi castrensia, quæ ex Beneficio, vel assumpto Clericatu acquirit, licet alias essent adventitia, *authent. Presb. Cod. de Episc. & Presb.*; vel quæ ex officio non mechanico, ut Iudicis, Advocati, Professoris Theologiæ, vel Artium liberalium obtinet; dicuntur quasi castrensia; quia eodem privilegio gaudent. 3. Adventitia, quæ filio non a patre, nec intuitu patris adventiunt, sed ex successione materna, amicorum donatione, thesauri inventionem, proprio labore artificiali, vel industria. 4. Profectitia, quæ filius acquirit ex bonis patris, illa administrando, vel iis negotiando,

vel

vel intuitu patris, ut donatione ob amicitiam, & obsequia patris. His notatis.

*Dico.* Filiusfamilias bonorum castrensiū, vel quasi castrensiū, perfectum habet Dominium, & adventitiorum, solum directum, & pater utile, eorumque administrationem; nisi pater usufructui renuntiaverit, vel filio bona fuissent ea conditione concessa, ut ipse, & non pater usufructum habeat, vel si in solo usufructu consisterent; profectitiorum vero bonorum, filiusfamilias nec Dominium directum, nec utile habet, sed solus pater, utrumque habet, *lib. 3. instit. tit. 9.* Nullum vero mater habet in bona adventitia, nec profectitia; quia non gaudet patria potestate.

*Hinc* 1. Filiusfamilias post septennium potest pro nutu bona castrensia, vel quasi castrensia donare, vel alienare, non vero adventitia, & pater illa subtrahens, vel adventitia quoad substantiam alienans, tenetur ad restitutionem. 2. Filiusfamilias graviter peccat succipiens parentibus bona, in notabili quantitate, vel pecunias a parentibus ipsi ad honestos usus, ut libros, theses, vestes, &c. concessas, vel siste in hunc finem obtentas, ludendo; computatione, vel turpius impendens, & tenetur ad restitutionem, si habeat bona castrensia, vel quasi castrensia, & si non habeat, debet habere voluntatem restituendi, & post mortem patris, ea deducere in partitione, cum aliis fratribus, nisi eos tantundem expendisse constet, præcipue, si sit notabilis restitutio facienda; modica enim a parentibus suis infantibus bene affectis, condonari solet. 3. Filiusfamilias in domo patris non ex ejus bonis, sed operibus artificialibus, ut musici, pictoris &c. lucrum reportatum patre invito, consumens, peccat; quia ad bona adventitia spectat, quorum pater usufructum habet; potest tamen post mortem patris illud recuperare, deductis alimentis, ac vestimentis a patre acceptis, quæ non tenetur dare filio habenti bona propria, *Cass. Cont. Tourn.*; ex bonis vero patris laborans, vel ipsius auctoritate negotiando lucrum reportans, nulla tacite, vel expresse petita mercede, nec post ipsius mortem illud recuperare potest; quia titulo pietatis ejusmodi servitia patri exhibuisse præsumitur; facta autem patri declaratione, se nolle gratis sine salario, vel parte lucrisuam operam ei præstare, potest post obitum patris par-

tem saltem suo labori correspondentem, recuperare; quia est adventitia licet altera sit profectitia; ex bonis patris proveniens; vel si ex metu reverentiali id declarare non ausus fuisset, compensatione occulta; uti; quia non est deterioris conditionis extraneo; servatis tamen sequentibus conditionibus, 1. ut deducantur alimenta, ut supra. 2. Ut usufructus remaneat apud patrem usque post emancipationem filii, vel mortem patris. 3. Ut pater per se, vel alium non minori pretio idem fuisset facturus. 4. Ut filius non debeat operam suam patri, vel matri egenti pietatis titulo. 5. Ut non obstant leges municipales. 6. Pro compensatione occulta, ut aliæ serventur justæ compensationis condiciones infra tradendæ.

*Quæ. 6. Quale uxor habeat Dominium?*

*Resp.* Prænot. Bona uxoris sunt triplicis generis, 1. dotalia, quæ uxor tradidit marito ad sustinenda onera matrimonii; 2. paraphernalia, quæ uxor ultra dotem sibi specialiter reservavit, vel quæ pro securitate dotis, vel matrimonii a sponso accepit; vel contracto matrimonio acquisivit donatione, legato, industria ex officio uxoris non debita. 3. Communia; quæ tempore matrimonii communi labore, & industria sunt acquisita. His notatis.

*Dico.* Uxor directum habet bonorum dotalium Dominium, & maritus utile, eorumque administrationem, nisi sint bona usu consumptibilia, ut pecunia, quorum utrumque directum, & utile Dominium maritus habet, cum obligatione tantundem refundendi uxori, soluto matrimonio: bonorum vero paraphernalium uxor utrumque habet Dominium, nec pertinet eorum administratio ad maritum ipsa nolente, nisi alia sit consuetudo, ut in Gallia consuetudinaria: bonorum communium uxor habet dimidiæ partis proprietatem, & maritus administrationem, ac usumfructum; nisi Leges obstant municipales.

*Hinc* 1. maritus graviter peccat, & tenetur ad restitutionem, dotem uxoris, ac bona eius paraphernalia dilapidans, aut bona communia in notabili quantitate, & ultra medietatem invita uxore, prodige donans, vel male, usu, computatione &c. impendens. 2. Eodem modo cum onere restitutionis peccat uxor aliquid notabile de bonis communibus, marito rationabiliter invito, furripiens, ludendo, &c. male impendens; solet tamen plus indulgeri uxori, quam extraneo, & a furto excusari. 1. Si aliquid acci-

acci-



accipiat ad modicas, & suo statui convenientes Eleemosynas, vel donationes faciendas, nisi vir sufficienter largiatur. 2. Ad evitandum grave familiæ, vel mariti damnum temporale, vel spirituale, pro eius conversione Preces, Missas procurando. 3. Pro necessitatibus suis, ac liberorum, ut si maritus sit prodigus, vel illis subvenire renuat, vel ad subveniendum patri, matri, vel proli ex alio matrimonio, si indigeant, quoad vitam, vel statum, debet tamen ista in partem suam referre faciendo partitionem cum viri hæredibus. 4. Si pro honesta recreatione, ornatu, ac statu aliquid impendat, non tamen Confessarius de facili, habenas iis, ad excessum de se in similibus propensis, relaxare debet; & facta separatione bonorum administrationem suæ partis habet uxor, non vero alienationem invito marito, *Lege 26. Cod. de Jur. dot.*

*Quæ. 7. Quale Dominium habeant Clerici?*

*Resp. Prænot.* Bona Ecclesiasticorum sunt triplicia, patrimonialia, quasi patrimonialia, & mere Ecclesiastica, ut dictum est *Tract. III. de var. stat. obligat. Vide ibidem.* Hoc notato.

*Dico.* Clerici bonorum patrimonialium, vel quasi patrimonialium plenum, ac perfectum habent Dominium; bonorum vero pure Ecclesiasticorum ligatum, quoad bona superflua, ita, ut de his non licite, ut omnes conveniunt, & secundum multos nec valide disponere valeant, nisi ad pias causas, *Vid. Tract. de var. stat. oblig.* Dominium quoad suppellectilia Ecclesiarum pertinet ad coetum, seu communitatem, vel conventum cujuslibet Ecclesiæ, quæ tamen pro arbitrio extinguui, vel vendi nequeunt; potest ea Papa pro Ecclesiæ utilitate ad alias Dioceses, vel usus applicare, sicut & bona Ecclesiastica Principibus sæcularibus concedere, *Less.*

*Quæ. 8. Quinam animalium, gemmarum, metallorum, &c. acquirant Dominium?*

*Resp. Prænot.* Animalia alia sunt natura fera, & sylvestria, ut cervi, &c. pisces, & aves. Alia mansueta, ut oves, gallinæ, &c. Alia cicurata, seu mansueta, ut cervi domi nutriti, pavones, columbæ, &c. hoc notato.

*Dico.* Facta Jure gentium bonorum divisione, quæcunque sub nullius sunt Dominio, Jure communi sunt primo occupantis, *Lib. 1. ff. de acquir. poss.* talia sunt animalia natura fera, lapilli, gemmæ, & cætera in litore maris

inventa, exceptis in Gallia quibusdam piscibus, & quibusdam aliis rebus, quæ ad Regem pertinent, *Lud. XIV. 1681.*; lapidicinæ vero, fodinæ plumbi, ferri, &c. venæ auri, & argenti jure naturali pertinent ad dominum fundi, quia sunt pars fundi, jure autem gallico venæ auri, & argenti pertinent ad Regem, compensato damno fundi; sylvæ; & pascua, si proprium dominum non habent, pertinent ad Rempubicam.

*Hinc*: graviter peccant, & tenentur ad restitutionem 1. capientes gallinas, oves, &c. quantumvis aberrantes, vel feras in loco circumseptis, pisces in stagno; cervos mansuetafactos remanentes prope domum domini libertate non integra recuperata; columbas in agris occidentes; nisi certo constet esse non habentis jus columbarii, quod omnes habent; nisi lex particularis obstat; eo tamen tempore, quo grave rusticis daninum inferunt, debent domi nutriri, ut putat Tournely; vel aliorum columbas in sua columbaria attrahentes illecebris, non vero si remaneant ob melius pabulum non expresse in hunc finem adhibitum, vel ob columbarium melius collocatum, & si his, terve non redierint ad priorem dominum; sunt occupantis, *Nav. 2.* Examen apum ex alieno alveo evolans; & facili prosecutione comparabile in conspectu proprii domini versans sibi appropriantes, secus si longe evaserit; tunc enim est capientis in proprio, vel alieno fundo. 3. Capientes cuniculos; phasianos, &c.; qui magnis impensis nutriuntur, & non magis a suis dometis discedunt, quam columbæ a columbario 4. Venantes, vel piscantes contra prohibitionem Reipublicæ, vel jus venationis habentis; graveque damnum inferentes magnam piscium copiam veneno, vel arte magica interficientes; vel maximam ferarum multitudinem necantes, graviter peccant; contra obedientiam, & justam Principis Legem; & seipsos, & suam familiam gravibus pœnis exponentes; non tamen tenentur restituere pro valore ferarum, sed pro spe lucri, & recreationis; *Sylv. Pont. & alii*; quia feræ, & pisces quotidie migrantes de uno fundo in aliud, & sub nullius Dominio existentes, sunt etiam invito domino occupantis; possuntque illas euentes retinere: in magno saltu duæ, vel tres feræ non censentur magni momenti, ait *Lessius*. In Gallia linea piscatoria piscari licet in fluviis majoribus, seu navigabilibus, non vero retibus, nisi sint professione piscato-

factores, vel jus piscandi a Rege habeant, qui rerum communium, viarum, littorum maris, ac fluminum dominus est; nec in rivis minoribus, quarum jus piscandi ad particulares pertinet. 5. Peccant domini nimia ferarum multitudinem magnam agris perniciem inferentes, & tenentur ad restitutionem rusticis, quamvis illis permittant feras in agris deprehensas occidere, nisi agros cum hoc onere illis divisissent. 6. Venantes a mense Majo donec peracta sit vindemia, & messis, vel alio anni tempore nemora, vineas, prata, agros notabiliter lædentes pro ratione damni restituere tenentur. 7. Feram in proprio fundo excitatam, multo magis vulneratam potest in alio fundo insequi; donec capta; vel omnino libera sit; *Henric. IV.*; fera autem læsa est vulnerantis, eamque cum probabili spe capiendi insequentis; etiamsi incidat in alterius laqueum; in dubio est possidentis, vel dividenda, quod securius est. Fera capta, vel piscis, est laqueum ponentis, nisi adhuc evadere possit, tunc enim est eximentis. 8. Surripientes quæcunque ligna invito domino ex sylvis Regiis, vel aliorum particularium propriis in quantitate pro furto sufficiente, & tenentur ad restitutionem, nisi contraria vigeat consuetudo dominis scientibus non reclamantibus, vel si essent ita pauperes, ut hyemem sine igne, & cibo calido transigere cogèrentur, si tantum colligant minuta ligna pro proprio foco, vel caduci roboris humi jacentia; ut vepreta &c. quia dominus non potest esse rationabiliter invitatus. 9. In sylvis communibus ob bonum commune prohibitis multas stirpes notabiles cædentes; vel pascentes, ubi multæ sunt juniores arbores; magnum, ac grave damnum Reipublicæ inferentes, & tenentur ad restitutionem pro ratione damni; si vero non ita graviter noceant, vel solum auferant ligna mortua, seu sicca adhuc erecta, vel in terrâ jacentia, peccant venialiter contra obedientiam, non verò graviter, nec tenentur ad restitutionem; quia cum sint bona communia, ad quæ quilibet incola jus suum habet; nulli stricte faciunt injuriam; si relinquant aliis sufficientia pro sua portione cædenda, *Sylvius apud Tourn.* non tamen idem licet extraneis.

*Quar. 9. Quinam Thesauri, ac rerum inventarum acquirant Dominium?*

*Resp.* Prænot. Thesaurus est vetus quædam depositio pecuniæ, seu alterius rei mobilis, ut sunt gemmæ; var-

sa aurea, &c. cujus non extat memoria, ut jam dominum non habeat.

2. Res perdita est res nuper amissa; res vero derelicta, est res a domino abjecta, ita, ut eam in numero suarum rerum esse nolit. Bona vacantia sunt ab intestato decedente sine hærede relicta. His notatis.

*Dico.* 1. *Thesaurus Jure Gentium est inventoris, Jure vero civili, si inveniatur in proprio fundo, est totus inventoris; si arte magica, totus Fisci, non tamen ante sententiam Judicis; quia est pœnalis. Si in fundo alieno casu fortuito inveniatur, media pars est inventoris, altera domini fundi; si sine consensu domini, totus est domini fundi, non tamen ante sententiam Judicis; quia etiam pœnalis est, sed solum dimidia pars. Si inveniatur in platea, foro, via publica fortuito, vel ex industria; standum est consuetudini loci; si in loco sacro fortuito, totus est inventoris, si data opera, dividendus cum Ecclesia, nisi obitent aliæ leges. In Gallia consuetudinaria, si thesaurus inveniatur in via publica, media pars est inventoris, altera Regis, vel viarum curatoribus (gallice *voyers*) Si in loco proprio pars est inventoris, altera Dynastæ (gallice *haut justicier*) vel Regis, si solus sit. Dynasta. Si in alieno fundo, una pars est inventoris, altera domini fundi, tertia Dynastæ. Si inveniatur post emptionem agri a sciente, vel ignorante thesaurus, totus est inventoris Jure communi; gallico vero media pars est Dynastæ: si inveniatur ante emptionem fortuito, dividendus est cum domino, & in Gallia tertia pars est Dynastæ, si data opera, totus est domini fundi Jure communi accedente sententia; ut supra. Si duo sint domini fundi, unus utile, alter directum habens Dominium, pars inter utrumque dividenda est.*

*Hinc:* arcem certæ familiæ nobilis demoliendo inveniens vasa aurea ejusdem familiæ armis insignita, & ab ejus majoribus probabiliter abscondita, ea retinere potest, ut putat Lessius; quia longitudine temporis deserunt esse sub cujusdam Dominio: contrarium sentit Lugo, & hæredibus esse restituenda; quia cum a nullo alio fuerint præscripta, sub eorum manserunt Dominio, nec verus thesaurus est, cujus certus dominus sciri potest, quæ opinio securior est. 2. Crumena pecuniæ in domus angulo inventa, si domus continua successione in eadem familia man-

man-

manferit, hæredibus est restituenda, si varii in ea fuerint locatores, ad pias causas distribuenda; quia cum non videatur antiqua ejus depositio, non thesauri, sed rei inventæ conditionem sequitur.

*Dico.* 2. Res inventa proprio restituenda est domino, & quidem propriis expensis, si sit malæ fidei inventor. Facta autem sufficiente inquisitione non comparent domino, pro Missis, vel pauperibus, vel ad alias pias causas impendi debet; quia hanc esse domini voluntatem, præsumitur, ut sibi, & Reipublicæ utiliori modo impendatur, vel si ipsemet inventor sit pauper, cum consilio Confessarii, vel Parochi retinere eam potest; vel quod securius est, alicui Ecclesiæ tradenda est cum onere restitutionis, si forte dominus compareat, *s. Th.*; bona vacantia ab intestato sine hæredibus a decedente relicta, Fisco Regio a Jure Cæsareo applicantur. Bona extraneorum, qui alibi nati (gallice *Aubains* dicti) Jure albinatus in Gallia Regi adscribuntur; ab hac Lege excipiuntur. 1. Legati Principum. 2. Mercatores extranei, animum ad sua revertendi habentes. 3. Mercatores Nundinas Lugdunenses frequentantes, quoad bona mobilia. 4. Studentes in Universitatibus. 5. Habentes infantes jure indigenæ donatos, vel qui actu sunt regnicolæ, licet alibi sint nati, ut vult *D. Argou*. 6. Vel habentes a Rege privilegium, ut quædam provinciæ vicinæ. Bona peregrinorum, ignoto hærede, ad pias causas ab Episcopo loci sunt eroganda, *Authent. omnes peregr.*; bona derelicta sunt Jure Romano primo occupantis, Gallico vero dynastæ loci.

*Hinc* 1. res inventa mala fide, vel non adhibita sufficienti diligentia pro inquisitione domini consummata, vel ad pias causas data, propriis restitui debet impensis comparenti domino; post sufficientem vero inquisitionem, & bona fide sibi, ut pauperi applicata, si adhuc existat, vel ejus pretium, domino comparenti ipsius expensis reddenda est; si vero sit consummata, vel aliis pauperibus, vel ad pias causas impensa, ad nihil tenetur; quia utiliter, in quantum potuit, ac debuit, rem domini gessit; etiam si adhuc apud pauperem extet; quia in negotiorum gestoris prudenter gesta debet habere rata. 2. Bona naufragantium, vel in mare projecta metu naufragii proprio restituenda sunt domino, deductis tamen expensis pro recuperatione eorum factis, *Authent. Navig. cap. de furt. & si sint*

sint Christianorum, mala fide ea occupantes excommunicationem Bullæ *Cane Demini* incurrunt; ubi viget; post annum vero, & diem a publicatione ad valvas Ecclesiæ de rebus inventis facta; domino non comparente; una pars est Regis, altera magno Admirali, seu Præfecto maris. Si res e fundo maris, vel in summis aquis fluctuantes extrahantur, tertia pars est extrahenti, reliquum proprietario; si non compareat elapso tempore, ut supra inter Regem, & maris Præfectum dividenda: Res hostium; & prædonum merces, vel vetitæ Fisco Regio addictæ sunt. *Constit. an. 1682. lib. 4. tit. 9.*

*Quar. 10. Quid sit Præscriptio; & quam sit legitime Præscriptionis conditiones?*

*Resp. prænot. 1.* Bona fides est iudicium prudens, & fundatum; quò quis prudenter existimat rem, quam possidet; esse suam, etsi forte non sit sua. Mala fides est notitia, vel dubium rei alienæ.

2. Breve tempus in præsentī materia est; quod minus est decennio; longum est decem annorum inter præsentēs, & viginti inter absentes; longissimum est 30. vel 40. annorum; immemorabile; cujus initii non extat memoria; etiam apud senēs. Præsentēs sunt Jure communi; qui in eadem provincia sub eodem regimine vivunt; Jure vero Gallico; qui sub unius Ballivi, aut Senescalli jurisdictione morantur; licet bona sita sint alibi.

3. Res mobiles sunt; quæ possunt loco moveri; ut pecunia, vestes; naves; debita; & actiones ad illa obtinenda; &c. Res immobiles sunt, quæ nequeunt loco moveri; ut ager, domus; &c. ad hæc reducuntur res; incorporales in jure dictæ; ut jura; actiones ad immobilia, beneficicia; census; redditus, jus patronatus, usufructus; fictione Juris Gallici quædam mobilia reputantur immobilia; ut tormenta bellica, seu falconia cujusdam domus campestris; ornamenta sacelli domestici, pisces stagni; columbæ columbariæ; cuniculi in cuniculario. *Livoniere pag. 74.*

4. Restitutio in integrum est prioris juris re integratio; qua tribuitur potestas rem suam sibi vindicandi. Præscriptio dicitur dormire, quando jam inchoata currere desinit ob impedimentum; quò ablato reviviscit; ita ut anni posteriores jungantur prioribus, non numeratis intermediis; dicitur verò interrumpi; quando inchoata ita cessat, ut  
si re-

si reviviscat, anni posteriores cum prioribus non continentur. His notatis.

*Dico.* Præscriptio, seu usucaptio est acquisitio Domini, per possessionem bonæ fidei tempore per legem determinato continuatam; ad quam quinque requiruntur conditiones; nimirum 1. res apta, & possideri non prohibita. 2. Possessio civilis proprio nomine continuata per se, vel per successorem. 3. Bona fides. 4. Titulus coloratus; vel si sit præscriptio temporis longissimi 30. vel 40. annorum, sufficit præsumptus. 5. Tempus a lege definitum; videlicet ad præscribendas res mobiles requiruntur inter præsentem cum titulo 3. anni; etiam Religiosorum, & Ecclesiæ cujuslibet etiam Romanæ; inter absentes quatuor anni. Ad res immobiles privatorum cum titulo inter præsentem 20. anni, saltem ordinariæ; sine titulo inter præsentem, & absentes 30. anni; saltem in Gallia, alibi aliqui inter absentes sine titulo 40. annos requirunt; contra privilegiatos requiruntur quoad bona immobilia non iidem anni, sed contra Ecclesiam Romanam, & Papam 100. anni, contra alias Ecclesias; Monasteria, Hospitália; & ad pias causas relicta 40. anni, *ita in Jure*; nisi obstat alia consuetudo. Præscriptio autem dormit 1. tempore belli, vel pestis, quando ob fugam jus non dicitur. 2. Contra impotentem agere, uti est pupillus durante pupillari ætate; absens ob publica regni negotia, ut legatus, captivus &c. interruptitur; vel naturaliter, ut si possessor a rei possessione etiam vi ejectus; intra annum non potest restitui, *leg. 3. Cod. unde vi*; vel civiliter, per actum juridicum, puta per litis contestationem, si tamen actor rem non prosequitur; non interruptitur; quia censetur suam agnoscere injustitiam.

*Hinc:* defectu rei aptæ non possunt præscribi res, quæ non ingrediuntur commercium privatorum, tales sunt, 1. loca sacra, templa, cœmetria; capella tamen in prædio laico cum illo præscribitur; *Pont.*; etiam res sacræ mobiles præscribuntur. 2. Jus decimarum a laico, nisi quoad quantitatem; & solutionis formam; vel Ecclesiæ unius contra aliam, vel si sint decimæ infeudatæ ante Concilium Lat. II. ann. 1179. & a laicis possessæ. 3. Jus patronatus sine titulo in Ecclesia non fundata a laico cum onere patronatus; cum titulo tamen colorato præscribitur 40. annis, & annexum bono laico tempore ordinario illi

Illius

lius boni. 4. Fines Provinciarum, Episcopatum, Parochiarum, si de ipsis constet, secus præscribuntur. 5. Obedientia Superioribus debita, libertas, res plurium individua, res usibus publicis deputatae, ut fontes, viæ publicæ &c. tributa, functiones publicæ, jus appellationis, &c. 6. Bona non valentium ea in iudicio repetere, ut sunt mente capti, furiosi, filii sub potestate patris, bona uxoris administrationem illorum non habentis, pupilli, minoris, nisi ubi contra minores detur. 30. annorum præscriptio: possunt tamen ibidem restitutionem in integrum obtinere. 7. Res fisci, fundus in dotem datus, res furtivæ, quæ non præscribuntur, nisi triginta annis; & si jura videantur contraria, intelliguntur, non præscribi præscriptione ordinaria, sed longissima; *leg. omnes & leg. si aut in rem. Cod. de præscript. 30. vel 40. ann. Tourn.*; in Gallia tamen res fiscales, & ad Dominium Regium spectantes nec 100. annis præscribuntur, nisi bona (gallice *du droit d'aubaine dicta*) 30. annis possessa antequam Dominio Regio fuerint unita, *ibid.* 8. in Gallia multis in locis non præscribuntur servitutes prædiales sine titulo, licet alibi præscribantur; nec jura publici furni, & molæ, nec solarium vestigal adversus fundi dominum, nisi quoad quotam ejus portionem 30. annis; præscribitur vero census annuus ex certa summa a pluribus annis etiam scienter debitus, & potest solum a quinque annis exigi, nisi antea in iudicio fuerit petitus, *Lud. XII. an. 1512.*; census vero prædialis ad 29. annos prorogatur, & mala fide non præscribitur, *Pont. V. census, & V. præscriptio. cas. 14.*

*Hinc.* 2. Defectu possessionis, 1. Religiosus professus, usufructuarius, commodatarius, conductor, tutor, curator, non sibi, sed aliis præscribunt, quorum nomine possident. 2. Nec depositarius, colonus, creditor pignus habens, fur, &c. quia naturaliter solum possident. 3. Nec re possessa privatus, postea eam iterum iuste possidens, eam præscribit annis prioribus; quia non est possessio continuata.

*Hinc;* Defectu bonæ fidei non præscribit. 1. successor universalis, ut legatarius, & donatarius universalis, aut hæres, si antecessor fuerit possessor malæ fidei; etiam si bona fide successerint, *Tourn. Pont. Laym. Dunod, & alii communiter*; quia *si defunctus inisum iustum non habuit,*  
ha-



hæredi bonorum possessori, licet ignorant, possessio non prædest. §. diutina instit. usucap. leg. 2. tit. 6.; quia possessio defuncti continuatur in hærede cum iisdem qualitatibus bonæ, vel malæ fidei, unaque est possessio, ac una fictio-  
ne juris utriusque persona, etiamsi esset possessio 300. annorum, ait Layman, quia successorem auctoris sui culpa comitatur, leg. 2. Cod. de acquirenda, &c. & mala fides auctoris diffunditur in hæredem hæredis, Lugo; non sufficit tamen sola malæ fidei antecessoris suspicio; quia bona fides præsumitur, Tourn.; præscribit autem successor particularis antecessoris malæ fidei, ut legatarius, donatarius rei particularis, Tourn. Dunod. & alii; quia sua fide nititur, non antecessoris malæ fidei possessionem computando; antecessoris vero bonæ fidei possessionem ad suam computare licet, Pont. & alii; etiam præscribit communitas, licet antecessores fuerint in mala fide, Dunod; quia successores communitatis ignorantes malam fidem antecessorum non repræsentant fictione juris personas antecessorum, ibidem. 2. Non præscribit incipiens rem possidere cum notitia, vel dubio, an sit aliena; quia possessor malæ fidei nullo unquam tempore præscribit, cap. vigil. extravag. præscript. cap. poss. de reg. jur.; non tamen nocet dubium possessioni superveniens facta debita inquisitione nullo errore deprehenso; quia melior est conditio possidentis, nisi habeat præsumptionem juris contra se; tunc non præscribit sine titulo colorato, nisi per tempus immemorabile, Tourn. 3. Nec præscribit possidens rem cum ignorantia vincibili esse alienam, vel etiam invincibili juris; si sit juris clari, leg. 4. ff. de jur. & fact. ign.; præscribit tamen fructus, etiam adhuc exstiteres, triennio, Nav. & alii; præcipue accedente locorum usu; quia circa fructus videtur esse error facti, cum existimet eos percipere ex re sua, Tourn.; non tamen impedit præscriptionem, si sit ignorantia invincibilis facti, vel juris non clari, seu dubii; quia vim veræ legis non habet, quæ debet esse clara, Tourn. & alii; sic invincibiliter ignorans, pupillum non posse rem suam alienare, eam non præscribit, sciens vero legem, & ignorans, esse pupillum, præscribit; leg. 2. ff. pro empt. §. 15.; & sciens rem usurariam non præscribi, ignorans vero invincibiliter ex censu personali ad nutum revocabili accepta esse usuraria, ea præscribit; quia in primò casu est ignorantia juris clari, in  
se-

secundo facti, & in tertio juris non clari, cum ex utraque parte sint graves auctores, & rationes. 4. Nec præscribit, putans, rem sibi non licere possidere, etiamsi erret, *leg. 31. si fur. ff. de usur.* Sciens autem, alterum in suo prædio habere jus servitutis rusticæ, illud præscribit altero eo non utente; quia cum eum non teneatur mone-re ad usum illius, non est in mala fide, *Tourn.*

*Hinc:* 4. Defectu tituli colorati, vel temporis a jure requisiti juris exemptione non præscribit Episcopus decimas, & parochias extra Dioccesim suam sine titulo colo-rato 40. annis; quia habet juris præsumptionem contra se, sed requiritur tempus immemorabile, *Tourn.*

Præscribitur vero 1. Beneficium cum titulo colorato per triennium a pacifico possessore. 2. Actio hypothecaria contra debitorem 40. annis. 3. Actio pro injuria ad pœnam uno anno. 4. Pœna criminum in Gallia in effigie affixa 30. annis, non affixa 20. annis, excepto crimine læsæ Majestatis primæ classis, & duelli. 5. Litis accessiones, ac impendia in quibusdam Parliamentis 20. in aliis annis, *Pont.* 6. Actio Medici, Chirurgi, Pharmacopolæ post an-num a curatione in quibusdam locis, ut Parisiis, vel quo-rundam operariorum, & venditorum, post sex menses; quod tamen solum valet in foro externo, non vero con-scientiæ, sed si constat de debito, debet solvi, quia Ju-ris divini & naturalis, est, & mala fide præscribi nequit, non ita se habet census ex certa summa debitus, de quo supra, quia a Principe constitutus ab eodem ad certum tempus limitari potest. 7. Contra eum, qui mediâ parte præscriptionis est præsens, altera absens debet proportio-nate tempus præscriptionis implere, videlicet medium con-tra presentes, & aliud medium contra absentes requisi-tum: sic contra bona transeuntia a privato ad privilegia-tum, debet tempus ad præscriptionem contra privatos, & privilegiatos proportionari, prout successive ad illos transferunt.

*Quar. 11. Quomodo Præscriptione acquiratur Dominium?*

*Disco.* Præscriptione acquiritur rei Dominium tam in foro interiori conscientiæ, quam in foro exteriori iusti-tiæ, etiamsi postea sciatur fuisse alienam; quia Respu-blica per Dominium altum potest illud pro bono commu-ni, & civium pace transferre in alium, etiam invito Do-mino, *ita communis*; potest tamen eadem res aliquando

ex

ex iusta causa recuperari per restitutionem in integrum a Principe, vel Republica concessam.

*Hinc*: 1. Sciens elapso præscriptionis tempore agrum bona fide possessum fuisse alienum, eum potest retinere, etiam in foro conscientiæ. 2. Completa præscriptione potest rem suam recuperare per restitutionem in integrum minor toto quadriennio, quo factus est major; pia loca per quadriennium a die notitiæ præscriptionis suorum bonorum, etiam si esset 40. annorum. Majores post præscriptionem 10. vel 20. annorum, non vero post præscriptionem 30. vel 40. annorum, probantes omnino sine sua negligentia, aut cum probabili sua ignorantia peractam fuisse; quia Reipublicæ causa ablentes, vel apud hostes captivi fuerunt, & hoc per quadriennium a notitia præscriptionis: in Gallia a Rege solo solet concedi restitutio in integrum, etiam per decennium, *Franciscus I.*

*Quær.* 12. *Quibus alijs adhuc modis Dominium acquiratur?*

*Dico*: Dominium ulterius adhuc acquiritur, 1. per alluvionem. 2. Per specificationem, faciendo ex aliena materia opus, vel speciem. 3. Per accessionem. 4. Per commixtionem, & confusionem. 5. Per ædificationem. 6. Per implantationem. 7. Per alveum. 8. Per insulam.

*Hinc*: 1. Quod per alluvionem vi aquarum insensibiliter uni fundo detrahatur, & alteri adjicitur, est domini fundi; cui sit adjectio; si vero sensibiliter incrementum patens, ac notabile repentine fiat, pertinet ad eum, a cuius fundo detrahatur, *Instit. leg. 2. tit. 1. num. 20.* In Gallia si a nemine repetatur, Regis est. 2. Per specificationem, si ex re, vel materia aliena species artificii, vel opus fiat, & ad priorem statum possit reduci, pertinet ad dominum materiæ; sic poculum ex alieno auro confectum est domini auri, tenetur tamen solvere artificium, nisi artifex mala fide egerit, *Tourn.*; si vero ad priorem statum non possit reduci, spectat ad speciem formantem; sic vestis ex aliena lana est conscientis, tenetur tamen solvere materiam: æquum autem etiam videtur, si pretium materiæ longe superet artificium, domino materiæ, & si artificium longe superet materiam, artifici attribuentum; sic vinum, quod fere sine labore sit ex alienis uvis, domino uvarum, & vas pretiose, elaboratum ex vili materia, artifici est adscribendum, *Tourn.* 3. Per accessionem, quod ornatus causa rei alterius adjicitur, est domino rei; sic

sic pictura in aliena domo, pes additus statuae est domino domus, vel statuae, quia accessorium sequitur principale; nec impensas talis ornamenti solvere tenetur; nisi illud postulaverit, vel suis impensis procurasset; si tamen ornamentum rem pretio longe superet, heret principale, & esset illud ponentis; quia ait lex: *ridiculum est, picturam Appellis in accessionem vilissima tabella cedere*, 4. Per commixtionem, si separari possint, ut duae oves, debent separari; si non possint separari, ut vinum unius cum melle alterius, totum inde resultans pro rata dividi debet, *inst. cit.* 5. Per ædificationem, ædificans in proprio solo, sed ex materia aliena, ædificans cedit solo; tenetur tamen solvere materiam, & si mala fide egerit, etiam lucrum cessans, & alia damna: ædificans in alieno solo propria materia, ædificium pariter cedit solo, sed dominus soli tenetur solvere materiam, & artificium, si ædificans bona fide egerit, si mala fide, nec diruta domo materiam vindicare potest ædificans, *leg. 38. ff. de rei vind.* in Gallia tamen materiae, & impenlarum pretium exigere potest, nisi fraus intercesserit, vel dominus fundi iusta causa vellet solum suum priori statui restitui, *Tourn.* 6. Per implantationem, & sationem, plantans alienam plantam in suo solo, vel suam plantam in alieno solo, si radices egerint, in utroque casu sunt domini soli; si radices non egerint, sunt ejus, cujus antea fuerant eadem ratione frumenta solo cedere intelliguntur, *ita in leg. cit.* alienam tamen plantam in suo fundo transplantans, vel frumenta aliena seminans, tenetur de damno. 7. Per alveum Jure Romano, si fluvius priori alveo derelicto, alium quærat, vetus alveus cedit vicinis prædiis prope ripam: in Gallia vero, ubi majora flumina Regis sunt, alveus relictus Regis est; si autem fluvius non est navigabilis, prædiis vicinis cedit, *Decl. Reg. 1683.* 8. Per insulam, si in mari sit nata, sit occupantis Jure Romano, & nostro; si in flumine navigabili, pertinet ad Regem, in minoribus rivis, ad eos, quorum rivi sunt.

## Q U Æ S T I O IV.

## DE CONTRACTIBUS IN COMMUNI.

*Quæritur. 1. Quid, & quotuplex sit Contractus?*

*Resp. 1.* Contractus est pactum ultro citroque obligans, vel alterutro tantum, obligationem pariens. Dicitur perfectus, vel onerosus, si ultro citroque obligationem pariat, & imperfectus, seu graciosus, si alterutro tantum obligationem pariat, ut donatio.

2. Contractus dividitur in divinum, qui fit per vota; in Ecclesiasticum, qui fit in ordinibus, in professione Religiosa, & Baptismo; in diabolicum, qui fit cum dæmone per magiam; & in civilem, qui fit inter homines. Hic ulterius dividitur 1. in explicitum, qui fit explicita partium conventionem; & in implicitum, qui fit tacita partium conventionem, ut negotiorum gestione, hæreditatis additione, officii occupatione, sic Judices, Medici, &c. implicate se obligant ad moralem diligentiam, & ii, in quorum favorem illa exercent, ad justam remunerationem, & isti vocantur quasi Contractus, & habent obligationem iustitiæ. 2. Dividitur in nominatum, qui proprium, & speciale nomen habet, ut venditio, locatio, &c. & innominatum, qui non proprium, sed tantum Contractus generice nomen habet, & sunt quatuor species, scilicet do, ut des, do, ut facias, facio, ut des, facio, ut facias. 3. Dividitur in nudum, qui caret omni firmamento, quo actionem civilem parere possit, licet obligationem naturalem pariat in foro conscientiæ, tales sunt omnes Contractus innominati, antequam ex altera parte impleantur, nisi accedat formula stipulationis, juramentum, &c. item omnes Contractus, qui rei traditione perficiuntur, antequam traditio fiat, ut donatio, mutuum, &c. & in vestitum, qui fit cum firmamento, cujus virtute actionem civilem parit, ut scriptura, stipulatione, testibus, juramento, quæ juris firmamenta sunt; vel additione Contractus nominati, ut principalis innominato; quia accessorius sequitur principale. 4. Dividitur in Contractum bonæ fidei; in quo Judex multa ex æquo potest judicare

inesse secundum bonam fidem, licet contrahentes nullam de iis mentionem fecerint; tales sunt emptio, locatio, conductio &c. & stricti juris, in quo Iudex ad verba contrahentium adstringitur; tales sunt census, feudum, testamentum, mutuum &c. in foro tamen conscientiae omnes ex æquo, & bono dijudicari debent. 5. Dividitur in purum, cui nullum additur accidens, & non purum, cui additur accidens, nempe dies, qua obligare debet, modus, causa, demonstratio rei, vel personæ, & conditio.

*Quar. 2. Quinam valide contrahere possint, & quamnam ad valorem Contractus requirantur conditiones?*

*Resp. Prænot. 1. Infans dicitur, qui nondum adimplevit septennium, sive mas, sive fœmina sit. Impuber, qui nondum complevit 14. annos si sit masculus, & 12. si sit fœmina; ambo, infans, & impuber, dicuntur pupilli, si desinant esse in potestate patris per ipsius mortem, vel avi paterni, vel per literas emancipationis. Impuber dicitur pubertati proximus, qui magis appropinquat initio pubertatis, quam termino infantiae, sic masculus completo anno decimo cum dimidio, & fœmina completo nono cum dimidio, & antea dicuntur infantiae proximi; puberes & minorennis dicuntur, mas a completo 14. & fœmina a 12. usque ad 25. completum, & postea ambo majores; aliquando ex consuetudine locorum etiam prius, ut anno 18. 19. 20. &c. & filiusfamilias, quandiu sub patris, aut avi paterni existit potestate, *Bill.*; infanti, ac impuberi, si sint pupilli, mortuo patre, & avo paterno, datur tutor, cujus primario est regere pupillum, & secundario illius bona; minorenni vero datur curator, cujus primario est curare bona minorennis, & secundario illius personam. Pupillo etiam invito, tutor est dandus, *leg. 2. ff. de tut.*; non vero minorenni curator, *§. item invito instit. de curat.*; si tamen curatorem suscipit, vel testamento datur, cogitur ei subesse, *§. 1. instit. ibid.**

2. Obligatio triplex est, naturalis, quæ vi Legis naturalis quoad forum fori, & conscientiae obligat, licet actionem in foro externo non tribuat. 2. Civilis, quæ vi legis positivæ in foro fori obligat, & actionem in foro externo tribuit. 3. Mixta, quæ in utroque foro obligat. His notatis.

*Dico.* Omnes, qui usum rationis, ac bonorum suorum liberam administrationem habent, valide contrahere possunt,

sunt, nisi a lege prohibeantur. Ideoque ad valorem Contractus sex requiruntur conditiones, videlicet 1. persona ad contrahendum habilis, liberam bonorum administrationem habens, & a lege non prohibita. 2. Consensus verus liber, internus, signo tamen externo expressus, sine dolo, vel errore circa substantiam, vel qualitatem in substantiam redundantem, vel in Contractus naturam. 3. Promissio, animo se obligandi, vel saltem vere promittendi cum scientia obligationem inde oriri. 4. Solemnitas substantialis sub pœna nullitatis in quibusdam Contractibus, a jure præscripta. 5. Causæ finalis, seu motivi principalis existentia. 6. Conditionis honestæ, vel possibilis eventus: unde error, vel dolus circa substantiam rei, vel qualitatem in rei substantiam, vel naturam Contractus redundantem, qualiscunque sit, etiam concomitans, Jure naturæ Contractum irritat; quia deest consensus; non vero error; vel dolus concomitans aut antecedens, etiam præbens causam Contractus, si fiat circa qualitatem rei accidentalem; quia non impediunt consensum circa substantiam, nisi cogitans de errore nollet contrahere, vel consentire, nisi stante tali qualitate; quia tunc deest consensus: potest tamen Contractus, si sit solubilis, rescindi ad arbitrium decepti, si error antecedens causam Contractum proveniat ex dolo alterius contrahentis; quia decipienti fecit injuriam; non vero potest dissolvi Contractus onerosus, si error proveniat a propria decepti, vel tertiæ personæ; quia altera pars contrahens non fecit injuriam, ac proinde tenetur tantum eum ad æqualitatem reducere, & tertius deceptor refarcire damnum secutum; quia est causa illius injusta; Contractus tamen gratuitus, ut liberalis promissio, vel donatio potest rescindi a decepto; quia cum a sola ipsius dependeat voluntate, facta notabili in qualitate mutatione, censetur se noluisse obligare irrevocabiliter; nec Contractus initus ex metu, etiam gravi, injuste a libero extrinseco ad extorquendum consensum incusso a jure naturæ, vel positivo est irritus; quia metus non tollit liberum consensum; est tamen rescindibilis ad arbitrium vexati, & in foro conscientiæ, etiam si metus esset levis, modo vere sit causa Contractus; quia metus voluntarium saltem minuit, exceptis quibusdam Contractibus, qui ipso jure sunt irriti ex metu gravi inito, ut Matrimonium, Professio Religiosa &c. non

vero ob metum levem, quia in re tanti momenti debuisset superari.

*Hinc:* 1. *Defectus persona habilis*, invalide contrahunt, 1. amentes, furiosi, infantes, sive sint pupilli, sive filii-familias; quia præsumuntur in jure non habere iudicium sufficiens ad contrahendum. 2. Invalide contrahit filiusfamilias puber, vel pubertati proximus de bonis profectitiis, & adventitiis. 3. Pupillus, aut minorennis, etiam cum auctoritate tutoris, vel curatoris circa alienationem bonorum immobilium, vel mobilium pretiosorum, quæ servando servari possunt, ut gemmæ, aurum, sine decreto Judicis, 4. Tutores, & curatores cum suis pupillis, nisi essent plures tutores, vel curatores ejusdem, tunc consentiente uno, potest alter contrahere cum pupillo, *Tourn.* 5. Uxorem circa bona communia, vel dotalia sine consensu mariti. 6. Religiosi sine consensu Superioris, ac ipsi Superiores, nisi juxta limites suæ administrationis. 7. Prodigii curatorem a Judice habentes. 8. Surdi, & muti, nisi habeant curatorem; quia omnes isti non habent liberam bonorum administrationem. 9. Morte condemnati, etiam per contumaciam, & non purgati, vel trirēibus, aut exilio in perpetuum multati; isti tamen Matrimonium valide contrahunt, ut est Sacramentum, non tamen habet in Gallia effectus civiles, *Tourn.*

Possunt tamen valide contrahere, 1. impuber infantiae vel pubertati proximus, filiusfamilias, & minorennis circa castrensia, vel quasi castrensia, & uxor circa paraphernalia, vel si speciali commercio cum consensu mariti vacet, *Tourn.*; vel etiam commercio communi, *Bill.*; quia maritus censetur consentire; & prædictorum bonorum liberam habent administrationem. Contrahit etiam filiusfamilias ex delicto, vel damno per seipsum obligationem, non vero pater, si culpa ejus non intervenerit, *§. ult. instit.*; & potest contrahere de suis operis, eas locando; nec potest prohiberi, ne exeat e domo paterna, artem addiscat; honestum vitæ genus assumat, nisi forte pater inops ejus opera indigeat, *Laym. & comm.* 2. Potest obligari Contractu pupillus, sive sit infans, sive infantiae proximus auctore tutore; non vero filiusfamilias infans, aut infantiae proximus auctore patre, *§. sed quod.* 10. quia si tutor male consentiat, habet pupillus recursum & actionem in tutorem, non vero in patrem. 3. Valide con-



contrahit pupillus, puer, aut pubertati proximus, seu minorennis cum auctoritate tutoris; vel curatoris de rebus mobilibus non pretiosis, & quæ servando servari nequeunt, saltem per triennium, ut frumentum, vinum &c. & minorennis non habens curatorem etiam solus valide contrahit, & obligantur naturaliter, ac civiliter, *ita in Jure*; habentes vero tutorem, vel curatorem sine illis solum contrahere possunt in suum commodum, id est obligant contrahentem civiliter ætate majorem, non vero ipsi obligantur civiliter, bene autem naturaliter; sic non potest mercator compellere pupillum, vel minorem ad solvendum pannum sine consensu tutoris, vel curatoris emptum, re non tradita, potest vero pupillus, vel minor obligare mercatorem, ut pannum emptum tradat oblata solutione promissa; potest etiam mercator traditionem differre, donec tutor, vel curator, vel etiam Judex, si opus sit, consentiat, vel Contractus juramento a pupillo, vel minore firmetur, & si hæc recusent, censentur dolo egisse, nec mercator obligatur, *Bill.*; creditor potest etiam tuta conscientia accipere, & retinere solutionem vi Contractus factam, donec Beneficio legis repetatur: quia est naturaliter debita; potest autem a pupillo, vel minorenni solutio repeti utendo exemptione legis, & facta coram Judice sufficiente conditione indebiti, & non obtenta restitutione, compensatione occulta uti, ut docet *Billuart*; quia injuste negatur, & vi legis restitui debet; vel per restitutionem in integrum, si se sentiat læsum, prout solet fieri in Gallia, *Tourn.*; non obtenta tamen restitutione in integrum, manet Contractus in vigore, nec potest in Gallia uti compensatione occulta. Imo aliquando pupillus, aut minor sine auctoritate tutoris, vel curatoris contrahens, obligatur etiam civiliter, 1. In quantum factus est ditior; ut si empto vino non soluto; & bona fide consumpto, parcat proprio. 2. Si res tradita dolo perierit. 3. Si minorennis Contractum juramento firnaverit, etiam de alienatione immobilium, *Billuart.*; quia juramentum supplet ætatem, *leg. si minor, & leg. Sacramenta Cod. lib. 2.* 4. Si minorennis Religionem sit professurus; quia absque auctoritate curatoris potest omnia bona alienare, etiam sine beneficio restitutionis in integrum, cum per professionem censeatur mori, *ita in Jure*. 5. Si negotietur, vel mercaturam exerceat; quia quo-

ad mercaturam concernentia censetur majorennis, *Statut.* 1673. tit. 1. art. 1. apud Tourn.

*Hinc* . 2. *Defectu consensus* , 1. invalida est venditio gemmæ pro vitro, & debet restitui, vel pretium augeri, & invalide contrahit matrimonium cum Catharina, quam putavit esse Joannam, licet Catharinam libentius duxisset; quia in utroque casu error est circa substantiam; nec obstat, quod in ultimo sit ignorantia concomitans. 2. Donans Paulo principaliter, quia eum credidit pauperem, vel suum consanguineum, cum tamen non sit, invalide donat, debetque summa donata restitui; quia qualitas habens rationem motivi principalis redundat in substantiam. 3. Invalide donat, quod tantum locare voluit; quia error cadit in naturam Contractus. 4. Econtra valide dat Eleemosynam pauperi, quem credidit probum, qui non est, licet non dedisset, si improbum scivisset; quia qualitas erroris non est finis principalis; sic valide quis vendit merces vitiosas pro bonis; quia error est circa qualitatem accidentalem; potest tamen rescindi ad arbitrium decepti, vel ad pretium justum reduci: Matrimonium tamen initum cum paupere, quam contrahens credidit divitem, vel professio emissa in Religione rigorosa, quam quis putavit minus rigorosam, non possunt rescindi; quia sunt Contractus indissolubiles; nisi explicate nolisset aliter consentire, quam sub dicta conditione. 5. Emens equum senem, quem propria experientia credidit, vel ab alio audivit esse juvenem, illum retinere tenetur, nec potest emptio rescindi; quia venditor non fecit ei injuriam, sed a seipso, vel alio fuit deceptus; potest tamen contractum ad pretium justum reducere; donans vero equum juvenem, quem credidit senem, & inutilem, potest illum iterum repetere; quia est Contractus gratiofus. 6. Metu mortis ita perterritus, ut ratione turbatus dederit latroni crumenam, invalide dedit; si adhuc autem sibi præsens fuerit, valet donatio, potest tamen rescindi ob injuriam passo. Vide plura de metu in Tract. de Act. human.

*Hinc* 3. *Defectus animi se obligandi, vel sincere promittendi*, non obligatur 1. solum proponens. 2. Fide promittens; obligatur tamen ad damna inde secuta, 3. Promittens animo se non obligandi; quia in re solum est proponens, promittens tamen fide committit mendacium,

&

& sub mortali tenetur ad damnum . 4. Obligatur autem promittens animo non implendi ; vel nude sine alia intentione promittens ; quia promissio ex se obligationem parit .

*Hinc 4. Defectu solemnitatis*, 1. nullum est matrimonium clandestinum, ubi viget Concilium Trid. 2. Testamentum sine testibus, vel aliis requisitis. 3. Acquisitio sine titulo, vel præscriptione, &c.

*Hinc 5. Defectu causa finalis*, invalide promittit quis bona matri propter infantes, si sit sterilis, nec tenetur ea illi dare, quia deficit causa finalis; valet tamen Eleemosyna data simulanti majorem paupertatem, quam in re habet, potestque illam retinere; quia est tantum causa impulsiva.

*Hinc 6. Defectu conditionis honesta, vel possibilis*, 1. nulla est promissio certæ summæ pecuniæ pro occisione inimici, vel pretii pro turpi concubitu; quia directe allicit ad peccatum, *leg. gen. ff. de verb. oblig.* An autem valeat perpetrato crimine, divisi sunt auctores. Vide infra de promissione; valet tamen promissio matrimonii, & dispositiones ultimæ voluntatis sub conditione turpi, vel impossibili; quia a lege habentur pro non adjectis, & quoad dispositiones ultimæ voluntatis, etiamsi quis nollet consentire, nisi sub illis conditionibus; quia jus potest supplere consensum quoad bona temporalia, non autem quoad matrimonium; sic in jure legatum factum virgini, si non nubat, valet, etiamsi nubat, non vero factum viduæ; quia conditio habetur in jure pro turpi respectu virginis, non vero respectu viduæ, cujus matrimonium varias sæpe causat familiarum perturbationes: sic legatum sub conditione, si Religionem non ingrediatur, vel si nupserit, valet, etiamsi Religionem ingrediatur, vel non nubat, quia ambæ conditiones a jure a jure habentur turpes, cum a statu perfectiori retrahant.

*Quær. 3. An omnis Contractus validus obliget, & invalidus addito juramento fiat validus?*

*Dico.* Omnis Contractus validus, etiam nudus parit in foro conscientie obligationem; quia Lex divina, & naturalis obligat ad servandam fidem datam, in foro vero externo nudus non obligat, *leg. jur. gent. ff. de pact. s.* nec tribuit actionem, nisi juramento, vel alio juris fulcramento firmetur; quia tunc in foro externo probari pos-

sunt. Contractus ex natura invalidus non potest juramento fieri validus, quia ejus naturam non mutat; sed solum obligationem Religionis inducit, si sit de re licita. Contractus vero solo jure positivo irritus aliquando juramento firmatur, ita, ut etiam relaxato juramento adhuc valeat, videlicet, quando irritatio Contractus principaliter a lege facta est propter utilitatem privatam contrahentium, modo absit injustitia, & juramentum non vi, metu, vel dolo sit extortum; tunc enim relaxato juramento manet Contractus irritus, & si juramentum errore circa substantiam sit factum, erit nullum; quia non obligat ultra intensionem; aliquando autem Contractus non firmatur juramento, nempe quando irritatio Contractus principaliter est facta propter bonum commune; quia tunc esset de re illicita.

*Hinc* 1. Qui juravit, se usuram in necessitate soluturus tenetur eam vi juramenti solum solvere; non transit tamen obligatio solvendi ad hæredes; quia obligatio solius juramenti est personalis. 2. Qui juravit latroni, se pecunias soluturus, nec eas repetiturum in judicio, nec juramenti relaxationem, nec eum coram Judice accusaturum, vel denunciaturum, quoad omnia illud servare tenetur; quia juramentum sine peccato quoad omnia servare potest, & debet; nisi cedat in damnum publici; cum idem crimen ab eodem reiterandum prævideatur, vel nisi juridice interrogetur; quia tunc juramentum non est vinculum iniquitatis. 3. Juramenta puberum sponte facta super Contractibus rerum suarum non retractandis secundum jus. *leg. 2. Cod. si adversus vend.* inviolabiliter custodiri debent; licet alio jure eorum Contractus sint invalidi: quia in eorum privatam utilitatem est latum. 4. Clericus juramento firmans promissionem comparendi coram Judice sæculari in pure spiritualibus, non tenetur comparere; quia promissio ejus alia lege pro communi utilitate Status clericalis lata, est nulla.

*Quar. 4. Quomodo Contractus non puri obligant?*

*Dico.* Contractus non puri diversimode obligant. 1. enim Contractus ad diem certam, statim obligat; non tamen debitor tenetur eum ante diem determinatam implere; ad tempus autem incertum non obligat, nisi impleto tempore. 2. Contractus sub modo statim obligat; non tamen irritatur, si modus non servetur; quia se habet, ut ali-

aliquid adjacens dispositioni principali, nisi expresse voluisset contrahere, nisi sub eo modo. 3. Contractus ad causam non valet deficiente causa finali, bene autem, si deficiat solum impulsiva. 4. Contractus ad demonstrationem cum errore circa substantiam, vel personam est invalidus, non vero circa accidentia. 5. Contractus ad conditionem, si conditio sit de presenti, vel præterito, valet, si existat, secus, si non existat; vel si sit de futuro necessario, statim obligat; quia censetur præsens, si sit de futuro contingenti, suspenditur usque ad ejus eventum; si sit de re impossibili, vel re turpi est nullus, excepto matrimonio, & dispositionibus ultimæ voluntatis, in quibus a jure habentur pro non adjectis, nisi quis alio modo consentire noluisse; tunc matrimonium non valeret saltem in foro conscientiæ; quia lex consensum in eo requisitum supplere nequit, ut supra dictum est.

*Hinc* 1. Promittens certam summam in die Paschatis solvendam, statim obligatur, non tenetur tamen solvere ante prædictam diem; qui vero promittit 10. aureos, cum navis expectata ex Indis advenerit; non obligatur ante adventum ejus; quia æquivalet promissio Contractui conditionato. 2. Legatum factum cum onere certarum Missarum singulis annis, non potest repeti ab hærede, si non dicantur: sed cogere potest legatarium ad illas dicendas; quia onus illud est modus solum adjectus. 3. Legatus Titio Stichum, quia ejus negotia egerit, vel ejus patrocinio a capitali crimine fuerit liberatus, valet, licet neutrum gesserit, *Instit. leg. 2. tit. 20. §. 31.*; quia prædictæ causæ habentur a jure pro impulsivis: non vero valeret, si essent finales; in dubio vero præsumuntur impulsivæ. 4. Si quis leget Petro centum aureos, quos debet Paulus, vel qui sunt in certa cista, nullum est legatum, si Paulus nihil debeat, vel nihil sit in cista; si vero debeat, sed tantum quinquaginta, vel tantum quinquaginta sint in cista, valet; quia in priori casu est error demonstrationis circa personam, vel substantiam, in posteriori in accidente; qui dicit taxate, lego centum nummos, qui sunt in hac arca, tenetur tantum ad centum, licet plures insint; qui vero dicit demonstrative, do pecuniam in hac arca, quæ constat centum aureis, tenetur ad totum, licet ducenti in ea contineantur; quia in priori constat mens legatoris, in isto est error circa accidentia.

Quat.

*Quar. 5. Quid, & quotuplex sit Culpa?*

*Resp.* Culpa est omissio diligentiae, vel advertentiae, qua alicui damnum creatur. Alia est theologica, quæ est coram Deo, & in conscientia peccatum mortale, vel veniale. Alia civilis, seu juridica, quam jura pro foro externo supponunt, etiamsi peccatum non sit, & hæc communiter triplex est, videlicet, culpa lata, quæ est omissio diligentiae, quam communiter homines diligentes ejusdem conditionis adhibere solent, ut si quis rem commodatam foris ante ostium relinquat. 2. Culpa levis, quæ est omissio diligentiae, quam diligentiores adhibere solent, ut si quis rem commodatam in suo cubiculo relinquat, sed non clauso ostio. 3. Levissima, quæ est omissio diligentiae, quam diligentissimi adhibere solent, ut si quis ostium cubiculi claudat, sed non observet, an fera bene fuerit inducta; his additur 1. culpa latissima, quæ est dolus apertus, id est operatio, vel omissio damnosa ex intentione ut alius decipiatur, & damno afficiatur: ut si miles fingat se dormire, ut hosti accessum præbeat. 2. Culpa latior, quæ est dolus præsumptus; ut si sciens, & valens non impedit hostem urbem ingredi; dolus vero in genere est quævis machinatio ad decipiendum.

*Quar. 6. Ex qua culpa in Contractibus oriatur restitutionis obligatio?*

*Dico.* Ad inducendam restitutionis obligationem ex Contractu, vel quasi Contractu, id est, ex officio, sufficit culpa civilis, licet nulla sit Theologica; quia vi Contractus, vel officii implicate se obligat ad eam diligentiam, & conditiones, quas lex imponit; & quidem 1. cum Contractus cedit in commodum solius dantis, ut in deposito, requiritur culpa lata, vel dolus apertus, vel præsumptus, *Instit. L. 3. tit. 15. §. 3.* nisi seipsum pro deposito obtulerit, vel aliquid pro ejus custodia acceperit, tunc tenetur ex culpa levi, *cap. 2. de depos.*; vel si res ita sit pretiosa, ut diligentissima custodia indigeat, vel de ea pactum sit, *leg. 1. ff. depos.*; vel deposita sit solum in favorem depositarii, ut ea utatur, *L. 4. reb. cred.*; in utroque casu tenetur ex culpa levissima. 2. Si cedat in solius accipientis utilitatem, ut in commodato, ex culpa levissima, non autem ex casu fortuito, *cap. un. de commod.* 3. Si utilitatem utriusque, ut in locatione, ex culpa lata, & levi, non autem levissima, *Leg. eadem*; in nullo vero Contractu ex casu fortuito; quia res perit domino suo nisi cul-

culpa, vel mora quam ob apud dominum non periisset, vel conventio de casu fortuito, intervenerit. 4. Ex quasi Contractu, cum quis ex officio aliquid facit in utilitatem alterius sine mercede, tenetur solum ex culpa lata, vel dolo; si sit mercede conductus, ut famuli, Medici, Advocati, negotiorum gestores, &c. ex culpa levi, non vero ex levissima, nisi res sit tanti momenti, ut ex natura sua summam cautionem exigit, vel in arte sua peritissimum se obtulerit, vel quis, v. g. aurigæ, nautæ, stabulario rem expresse custodiendam tradiderit, L. 4. *Digest. tit. 9.*; tunc enim accipiens ad majorem diligentiam, quam ordinariam se obligare censetur; extra Contractum vero requiritur culpa theologica.

*Hinc* 1. tenentur ad reparationem damni, factores, molitores, caupones, aurigæ, nautæ, si res, quas ratione sui officii apud se deponi viderunt, pereant eorum culpa, etiam levi, quia, v. g. domus nocte non fuerit clausa; caupones, aurigæ, nautæ, etiam ex levissima, si res ipsis expresse fuerint traditæ custodiendæ, L. 4. *Digest. tit. 9.* 2. Tenetur ad damnum, speculum pretiosum non omni diligentia adhibita transportando, frangens; Advocatus litem maximi momenti defectu maximæ diligentia perdens; Aurifex gemmas pretiosas apud se depositas in cubiculo suo clauso quidem ostio, sed non probata sera, propterea amittens, quia sunt res maximam curam exigentes. 3. Furto perdens equum commodatum pro vindemiis ante vineam sine custode relictum; quia tenebatur ad summam diligentiam. 4. Horologium manuale aureum apud se depositum secum per sylvam sumptum per latrones ablatum; vel a domino repetitum, & non tempore debito restitutum incendio amittens, quia illud per locum periculosum deferens, vel non restituens, est in culpa. Pecuniam apud se depositam, etiam de consensu domini negotiationi exponens, & casu fortuito perdens; quia inducit rationem mutui, & perit ipsi tanquam domino; secus, si cum alia sua pecunia deposita furto fuisset ablata, nisi pro mercede custodisset, tunc enim ad majorem tenebatur curam. 6. Librum commodatum remittens domino per famulum alias pro fidelissimo recognitum, & libro in via ab eo amisso, non tenetur restituere alium, vel illius pretium; quia, cum summa censeatur adhibita diligentia, perit domino. 7. Qui rem suam simul, & alienam ab incendio liberare nequit, si aliena sit

fit commodata, debet illam præferre propriæ, si sit deposita, potest res suas etiam minoris valoris præferre, & si sit locata, res proprias majoris, vel æqualis. non vero vilioris valoris; quia in primo casu maximam, in secundo æqualem, & in tertio majorem tenetur adhibere diligentiam, quam pro propriis, saltem vilioribus.



## Q U Æ S T I O V.

### DE CONTRACTIBUS IN PARTICULARI.

*Quæritur. 1. Quid sit Promissio gratuita, & quomodo obliget?*

**Dico.** **P**romissio gratuita est deliberata, & spontanea fidei obligatio facta alteri de re bona, possibili, a promissario acceptata; & sic sumpta obligat ex justitia; quia promittens dat promissario acceptanti jus verum in rem promissam, & quidem ex genere suo sub mortali in materia gravi, quæ debet quadruplo esse major, quam in furto, *Less.*, *Tourn.*; quia, cum jus ex promissione sit imperfectius, minor censetur injuria; Promissiones tamen ordinariæ plerumque non obligant ex justitia, nec graviter; quia promittens liberaliter plerumque non intendit se obligare, nisi ex honestate morali fidelitatis; quæ solum sub veniali obligat, *Bil.*; & per accidens sub gravi ad reparationem damni; quia illius causa esse potest.

*Hinc* 1. Promissio graviter ex justitia obligat pro gravitate materiæ. 1. quando promissionem firmat juramento; vel quando promittit stipulando; vel coram Notario, aut testibus ad id assumptis; vel per scripturam, seu chirographum; vel si dicat, me obligo, quantum possum; quia censetur velle in his circumstantiis se graviter obligare, & transit obligatio ad hæredes promittentis, sicut & jus acquisitum promissario. 2. Promissio animo solum ex honestate se obligandi facta, non nisi sub veniali obligat; & facta ex metu etiam levi potest rescindi, saltem in foro conscientiæ; quia non censetur, se irrevocabili-ter voluisse obligare, nisi juramento firmetur; quia tunc obligat vi juramenti, nisi relaxetur, 3. Promissio nulla est,



est, si sit facta de re jam alteri promissa, vel illicita, aut impossibili; valet tamen de minori bono respectu hominis, cui potest esse acceptius. 4. Si non sit acceptata saltem tacite, non obligat ex iustitia, bene autem ut simplex pollicitatio ex veracitate, leg. 1. de pollic. potest tamen revocari ante acceptationem, L. interest, Cod. si quis, &c.

Quar. 2. An promissio sub conditione operis turpis facta, sit valida, & obliget?

Dico, Promissio de re illicita, vel sub conditione operis illiciti ipso jure naturali, ac divino est nulla; quia ad malum allicit, & Lex dicit: *novimus generaliter, turpes stipulationes esse nullius momenti*, L. 26. ff. de verb. oblig. An autem impleta conditione obliget, graves sunt utrinque Auctores, & rationes; conveniunt tamen communiter, 1. prætium pro re turpi acquisitum retineri posse; quia Lex 4. ff. de Condict. ait: *quod meretrici datur, repeti non potest, licet enim turpiter facit; quod sit meretrix, non tamen turpiter accepit, cum sit meretrix*, & quia dominus libens, volensque dedit. 2. Non dari in foro externo actionem ad acquirendum pretium pro re turpi promissum, etiam impleta conditione; quia Lex 125. ait: *facta, qua contra Leges, Constitutionesque, vel contra bonos mores sunt, nullam vim habent*. An autem in foro conscientie obliget, ita, ut pretium pro re turpi promissum impleta conditione turpi exigi, & solvi debeat, manent divisi. Videtur rationi conformius obligare ad pretium promissum pro rebus ex se licitis, & solum ratione circumstantiarum, & per accidens malis, ut pro veste in Dominica facta; quia obligatio cadit in ipsum opus ex se licitum, proinde jure naturæ valet; non vero obligare pro rebus intrinsece malis, ut pro occisione inimici; quia promissio cadit in ipsum opus ex se malum, ac proinde jure naturæ est invalida, & nec in foro conscientie, etiam commissio crimine, obligare potest; non enim firmatur tractu temporis, quod ab initio non subsistit, reg. jur. in 6. & datio, ac acceptio ante opus jure est nulla, ac proinde etiam postea, nisi liberaliter detur; & si obligaret, ad idem peccatum magis continuandum alliceret. Nec valet promissio contra bonos mores civiles facta, sed ipso jure est irrita; quia invalida est Promissio non tenendi, vel non instituendi, nisi talem personam, leg. *facta*

*passa Cod. de passis*; quia libertatem disponendi de rebus suis adimit; & invalida est promissio beneficii nondum vacantis, *Con. Later. III. c. 8.*

*Hinc* 1. Promissio pro occisione inimici, vel pro turpi commercio, non obligat, nec in foro conscientiae, etiam crimine commisso, ut videtur docere Tournely, & P. Gervasius, ac alii; quia Jure naturae invalida est Promissio, nec tenetur solvere opus, quod alter, licet petitur, debuisset omittere, nec opus turpe, ut peccatum, mercede dignum est; videtur tamen obligari, si commisso crimine promissionem renovasset; quia tunc esset promissio liberalis. 2. Promissio facta sartori pro veste in Dominica facta, vel fabro pro ense, pro duello, vel ad inimicum occidendum vendito, militi pro bello injusto conducto, est implenda, ita communis hominum sensus; quia obligatio cadit in ipsam rem ex se vendibilem, non vero in circumstantiam, illicitam, licet graviter peccent, & teneantur ad damnum: aliud esset, si ob has circumstantias v. g. quia vestis facta est in Dominica, vel ensis pro duello venditus, majus pretium promississet; quia tunc nec ad id, quod majus est, obligari videtur. 3. Histiones, vel meretrices turpi exercitio acquista, restituere non tenentur; quia ea retinere Lex permittit; a Confessariis tamen obligandi sunt, ut pro sustentatione non absolute necessaria pro poenitentia pauperibus erogent. 4. Sub promissione matrimonii corrumpens virginem tenetur eam ducere, non praecise, quia conditio turpis est impleta; sed quia Lex in poenam sic statuit, & vix alio modo omne damnum refarciri, & peccato melius remedium afferri potest. 5. Dos meretrici commisso crimine pro honesto matrimonio promissa, dari debet; quia est subsequens crimen; & sine crimine novo, Promissio impleri potest.

*Quar. 3. Quomodo cesset obligatio Promissionis valida?*

*Dico.* Obligatio valida Promissionis quatuor cessat modis, 1. remissione promissarii. 2. Desitione causae finalis. 3. Mutatione insperata, ac notabili status rei promissae, vel personae promittentis; quia tales casus comprehendere noluisse censetur, ut si res fiat illicita, inutilis promissario, impossibilis moraliter, vel noxia promittenti, vel promissario. 4. Non servata fide reciproca. 5. Conditione non impleta.

*Hinc*: non tenetur stare promissis, 1. Promittens virgi-

ni pauperi dotem: si postea improvise per notabilem hæreditatem facta sit dives. 2. Promittens tali die, se culturum altetius vineam; si postea uxori improvise ægrotanti inservire debeat. 3. Pollicitus alteri pecuniam mutuo daturum, si postea ob incendium propriæ domus ipsemet illa indigeat. 4. Promittens alteri ensẽ, si postea innocentem eo occisurum prævideat; nec obligant prædictæ promissiones addito iis juramento; quia juramentum promissiones non firmat, nisi in eo sensu, quo factæ sunt.

*Quar. 4. Quid, & quotuplex sit Donatio gratuita?*

*Resp. 1.* Dominatio gratuita est rei, vel juris alicujus gratuita concessio; differt, 1. a promissione, quæ est fidei obligatio, Donatio vero rei concessio. 2. A pollicitatione, quæ est nuda promissio nondum acceptata. 3. A stipulatione, quæ fit interrogatione, & responsione.

2. Donatio dividitur, 1. in realem, seu perfectam, quæ fit rei traditione, & in verbalem, seu imperfectam, quæ fit solis verbis sine traditione, hæc confert solum jus ad rem; realis vero jus in re. 2. Dividitur in pure liberalem, quæ nequidem gratitudinis obligationem supponit; & remuneratoriam, quæ supponit obligationem gratitudinis. Si alicui prohibeantur Donationes, non prohibentur remuneratoriæ. 3. In Donationem inter vivos, qua datur aliquid, ut se vivente sit donatarii; & mortis causa, qua vult, rem non nisi post mortem suam esse donatarii.

*Quar. 5. Quanam ad valorem Donationis requirantur conditiones?*

*Dico.* Ad valorem Donationis inter vivos quatuor requiruntur conditiones, videlicet, 1. ut donator sit habilis ad donandum, habeatque rei donandæ dominium, liberamque administrationem. 2. Ut donatarius sit habilis ad recipiendum. 3. Ut res donata non sit alteri obligata. 4. Ut fiat solemnitatibus a jure præscriptis, quæ sunt, 1. ut fiat coram Notario in forma Contractuum ordinaria, *Edict. Lud. XV. an. 1732.* 2. Traditio realis, vel juris fictione, tradendo dominium directum retento utili, ubi usu recepta est, *Tourn.* 3. Acceptatio, & quidem in Gallia expressa, facta coram Notario per se, vel per Procuratorem ad hoc generaliter, vel particulariter assignatum, *Edict. Lud. XV. an. 1731. art. 5. & 9.*; non vero sufficit facta a Notario nomine donatarii, *Tourn.*; nec sufficit facta a

mino-

minoribus sine consensu tutoris, nec uxoris sine auctoritate mariti, nisi quoad bona ipsi pro paraphernalibus donata, *Edict. cit.*; valet tamen Donatio utrique facta solo marito acceptante, & Donationes mutuæ, vel per contractum matrimoniale in linea directa sine acceptatione, vel saltem sufficit ea, sine qua tales contractus non subsistunt, *ibid.* 4. Insinuatio apud tabularium forensi facta in acta publica tam donationis, quam acceptationis, etiam pro minoribus, & eorum privilegiis gaudentibus, ut sunt Ecclesiæ, Monasteria, Communitates, &c.; nec eos excusat incuria tutorum; excipiuntur tamen donationes rerum mobilium de manu ad manuum, vel summæ mille libras non excedentis semel solvendæ, *Edict. cit.*

Hinc 1. defectu persona habilis, invalidæ sunt donationes, quas faciunt, 1. infantes, amentes, &c.; quia carent rationes. 2. Prodigii a Magistratu curatorem habentes, pupilli minorenes, filii familias, nisi de bonis castrensibus, vel quasi castrensibus. 3. Uxores, nisi de bonis paraphernalibus; quia circa alia bona non habent liberam administrationem: Possunt tamen minorenes donare secundum decentiam status sui, prout aliis par conditionis permitti solet, & si excedant, raro mortaliter peccant, *Bill.*; quia neminem damificant; & dona accipientes ea retinere possunt, donec beneficio legis repetantur; *ibid.*; possunt etiam uxores donare moderate de bonis communibus, vel dotalibus ex tacito consensu mariti, vel ipso invito irrationabiliter, ut si sit nimis tenax, nullasque vellet facere donationes remuneratorias, Eleemosynas moderatas, vel nollet succurrere parentibus suis, vel uxoris, vel prolibus ex priori matrimonio; vel quæ sibi subtrahit de honesta sustentatione, ornatu, recreatione; quia non est ancilla, sed socia domestica administrationis particeps. 4. Nec valent donationes inter conjuges, sed revocari, vel irritari possunt, *Leg. 1. 2. & 3. de Donat.*; quia mutuo amore se spoliarent, vel continuo rixarentur: nisi juramento, vel morte firmentur; in Gallia tamen non valent mortis causa, nisi per contractum matrimonii, & tunc valent etiam si sint omnium bonorum, etiam futurorum; non vero valent alibi, si sint excessivæ, & 500. solidos excedant sine licentia Judicis: valent tamen si non sint notabiles, vel pro dignitate, vel officio mariti, vel si sint remuneratoriæ, ut viri senis uxori juveni, igno-

ignobilis nobili, *Leff.*, vel in Gallia per contractum mutuum ususfructus bonorum communium, alterutro, e vita decedente, *Feriere*. 5. Invalidæ sunt donationes inter sponsum, & sponsam sine consensu parentum, inito jam contractu coram Notario; valent tamen antea factæ, *Pont.* 6. Donationes patris in filium nondum emancipatum, saltem irrevocabiliter; valent tamen, si sint remuneratoriæ, juramento, vel morte confirmatæ; non vero in Gallia; ubi donationes inter vivos invalidæ, nec mortis causa valent, *Edict. Lva. XV. ut supra*. Valent tamen matris in filium, *P. Gerv.* & filii etiam non emancipati factæ patri de bonis castrensibus, *Bill.* quia nullibi in jure irritantur. 7. Nec ullas possunt Religiosi privati donationes, ne quidem remuneratorias; vel Eleemosynarias facere, nisi de expressa, vel in quibusdam circumstantiis tacita, aut præsumpta suorum Superiorum licentia, præsertim de sibi collatis a parentibus, amicis, vel industria acquisitis, & debent fieri modeste, ac discrete ex causis ex sui natura actum virtutis, vel meriti continentibus, *Urb. VIII.*; ut gratitudinis, conciliationis, benevolentiae propriæ, vel conservandæ erga Religionem, *ibid.* Nec Prælati de bonis communibus, nisi simili fine honesto de bonis mobilibus pretiosis, non vero immobilibus, nisi de licentia SS. Pontificis *Paul. III.* Nec Communitas Religiosa, *Bull. ambrosiana*; ubi istæ Bullæ sunt receptæ; & officiales, ut sunt Procuratores ex tacito Superiorum consensu juxta limites suæ administrationis, ac consuetudinem; nec Novitius potest dare sua bona Monasterio, nec aliis, nisi intra duos menses ante professionem, *Conc. Trid. Sess. 25. cap. 16.*

Hinc 2. *Defectu recipientis*, invalidæ sunt donationes, 1. factæ iis, qui certam in donatores habent auctoritatem, ut curatoribus, & tutoribus, & eorum uxoribus a pupillis, nisi rationem jam reddiderint; vel Conventui, aut Ordini a Novitiis, Confessariis, vel eorum Ordini a Pœnitentibus, nec Medicis; Chirurgis, Pharmacopolis, Advocatis, Procuratoribus, a suis clientibus, nisi titulo consanguinitatis, antiquæ necessitudinis fiant, vel limites justæ gratitudinis non excedant, imo eas valere putat Pontas, modo fraus, metus, vel suggestio libertatem testatoris non notabiliter minuunt. 2. Factæ incestuosis, adulteris, & in quibusdam locis concubinariis, saltem si non sint occulti: potest adulter tamen publicus adulteræ, in-

restituendæ providere de alimentis. 3. Ex adulterio, vel incestu nati nihil possunt ultra alimenta recipere; illegitimi vero in tota pene Gallia donare, & donationem accipere possunt inter vivos, & mortis causa.

*Hinc 3. Defectu rei donata invalidæ sunt donationes, 1. in fraudem creditorum factæ, Henric IV. an. 1609. 2. Donationes omnium bonorum præsentium, & futurorum, leg. stipulatio ff. de verb. oblig. jure tamen Romano valent solum præsentium, nisi donator prolem habeat, cui debita est legitima; vel si sibi reservet, de quibus testari potest, vel juramento firmet, vel ad pias causas, Biliuart; in Gallia solum valent factæ in contractu matrimoniali omnium bonorum præsentium, & futurorum, vel partis eorum in favorem conjugis, vel descendantium, Edict. Lud. XV. cit. 3. saltem quoad excessum invalidæ sunt donationes excedentes quingentos solidos aureos, nisi insinuentur Judici loci, ubi est in usu, leg. penult. C. de donat. Valent etiam juramento firmatæ, vel ad pias causas, vel si sint remuneratoriæ, aut factæ militi a Duce, ibid. & in Gallia ad omnem donationem immobilium insinuatio est necessaria, non vero quoad mobilia de manu ad manum, vel summam 1000. libras non excedentem semel solvendam, Edict. Reg. cit.*

*Hinc 4. Defectu solemnitatum nullæ sunt; 1. fundationes non acceptatæ ab Episcopo. 2. Donationes factæ Ecclesiis, Xenodochiis, &c. vel minoribus sine acceptatione, vel insinuatione a curatoribus eorum, vel tutoribus acta; habent tamen minores, Ecclesiæ Xenodochia recursum pro damno contra tutores, & curatores in Gallia virtute citati Edicti Regii.*

*Quæst. 6. An donatio revocari possit?*

*Dico. Donatio valida inter vivos acceptata non potest revocari, nisi, 1. ob ingratitudinem Donatarii, si injurias atroces, vel manus impias, vel vitæ periculum Donatori, vel ejus bonis grave damnum intulerit, vel donationem Donationi appositam non impleverit, vel Donatorem necessitate pressum non aluerit: Donatio tamen remuneratoria ob ingratitudinem non potest revocari, nec alia ab hæredibus actione ingratitudinis ante mortem a Donatore non tentata, Tourn. 2. Ob prolem postea susceptam, etiamsi esset mutata, vel remuneratoria, vel proles jam fuisset concepta tempore donationis, vel esset facta*

ita pro matrimonio, & contractui matrimoniali esset inserta, vel revocationi expresse renunciasset, *Lud. XV. Ediff. cit.* nec præscriptio impedit dictam revocationem, *ibid.* etiamsi Donationem juramento firmasset, *P. Gerv.* non tamen tenetur Donatarius fructus perceptos restituere, nisi a die natiuitatis proles intimata, nec reviviscit donatio mortua prole, *Ediff. cit.* 3. Potest revocari, si sit inofficiosa, id est contra officium pietatis liberis debitæ, non relinquendo ipsis legitimam, *leg. 1. Cod. de inoffic. don.* donationes vero mortis causa omni tempore revocari possunt; tales sunt testamentum, codicillus, legatum, fideicommissum.

*Quar. 7. Quid, & quotuplex sit Hæres?*

*Resp. 1.* Hæres est, qui succedit in universum jus, quod habuit defunctus. Alius est universalis, qui succedit in omnia bona solus, vel cum aliis. Alius particularis, qui tantum partem acquirit. Alius ab intestato, quando sine testamento hæreditas ad consanguineos defertur, quorum alii sunt necessarii, ut filii legitimi, & omnes descendentes, & ascendentes; deficientibus descendantibus; filii naturales succedunt matri, non vero patri, *Jur. Rom.* & in Gallia nec matri, *Pont.* nisi sint legitimati per matrimonium subsequens; non tamen retroagit legitimatio, *Pont.* Spurii nec patri, nec matri succedunt, sed solum propriis infantibus, & iis debentur duntaxat alimenta, si aliter se sustentare nequeant: filii autem naturales dicuntur illi, qui extra matrimonium, & sine impedimento inter parentes sunt nati, vel cum tali, quod ipsis coeuntibus potuisset tolli, ut error, metus, cultus disparitas, &c. Spurii vero, qui cum impedimento dirimentæ inter parentes nati sunt, quod ab ipsis coeuntibus, & illud scientibus tolli non potuit, ut ligamen, vel consanguinitas. Alii hæredes sunt legitimi; & sunt alii cognati, & propinqui usque ad decimum gradum deficientibus necessariis succedentes. Alius est hæres per testamentum institutus; relicta hæredibus necessariis legitima, quæ Jure communi est tertia pars universæ hæreditatis, si testator habeat quatuor filios, inter eos dividenda, & media pars, si habeat plures.

*Quar. 8. Quinam hæreditate privari possint?*

*Dico.* Hæredes necessarii descendentes, vel ascendentes hæreditate privari possunt, ut, 1. filius, si præter vo-

luntatem parentum inter arenarios, vel mimos sese sociaverit, & manserit, nisi parentes ejusdem professionis fuerint; vel cum maleficis maleficus versetur. 2. Si parentes in criminalibus causis accusaverit, quæ non sunt adversus Principem, vel Rempublicam. 3. Si filius cum noverca sua incestum commiserit. 4. Si parentes ex carcere, vel captivitate, cum potuerit, non liberaverit. 5. Si filia, spreto honesto matrimonio a parentibus oblato, vitam luxuriosam egerit. 6. Si quis parentum furiosus fuerit, & ei succurrere neglexerit. 7. Si via iniqua parentes condere testamentum impediverit. 8. Si fidem Catholicam reliquerit. 9. In Gallia si sine consensu parentum nupserit, nisi, completis triginta annis in masculo, & viginti quinque in puella, consensum in scripto requisiverit, *Ediff. Bless. & Lud. XIII. ann. 1639. art. 2. vid. de Matr. Q. 2. Quar. 6. Hinc num. 5.*

*Quar. 9. Quid, & quotuplex sit Testamentum, Codicillus, & Legatum?*

*Resp. 1. Testamentum juxta Jus Cæsareum definitur, voluntatis nostræ justa sententia de eo, quod quis post mortem suam fieri vult cum directa hæredis institutione; in Gallia tamen, ubi Jus scriptum non viget, non requiritur institutio hæredis. Testamentum est multiplex, 1. solemne, in quo omnes formalitates a jure præscriptæ servantur. 2. Privilegiatum, quod valet, licet non omnes formalitates servantur, ut militare, vel tempore pestis. 3. Nuncupativum pure, quod coram septem testibus a restatore sine scriptura pronuntiatur. Hoc in tota Gallia est abrogatum a Ludovico XV. *Ediff. 1735. Art. 1.* 4. Nuncupativum scriptum, quod a Notario scribitur, prout a testatore dictatur coram septem testibus idoneis simul subscribentibus, Notario in eorum numero comprehenso; hoc servatur in Gallia, ubi Jus scriptum viget; ubi non viget, sufficiunt duo Notarii testatoris dispositiones recipientes, vel unus eorum cum duobus testibus cum eo simul subscribentibus, vel alia persona publica, ut Parochus, etiam regularis, vel Administrator ab Episcopo deputatus, ubi ita est in usu, non vero Vicarius; qui tamen ante, vel statim post mortem testatoris tenentur Testamentum a se scriptum apud Notarium loci, vel viciniorum, si nullus ibi sit, deponere; valet etiam inter vivos, & descendentes coram duobus Notariis, vel uno*  
cum



cum duobus testibus factum, ubi Jus scriptum viget, *Edict. cit. art. 23. & 25. 5.* Mysticum, id est secretum, seu clausum, quod a testatore subscriptum volucro inclusum, & sigillo proprio munitum Notario coram testibus, ut supra præsentatur, & actus in volucro a Notario scriptus signatur: valet in Gallia, ubi jus scriptum viget, & potest fieri etiam ab eo, qui non potest loqui, modo possit scribere, & in volucro scribat, hanc esse suam ultimam voluntatem, & totum ab eo sit scriptum, datum, & signatum: si autem testator Testamentum ab alio scriptum signare non posset, debet alius adhuc testis adhiberi loco ipsius signans, *Edict. cit. art. 9. 10. 12. 13. 6.* Holographum, quod totum a testatore est scriptum, datum, & signatum; valet in Gallia, ubi hætenus fuit in usu, & pro castra sequentibus, ac tempore pestis, & inter infantes, & pro descendantibus, & si fiat in Religione ante professionem, debet apud Notarium insinuari, *Edict. cit. art. 16. & seq. & art. 29. & 35. 7.* Militare; quod fit a castra sequentibus, & quod fit tempore pestis, vel ad pias causas, ad quæ jure communi sufficiunt ea, quæ sunt Juris naturalis, nimirum, potestas, libertas, capacitas in accipiente, & moralis certitudo de voluntate testatoris per duos testes; imo ad pias causas sufficit certitudo alio modo habita; in Gallia vero potest militare solum fieri in actione aliqua militari, vel ab existente extra regnum, aut a captivo, vel obsessio ab hostibus; vel potest fieri holographum, vel a duobus Notariis, vel officialibus superioris Ordinis, vel ab uno eorum cum duobus testibus non necessario regnicolis, vel signare valentibus, modo de eorum impotentia fiat mentio, & testator signare possit, & non sint infantes; vel si testator sit ægrotus, vel vulneratus ab aliquo Eleemosynario militiæ, vel Xenodochii cum duobus testibus mox dictis. Tempore pestis potest fieri, ut militare, etiam a Parocho, Vicario, & quolibet Sacerdote, etiam regulari pestiferis Sacramenta ministrante cum duobus testibus, ut mox dictum est de militari; desinit vero utrumque post sex menses, restituta libertate testandi in forma ordinaria, *Edict. cit. art. 27. & seq.* Ad pias causas in Gallia debet fieri Testamentum, & omnis alius actus mortis causa cum omni formalitate præscripta sub pœna nullitatis, *Edict. cit. art. 78.*

2. Codicillus est ultimæ voluntatis dispositio circa ea,

R 3 quæ

quæ quis post mortem suam vult fieri absque hæredis institutione, vel quo circa Testamentum aliquid explicatur, aut addendo, vel demendo mutatur; differt a Testamento; quia per Codicillum nullus hæres instituitur, & quinque sufficiunt testes Jure communi, etiam mulieres; in Gallia vero consuetudinaria, ubi Jus scriptum non viget, non differt a Testamento, & etiam duo testes cum Notario sufficiunt, sed omnia alia pro Testamentis præscripta, etiam pro Codicillo præscribuntur in Edicto citato.

3. Legatum est ultimæ voluntatis dispositio per Testamentum, vel Codicillum, qua testator donnm ab hæreditate selectum alicui directis ad eum verbis relinquit. Fideicommissum est ultimæ voluntatis dispositio, qua testator fidei hæredis committit aliquid alteri tradendum; differt a Legato solum in modo verborum. Legatum, & fideicommissum aliud est particulare, quo bonum designatum, pecunia, vel villa, &c. legatur, vel fidei hæredis committitur alteri tradendum. Aliud est universale, quo quis omnia bona alicui legat, vel fidei hæredis committit. Habentes jus ad legitimam, & hæredes instituti semper possunt quartam partem totius hæreditatis accipere, quæ si deducitur a Legatis, dicitur Falcidia, si a Fideicommissis, Trebelliana nuncupatur, & Insuper suam legitimam, nisi testator expresse prohibuerit utramque simul accipere. *Edict. cit. art. 56. & 60.*

*Quar. 10. Quanam requirantur conditiones ad valorem Testamenti?*

*Dico.* Ad valorem Testamenti, & cujuscunque dispositionis mortis causa tres requiruntur conditiones, videlicet, 1. testator ad testandum habilis. 2. Accipiens ex Testamento capax, saltem in morte testatoris, vel post mortem, tempore, quo impleta conditione Testamentum valere incipit. 3. Solemnitates a lege, vel consuetudine præscriptæ in loco, in quo fit Testamentum, quæ in diversis locis diversæ sunt. In Gallia juxta Edictum Ludovici XV. anno 1735. sunt sequentes, 1. ut in omni Testamento, Codicillo, & alio actu mortis causa dispositiones a testatore distincte dicantur, & a Notario scribantur in præsentia sex aliorum testium; vel quinque cum Notario pro Codicillo, ubi Jus scriptum viget; vel quoad dispositiones inter infantes, vel descendentes a duobus Notariis, vel

ab uno eorum cum duobus testibus; vel ab alijs personis publicis usu receptis, etiam a Parocho, ubi est in usu, vel ab Administratore, ut supra *Quarit.* 9. vel pro militiam sequentibus etiam a duobus officialibus Ordinis superioris, vel uno eorum cum duobus testibus, vel etiam ab aliquo Eleemosynario militiæ, vel Xenodochii testatore ægrotante, vel vulnerato; vel tempore pestis etiam a quolibet Sacerdote etiam Regulari Sacramenta administrante; & facta lectione, & in prædictis actibus indicata, a testatore simul, & Notario, ac testibus signentur cum appositione diei, mensis, & anni; & si testator non posset signare, fiat mentio; & si esset visione privatus, alius adhuc testis pro illo signans adhibeatur, nisi esset Testamentum holographum, quod totum a testatore debet scribi, & signari; vel mysticum, quod a testatore, vel alio potest scribi, & a testatore signatum in volucro inclusum, & sigillo testatoris munitum præsentari debet coram sex alijs testibus, & actus a Notario in volucro scriptus ab omnibus simul signari, adhibito alio adhuc teste, si testator Testamentum signare non potuisset. 2. Ut testes sint masculi, regnicolæ, capaces effectuum civilium, videntes, & audientes testatorem, viginti annorum completorum (exceptis locis juris scripti, ubi minor ætas, ut pubertatis ad testandum sufficit) non regulares Novitii, vel Professi, nec Scribæ, vel famuli Notarii, vel alterius Testamentum, vel alios actus mortis causa perficientis; nec hæredes instituti, vel substituti; nec legatarii (nisi essent legatarii in Testamento mystici subscriptione) valentes signare, exceptis pagis non clausis, in quibus duo valentes scribere sufficiunt, facta de alijs, si plures requirantur, mentione; & in Testamentis militariibus, ac tempore pestis, in quibus extranei, & non valentes signare admittuntur, modo testator signare possit; denique habentes alias qualitates a jure, vel consuetudine requisitas supradictis non contrarias. 3. Ut in locis, ubi hæres debet institui, habentes jus ad legitimam, omnes in Testamento nominentur, quamvis pro minima summa, qui tamen supplementum pro legitima exigere possunt, secus erit nullum, saltem quoad institutionem alterius hæredis, quamvis clausulam codicillarem contineret. 4. Ut Testamenta, vel Codicilli non sint mutui inter conjuges, vel alios; valent tamen Donationes mutuæ mor-

tis causa inter conjuges, ut supra de Donationibus dictum est.

*Hinc. 1. Defectū habilitatis testandi*, Testamenta aliarumque dispositiones mortis causa sunt nullæ, 1. Jure naturali, & civili, si sint factæ a non habente sanam mentem, ut sunt amentes, furiosi, nisi habent lucida intervalla, & eo tempore sint factæ. 2. In Jure civili sunt nullæ factæ ab impube, etiam consentiente patre, quoad bona adventitia, si sit filiusfamilias; pubes vero valide testatur, consensu patris etiam non requisito, nisi esset in locis, ubi major ætas requiritur. 3. Factæ a surdo simul, & muto a nativitate; si enim possit scribere, Testamentum holographum perficere potest, ubi valet; vel factæ a mancipio, vel prodigo habente curatorem, vel a civiliter mortuo, ut a condemnato triremibus, aut exilio in perpetuum, vel morte; valent tamen, si interjecta appellatione, ante sententiam definitivam moriatur, vel ob crimen militare damnatus sit, *Pont.* 4. in Gallia sunt nullæ factæ ab extraneis, quibus Rex succedit; nisi sint privilegiati, *vide de Dominio, & re inventa*; & Testamenta, vel Codicilli inter conjuges mutui, & inter alios sunt nulli, *Ludov. XV. Edict. 1735. art. 77.* & Religiosis Episcopis factis succedunt parentes, & non Ordo; pietati tamen conformius agunt relinquentes sua bona ad pias causas, *Tourn.* 5. Jure Canonico sunt nullæ factæ a Clericis de bonis mere Ecclesiasticis, vel a Religiosis etiam Melitensibus post emissam professionem, vel ab usurariis notoriis, nisi facta prius restitutione, vel præstita de illa cautione; vel ab hæreticis publicis, eorumque receptoribus, & fautoribus; ubi autem inter Catholicos commorantur, testari non impediuntur, nec de facto Clerici, præcipue in Gallia.

*Hinc: 2. Defectū capacitatis recipiendi*, invalida sunt Testamenta, & aliarum dispositiones mortis causa, 1. ex adulterio, vel incestu nato factæ. In Gallia nondum nato, vel nondum concepto saltem in morte testatoris, *Edict. cit. art. 49.*; vel Monasteriis non institutis Regiis diplomatibus, vel aliis factæ a Novitiis, *Edict. Aurel. art. 10. & Bless. art. 28.*; vel Notario, vel aliis Testamentum scribentibus, vel testibus, *Pont.* vel tutoribus, curatoribus a minoribus suis, vel pupillis, *Edict. 1539. & 1549.* 3. Factæ Fratribus Minoribus de observantia, & Capucinis, nisi

nisi per modum Eleemosynæ, vel piæ donationis, *Clement, exivi*; vel civiliter mortuis, nisi sit pensio alimentaris, v. g. ad triremes damnato, *Font.*

*Hinc*: 3. *Defectu solemnitatis*, 1. si testator solum signis, vel literis ultimam suam voluntatem declarat, vel loco Notarii ejus scriba illam scribat, *Ludov. XV. ann. 1745.* vel alius jure, vel usu non receptus, 2. Si testes non habeant qualitates a jure; vel consuetudine requisitas. 3. Si Testamentum holographum contineat interlineas, seu additiones alia manu appositas, *Tourn.* patet ex *Edicto citato ann. 1735.* 4. Si alia, jure, vel consuetudine pro valore requisita, non servantur; unde locorum consuetudo est consulenda, dum agitur de valore dispositionum ultimæ voluntatis. 5. Si captatione, vel suggestionem Testamentum, vel alii actus mortis causa sint facti. *Edict. cit. art. 47.*

*Quar. 11. An per Testamentum, aliumve actum inter vivos, vel mortis causa invalidum, acquisita in foro conscientia retineri possint?*

*Dico*: In foro conscientia retineri nequeunt acquisita per Testamentum, aliumve actum inter vivos, vel mortis causa Jure naturæ invalidum, *ita communis*; bene autem per actum defectu solemnitatum duntaxat invalidum possessa, saltem ante Judicis sententiam invaliditatem dictorum actuum declarantis, *Soto, Ban. Sa. Laym. Sanch. Cabass. & alii*; huic sententiæ etiam favet *S. Antoninus, Innoc. III. Less. & multi alii*; modo certo constat de voluntate testatoris, & adsint Jure naturæ requisita, nempe facultas, & libertas in disponente, & capacitas in recipiente: quia hæc naturalem saltem tribuunt actui valorem, saltem ad effectum retinendi voluntarie, ac libere a testatore, vel alio concessa, sicut in contractibus cum pupillis, & minorentibus; nec leges irritantes similes actus, declarant dantes, ac recipientes, ad dandum, & recipiendum inhabiles; nec aliter leges consuetudine, quæ est interpretes legum, sunt receptæ, & ita docet communis praxis personarum etiam timorata conscientia, quæ tali modo acquisitis non solent spoliari ante Judicis sententiam, ut testatur *Cabassutius & Billuare*; quæ opinio videtur probabilior, ac proinde practicabilis; valent tamen in Testamento, vel alio actu mortis causa defectu solemnitatum invalido pia  
lega-

legata, etiam in foro externo, *Alex. III. Greg. IX. Jus can. Pont. Tourn. Cabass. & alii*; in Gallia vero obstat Edictum Lud. XV. an. 1735. art. 77. quod expresse requirit, ut ibidem præscripta etiam pro piis Legatis serventur.

*Hinc*: 1. Restitui debent, etiam ante Judicis sententiam, acquisita ex Testamento, vel alio actu inter vivos, vel mortis causa facto ab ægroto usu rationis notabiliter turbato, vel omnino privato, vel metu, vi, &c. coacto, vel suggestionem, vel captatione decepto, vel in favorem ex adulterio nati, vel tutoris a pupillis, &c. vel donatione ab infante, vel a Religioso sine licentia Superioris, vel uxoris de bonis mariti, &c. quia similes dispositiones sunt jure naturæ invalidæ, vel defectu rationis sufficientis, vel libertatis, vel potestatis dantis, vel defectu capacitatis recipientis. 2. Non tenentur ad restitutionem, nisi post Judicis sententiam possidentes bona accepta sive gratuita, sive onerosa dispositione non adhibitis solemnitatibus a jure præscriptis, ut ex Testamento vel Codicillo defectu solemnitatis invalido, vel in Gallia per donationem summæ mille libras excedentis sine insinuatione apud Tabellarium, vel accipiens sine scriptura de manu ad manum certam summam post mortem dantis pro se retinendam, vel pro Missis dicendis, nemine coram Judice in prædictis reclamante; quia ex libera voluntate dantis valorem habent saltem naturalem. 4. Legata ad pias causas in Testamento defectu solemnitatum nullo, vel in Codicillo non adhibitis rebus requisitis, solvi debent, *Auct. supra citati*; quia in lege sunt privilegiata, excepto in Gallia, nisi constet, esse facta per modum restitutionis, vel esse ex justitia debita; quia tunc Jus naturale ita exigit, ac divinum.

*Quar.* 12. *Quisnam possit esse executor Testamenti, & quomodo Testamentum exequi teneatur?*

*Dico.* Executor Testamenti potest esse masculus, vel fœmina, Laicus, seu Clericus etiam Religiosus de licentia sui Superioris, exceptis Fratribus Minoribus, *Clem. xvi.* possuntque ad hoc charitatis opus obligari Religiosi obedientia, & alii charitate, vel a Judice. Si nullus sit executor Testamenti nominatus, executio spectat ad hæredes; executio tamen pii Legati extra Galliam devolvitur ad Episcopum pro redemptione saltem captivo-  
rum

rum, & Eleemofynis pauperum, *P. Gerv.* executio Testamenti debet fieri tempore a testatore constituto, & si nullum sit constitutum, statim, vel saltem intra annum post aditam hæreditatem pro dispositionibus profanis, & intra sex menses pro piis Legatis, etiam non adita hæreditate; negligentes ab utroque Judice Ecclesiastico, & civili possunt ad executionem compelli. Tenetur executor omnia sincere exequi juxta intentionem testatoris, & incipere a Legatis piis, *ita in Jure*; executori non debetur salarium, nisi testator aliquod ei constituerit, vel ob damnum inde passum Judex assignaverit; potest tamen, si pauper sit, Legata pauperibus ad suum arbitrium distribuenda, sibi servare.

*Hinc*; executor Testamenti graviter peccat, 1. sine justa causa, cum damno proximi officium executoris recusans. 2. Executionem ejus ultra annum, & pia Legata ultra sex menses sine justa causa notabiliter differens, vel contra intentionem testatoris disponens. 3. Propria auctoritate suum laborem compensans.

*Quar. 13. An hæres teneatur acceptare hæreditatem: quando eam acceptasse censetur; & quando a Judice possit ab hæreditate excludi?*

*Dico.* Hæres non tenetur acceptare hæreditatem, eam tamen non acceptaturus, ei renunciare debet actu juridico debite significato iis, quorum id scire interest, & si eam absque beneficio inventarii adeat, tenetur ad omnia debita, & Legata defuncti, etiam vires hæreditatis excedentia, exceptis pœnis pecuniariis pro crimine, vel confiscationibus non lata sententia ante obitum defuncti, vel appellatione interposita; in foro tamen conscientiae non videtur obligandus ad hæreditatem excedentia, *P. Gerv.*; nec tenetur Legatarius, nisi pro rata emolumenti recepti, nec minor, qui hæres beneficiarius reputatur, *Pont.* tres menses conceduntur pro conficiendo inventario, & 40. dies ad deliberandum, num eam accepturus sit, *Ediff. 1667.* qui autem hæreditatem semel adiit, nullatenus eam repudiare potest, & censetur eam adiisse, 1. si relictus ex successione receperit. 2. Si debita solverit. 3. Si bona coluerit; locaverit &c. vel res, aut hæreditatem alteri vendiderit. 4. Si secreto aliquid hæreditatis abstulerit. Beneficio inventarii hæreditatem acceptans, 1. ultra vires hæreditatis non potest conveniri. 2. Potest de-  
tra-

trahere Falcidiam, vel Trebellianam, si hæreditas ultra eas gravata sit Legatis, vel Fideicommissis; non tamen a Legatis piis, *Auf. simil. Cod. ad leg. Falcid.* 3. Jus habet ante omnia deducendi impensas funeris, & inventarii, nec de ordine creditorum tenetur esse sollicitus, potest tamen hæres ab intestato, vel Testamento institutus ab hæreditate a Judice excludi, si in defunctum, dumluce potiebatur, seu postquam fato cessit, graviter deliquerit, videlicet, 1. si insidias vitæ defuncti parari, veleum aliter periclitari sciens, non monuerit, nec pro viribus juverit. 2. Si defuncti honorem libellis, vel crimine ad Judicem delato invaserit. 3. Si capitale odium inter testatorem, & hæredem institutum, præfertim cum ad prioris mortem, intervenerit. 4. Si vi, aut dolo volentem testari, vel Testamentum mutare, prohibuerit; vel se hæredem instituere coegerit, & jure Romano hæreditas ad alium, alias eam obtenturum devolvitur; Gallico vero, Fisco adscribitur, *Pont.*; sic etiam hæreditatem mariti colligere prohibetur uxor, quæ ipso vivente in aperta libidine vixit, *ibid.* Hæres, recusans hæreditatem, Testamentum reddit caducum, quantum ad omnia in locis Juris scripti; quia ibi institutio hæredis est de ejus essentia; nisi dolo fecerit, ut hæreditas ab intestato ad patrem, vel alium, quocumque convenit, ab omni onere vacua transeat, vel nisi clausulam codicillarem contineat, ut nimirum valeat, ut Codicillus, si robore Testamenti careat, *Pont.*; & si plura post obitum defuncti inveniatur Testamenta, ultimo se conformare tenetur; & mortuo hærede ultimi Testamenti ante testatorem, priora propterea non reviviscunt sine nova testatoris dispositione, *ibid.*

*Hinc* 1. Graviter peccat hæres dolo recusans hæritatem Legatis gravatam, ut sine eorum onere ad alium transeat; vel acceptans Falcidiam, aut Trebellianam a Legatis piis, vel pia legata non solvens, etiam in Testamento defectu formalitatis nullo, saltem extra Galliam, vel in Gallia, si sciat per modum restitutionis esse facta. 2. Hæres tenetur solvere Legatum sub conditione Religionis ingrediendæ alicui factum, licet egrediatur sine dolo, & sine culpa, vel factum ob causam falsam a testatore allegatam; quia sufficit voluntas testatoris, *Pont.*; modo sit tantum impulsiva; vel pensionem alimentarem ad triremes damnato, *L. is cui, 2. ff. de alim.*; licet cæteroquin



roquin sit incapax recipiendi ex Testamento; debeturque pensio alimentaris legata ab initio anni, *L. si compet. 1. C. quando dives. 3.* Si domus sit legata ea conditione, ut Legatarius ex ea alteri solvat pensionem, mortuo primo Legatario ante testatorem, tenetur hæres illius domus ab intestato illam solvere, *Pont. 4.* Legatum ad certum usum, non potest mutari in meliorem sine auctoritate Judicis sæcularis, si sit sæculare, vel Ecclesiastici, si sit ad pias causas: destinatum vero ad inutilem, potest pro alia re utili adhiberi. 5. Legatum factum Monasterio non habenti Literas Regias pro sua fundatione, ac proinde non valenti illud recipere debet, ab Episcopo ad alias pias causas destinari, *Greg. IX. apud Pont.* sic legatum non acceptum pro fundatione certarum Missarum, debet ad alias pias causas impendi, *Pont. 6.* Legatum pro Ecclesia, vel pauperibus intelligitur de Ecclesia, & pauperibus loci, *Nov. de reg. 131. c. 7. 7.* Centum amphoræ vini ex proximis vindemiis suæ vineæ legatæ, solum quoad medietatem solvendæ sunt, si vinea non ultra medietatem produxerit. 8. Legata domo cum omnibus, quæ in ea sunt, etiam comprehenduntur pecuniæ, non vero Contractus reddituum annuorum; quia non sunt mobilia. 9. Legata domo etiam comprehenditur hortus vicinus, licet postea emptus; quia accessorium sequitur principale. 10. Hæres furripens aliquid occulte ab hæreditate, tenetur solvere debita, & Legata etiam hæreditatem excedentia saltem in foro exteriori; quia hæreditatem acceptasse reputatur, nisi beneficio inventarii usus sit. 11. Cohæres tenetur partem alterius redintegrare, si illa a creditore testatoris evincatur, non vero rem legatam, nisi ipsius culpa pereat.

*Quer. 14. Quid sit Depositum, & Sequestrum?*

*Resp.* Depositum aliquando sumitur uero ipsa re deposita, strictus est Contractus, quo res custodienda traditur alteri, ab eoque suscipitur expresse, vel tacite, ut cum ex officio res cultore obligatus eas videat apud se deponi, ut caupones, stabularii, aurigæ, nautæ, &c. ut reddatur eadem: Sequestrum vero, quod etiam depositum judiciale dicitur, est Contractus, quo res, de qua est controversia, alteri tercio custodienda traditur, ut postea reddatur cum fructibus ei, cui adjudicabitur a Judice.

*Quer. 15. Ad quid teneatur Depositarius?*

*Dico.*

*Dico.* Depositarius, suscepto expresse, vel tacite deposito, tenetur 1. illud conservare, & custodire ea cura, quam homines diligentes in similibus suis rebus adhibere solent, *L. 32. ff. de pos.* 2. Rem eandem restituere, quam primum a deponente fuerit repetita, nisi sibi, vel alteri nocere credatur, vel furto fuisset ablata, vel Fisco adscripta; tunc domino, & non furi deponenti, vel Fisco tradenda est. 3. Non uti re deposita sine consensu domini expressio, vel tacito, aut saltem probabiliter præsumpto. 4. Rem non retinere pro compensatione occulta, *cap. 2. de de pos. & L. 11. Cod. de pos.* nisi indirecte, eam retinendo, donec solvat debitum, *Sylvest.* depositor autem tenetur Depositario impensas in re custodienda factas, ac damna solvere, *Tourn.*

*Hinc* 1. Ensis depositus non furioso reddendus, ne aliis noceat, res furtivæ depositæ non furi, sed domino; merces depositæ, & per sententiam Fisco adscriptæ non mercatori, sed Fisco tradendæ sunt. 2. Furtum committit Depositarius utendo re deposita rationabiliter invito domino, v. g. equo, veste, &c. *L. 3. Cod. de pos.* nisi pretium pro usu solvat domino non invito; tunc si dominus consentiat, & res sit usu consumptibilis, transit in mutuum, & perit depositario; si usu non sit consumptibilis, in commodatum, si gratis concedatur; & in locationem, si pro pretio datur; etiam excusatur, si vergat usus rei in commodum deponentis; sic utendo equo, quantum opus est, ne in stabulo languescat, vel vino, aut frumento, ne pereant, modo certo sciat, se rem ejusdem speciei, & bonitatis habiturum tempore, quo sit repetenda; quia tunc negotium domini utiliter agit, *Tourn.* vel quando prudenter, & bona fide existimat, domino non displicere; sic si v. g. utatur pecunia numerata deposita in saculo non clauso, nec obsignato, modo moraliter certus sit, se eam habiturum, dum exigetur; sic Thesaurarii, Eleemosynarii, &c. sine damno pecunias depositas negotiationi exponentes excusantur, *P. Gerv.* sed caute, & supposito consensu domini, *Pont.* qui consensus prudenter præsumi nequit, si pecunia clausa vel obsignata tradatur, sed illa utens, peccatum furti committit, *Pont.*

*Quar. 16. Quid sit Commodatum, & Precarium?*

*Resp.* Commodatum est gratuita alicujus rei ad solum usum concessio usque ad tempus determinatum, ante quod

quod repeti non potest. Precarium vero est ad preces alterius gratuita alicujus rei ad solum usum concessio revocabilis ad nutum concedentis; differt a Commodato; quia est revocabilis ad nutum, & ad preces alterius concessum, non vero Commodatum.

*Quar. 17. Quanam sint obligationes Commodantis, & Commodatarii?*

*Dico.* Commodans tenetur, 1. aperire vitium rei commodatæ, si sit periculosum. 2. Non repetere Commodatum ante tempus expresse, vel implicite conventum. 3. Facere impensas rei extraordinarias. Commodatarius autem tenetur 1. non uti re commodata, nisi ad usum sibi concessum. 2. Rem commodatam conservare ea cura, qua diligentissimi res suas conservare solent; quia cedit in utilitatem solius accipientis. 3. Restituere rem commodatam finito tempore, etiamsi non petatur. 4. Facere impensas modicas, necessarias, & ordinarias pro rei conservatione. 5. Restituere valorem, si pereat ex culpa levissima; non vero ex casu fortuito, nisi intervenierit pactum de casu fortuito, vel mora, ob quam perierit, vel culpa, eam adhibendo ad usum non concessum; si vero fuerit precarium, tenetur solum de dolo, & culpa lata; quia est ad nutum revocabile.

*Hinc 1.* Gravier peccat, & tenetur de damno, 1. commodans vas veneno infectum, vel taurum nocere solitum, si non moneat Commodatarium. 2. Commodans equum pro tempore messis, illumque ante tempus elapsum repetens, nisi idem damnum inopinatum ex ejus carentia ipsi evenisset; quia sub hac conditione censetur concessus. 3. Si neglectis impensis extraordinariis ante tempus perierit cum damno Commodatarii.

*Hinc 2.* Graviter peccat, & tenetur ad restitutionem Commodatarius 1. equo ad equitandum concessio utens ad trahendas vecturas onustas cum notabili ejus deterioratione, committitque speciem furti, *Instit. de oblig. qua ex delict.* 2. Non præbens commodato pabulum necessarium, si propterea notabiliter patiatur. 3. Illum non restituens tempore convento cum notabili damno commodantis, & si fulmine perierit, vel alio casu fortuito, tenetur restituere pretium, si non eodem modo periisset apud dominum. 4. Si in agro cauponæ relictus, furtis fuerit ablatus; quia non debitam habuit ipse curam.

*Quar.*

*Quar. 18. Quid sit Mandatum, & Negotiorum gestio?*

*Resp.* Mandatum est obligatio aliquid agendi in alterius commodum gratis suscepta; si enim sit pro pretio; est locatio operæ; qui solet obsequia præstare pro mercede, non præsumitur gratis eam suscepisse. Negotiorum gestio vero est alterius absentis, & ignorantis negotium gerere sine mandato.

*Quar. 19. Quanam sint Mandantis, Mandatarii, ac Negotiorum gestoris obligationes?*

*Dico.* Mandans tenetur 1. præbere necessaria ad Mandati executionem, & solvere sumptus. 2. Ratum habere, quod a Mandatario bona fide, ac prudenter gestum est. Mandatarius vero tenetur. 1. Negotium, ut proprium, diligenter adimplere, & non peracto, vel male, damna inde secuta refarcire, nisi tempestive acceptionem Mandati retraxerit. 2. Non excedere Mandati fines, ac conditiones. 3. Non exigere mercedem pro sua opera, nec compensatione occulta uti. Negotiorum gestor vero potest præter impensas, & damna mercedem congruentem exigere, etiamsi Negotium male succedat, dummodo debitam diligentiam adhibuerit. 4. Uterque tenetur ad restitutionem damni de dolo, & culpa lata; si vero pro mercede, vel seipsum obtulerint, cum alius diligentior ad idem Negotium præsto esset, de culpa levi; & si maximam diligentiam promiserint, vel eam rei gravitas exigit, de levissima.

*Hinc* 1. Mandatarius non potest carius emere, nec minori pretio vendere, quam ei præscriptum est; secus tenetur ad damnum. 2. Spe remunerationis gratuita frustratus, non potest compensatione occulta uti; bene autem Negotiorum gestor, si mercedem sibi debitam alio modo habere nequeat, & aliæ serventur conditiones justæ compensationis occultæ.

*Quar. 20. Quid sit Locatio, & Conductio?*

*Resp.* Locatio est contractus, quo persona, vel res aliqua ad usum, ut equus, vel ad fructum, ut vinea pretio ad certum tempus conceditur; Conductio vero est idem contractus, quo persona, vel res ad usum, vel fructum pro pretio comparatur; unde ex parte dantis est Locatio, & ex parte accipientis est Conductio. Per pretium intelligitur pecunia; si enim esset alia res, vel obsequium, esset contractus innominatus; estque triplex, supre-

supremum, medium, & infimum; non est infra infimum illud, quo plures operam suam locant; nec supra supremum, quo plures conducunt.

*Quar. 12. Quanam sint obligationes Locatoris?*

*Dico.* Locator tenetur 1. rem non locare pretio majore, summo, secus tenetur ad restitutionem, 2. Aperire conductori vitia rei locandæ occulta, & noxia, alias tenetur ad restitutionem damni, nec excusatur ignorantia invincibili, *L. 19. ff. loc.*; quia tenetur rem locandam probare, an vitiosa sit. 3. Impensas in rei reparationem, v. g. domus necessario factas refundere, *L. 55. ff. loc.*; nisi factæ fuissent necessariæ culpæ conductoris; & onera publica ad rem locatam pertinentia solvere, nisi in utroque casu aliter sit conventum. 4. Non locare rem suam male usuro. 5. Remittere, vel minuere pretium ob casum fortuitum, nisi ubertate anni præcedentis sterilitas sequentis compensetur, *L. 27. Cod. & cap. 3. de loc.*; vel ab initio de omni eventu fuisset conventum, & ob hoc onus pretium debet esse minus, *L. 9. ff. loc.*; 6. Rem non repetere ante tempus constitutum, nisi 1. defectu solutionis tempore statuto, vel saltem post biennium, si Locatio sit quinque, vel decem annorum. 2. Ob malos conductoris mores. 3. Ob reparationem, aut venditionem; vel ob propriam indigentiam, *cap. 3. de loc. & L. 3. Cod. loc.*

*Hinc:* graviter peccat cum onere restitutionis 1. famulus exigens supra supremum stipendium, vel utens compensatione occulta non infra infimum conductus, 2. Locans domum ruinofam, vel malis spiritibus obsessam, vel equum, aut mulum onera, vel ascensorem abjicientem, vel pascua pecoribus nociua, etiamsi dicta vitia inculpabiliter ignoraret. 3. Locator non solvens impensas necessarias circa domum locatam factas, vel medicinas pro equo ægrotante adhibitas; non tamen tenetur, si equus conductoris culpa ægroter; nec ad impensas ob solum commodum conductoris factas. 4. Locans cubile personæ, eamque postea malæ vitæ agnoscens, non expellens; quamvis illius malæ vitæ sit occulta, & sine scandalo, *Pont.*; vel domum usufructuario publico, aut meretrici, licet eam non posset alteri locare, vel non alios haberet redditus pro sua sustentatione, *S. Raymond. Pont.* nisi domus esset in ea parte civitatis, in qua Respublica eas pro majori malo evitando toleraret, & personæ ad meretricandum firmiter resolutæ

locaretur cum displicentia ipsius criminis, *Sylvius, Pont.*; vel si domum non locando meretrici, ad extremam reduceretur necessitatem; quia remote tantum ad illius peccatum concurrit. 5. Non servans conductorem indemnem, si notabile damnum patiatur, puta furto, &c. ob ostia, fenestrasve domus locatæ nimium fractas, vel ob evictam, etiam sine dolo, vel culpa Locatoris, *L. 6. § 25. ff. locat.*; non tamen tenetur de damno, si re locata frui nequeat vi majoris, ut Principis, vel ob incendium etiam ab inimico Locatoris causatum, modo non fuerit causa culpabilis inimicitiae; sed solum imminuere pensionem pro rata privationis usus. 6. Destructis prædiis, locatis grandine, vel inundatione Locator diminueret tenetur pensionem, nisi conventionem de casu fortuito, vel ubertate anni præcedentis eximatur, nec in Locatione trium, vel plurium annorum solet concedi imminutio; quia sterilitas unius anni per antecedentis, vel subsequenteris fat supponitur compensari, nec si fundus sit sterilitati obnoxius, puta, quia fluvio est affinis, cujus pensio solet diminui; nec si fructus sint mere naturaliter sine cultura, & industria producti, ut scænum, & ligna ab hostibus consumpta; nec si in horreo jam congregati igne cælesti comburantur; quia non amplius sunt pars fundi, sed solius conductoris; nec si casus fortuitus, ut gelu, inundatio, &c. non extra consuetudinem acciderit. Nec si pensio non sit pecunia, sed fructus fundi; tunc enim est societatis species, *ita Pont.*; ex charitate tamen aliquando diminueret tenetur Locator. 7. Mortuo Locatore, vel Conductore hæredes tenentur servare contractum; quia faciunt unam cum defuncto personam.

*Quer. 22. Quanam sint obligationes conductoris?*

*Dico.* Conductor tenetur cum onere reparationis damni, 1. rem, vel operam personæ non conducere pretio, infimo, minori. 2. Non uti re locata invito domino, nisi ad usum concessum. 3. Solvere pensionem statuto tempore. 4. Non dimittere rem, vel personam locatam ante tempus constitutum. 5. Modicas necessarias facere impensas pro rei conservatione. 6. Restituere rem locatam impleto tempore in bono statu. 7. Reparare damnum, si pereat, vel deterior fiat culpa levi sua, vel sublocatariorum, aut famulorum; non vero de levissima, vel de casu fortuito; nisi ita fuerit pactum, vel præ-

præcesserit mora culpabilis reddendi, vel culpa levis casus fortuiti.

*Hinc:* graviter peccat, & tenetur ad restitutionem damni, 1. herus conducens famulum pretio minõri, infimo, nisi non indigens servo ex misericordia eum susci-eret; tunc tenetur ad alimenta solum; si tamen eum notabiliter ultra alimentorum merita laborare faciat, tenetur saltem ad infimum stipendium, vel labori proportionatum, *Less.* pueris præter alimenta nihil debetur; promissio tamen promotionis ad studia, vel artem ex iustitia impleri debet, *P. Gerv.* dimittens vero famulum sine iusta causa, tenetur eum integre solvere pro toto tempore conducto, si nullum dominum inveniat; si alium inveniat, sed minori pretio, tenetur ad residuum, ut adæquet idem pretium, si eodem pretio, vel iusta ex causa eum dimiserit, solum ad stipendium pro rata temporis; sic si famulus herum ante tempus relinquat, tenetur herus eum solvere pro rata temporis: quia merces Jure naturali est debita, nisi herus damnum patiatur; quia tunc famulus illud refarcire tenetur, vel nisi conventum sit de amissione integri pretii, si ante tempus discedat, *Pont.*; vel nisi ita consuetudine sit receptum. Domesticis ægrotis debentur alimenta, & modica necessaria, non vero salarium, si diu ægrotent; nisi sit consuetudo, *P. Gerv.* 2. Tenetur conductor damnum domus locatæ, culpa etiam levi sua, vel suorum domesticorum, aut subconductoris combustæ, totum refarcire, ita in Jure; salvo recurſu ad domesticos, vel subconductorem; si sine ulla ipsius culpa incurſu hostium, vel igne cœlesti perierit, ad nihil tenetur; quia res perit domino, seclusa alterius culpa. 3. Conducens duos boves tempore Locationis nonaginta libris æſtimatos casu etiam fortuito pereuntes eo pretio solvere tenetur; quia æſtimatæ rei datæ periculum in se suscipere a Jure censetur, *Pont.* 4. Architecto ob male deductum computum majores facienti impensas ædificando domum, quam stipendium conductum patitur, conductor illas præstare tenetur, & econtra architectus tenetur restituere de stipendio, si justum excesserit; quia debet ex utraque parte esse justum, ut in emptione, & venditione, nisi conductor noluiſſet absolute ædificare cum tantis impensis, vel casu fortuito, mala nimirum tempeſtate longius tempus, vel ob favorabilem

brevius impendisset, tunc damnum, & lucrum inde eveniens architectus sibi rescribat, *Pont.* 5. Conductor in se suscipiens casus fortuitos censetur intelligere eos, qui injuria temporum, grandine, inundatione &c. non vero actione, vel malitia hominum, ut bello &c. contingunt, *Pont.*

*Quar. 23. Quid sit Emptio, & Venditio?*

*Resp.* Emptio est pactio pretii pro merce; Venditio vero est pactio mercis pro pretio. Per pretium intelligitur pecunia; nam si sit alia res, erit permutatio; & per mercem omnia bona mobilia, vel immobilia, præsentia, & futura, actiones, & jura. Vendere ad corpus est, quando plura per modum totius uno pretio absque expressione ponderis, numeri, & mensuræ, ut dolium vini, acervus tritici, grex animalium venduntur. Vendere ad mensuram est, quando plura per modum plurium venduntur; ut dolium vini, solvendo unamquamque metretam tribus florenis, vel ex isto grege ovium, quinque.

*Quar. 24. Quanam requirantur ad Venditionem, ac Emptionem conditiones?*

*Dico.* Ad contractus Venditionis, & Emptionis requiritur 1. consensus mutuus externus. 2. Merx. 3. Pretium. 4. Certa contrahendi forma juxta leges, vel consuetudinem loci. 5. Pro transferendo dominio rei traditio, vel constantis numero, pondere, mensura, coram Emptore determinatio, eam numerando, ponderando, vel mensurando, quæ fictione Juris æquivalent traditioni. 6. Impletio conditionis. 7. Pro justitia inter mercem, & pretium æqualitas.

*Hinc* 1. Venditiones centum libras excedentes in Gallia non obligant, nisi coram Notario, vel partium signatura, sint factæ, nec admittitur probatio per testes, *Edict. anno 1566.* quibusdam in locis non valent nisi data arrha, cum cujus jactura resilire licet; in aliis vero etiam cum jactura arrhæ non resilire licet, si nimirum in securitatem obligationis contractæ data sit, *Tourn.* 2. Si res ad gustandum, vel probandum data sit, non obligat Venditio, nisi facta probatione, vel re gustata, licet de pretio conventum sit; quia conditio non est impleta. 3. jura Gabellæ Venditioni imposita solvenda sunt inita rei emptæ possessione, *Tourn.*

*Quar. 25. Ad quem spectent fructus rei emptæ, & an non soluto pretio debeat solvi interesse?*

*Dico.*



*Dico.* Omnes fructus maturi, sive immaturi, tam rei emptæ inhærentes tempore contractus, quam postea nascentes, pertinent ad emptorem, licet nondum sit tradita; nec pretium solutum, nec oblatum, nec cautio, aut pignus traditum, nec dilatio expresse concessa, nisi aliter expresse sit conventum, *ita in Jure*; tenetur tamen impenas pro illis colligendis, vel custodiendis a venditore bona fide factas refarcire, & non soluto pretio, tenetur illius interesse, in Gallia defacto quatuor pro centum, solvere a die rei traditæ, vel oblatæ, vel si venditor certum, tempus solutionis, fixisset, a die expresse convento; rei autem mobilis a die petitionis in iudicio, *Ferriere apud Tourn.* quod interesse solvitur non pro lucro, sed pro compensatione fructuum, & æqualitate inter contrahentes, etiamsi per accidens nullos fructus ferat, *ibid.*

*Hinc* 1. Unæ sive maturæ, sive immaturæ pertinent ad e mentem vineam, pullus ante venditionem natus ad venditorem, & postea natus ad emptorem, & non solvens pretium pro vinea, teneturolvere interesse, *L. 13. §. 10. de aff. empt.* in Gallia quatuor pro centum a die vineæ traditæ, vel oblatæ, & non solvens pretium equi a die petitionis in iudicio, licet vinea fuisset sterilis, & equum nemini locasset, vel eo usus non fuisset. 2. Venditor potest speciali conventionesibi reservare rei non solutæ dominium pro hypotheca, sed tunc ipsius debet subire periculum; in Gallia tacite hypothecata manet venditori, etiam translato ipsius dominio, & in eam, non soluto pretio, recursum habet in quascumque manus transierit, si sit res immobilis; si vero sit mobilis, solum in manu emptoris, *Edict. 1699. art. 3.* non potest tamen non soluto pretio fructus reservare pro lucro cessante, vel damno emergente ultra quatuor pro centum; quia esset usura palliata.

*Quar. 26. Cui res vendita fiat deterior, vel pereat?*

*Dico.* Res vendita etiam ante traditionem, si sit determinata in individuo, ut hic equus, vel vendita ad corpus, ut totus grex pro mille libris, sit deterior, & pereat emptori, nisi 1. venditor periculum in se suscepit, vel dolo, aut culpa ipsius etiam leviter perierit, tunc venditori perit, qui tenetur ex officio ad illius custodiam. 2. Si venditor fuerit in mora tradendi, ipsi perit; si al-

ter post alterum fuerit in mora, perit posteriori, nisi mora prioris fuerit causa posterioris; si uterque fuerit in mora simul, perit emptori, *ita in Jure*; si venditio fuerit conditionata, perit ante conditionis eventum venditori, *ita in Jure*. Res indeterminata, vel determinata, sed vendita ad mensuram, perit venditori, quamdiu non fuerit mensurata, vel numerata aut ponderata coram emptore; qua tacite sub hac conditione venditur, nisi statuto pro mensuratione tempore emptor non comparuerit; vel nullo statuto tempore, si venditor coram testibus emptorem ad comparandum certo tempore ad mensurationem monuerit, tunc ob moram emptoris ipsi perit; res vero determinata disjunctive, ut hic, vel ille equus, vel unus ex istis duobus, pereunte uno, alter est emptoris, ipsique perit; si ambo pereant, tenetur emptor unius solvere pretium, *ita in Jure*; melioratio autem, vel deterioratio rei indeterminata, vel determinata, etiam ad mensuram venditæ, pertinet ad emptorem, *ita Silvius, Less. Tourn. & alii communiter.*

*Hinc:* 1. Equus hic, vel hic grex venditus centum talaris; etiam non traditus, perit emptori; equus vero ex stabulo venditoris furto ablati, quia non clausum, vel quia non tradidit emptori tempore convento, perit venditori; quia fuit in culpa levi, vel mora tradendi; si emptor eum noluit accipere, perit emptori; si non fuerit traditus; quia ambo fuerunt absentes, perit emptori, quia ambo venditor, & emptor fuerunt causa moræ tradendi, *ita in Jure*. 2. Emens quinque oves ex grege, vel totum gregem unamquamque ovem duobus florenis, vel decem amphoras vini ex dolio, vel integrum dolium unamquamque amphoram vini quinque florenis, pereunte toto grege ante numerationem ovium, vel effluxo omni vino e dolio ante mensurationem, perit venditori, nec emptor tenetur ad quinque oves emptas ex grege, nec ad decem amphoras vini; quia conditio tacita, si oves fuerint numeratæ, vel vinum mensuratum, non fuit impleta, *Sylv. Lug. Tourn. & alii contra P. Gerv. & alios*; nisi ob emptoris moram non fuissent oves numeratæ, vel vinum mensuratum; si vero grex, vel vinum solum deterius fuisset factum sine culpa venditoris, damnum pertinet ad emptorem, *Auff. cit. supra*. Centum libræ vero ceræ ponderatæ, vel centum ulnæ panni mensuratæ emptæ, & reli-

atæ

etæ apud mercatorem, sine ipsius culpa furto ablata, pereunt emptori. 3. Emptus stichus, aut pamphilus, uno mortuo, ait Jus: qui superest, dandus est; si ambo pariter decesserunt, pretium debetur ab emptore; quia in emptione disjunctiva unum absolute emitur.

*Quar. 27. Quid, & quotuplex sit justum pretium?*

*Resp.* Justum pretium est illud, quod exæquat valorem rei juxta communem hominum intelligentium æstimationem consideratæ, & est duplex, videlicet 1. legale, legitimum, aut taxatum nominatum, quod Lege Principis, seu Magistratus decreto taxatum est. 2. Vulgare, seu naturale, quod communi hominum intelligentium æstimatione constituitur: & hoc est triplex, 1. summum, seu rigorosum, quod res ad summum valet, & vendens sine injustitia excedere non potest. 2. Infimum, seu pium, quod res ad minimum valet, & quod emens minuire non potest. 3. Medium, seu moderatum, quod est inter utrumque, quod potest augeri usque ad summum, & minui usque ad infimum inclusive; quæ extensio ab infimo ad summum, vocatur latitudo prætii, quæ est major, aut minor prout res est magis, vel minus pretiosa. Sic si medium pretium sint viginti aurei, infimum erunt novemdecim, & summum viginti unus, & tota latitudo prætii tres aurei. Si vero medium sint centum aurei, summum erunt centum quinque, infimum nonaginta quinque, & tota latitudo ejus decem.

*Quar. 28. Unde justum pretium sit desumendum, quo vendere, ac emere liceat, & qua ratione augeri, vel minui possit?*

*Dico.* Justum pretium repetendum est ex comparatione prætii cum re juxta communem intelligentium, vel Magistratus æstimationem. Licitum est vendere, & emere pretio taxato, & vulgari supremo, medio, & infimo; quia quodlibet justum est. Taxatum consistit in indivisibili, ita, ut illud excedere non liceat; vulgare vero augeri potest. 1. Ob lucrum ex alienatione rei certo, vel probabiliter cessans, aut damnum emergens, deductis deducendis, modo venditor rem non ultro offerat, & emptorem de pretio augendo moneat. 2. Ob labores, pericula, & impensas ordinarias in rebus conquirendis, advehendis, ac conservandis communiter occurrentes. 3. Ob specialem, & rationabilem affectum erga rem in gratiam alterius venditam, modo non ex officio vendat, & emptorem etiam

moneat. 4. Ob copiam emptorum, vel pecuniæ, & ob penuriam mercium. 5. Ob modum vendendi minutatim, vel ex officio. 6. Ob periculum fortis, & molestias in recuperanda forte, modo sit verum, & non habeat pignus, nec excedat, & de hac ratione emptorem moneat, nisi ipsi satis nota sit. 7. Ob gravamen venditioni annexum, ut est retrovenditio. Minuitur vero 1. si res parum sit utilis emptori, eamque in gratiam venditoris emat. 2. Ob paucitatem emptorum. 3. Ob copiam mercium supervenientem. 4. Ob modum vendendi in magna quantitate simul, vel si ultro offerantur; quia juxta axioma *merces ultroanea vilescunt*, pro tertia parte secundum communem, P. Gerv. 5. Si vendantur actione publica, vel sub hasta, modo absit fraus, & dolus.

*Hinc.* 1. Graviter peccant, & tenentur ad restitutionem 1. vendentes notabiliter supra pretium taxatum, nisi taxa esset aperte iniusta; præsumptio autem est pro iustitia: non vero peccant ementes infra pretium taxatum, modo non fiat infra infimum vulgare; quia præcipue, ne excedant vendentes, taxatum est. 2. Vendentes notabiliter supra supremum pretium vulgare ob utilitatem, vel necessitatem, aut affectum emptoris; quia non sunt vendentis; vel ob affectum etiam proprium, si ex officio, ut mercatores, vendant; quia isti tenentur esse indifferentes; vel ob extraordinarias impensas, labores, damna, ob ignorantiam, vel infortunium; quia ementes ordinaria, non vero extraordinaria solvere tenentur; vel ob lucrum cessans, vel damnum emergens rerum sponte, & ultro oblatarum; quia damnum sponte initum sibi compensare non licet, nisi fiat in gratiam emptoris; vel ob solam dilatam solutionem; vel ementes infra infimum pretium ob solutionem anticipatam; quia species usuræ est. 3. Dolo, fraude, vel mendacio alios inducentes ad emendum supremo, vel majori pretio, quam alias emisissent, licet non excedat supremum; quia ipsis injuriam faciunt; vel vendentes quidem pretio infimo, sed occulte tantum detrahentes, ut reducatur ad summum, quamvis illud non superet; quia agunt contra conventionem; vel subornantes alios falso suadentes, pretium brevi augendum, ut carius vendant; vel esse minuendum ob quantitatem mercium advenientium, ut minoris emant; vel vendentes pretio in loco, vel tempore venditionis quidem iusto, sed scientes illud

fore supra supremum in loco, vel tempore traditionis; vel scienter ementes pretio tempore, & in loco traditionis infra infimum futuro; quia pretium loci, & temporis traditionis, & non emptionis servari debet, *s. Thom. q. 78. a. 2. ad. 7.*; nisi incertum esset, an res pluris, vel minoris in loco, vel tempore traditionis sint valituræ; quia tunc fors ementis, & vendentis est æqualis, *P. Thom. ex Charm. 4.* In venditione actione publica, seu sub hasta dolo, fraude constituentes licitatores, simulantes se emptores, ut pretium augeant, vel emptores conspirantes, ne certum pretium transgrediantur, ut vili acquirant; vel instituentes tales actiones tempore, quo paucos emptores adventuros credunt, ut iis adjudicentur, quibus favere volunt; excusari tamen solent rogantes amicum sine dolo, vel vi, ne plus offerat, ut ipsi iusto, & infimo pretio obtineant, *Nav. Tourn. & alii*; præcipue, si certa animositas augendi pretium adesset. 5. Vendentes statuas ob antiquitatem, gemmas ob raritatem, canes, equos, ob affectum suum specialem excessive, & irrationabiliter in quantum possunt; quia, quæ non habent pretium, debent æstimari juxta judicium intelligentium, *Cajet. Tourn. & alii ibid.* Latitudo tamen pretii harum rerum major est, & si vendens, ac emens scientes, se ignorare pretium, de eo conveniant, valet, etiamsi esset læsio in dimidio, *Bannes. & alii apud Tourn.*; quia uterque æqualiter se damno, aut lucro commisit. 6. Famulus, aut proxeneta vendens rem domini supra, vel emens infra pretium assignatum, & excessum sibi reservans invito domino; vel sartores retinentes excessum pretii datum ad emendum pannum, licet mercator ob amicitiam ipsorum viliori pretio vendiderit, nec illud pro compensatione laboris retinere possunt; quia ad illum tenentur ex officio, & ob præferentiam præ aliis fati compensati censentur, *Pont. 7.* Emens minori pretio, quam valent, census, chirographa, debita, relative ad alios quidem difficilia, puta, quia sunt extra regnum, vel apud Principem, sibi vero facilia; quia ibidem, vel in aula Principis habitat, viamque certam illa recuperandi habet, quia non ob alienum, sed ob proprium periculum sortis solum, & damnum emergens ea diminuere licet, *Pontas*; secus, si ob difficultatem, & molestias in eorum solutione mercibus vitiatis æquiparentur respectu omnium,

Hinc:

*Hinc* 2. Non verò peccant, nec tenentur ad restitutionem, 1. ementes pretio infimo, etiam ob anticipatam solutionem, v. g. novemdecim aureis, & vendentes summo, v. g. viginti uno aureo, etiamsi fiat ob dilatam solutionem; quia utrumque pretium justum est. 2. Nec aurifex emens calicem leviter defectuosum, solvendo solum pretium argenti, non vero laboris, postea accommodatum vendens alteri pretio argenti, & laboris, modo labor non plus valeat materia, *Pont.* 3. Nec piscator vendens capturam jactus retis in mare, venator venationem futuram, agricola lactantes agrorum spicas, licet piscator, vel venator, nihil ceperint, modo absit fraus, vel culpa, & agrorum spicæ emptoris spem fefellerint, & prædicti supra supremum pretium solvere debeant; quia spes lucri fuit utrinque æqualis. Si tamen nulli fructus nascantur, emens segetes ex speciali juris dispositione non tenetur ad pretium, *Ferriere apud Tourn.* quia non ita frequenter, ut piscatio, & venatio casui exponuntur, & emptor hac solum lege contraxisse censetur, si fructus nascantur, *L. 1. ff. de capdit.* 4. Vendentes in gratiam emptoris eo pretio, quo probabiliter vendidisset eo tempore, quo rem suam vendere volebant, vel quo ipsimet postea emere debent, licet pretium sit taxatum, *S. Thom. apud Tourn.*; modo emptor moneatur de ratione pretii aucti, & res non sit ultronea, & deductis impensis conservationis, ac periculi. 5. Ementes, & vendentes pretio communi, & præfenti, licet sciant intra paucos dies notabiliter ob quantitatem mercium minuendum, vel ob adventum exercitus augendum, vel res venditas ab hoste esse destruendas, *S. Thom. q. 77. a. 3. ad 4.*; modo absit fraus; quia pretium tempore venditionis, & traditionis, justum est; peccare tamen possunt contra charitatem, proximum in magnam conjicientes necessitatem. Non vero licet Senatori scienti legem monetæ diminuendæ, vel pretium frumenti, aliarumque rerum taxam minuendam, uti ea notitia, & propterea ante publicationem sua debita solvere, frumentum vendere, promulgationem differre, amicis revelare, sed teneretur ad restitutionem damni tertio secuti; quia tenetur ex officio ad secretum, & præcavere, ne unus civium præ alio gravetur; particularis vero potest ea notitia uti, modo absit fraus; imo etiam Senator, si aliunde illam habeat, quam vi officii, *Corduba, Lug. Tourn.*; non tamen licet

licet pecuniam mutuo accipere; quia scit, brevi valorem esse augendum; quia in hoc esset fraus, *Pont.* nec minere mensuram, pondus, vel numerum, nisi emptor nolle pretium justum solvere, vel Respublica iuste taxare.

*Quar. 29. Quis vendere possit, & quam vendere liceat?*

*Resp. pranot.* Evictio est rei, quam quis emit, vel dono accepit, ab eodem abductio per sententiam Judicis; locum habet non in sola emptione, sed in omni alio contractu oneroso. Hoc notato.

*Dico.* Vendere potest, quilibet ad contrahendum habilis; nemo tamen cogi potest ad rei suæ venditionem, nisi tempore publicæ necessitatis, vel pro bono communi. Res omnes pretio æstimabiles corporeæ, seu incorporeæ, ut actiones, jura, officia idoneis vendere licet, quorum venditor dominium, liberamque administrationem habet; nisi vendi prohibita sint, vel in detrimentum corporale, vel spirituale proximi vergant, vel alteri jam vendita, vel furto ablata sint: quia in his datur evictio.

*Hinc* 1. Ad vendendum cogi possunt habentes frumenta superflua tempore sterilitatis, vel adveniente exercitu, vel fundum pro constructione civitatis, Ecclesiæ, fori, seu viæ publicæ. 2. Vendere non licet res spirituales, vel spiritualibus annexas, ut Beneficia, Jus patronatus &c. *vid. de Simon.*; nec hæreditatem, nisi post mortem testatoris, *L. ult. Cod. de pass.*; nec libros contra Religionem, bonos mores, famam proximi scriptos, tabellas obicænas, vinum eo sese inebriantibus, vel aqua mixtum, nisi diminuto pretio, & ne se inebrient; nec alias res mixtas vi-  
lioribus, & si propterea fiant nocivæ, vel inutiles ad finem propositum, vel deteriores, non diminuto pretio, tenentur ad restitutionem; nec fucum mulieribus, ad provocandum luxuriam, vel ad vanitatem usuris, nec venenum, nisi ita mixtum, ut solum prodesse possit, & Medicis, & aliis similibus, qui probi agnoscuntur, *Edict. Reg. 1682.* 3. Nec vendere licet rem alienam, seu furtivam, & tenetur venditor de evictione, quoad pretium, & damna, si sit malæ fidei, & saltem ad pretium, si sit bonæ fidei, nisi venditor bonæ fidei de evictione in Contractu noluerit teneri, vel ab emptore non fuerit præmonitus de evictione impedienda, si forte potuerit impediri; vel eo absente emptor non appellaverit, *Lugo, Tourn.* nec rem alteri jam venditam, & si pluribus vendita, nulli sit tradi-

tradita, debetur priori, si sit tradita, est possidentis; quia traditione dominium acquiritur, exceptis rebus Ecclesiis, vel piis locis, aut civitatibus venditis, vel priori emptori hypothecatis, quæ sunt prioris sine traditione, *Tourn. & P. Thom. ex Charm.* tradita re secundo emptori, prior potest exigere, ut rescisso secundo contractu, res sibi tradatur, vel interesse compensetur; non potest tamen rem evincere, nisi secundus emptor mala fide, & conscius prioris emptionis emerit; nec tenetur posterior emptor rem restituere priori ante Judicis sententiam, nisi venditorem ad secundam venditionem induxerit, *Less. & alii*; nec tenetur donatarius bona fide accepta restituere priori emptori, vel aliis creditoribus, nisi petantur, quorum actio solum per annum durat, *L. 1. ff. qua in fraudem, &c.*

*Quar. 30. An vitium rei vendita a venditore, vel pretiositas ab emptore manifestari debeat?*

*Dico.* Vitium occultum reddens rem periculofam, vel nocuam, aut emptori ad effectum intentum inutilem a venditore etiam non rogato ex justitia manifestari debet, *S. Thom.* vitium vero occultum rem non reddens periculofam, vel noxiam, vel notabiliter minus utilem; vel manifestum, venditor aperire non tenetur, nisi interrogetur, debet tamen minuere pretium pro ratione vitii, *S. Thom. S. Antonin.*; & animadvertens emptorem ob ingenii hebetudinem, debilitatem visus, &c. vitium apertum non percipere, sicut de occulto eum monere debet; quia licet in se manifestum sit, respectu illius occultum est. *Tourn.* vel si videat eum ex simplicitate rem sibi inutilem eligere, saltem ex charitate est admonendus, *Less. Sylv. & alii apud Tourn.* imo ex justitia quidam eum monendum putant, præsertim, si simul ipsi noxia sit, *ibid.*; vendens bona fide rem vitiosam pro integra, tenetur rescindere contractum, vel excessum pretii refundere, etiamsi venditor expresse de vitio occulto teneri noluerit, nisi propterea viliori pretio vendidisset, *ibid.*; similiter emptor tenetur pretiositatem rei emptæ venditori ignotam interroganti manifestare, si propterea communi æstimatione pretium augeatur, secus eum deciperet; si vero non interroget, non tenetur eum monere, modo pretium solvat non infra infimum, *P. Thom. ex Charm.*

*Hinc:* graviter peccant, & tenentur ad restitutionem, i. vendentes pannum nigrum adustum, pro durabili; domum



rum ruinofam recenter dealbatam, pro firma; aromata evanida, pro recentibus; merces ex loco, in quo sunt viliores, pro aliis ex loco, ubi sunt pretiofiores, ut lanam Romanam, pro Neapolitana, vinum, Alfatia, pro vino Campania, vinum album tinctum, pro rubro, praecipue pro fanitate utentibus; vel ovem morbidam gregi morbum inferentem. 2. Merces, ut lanam, tabacum, corium &c. in locis humidioribus reponentes, vel aqua aspergentes, ut pondus, vel menfura augeatur, in fummitate facci triticum melius collocantes, ut reliquum deterius eodem pretio vendant, tenebras quaerentes, vel efficientes, ut mercis vitium celent. 3. Vendentes vinum, frumentum &c. volentibus conservare, quae conservari nequeunt; excusantur tamen offerentes merces defectuosas, quaerentibus viliori pretio; vinum, quod conservari nequit, cauponi ad statim vendendum, frumentum pistori brevi utenti, equum monoculum intelligenti, sed non animadvertenti, &c. modo fiat iusto pretio; quia alias commercia subsistere non possent. 4. Emens agrum, in quo scit latere venam auri, gemmam a rustico oblatam pro vitro non monens, nec pretium augens, debet rescindere emptionem, vel reducere ad iustum pretium; pro thesauro vero in agro abscondito nihil tenetur; quia nullius est ante inventionem; vena auri vero est pars agri: nec pro vena auri, si illam emendo agrum ignoraverit; quia tunc propria, & communi aestimatione non pluris in se valet; nec aliquid solvi debet pro herba pretiosa in fasciculo, herbarum pro pabulo animalium destinato latente; quia alias periisset, & sub eo respectu non pluris communi hominum iudicio aestimatur, licet in se, & respectu emptoris valde utilis sit.

*Quar. 31. Quid sit Retrovenditio, Contractus Mohatra, & Contractus gentilitius?*

*Resp. Retrovenditio*, est venditio rei cum pacto eam retrovendendi, vel redimendi; potest fieri in favorem venditoris, vel emptoris, vel utriusque. *Mohatra* est Contractus, quo indigens pecunia emit credito a mercatore merces pretio supremo cum pacto Retrovenditionis numerata pecunia pretio infimo. *Retraffus gentilitius* est jus concessum proximo venditoris consanguineo intra certum tempus (annum nimirum, & diem) rescindendi, & ad se revocandi venditionem rei immobilis, eodem oblato pretio,

tio, quo ab extraneo, vel remotiore consanguineo fuit empta.

*Quar. 32. An Contractus Retrovenditionis sit licitus?*

*Dico.* Venditionem cum pacto Retrovenditionis in favorem, vel ad placitum solius venditoris licitam esse, communiter asserunt Auctores, dummodo, 1. non fiat in fraudem usurariam, & adsit sincera emendi, ac vendendi intentio. 2. Ut rei dominium, licet sit revocabile, pertineat ad emptorem, ipsique pereat. 3. Ut iusta servetur æqualitas, videlicet, ut res cum fructibus vendita, etiam cum fructibus retrovendatur, & ob onus Retrovenditionis pretium minuatur tertia, vel ut alii volunt, quarta parte, vel juxta prudens judicium. *Tourn.* 4. Ut fiat sine pacto rem minori, vel eodem pretio revendendi, *Tourn.* quia probabiliter plurius in se est valitura, cum retrovendatur sine hoc onere Retrovenditionis: potest tamen fieri cum pacto, ut post certum tempus venditionem liceat dissolvere, restituendo idem pretium, *Less.*, *Bill.* quia, cum non fiat novus venditionis Contractus, non est necesse, ut venditor det quanti res in se valet, sed quantum accepit; modo propter hoc onus minuatur pretium, & absit fraus usuraria. An autem etiam licita sit in favorem solius emptoris, vel utriusque, non conveniunt Auctores. Factam in favorem solius emptoris reprobant *P. Thomas ex Cham.*, *Tournely*, etiam factam in favorem utriusque, licet in isto minus agnoscat periculum, & alii censum ex utraque parte redimibilem rejicientes; quia ajunt speciem usuræ continet, vel ei favet; nam res, v. g. ager non proprie venditur, sed in pignus datur, pretium pro mutuo, & fructus pro lucro ex mutuo accipiuntur, donec redimatur. Licitam vero esse asserunt *P. Gervasius*, *Lessius*, & *Layman*, & alii censum ex utraque parte redimibilem admittentes, 1. quia in rigore est vera emptio, & emptor verum dominium acquirit, reique emptæ periculum subit, æque ac si esset in favorem venditoris, & perit emptori, ac proinde non solum in pignus datur. 2. Quia licita est venditio cum pacto Retrovenditionis in favorem venditoris, ut probant Adversarii; ergo in favorem emptoris; quia non debet esse deterioris conditionis, & jura utriusque sunt paria, modo ob hoc onus augeat pretium sicut venditor illud minueret debet, si fiat in ipsius favorem. 3. Quia multis in locis, præsertim in Germania census ex utraque parte redimibilis usu, & aucto-

ri-

ritate publica stabilitur, ergo & emptio ex utraque parte redimibilis. 4. Quia potest habere omnes conditiones justæ emptionis, ut fatentur ipsi Adversarii, & speculative posset esse sine usura; ergo & in praxi, quæ dependet a sinceritate contrahentium, sicut pactum Retrovenditionis in favorem venditoris, conveniunt tamen utriusque sententiæ Auctores in praxi similes contractus esse dissuadendos ob periculum abusus, & quia sæpe non omnes servantur conditiones.

*Hinc* 1. Licite, ac sine usura venditur domus mille aureis cum pacto illam retrovendendi post certum tempus, vel quando hæredes ad meliorem redierint statum pretio, quo valet, secluso onere Retrovenditionis. *Tourn. & communior*; vel cum pacto venditionis post certum tempus dissolvendæ, ut sine novo contractu redeat ad venditorem, vel illius hæredes idem refundentes pretium; quia non fit nova venditio, sed prioris duntaxat dissolutio. Si vero novus fieret contractus, deberet retrovendi tanti, quanti tunc in se valet sine onere; & esset usurarius, si fieret in favorem emptoris viliori pretio ementis, & carius eadem vendentis, nisi incertum esset, an pretium sit augendum, vel minuendum tempore Retrovenditionis; quia cum fors tunc utriusque sit æqualis, secluso onere Retrovenditionis, potest eodem pretio retrovendi, subtracto pretio oneris Retrovenditionis. 2. Licite, & sine usura venditur prædium centum aureis cum pacto legis commissoriæ, ut, si post annum non solvat, contractus sit ipso facto irritus, *Cod. de Leg. commiss.*; & tunc fructus pertinent ad venditorem, deductis tamen impensis; quia non impleta conditione, dominium rei, & fructuum est penes ipsum venditorem; vel cum pacto rescindendi contractum, non soluto post certos annos pretio, *ibid.*; sed in hoc casu fructus sunt emptoris; quia venditio fuit absoluta; in foro tamen conscientiæ attendendum est, ne fraus usuraria lateat; vel cum pacto adjectionis in diem, ut, si alius intra certum tempus conditionem offerat meliorem, res sit inepta, *L. 1. ff. in diem adjest.* sed debet aliquid de pretio minui; quia onus superadditum est pretio æstimabile. 3. Licite emere videtur Legatus domum pro tempore suæ legationis mille aureis a mercatore non indigente pecuniis, sciente tamen interim illis notabiliter lucrari, cum pacto illud eodem pretio redimendi, finito lega-

tionis

tionis tempore, servata utrinque pretii, ac oneris æqualitate; quia est vera emptio, & neuter intentione lucri ex mutuo inductus est ad contrahendum, nullaque est usuræ suspicio, non ex parte mercatoris domum vendentis, cum Retrovenditio non fiat in ipsius favorem; non ex parte Legati, quia non lucrum, sed domum assicuraturam quærit, quam alio modo habere non potuit. Contra vero videtur usuram committere ob periculum fortis nolens mutuum dare indigenti, sed potius volens illius vineam emere, donec idem pretium restituat, vel eandem vineam redimat; quia videtur lucrum ex mutuo quærere, ac illud dolo venditionis usurariæ palliare. Unde videtur hæc controversia ex intentione, ac sinceritate contrahentium decidenda, & in simplicibus sufficit voluntas contrahendi meliori modo, quo fieri potest.

*Quar. 33. An Contractus Mohatra, & Retrahtus gentilitius sit licitus?*

*Dico.* Contractus Mohatra non est licitus, ut patet ex damnatione propositionis ab Innoc. VI. Retrahtus vero gentilitius, seclusa fraude, jure permissus est.

*Hinc* 1. Mercator dans indigenti pecuniis merces credito supremo pretio, & eas ab eodem emens infimo pecunia numerata, usuram committit; quia indigens sit debitor majoris summæ, quam accepit, secluso tamen pacto, potest eas sicut alius emere; quia non est deterioris conditionis. 2. Simulans majori summa emisse agrum, ne a propinquiore consanguineo venditoris retrahatur, vel illum retrahens in favorem amici, vel ut eum carius vendat alteri, graviter peccat, & tenetur ad restitutionem; quia lex tribuit proximiori consanguineo jus retrahendi solum, ut sibi retineat, *Thom. ex Charm.*

*Quar. 34. Quid sit Negotiatio, & Monopolium?*

*Resp.* Negotiatio est emptio rei cum intentione eam integram, & immutatam vendendi lucri gratia. Monopolium est conventio unius, vel plurium mercatorum simul conspirantium, ut ipsi soli eo, quo volunt pretio, vendant.

*Quar. 35. An Negotiatio sit licita?*

*Dico.* Negotiatio per se est licita; per accidens vero potest fieri illicita, 1. Ratione finis mortaliter, vel venialiter mali. 2. Ratione materiæ non vendibilis, vel vendi prohibitæ. 3. Ratione temporis, vel loci sacri. 4. Ratione personæ, cui Negotiatio prohibita est.

*Hinc.*

*Hinc*: graviter peccant 1. ratione finis ponendo suum finem ultimum in negotiatione, quod fit, quando quis potius vellet Dei, ac Ecclesiæ mandata transgredi, quam negotiationis lucrum amittere. 2. Ratione materię, vendens res sacras, ut indulgentias, vel res prohibitas, ut arma Turcis. 3. Ratione temporis, vel loci, ut vendens res non necessarias in diebus Dominicis ac Festivis, uti dictum est alibi; vel carnes in Ecclesia, aut cœmeterio sine necessitate. 4. Ratione personæ, ut Clerici carnes vendentes, saltem si fiat cum temeritate, contumacia, contemptu, vel scandalo; non vero peccant 1. si aliter se sustentare nequeant. 2. Si vendant res non negotiationis causa emptas. 3. Si fiat per alios nullo in se suscepto labore, *Less.*

*Quar.* 36. *An Monopolium sit licitum?*

*Dico.* Monopolium, quo unus, vel pauci auctoritate publica soli certa merces vendunt, est licitum, exigente necessitate, & bono communi, ac servato justo pretio; propria autem auctoritate Monopolium exercentes peccant contra justitiam, non solum supra supremum pretium vendendo, sed etiam ex conspiratione, vendendo solum supremo, & emendo infimo; quia sic injuste coguntur cives emere majori, & vendere minori pretio, quam alias emissent, vel vendidissent.

*Hinc*: graviter peccant, & tenentur ad restitutionem, 1. conspirantes se nolle emere; nisi infimo, nec vendere, nisi supremo pretio. 2. Omnes unius generis merces coementes, ut carius, & quo volunt pretio vendant. 3. Fraude, metu impediētes, ne merces aliunde adveniant. 4. Mercatores suas merces suppressantes, ut alias rariores; & cariores vendant; eas tamē servare licet pro tempore, quo carius vendi solent, modo charitatem hac arte non inducant. 5. Falsum disseminantes rumorem, naves certis mercibus onustas esse submersas, vineas esse congelatas, monetam minuendam, vel licitatores adhibentes simulantes, se emere pretio supremo, ut pretium augeant. 6. Artifices inter se convenientes, ut opus ab uno inchoatum ab alio non perficiatur, vel non nisi certo pretio laborent, suos solum filios, vel nepotes suam artem doceant, *Tourn.*; saltem, si grave Reipublicæ damnum inde oriatur. 7. Vendentes pretio a Monopolis imposito, licet Monopolii non essent participes; quia pretium est.

Injustum, nisi merces propter aliorum Monopolium facta fuissent rariores.

*Quar. 37. Quid sit Mutuum, & Usura?*

*Resp. 1.* Mutuum est contractus, quo res numero, pondere, vel mensura constans, usque consumptibilis physice, ut frumentum, vel moraliter, ut pecunia, gratis transfertur in alterius dominium, cum obligatione aliam ejusdem speciei, & bonitatis post lapsum temporis restituendi.

2. Usura sumpta pro lucro, est lucrum ex mutuo immediate proveniens; sumpta vero pro contractu usurario, est contractus mutui; quo lucrum ultra sortem exigitur, vel intenditur tanquam debitum immediate vi mutui. Usura alia est realis, quæ percipitur ex contractu explicito, vel implicito aliquid supra sortem accipiendi, Alia mentalis, quæ intenditur a mutuante, sed in pactum non deducitur. Alia formalis, seu aperta, quæ fit per pactum explicitum. Alia occulta, seu palliata, implicita, quæ sub verbis, vel alio contractu latet palliata, ut societatis, venditionis, &c. Alia est sortis, quæ immediate provenit ex pecunia mutuo data. Alia usuræ, quæ percipitur ex interesse non soluto, illud in novum capitale erigendo: hæc nullo titulo, nec lucri cessantis, vel damni emergentis licita est.

*Quar. 38. An mutuum sit licitum, & ad quid teneatur Mutuans, & Mutuatarius?*

*Dico.* Mutuum non solum est licitum, sed etiam opus charitatis a Deo præceptum; quia Christus *Luc. 6.* ait: *mutuum date, nihil inde sperantes*, quæ verba Urbanus III. de præcepto intelligit. Mutuator tenetur 1. Mutuatarium de vicio rei mutuo datæ monere, secus tenebitur de damno. 2. Non repetere mutuum ante tempus præfixum, & nullo præfixo, non nisi post aliquod tempus rationabiliter assignabile, spectatis natura rei, & sine mutui. 3. Acceptare mutuum ante tempus determinatum oblatum. 4. Nullum percipere lucrum, vel obsequium, aut aliud prætio æstimabile vi mutui ex vera obligatione, etiam gratitudinis, seu benevolentiae sine iusto titulo, *Innoc. XI. in damnat. prop. 42.*; Mutuatarius vero tenetur 1. rei mutuo acceptæ subire periculum; quia illius fit dominus. 2. Rem tempore præfixo, vel nullo præfixo, quando res rationabiliter petitur, restituere eiusdem speciei & bonitatis extrinsecæ, seu secundum valorem, si sit

si sit pecunia; vel intrinsecæ, si sint aliæ res frugibiles; vel earum pretium spectatum tempore restitutionis; nisi iusta de causa aliter fuerit conventum, vel juris privilegio ab obligatione mutui restituendi eximatur, ut minores, & eorum privilegio gaudentes, si illud inutiliter consumpserint; & non habeant bona castrensia, vel quasi castrensia, ita in Jure ff. ad Senat. Mac. tit. 6.

Hinc. Mutuator graviter peccat, & tenetur ad restitutionem, 1. si frumentum mutuo datum ob omissam vitii declarationem apud Mutuatarium post breve tempus fuerit corruptum. 2. Si Mutuatarius ob frumentum mutuum ante tempus præfixum; vel nullo prefixo irrationabiliter repetitum, vel ob non acceptatum, licet ante tempus præfixum fuerit oblatum, aliud carius emere, & cum damno notabili restituere debeat. 3. Dans mutuum cum obligatione, vel pacto, ut in mutuantis molendino molat; merces apud ipsum emat, beneficium filio conferat, vi pacti remuneret, injurie reparationem a Judice jam decretam remittat; non vero peccat mutuum dans, ut Mutuatarius amicitiam exhibeat, vindictam privatam non exerceat, ab iniqua exactione cesset, nocere desinat, debitum solvat, pauperi graviter indigenti succurrat, titulo amicitiae, vel mutuae charitatis sine stricta obligatione remuneret, ut Medicus non habenti alium pro stipendio opem ferat; secus, si alius haberi posset; quia hæc alio titulo sunt debita. 4. Mutuans cum pacto, ut Mutuatarius reddat rem mutuo acceptam, quando pluris valet, v. g. frumentum in mense Decembri acceptum in eadem mensura, vel illius pretium in mense Maio; quo solet pluris valere, quia licet res aliæ, quam pecunia, debeant ordinarie restitui secundum corpus, id est secundum naturalem; & intrinsecam bonitatem; non tamen tali tempore vi pacti, quo pluris valet; nisi mutuans illud usque ad illud tempus reservasset, vel aliud frumentum ob mutuum carius emere debuisset; quia tunc excusatur ob lucrum cessans, & damnum emergens. 5. Dans mutuo decem aureos cum pacto illos in specie reddendi tempore; quo probabiliter prævidet, valorem illorum auctum iri; quia intenderet lucrum ex mutuo, & pecunia debet ordinarie restitui secundum valorem extrinsecum, nisi pecuniam usque in illud tempus servare voluisset. 6. Dans centum anteos mutuo cum pacto, ut totam summam, vel

partem a debitoribus cum magno labore, ac impensis exigit; vel ut eandem summam in mercibus accipiat, vel hic acceptam Parisiis solvat; vel in aliquo negotio pro ipso si debeat; quia sunt onera pretio æstimabilia, & ex mutuo sunt usuraria. 7. Accepto pignore frugifero in assicurationem mutui fructus illius interim retinens; eos non computando in diminutionem sortis, nisi esset res emphiteutica data domino feudi in pignus, *cap. conquest.*; interim tamen feudatarius debet esse liber ab obsequio, seu pensione solvenda; vel nisi esset pignus genero a socero datum pro expectatione dotis, *cap. salubr.*; quia fundus feudi a domino possessus ipsi ex dispensatione juris fructificat, & pignus genero non solum in assicurationem dotis, sed etiam in sublevamen onerum Matrimonii datur; nec peccat Mutuator saltim contra Iustitiam, ex industria non repetens mutuum: v. g. frumentum, vel pecuniam, nisi quando frumentum pluris valet, & pecunia immixta est, paratus tamen etiam antea recipere; nec Mutuatarius reddens frumentum, quando minus valet, & pecuniam, quando illius valor auctus est, *Sec. Nav. Tol. & alii*, quia uterque utitur jure suo. Potest tamen esse contra charitatem; si unus, aut alter grave damnum inde pateretur; nec peccat paciscendo, ut decem aurei mutuo dati 240. libellis efficientes secundum hunc valorem, id est 240. libellæ restituantur, licet probabiliter sciat, eorum valorem imminutum fore tempore redditionis; quia jus habet in hunc valorem & non lucrum, sed damnum evitare studet, *Pont. S. Thom.* Sic sciens pretium frumenti probabiliter in mense Decembri imminutum iri, non peccat paciscendo, ut frumentum in mense Maio mutuo datum valens, v. g. 20. libellis, restitatur in mense Decembri idem pretium, nempe 20. libellæ, vel quantitas frumenti 20. libellis valens: etiam probabiliter, licet non intenderit frumentum usque in illud tempus servare, *Pont. Cabass.*; quia habet jus in hoc pretium, quo valebat tempore traditionis, & licet res aliæ a pecunia debeant restitui in eadem quantitate, intelligitur secluso alio pacto iusto; nec peccat paciscendo, ut pecunia, vel frumentum mutuatium restitatur secundum valorem tempore restitutionis, si neutri constet esse augendum, vel imminuendum; quia fors utriusque est æqualis. 8. Mutuatarius mutuum tempore convento, vel nullo constitu-



to, rationabiliter petatum non restituens cum notabili mutuantis damno, vel omnino non restituens, Excipiuntur tamen ipso iure ab obligatione restituendi mutuum Ecclesiæ, Xenodochia, piæ causæ, civitates, oppida, pupilli, minores, filii familias, etiam maiorescunes, modo sub patria adhuc sint potestate, *Authent. hoc ius cas. de sacrosanct. Eccl. caus. 10. q. 2.* si eorum nomine mutuum acceptum a tutore, vel curatore, aut administratore non in eorum utilitatem fuerit conversum, vel si ipsimet sine consensu tutoris, vel patris acceptum inutiliter ludendo, computatione, &c. male consumpserint, nec ad illud solvendum tenentur eorum parentes, hæredes, fidei iussores, nec ipsimet, etiam in conscientia mortuis parentibus, vel tutore, vel acquisita emancipatione, & etiam si hoc suo privilegio renunciassent, vel solvere iurassent; quia hoc privilegium principaliter concessum est in favorem parentum; putat tamen *P. Gervasius*, filium familias teneri vi juramenti, cuius tamen relaxationem potest a Superiore obtinere; etiam tenetur 1. si habeat bona castrensia. 2. Si non pecuniam, sed aliam rem mutuo acceperit, modo non sit factum in fraudem, ut illam pro acquirenda pecunia vendat. 3. Si in usus utiles, vel necessarios impenderit. 4. Si a pluribus publice paterfamilias creditus fuerit. 5. Si pecuniam in rem patris converterit. 6. Si sciente patre creditum fuerit filio mutuo dando. 7. Si absens studiorum causa mutuum acceperit, ita in iure.

*Quær. 39. Quot sint Tituli aliquid supra sortem accipiendi?*

*Dico.* Tituli veri communiter recepti aliquid supra sortem ex mutuo accipiendi, sunt quatuor: videlicet Primus est damnum emergens, & lucrum certo, vel saltem probabiliter cessans, dummodo 1. damnum vere emergat, & lucrum cesset ratione mutui. 2. Ut Mutuatarius de compensatione damni, vel lucri cessantis moneatur, vel in pactum deducatur. 3. Ut auctuarium supra sortem non excedat damnum ex mutuo emergens, vel lucrum cessans deductis impensis, & periculis lucri comparandi, & proportionatione spei æstimatum. 4. Ut compensatio lucri, vel damni non statim ex pecuniis mutuatis detrahatur. 5. Ut ex charitate, & non lucri causa mutuum detur, nec aliquid exigatur supra sortem, si Mutuatarius omne damnum, & lucrum cessans in re ob mutuum eventurum

solvere promittat. 2. us est pœna conventionalis Mutuatio-  
rio imposita, si tempore prœfixo non reddat sortem, mo-  
do 1. pœna non apponatur in fraudem usurariam, sed  
solum, ut solutionem sortis urgeat. 2. Ut mora sit cul-  
pabilis, & notabilis. 3. Ut pœna sit proportionata. 3. tius  
est donatio gratuita; modo 1. non oriatur ex obligatione  
etiam gratitudinis, vel benevolentiae, vel ex coactione,  
aut metu, ne mutuum repetatur. 2. Ut mutuans eam  
intendere, signo non indicaverit. 3. Ut Mutuatarius mu-  
tuum non inopiæ causa petierit, vel illam ante solutio-  
nem sortis offerens, prolongationem termini intendere, in-  
dicaverit. 4. Ut liberalitas donationis non sit dubia. 4. tus  
est periculum sortis extraordinarium, & mutuo extrinse-  
cum, proveniens ex prava dispositione Mutuatarii litigio-  
si, prodigi, commercium periculosum per mare, per ho-  
stium castra, vel vias latronibus obsitas habentis: hic ti-  
tulus speculative, non vero practice admittitur: quia ra-  
ro in praxi omnes conditiones requisitæ servantur, qua-  
les sunt, 1. ut absit intentio lucrandi ex mutuo. 2. Ut  
periculum sit verum, non fictum. 3. Ut Mutuator non  
cogat Mutuatarium, ut ipsum fideiussorem recipiat. 4.  
Ut Mutuatarius fideiussorem, vel pignus non dederit, vel  
obtulerit. 5. Ut Mutuator periculum rei mutuatæ in se  
suscipiat, ita, ut ipsi pereat sine obligatione Mutuatarii  
similem refundendi, *Thom. ex Charm.* si sine ipsius culpa  
pereat. 6. Ut Mutuator pro periculo non plus exigit,  
quam ipse alteri pro eo daret.

*Hinc:* Mutuator graviter peccat peccato usuræ, & te-  
netur ad restitutionem, 1. exigens aliquid notabile, &  
ultra sortem ex pecunia mutuata otiosa, quæ nec ad ne-  
gotiationem, vel aliud lucrum, nec ad sustentationem fa-  
milie, filiorum dotes, casuum fortuitarum medelam, &c.  
sit determinata, vel si aliam adhuc habeat otiosam. 2.  
Exigens aliquid ob lucrum cessans iniustum, vel ex com-  
mercio plane dubie futurum, vel exigens integrum lu-  
crum, quod habet in spe; quia minus est in spe, quam  
illud, quod percipit in re, & quia accipit certum pro  
incerto; vel nullo supposito pacto, vel admonitione de  
compensatione lucri, vel damni; vel a totali summa par-  
tem statim pro damno, vel lucro cessante retinens; in  
alio genere tamen potest aliquid statim recipere, v. g.  
frumentum, &c. quia tunc Mutuatarius totam summam

acci-

accipit, *Var. Roi apud Tourn.* potest etiam illud retinere, quod pro damno, aut lucro probabili fuit acceptum, licet in re nullum sit secutum. 3. Exigens pœnam conventionalem ob tempus nimis breve stipulatum, vel tempore, quo Mutuatarium solvendo imparem fore, prævidet, vel ob moram inculpabilem a facto sine culpa impotente, vel ob moram non notabilem; notabilis autem mora communiter non est unius diei, vel hebdomadæ, nisi propter illam damnum mutuanti emergat, vel lucum cesseret; vel exigens pœnam totam soluta parte pretii tempore præfixo, aut medietatem fortis, vel pignoris amissionem; quia sunt pœnæ exorbitantes. 4. Accipiens donum ex mutuo intentum, licet ex liberalitate fuisset datum; quia est in mala fide; vel datum pro termini prolongatione, vel alio titulo usurario, quamvis pro dono ex liberalitate fuisset acceptum; quia donatio in re est nulla. 5. Retinens pro periculo fortis, vel alio titulo injusto fructus pignoris, qui debent restitui, vel in sortem computari, nisi feudum in pignus debiti domino directo detur, & interim feudatarius a servitio domino alias præstando pro feudo liber sit, *cap. 1. de feud. Pont.*; vel nisi fundus loco dotis detur, *cap. 16. de Usur.*; modo gener, & non focer onera Matrimonii sustineat; secus tenebitur fructus in sortem dotis computare, *Tourn.*

*Quar. 40. Quæ sint tituli illegitimi aliquid ex mutuo accipiendi?*

*Dico.* Tituli illegitimi aliquid præcise ex mutuo accipiendi, ac usurarii sunt, 1. aliquid accipere supra sortem ob usum rei mutuatæ; quia res fit per mutuum Mutuatarii, ac proinde pro usu illius nihil debet. 2. Ob carentiam pecuniæ, vel obligationem non repetendi mutuum ante certum tempus, *Alexand. VII.* 3. Ob permutationem pecuniæ præsentis pro absente, *Innoc. XI.* 4. Ob laborem in numeranda pecunia; quia est omni mutuo intrinsecus. 5. Ob commoditatem, & utilitatem ex mutuo; quia sunt Mutuatarii, & non Mutuatoris. 6. Ob fidejussionem, quam præstat mutuans; quia propterea non subit aliud periculum, quam mutuo intrinsecum. 7. Ob legem, vel consuetudinem aliquid ultra sortem præcise ex mutuo accipiendi, vel obligantem tutorem pupillorum luctum procurandi; quia legi naturali, & divinæ nulla alia derogat. 8. Ob periculum fortis ordinarium, seu commu-

ne proveniens ex casu fortuito, vel Mutuatarii inopia, aut dato pignore, vel fideiussione; quia in re nullum, vel omni mutuo commune est.

*Quar. 4<sup>a</sup>. Quomodo Usura sit prohibita; & an liceat ab Usurario mutuum petere?*

*Dico* Usura est intrinsece mala, & ab omni jure prohibita; nec licet ab Usurario mutuum sub Usuris petere, vel accipere, nisi, 1. fiat gravi urgente necessitate propria, vel aliena. 2. Ab Usuras exercente, & ad illas parato, *S. Thom.*; quia non malum, sed suam necessitatem sublevare intendit. Non vero licet, etiam in extrema necessitate aliam ad usuras non paratum inducere ad mutuo dandum sub Usuris; quia est intrinsece malum; & tenetur Usurarius, etiam mentalis, ejusque hæredes ad restitutionem lucri ultra sortem accepti; quia titulo injusto est acquisitum, & mentalis etiam opere exercetur cum pacto implicito.

*Hinc*: 1. Solventi Usuras restitui debent, 1. ex contractu Usurario, etiam bona fide facto, acquisita; quæ sunt ex contractu invalido. 2. Tutor bona per Usuram pro pupillo acquisita, & ea, quæ iusto titulo debuisset procurare pro pupillo, rescire tenetur. 3. Omnes rei Usurariæ fructus, etiam eos, quos Mutuatarius non ex sua re percepisset; quia res fructificat domino suo; decrevit autem, & petit Usurario; quia est malæ fidei possessor, & in mora culpabili. 4. Restituere tenentur cooperatores ad Usuram, consulentes, dantes pecunias pro Usuris exercendis, Judices compellentes ad Usuras solvendas, vel restitutionem impediētes, aut sine gravi Reipublicæ necessitate eas tolerantes; Notarii instrumenta usuraria perficientes, Ministri Usurarum principales, ut factores, correspondentes, proxenetæ, id est quærentes pecuniis indigentes, & ad Usurarios ducentes, & quidem omnes in solidum; non vero tenentur in solidum Usurariorum hæredes; sed quilibet pro sua parte, nisi totum hæreditate acquisitum esset Usurarium; tunc habet recursum ad alios pro rata.

*Hinc* 2. Non tenetur ad restitutionem, 1. dans mutuo sex saccos frumenti in mense Martio alicui ad seminandum cum obligatione novem restituendi in mense Octobri non pluris valituros, quam sex, etiamsi illos in mense Martio non vendere intenderit, dummodo pretium tantum-

tandem minuendum probabiliter crediderit, *Pont. Cabass.* quia habet jus ad valorem, quem habet tempore traditionis, & non lucrum ex mutuo intendere censetur. 2. Nec dans centum aureos negotianti ad Indos, vel per castra hostium, & accipiens anctuarium periculo proportionatum ad restitutionem obligandus, modo ipse periculum illorum subeat, & ab hostibus ablati, ipsi pereant. 3. Nec montes pietatis sunt illiciti, qui sunt cumulus pecuniæ, alteriusve rei mutuabilis, ut farinæ, frumenti &c. quo indigentium necessitati, accepto pignore, subvenitur; quia id, quod ultra sortem accipitur, pro Ministrorum sustentatione, & aliis impensis retinetur. 4. Nec ad restitutionem obligandus tutor, vel curator emens pro pupillo, vel alius pro se censum ex utraque parte redimibilem, pro pretio in Regno taxato, quod de facto in Gallia est quatuor pro centum juxta Edictum Regium anni 1766. quia venditio cum pacto retrovenditionis in favorem utriusque, emptoris, & venditoris est licita, ut supra dictum est, & id quod accipitur, non provenit ex mutuo, sed ex jure, quod emitur, videlicet percipiendi partem fructuum ex industria personæ, vel officio, vel bonis ipsius; vel ex omnibus simul, quod ultimum securius est, ut deficientibus fructibus ex uno titulo, possint percipi ex alio; modo reliquæ conditiones census servantur, de quibus infra; nec peccant plebei, ac simplices, licet de hac emptione, vel venditione explicite non cogitent; quia censentur velle contrahere eo modo, quo licite fieri potest.

*Quar. 42. Quanam sint Usurarium pane?*

*Dico.* Usurarii publici, 1. in utroque foro sunt infames, ac proinde irregulares, inhabiles ad Officia, & Beneficia. 2. Privantur Communionem Altaris, & juridice condemnati sepultura Ecclesiastica. 3. Eorum oblationes non possunt recipi, nec possunt absolvi, nisi publica appareat pœnitentia, & restitutionem fecerint, vel cautionem illius idoneam dederint, vel si non possint, saltem juraverint, se non posse, seque omni ope facturos, ut fiat, Occulti tamen non recidivi possunt absolvi, si emendationem promittant, & vere pœniteant, *P. Geru.* 4. Eorum testamenta sunt irrita, nisi ante mortem satisfecerint, vel cautionem dederint. 5. Clerici admoniti, & non delinquentes suspensione ab Officio, & Beneficio, & laici excommunicatione puniendi sunt, *ita in Jure.*

*Quar.*

*Quar. 43. Quid, & quotuplex sit Cambium?*

*Resp.* Cambium est permutatio pecuniæ pro pecunia cum lucro Cambforis; est duplex, siccum, seu fictum, quo fingitur permutatio pecuniæ præsentis cum distante cum tamen fiat cum futura in eodem loco; & reale, seu verum, quo pecunia præsens cum præsentē, sed alterius speciei, vel cum distante permutatur; hoc dicitur manuale, vel minutum, quando permutatur pecunia præsens de manu ad manum pro alia diversæ speciei, ut aurea pro argentea, minor pro majore, Hispanica pro Gallica; & locale, quando permutatur pecunia præsens pro distante per literas Cambii in alio loco, v. g. Parisiis solvenda. Addunt aliqui temporale, seu Lugdunense, quod est permutatio pecuniæ præsentis pro futura, & post certum tempus reddenda; in re est mutuuum, & lucrum est usura.

*Quar. 44. An Cambium sit licitum?*

*Dico.* Cambium reale tam manuale, quam locale ex officio secundum leges, & consuetudinem locorum, ac peritorum æstimationem moderatum licitum est; quia iustis sit titulis, videlicet officii, laboris, impensarum, lucrificantis, damni emergentis, & purioris materiæ; non vero siccum, vel temporale; quia nullo iusto, ac vero nititur titulo, & a S. Pio V. est reprobatum.

*Hinc:* graviter peccat peccato usuræ dans Argentinæ centum aureos petenti mutuos, & ab eo accipiens literas Cambii ficti, quasi Parisiis essent solvendi, cum tamen in eodem loco Argentinensi post certum tempus cum lucro sint restituendi. 2. Dans centum taleros alicui, ut reddat totidem per literas Cambii post tres menses cum auctuario. 3. Non soluto auctuario, illud in capitale erigens per novas literas Cambii cum novo auctuario; quia est lucrum ex mutuo palliato, & insuper usura usuræ in omni casu, & jure prohibita.

*Quar. 45. Quid, & quotuplex sit Census?*

*Resp.* 1. Census potest sumi pro pensionē, vel pro jure percipiendi pensionem, vel prout est contractus, quo emitur jus percipiendi pensionem annuam ex re, vel persona frugifera, & est duplex, reservativus, quo quis alteri transfert plenum suæ rei dominium, retento sibi jure, pensionem aliquam ex ea percipiendi; & consignativus, quo quis super bonis, vel persona sua vendit, vel consignat alteri pensionem annuam, vel in fructibus, & dicitur

tur

tur Census fructuarius; vel in pecunia; & dicitur census pecuniarius; qui vendit, vel debet pensionem, vocatur censuarista, Censuarius vel venditor; & ille, qui emit, vel cui debetur, censuarista, creditor, vel emptor.

2. Census consignativus ulterius dividitur, 1. in realem qui fundatur super re aliqua fructifera, ex qua pensio solvi debet, qua pereunte etiam census perit, & qua subsistente census subsistit, ad quemcunque transierit. 2. In personalem, qui fundatur in persona, se, suosque hæredes obligante ad pensionem ex suis operibus, labore, industria, vel officio. 3. Et in mixtum, qui fundatur super re, & persona simul, ita ut pereunte re, persona obligata maneat. 4. Dividitur in temporalem, qui expirat certo tempore, v. g. viginti annorum, vel incerto, v. gr. ad vitam hominis, & hic vocatur vitalitius. 5. In perpetuum, qui per se semper durat; est tamen redimibilis, vel ad nutum censuarii, vel censuaristæ, vel utriusque refusione summæ capitalis; vel est irredimibilis, qui extingui nequit.

*Quar. 46. An Census sit licitus?*

*Dico:* Census tam reservativus, quam consignativus realis ubique est licitus, & personalis, ubi Bulla S. Pii V. non est recepta, 1. quia Census tam realis, quam personalis est venditio, & emptio rei licite vendibilis, & emptibilis: videlicet juris ad fructus rei, vel industriales personæ, quæ æque, ac res, potest esse fructifera suo labore, arte, officio, industria, &c. 2. Quia usus fere unanimis Monasteriorum, Ecclesiarum, etiam Romæ, & totius Galliæ, Germaniæ, & fere omnium nationum, quæ prædictam Bullam non receperunt, prædictos Census approbat, sive sint perpetui, vel redimibiles ad nutum venditoris, vel ad tempus indeterminatum, v. g. ad vitam; quia fors utriusque est æqualis, *P. Thom. ex Charm. & alii*; an autem etiam licitus sit census realis, & personalis determinatus ad certum tempus, v. g. viginti annos, vel redimibilis ad nutum emptoris, dependet a questione, an licita sit emptio rei cum pacto eam redimendi ad nutum emptoris, quam Galli communiter usurariam, vel saltem ob usuræ periculum in praxi illicitam; alii vero, quamvis eam licitam, in praxi tamen dissuadendam, asserunt, ac proinde etiam Census ad certum tempus determinatum, vel ad nutum emptoris redimibilis, licet in

re sit licitus, servatis certis conditionibus, est dissuadendus. Vid. supra dicta de retrovenditione, & usura.

*Quar. 47. Quanam requirantur conditiones, ut Census sit licitus?*

*Dico.* Quinque communiter requiruntur conditiones ad iustitiam Censui, videlicet 1. ut iustum servetur pretium juxta taxam Principis, vel prudentum æstimationem, prout ordinarie sunt quinque pro centum; nunc in Gallia a Rege tantum quatuor permittuntur. 2. Ut res Censui subiecta in libera sit vendentis dispositione. 3. Ut res sit frugifera, sive persona, in qua Census fundatur. 4. Ut cesset census ex parte, vel in toto, si res Censui subiecta ex parte, vel in toto pereat; vel fiat sterilis bello &c. vel persona, ejusque hæredes nullos redditus labore, arte, officio, negotiatione &c. percipere valeant; per hujus conditionis observationem Census essentialiter differt ab usura, qua essentialiter ex re non frugifera aliquid ultra sortem accipitur. 5. Ut non apponatur pœna commissi, saltem in Censu consignativo, ita ut res Censui subiecta fiat Censoris, si Censurarius negligat solvere Censum; quia est pœna exorbitans: non vero in Censu reservativo, in quo non solum per triennium Censui, res domino restituitur, ait Glossa in cap. *quar. de Jurejur.* His additur in Gallia, ut emptor sortem in perpetuum alienet, & venditor omni tempore Censum redimere possit, facta autem bimestre emptori de refundenda ei pecunia denunciatione, *Tourn.* & Census ex aliqua summa debitus non potest exigi, nisi quinque annis, nisi antea in Judicio fuerit petitus, *Ludov. XII. 1512.* & Census prædialis a 29. annis, & si debitor est in mala fide, a pluribus annis repeti potest, *Pont. V. Præscriptio cas. 14. vide supra dicta de præscriptione.*

*Hinc:* graviter peccat, & tenetur ad restitutionem damni, 1. censualista obligans Censuarium, ut Censum, v. g. vini, vel frumenti &c. contra consuetudinem propriis sumptibus in domicilium domini conferat, vel aliud onus ultra Censum indebitum imponens, obligando ad casus fortuitos, vel non alienandam rem Censui subiectam, ad solvendum interesse ob lucrum cessans ultra Censum, vel ad augendam pensionem ob canones non solutos, vel ad restituendum capitale, nisi sit Census ad nutum redimibilis ex parte venditoris in locis, ubi est licitus, ut in Ger-



Germania, & in his partibus; vel ad solvendam pensionem anticipare &c. vel neglecta collectione Censuum in annis fertilibus, cum colligens in anno sterili, & exigens, ut solvatur pretio illius anni Censuum annorum præteritorum, cum deberet solvi pretio cujuslibet anni. 2. Accipiens decem pro centum, etiam cum renunciatione capitalis ad certos, v. g. viginti annos; est tamen licitus, si sit vitalitius; quia fors utriusque est æqualis. 3. Exigens Censum re facta sterili, v. g. tempore belli, persona ad lucrandum facta inepta, nisi Censum super persona, & omnibus ejus bonis præsentibus, & futuris esset constitutus, prout solet fieri in Gallia, tunc deficiente uno, debet solvi ex alio, *Pont. V. census cas. 6.*

*Quar. 43. Quid sit Emphiteusis, & Feudum?*

*Resp. 1.* Emphiteusis est contractus, quo sub onere pensionis transfertur rei immobilis dominium utile in perpetuum, vel ad tempus non minus decennio, retento dominio directo. Unde qui rem dat, est, & manet dominus directus, & qui eam accipit, vocatur emphiteuta, & qui eam accipit, vocatur emphiteuta, & pensio dicitur Canon.

2. Feudum est contractus, quo sub onere fidelitatis, & obsequii personalis transfertur rei immobilis dominium utile, retento directo. Qui rem tradit, dicitur Infeudator, qui eam accipit, Vassallus, seu Feudatarius; & res data, Feudum: differt ab Emphiteusi 1. quia in Feudo imponitur onus personale, in Emphiteusi pensio realis. 2. Feudum datur per investituram, vel realem immittendo Feudatarium in possessionem Feudi; vel abusivam traditione ensis, annuli &c.

*Quar. 49. Ad quid teneatur Emphiteuta?*

*Disco.* Emphiteuta tenetur 1. rem emphiteuticam reddere meliorem, vel saltem non deteriore. 2. Solvere pensionem in pecunia, vel in frugibus statuto tempore, etiam anno sterili, vel parte rei flumine abrepta, vel fulmine consumpta; potest tamen hoc in casu rem relinquere, *Tourn.* 3. Non solvens pensionem per biennium pro Emphiteusi Ecclesiastica, & per triennium pro seculari, accedente sententia Judicis, rem emphiteuticam amittit cum impensis pro ejus melioratione factis; debet tamen Judex, habita meliorationum ratione, congruam emphiteutæ dilationem concedere, ut vel solvere, vel Emphiteu-

tempus alii vendere possit, L. 3. Cod. de Jur. emphit. Tourn.

*Quar. 50. Ad quid teneatur Vasallus?*

*Dico.* Vasallus, seu Feudatarius tenetur 1. præstare juramentum fidelitatis. 2. Requisitus præstare obsequia promissa. 3. Ob neglecta servitia, vel crimen feloniam, id est ob bellum contra dominum directum feudum amittit. 4. Tenetur non disponere de feudo sine consensu feudatoris. 5. Solvere in certis locis relevium, quod est quinta pars pretii, quo feudum venditur.

*Quar. 51. Quid sit Societas, & Contractus triplex?*

*Resp.* 1. Societas est duorum, vel plurium conventio contribuendi aliquid ( ut pecuniam, operam, industriam, instrumenta, navem, equos &c. ) ad commune lucrum; & damnum secundum proportionem rerum contributarum, quæ prius æstimari debent; & sit tripliciter 1. contribuendo omnes æqualiter pecuniam, & industriam. 2. Inæqualiter; unus pecuniam, alter industriam, & laborem.

2. Societas animalium est conventio duorum, vel plurium, quorum alii certum quemdam animalium numerum in Societatem conferunt, alii vero animalia servant, & pascunt, ut ex fructibus lucrum percipiant.

3. Contractus triplex est conventio, qua pecuniam in Societatem conferens paciscitur cum altero socio, ut, quidquid contigerit, sibi sua sors integra reddatur cum certo lucro, sed minore eo, quod probabiliter sperare potuisset; hic tres Contractus continet, 1. Societatis. 2. Assurationis sortis. 3. Venditionis lucri majoris incerti pro lucro minore certo.

*Quar. 52. An Contractus Societatis sit licitus?*

*Dico.* Contractus Societatis in se præcipue; & solitarie sumptus est licitus; quia quilibet sociorum accipit, quod suum est; modo servantur sequentes conditiones, 1. ut negotiatio fiat de re licita. 2. Ut sit vera negotiatio. 3. Ut lucrum, damnum, ac impensæ proximè pro bono Societatis factæ sociis sint communia, & pro rata æqualia, nisi consuetudine, vel conventionē aliter sit statutum. 4. Ut unusquisque subeat periculum rei suæ in Societatem industriæ, & operæ aliorum data post Societatem superflua, eidem reddatur, & restituatur, S. Thom. S. Pius V. & alii; nisi fuerit communicata in eandem massam cum aliorum pecunia, vel de illius divisione cum collocantibus

bus

bus laborem, & industriam fuerit conventum; tunc enim inter eos dividenda est cum lucro, vel damno pro rata, *Tourn.*; dummodo iusta servetur æqualitas.

*Hinc* 1. Impensæ a Societatis negotia curante factæ; ut itineris, transvectionis, solutionis vestigialium, conservationis mercium, captivitatis, morbi, exspoliationis a furibus in itinere Societatis causa factæ, & alia damna proxime ob daram rebus Societatis operam passa ab aliis pro rata solvi debent, nisi ex ipsius culpa lata, vel levi essent secuta, quæ ipse solus portare debet, sicut & ea, quorum Societas est solum causa remota, ut si ob absentiam non fuerit hæres, vel legatarius institutus, patrimonium suum negligentius administraverit, &c. *L. 60. ff. pro socio.* 2. Si de portione lucri inter socios non sit specialiter conventum, debet esse æqualis omnium, *L. si non fuerint, 29. ff. pro soc.*

*Quæst.* 53. *An Contractus Societatis animalium sit licitus?*

*Dico.* Contractus Societatis animalium etiam est licitus servatis certis conditionibus, videlicet 1. ut animalia, quæ sine dolo, vel culpa levi villici pereunt, non ipsi, sed conferenti pereant, *S. Thom. S. Pius V.* 2. Ut villicus animalia curet, pascat, conservet, & accuratam reddat lucri rationem. 3. Ut in lucri divisione servetur æqualitas commensurata capitali conferentis, & labori, ac industriæ accipientis juxta peritorum æstimationem.

*Hinc:* graviter peccat, & tenetur ad restitutionem, 1. conferens sua animalia in societatem cum pacto ea restituendi in eodem numero, bonitate, vel pretio in omni eventu, etiam fortuito cum certo lucro singulis annis, vel finita societate, solvendo, vel incerto inter se dividendo; *S. Antoninus*; quia conferens, cum nullum habeat periculum, nullum potest percipere lucrum; non tamen videtur illicitum, addere pactum; ut in locum inutilium alia capita ex grege educantur, & subrogentur; quia cedit in utilitatem utriusque; nec injustus est Contractus, quo villicus solvens pro quolibet animali singulis annis certum lucrum, acquirit singulis annis proprietatem duodecimæ partis capitalis, & post sex annos fructus, & capitale dividitur, dummodo villico pereat solum pars, cujus proprietatem acquisivit, & lucrum industriæ, & labori ipsius sit commensuratum, *Tourn. 1.* Graviter peccat cum

cum onere restitutionis, animalia in societatem accepta, non ut sua curans, pinguiora subtrahens, & macilentiora, viliorisque pretii substituens, vel alio injusto modo illa, vel lucrum alienans, nec conferens villico dicenti, lupi faucibus, vel casu fortuito sine sua culpa periisse, fidem adhibere tenetur, sed ea solvere tenetur, nisi probet allegata, *Pont. Tourn. & alii, ibid.*

*Quar. 54. An Contractus triplex sit licitus?*

*Dico.* Contractus triplex, nempe societatis, assecurationis sortis, & venditionis lucri majoris incerti pro minori certo conjunctim inter socios eodem, vel diverso tempore initus plane est illicitus. Patet ex *Bulla Sixti V. & ex damnatione Facultatis Parisiensis*, ac ratione; quia per assecurationem sortis societas degenerat in mutuum, & cessat titulus lucrandi, qui est periculum sortis possunt tamen hi tres Contractus iniri cum personis diversis extra societatem; quia seorsim sumpti nullam continent injustitiam, ut communiter docent Theologi, *Tourn.* quia potest emi a sociis lucrum majus incertum pro minori certo omisso Contractu assecurationis, vel assecurari capitale, etiam per pignus, saltem si sociorum culpa percat, *Tourn.* non vero pro omni eventu, etiam omisso Contractu venditionis lucri; quia cessaret omne periculum, quod essentialis est titulus lucrandi, ut patet ex *S. Thoma, & S. Antonino. Pont.*

*Hinc.* licite dantur vaccæ villico cum obligatione solvendi singulis anni, quamdiu vivant, certum lucrum sine assecuratione sortis, retenta a villico majore lucri incerti parte. Non vero simul cum obligatione insuper restituendi vaccas in omni eventu, etiam fortuito; quia tunc concurrerent tres Contractus mox rejecti.

*Quar. 55. Quid sit Fidejussio, & Assecuratio?*

*Resp.* Fidejussio est contractus, quo quis suscipit obligationem solvendi debitum alterius, si debitor principalis non solverit. Assecuratio vero est contractus, quo quis alienæ rei periculum in se suscipit, obligando se, vel gratis, vel pro pretio ad eam, si perierit, compensandam.

*Quar. 56. An Fidejussio sit licita, & quibus conditionibus?*

*Dico.* Fidejussio solum fieri potest ab iis, qui liberam bonorum suorum habent administrationem; & est licita, etiam

etiam accepto pro ea pretio; quia est onus pretio æstimabile, nisi omni molestia, & periculo vacet, *Sylv. & alii apud Tourn.*; Servatis tamen certis conditionibus, nimirum 1. ut Fidejussor non plus obligetur, quam principalis, & nulla, vel extincta principalis obligatione, liberetur; 2. Ut cesset Fidejussio, si fiat inter debitorem, & creditorem in principali obligatione, absque Fidejussoris consensu, novatio; ut prolongando terminum, negligendo debiti petitionem, si propterea debitor factus sit impotens; debet tamen creditori significare, se nolle ultra tempus teneri, *Pont.* 3. Si plures sint pro eodem debito Fidejussores, ut unusquisque pro rata solvat, nisi expresse huic divisioni renunciaverit, & in defectum aliorum se solum obligaverit: tunc deficientibus aliis, tenetur in solidum. 4. Ut Fidejussoris obligatio transeat ad hæredes. 5. Ut non conveniatur, antequam principalis debitor declaratus sit impar solvendo, nisi sit absens, nec habeat bona liquida, quibus creditori potest satisfieri; tunc tenetur solvere, etiam ante Judicis sententiam, sicut debitor, retenta actione in debitorem. 6. Ut servetur a debitore de impensis, & damnis pro ipso factis indemnitis; modo non solverit ante terminum debitori concessum. 7. Ut pretium Fidejussionis sit pro ratione quantitatis debiti, & periculi proportionatum; potest Fidejussor pro pretio a creditore liberari, quamvis creditor sine usuræ nota non possit Fidejussionem in se suscipere pro pretio accepto a debitore.

*Hinc* 1. Fidejussores esse nequeunt pupilli, minores, filii familias, nisi pro patre incarcerato, vel si habeant bona castrensia, vel sint pubertati proximi, & bona habeant mobilia, quæ servando servari nequeunt, possunt obligari quidem naturaliter, sed per restitutionem integrum iterum liberari; nec Religiosi sine licentia Superioris, imo nec Superiores sine majori parte Capituli; nec mulieres nequidem pro filiis, & maritis, nisi a carcere sint educendi; nec pro aliis sine consensu mariti, nisi per instrumentum publicum cum tribus testibus; a qua tamen iterum liberari possunt privilegio Senatus consultus Velleiani, nisi ei expresse renunciaverint, vel pro Fidejussione pretium legitimum acceperint, vel juramento firmaverint, & non alia obstat consuetudo, *Tourn.* 2. Fidejussor pro equo, v. g. commodato fulminis ictu pereunte

ad nihil tenetur, nisi commodatarius fuerit in mora tradendi, vel casum fortuitum in se suscepit consentiente, & sciente Fidejussore; nec Fidejussor pro mutuo a pupillo, a minore, vel filiofamilias accepto, maleque impenso; bene autem obligatur pro aliis debitis, a quibus prædicti solum per restitutionem in integrum liberantur, Pont.

*Quar. 57. An Asscuratio sit licita, & quibus conditionibus?*

*Dico.* Asscuratio quoque est licita; quia uterque contrahens damno, & lucro æqualiter exponitur, dummodo sequentes serventur conditiones, 1. ut probabile periculum subesse judicetur. 2. Ut pretium iudicio prudentis periculo sit proportionatum. 3. Ut asscurans sufficientia habeat media solvendi, si res pereat. 4. Ut conditiones iustæ appositæ serventur.

*Hinc* 1. Graviter peccat, & tenetur ad restitutionem asscurans pro pretio navim tempore, quo scivit illam jam in portu advenisse, vel asscurationem acceptans, si eam jam periisse sciat. 2. Non tenetur servare cautionem, si navis perierit, quia aliam sumpsit viam, vel aliis contra conventionem eam oneravit mercibus; quia non servatæ sunt conditiones.

*Quar. 58. Quid sit Pignus, Hypotheca, & Transactio?*

*Resp.* Pignus est contractus, quo debitor rem aliquam mobilem creditori tradit ad securitatem debiti, ut ex ea possit peti solutio, si debitor non solverit. Hypotheca vero est contractus, quo debitor rem aliquam immobilem creditori obligat ad securitatem debiti, ut pariter ex ea solutio peti possit; sæpe in jure isti contractus confunduntur, & differunt solum, quia pignus est res mobilis, & Hypotheca immobilis. Transactio est conventio utrinque onerosa, qua res dubia, & lite incerta componitur inter partes.

*Quar. 59. Quanam sint obligationes dantis, & accipientis Pignus, vel Hypothecam?*

*Dico.* Obligationes dantis Pignus, vel Hypothecam sunt sequentes, 1. ut res eadem non detur pluribus in Pignus, seu Hypothecam, nisi pro plurium solvendis debitis sufficiat. 2. Tenetur refundere creditori impensas in conservatione Pignoris factas. 3. Non debet vendere rem hypothecatam, nisi emptore prius monito de rei Hypotheca.

Acci-

Accipientis vero Hypothecam, vel Pignus sunt 1. ut rem pignoratam diligenter custodiat, secus tenetur de culpa lata, & levi, *Tourn.* potest tamen Pignus oppignerari alteri, *ibid.* 2. Ut eo non utatur; quia ad securitatem, & non ad usum est datum, & fructus tenetur in solutionem fortis computare. 3. Non debet illud vendere, nisi debitor sit in mora solvendi, eoque prius monito. 4. Ut statim illud restituat, debito integre soluto. 5. Ut non apponat pœnam commissi, adscribendo sibi Pignus, si certo tempore non solverit; quia est exorbitans.

*Quar. 60. Quid sit Ludus, Sponsio, & Loteria?*

*Resp.* 1. Ludus, ut hic sumitur, est contractus oblectantium animum, & deponentium aliquid cessurum victori, & est triplex, nimirum 1. qui a sola fortuna regitur, ut ludus aleæ. 2. Qui sola industria regitur, ut ludus pilæ. 3. Mixtus, qui a fortuna, & industria dependet.

2. Sponsio est contractus, quo duo, vel plures de veritate, vel eventu rei contententes sibi invicem aliquid spondent, ut sit ejus, qui veritatem fuerit assecutus.

3. Loteria est pactum multorum aliquid in commune deponentium, vel ementium jus fortiendi, & acquirendi, quod sorte per felicem schedulam obtinuerit.

*Quar. 61. An Ludus sit licitus, & quibus conditionibus?*

*Dico:* Nullus ludus, etiam a sola fortuna pendens per se, & jure naturæ est illicitus, servatis conditionibus sequentibus, 1. ut ludentes eorum, quæ exponunt, liberam habeant dispositionem. 2. Ut summa ludo exposita sit moderata juxta cujusque facultatem. 3. Ut absit fraus, & dolus, coactio, & preces nimis importunæ. 4. Ut sufficiens adsit inter ludentes æqualitas, & periculum perdendi. Per accidens vero est illicitus, 1. Si ludens principaliter lucrum intendat; quia honesta recreatio propter Deum esse debet. 2. Si nimia quantitas pecuniæ exponatur cum detrimento familiæ, & creditorum. 3. Si nimium tempus in eo consumat. 4. Si per illum ab officiis debitis notabiliter retrahatur. 5. Si peccandi periculo se committat. 6. Si conditiones ex justitia in ludo requisitas non servet. Jure vero canonico, & civili cæsareo, & gallico etiam laicis ludus aleæ prohibitus est, etiam sub mortali, saltem si sit frequens, & eorum facultates notabiliter excedens, *S. Raymundus & S. Antonius apud*

*Tourn.* non vero, si raro, moderate, & recreationis causa fiat, *ibid.* Tenetur tamen ludens in eo amissa solvere, non vero, quæ lucratus est, restituere ante Judicis sententiam; quia licet contractus sit illicitus, nullo tamen jure est irritus, sed solum irritabilis, & ab onere solutionis Jure cæsareo, & etiam in foro conscientię liberari potest, *ibid.* & *P. Geru.* in Regno vero Gallię lucrum in ludo prohibito non solutum, non tenetur perdens, etiam in conscientia solvere, nisi esset parva summa, qualis censetur summa centum libris minor, *de Ferrière*; sed hæc videtur potius ex conditione ludentium dijudicanda; nec acceptum restituere ante Judicis sententiam; quia Edictum Ludovici XIII. non ipsum ludi contractum, sed debitumtaxat inde contracta facit irrita, *Tourn.* solent tamen Parlamenta commota lite occasione ludi obligare ad restitutionem faciendam pauperibus, non vero ludenti, ut uterque puniatur, *ibid.* ludere pro precibus, non est prohibitum, *Tourn.*

*Hinc:* graviter peccat, & tenetur ad restitutionem, 1. lucrans a filiofamilias, non habente bona castrensia, &c. ab uxore non habente paraphernalia, a Religioso, &c. nisi consentientibus, a quibus dependent, vel nisi sit quid modicum, de quo eos consentire præsumitur, *S. Antonin. Pont.* 2. Decipiens in numero calculorum, chartas abscondendo, vel specialiter notando, se inexpertum fraudolenter simulando, &c. non solum lucrum fraude acquisitum, sed etiam quod alter certo, aut probabiliter lucraturus fuisset, restituere tenetur, & in dubio quanti, spes valet; non vero illicitæ sunt quædam astutiæ legibus ludi, vel consensu ludentium permissæ, ut aspicere chartas a collusore non bene custoditas dignoscere chartas a tergo casu notatas, fingere metum, ut sponsio augeatur, vel simulare bonas chartas, ut alter terreatur, *Tourn.* quamvis hæc vix omni culpa contra veracitatem vacent. 3. Sciens se alium notabiliter peritia excedere, excessumque filens, vel una positione plus lucrans, quam solvere, vel perdere potuisset. 4. Alterum ad ludum incipiendum, vel continuandum injuriis, convitiis, precibus nimis importunis, minis, se non soluturum, quod perdidit, nisi in ludo persistat, aliisve molestiis cogens, ita, ut mallet rem suam periclitari, quam ita affligi: si vero ipse passus injuriam lucretur, non tenetur restituere; quia nulli inju-

riam



riam facit, *S. Antoninus, Pont. & alii, apud Tourn. 5.* Lucrans notabilem summam, crebro ludendo ludo prohibito, ac immoderato, graviter quidem peccat, non tamen tenetur ad restitutionem ante Judicis sententiam, nec perdens, saltem in Gallia, solvere, nisi esset parva summa; aleatoribus tamen, & domum<sup>9</sup> ipsis locantibus neganda est absolutio, nisi resipuerint, *S. Carol. Barom.*

*Quar. 62. An Sponsio sit licita?*

*Dico.* Sponsio est licita certis conditionibus servatis, videlicet: 1. ut res, de qua agitur, in eodem sumatur sensu. 2. Ut utrique sit incerta, nisi unus alterum moveat de majori sua certitudine, si autem omnino certus esset, spondere non potest, nisi alter certitudinem condonet.

*Hinc:* spondens cum tribus idem officium sperantibus cum unoquoque contendens, eum esse excludendum, & sic certus, contra duos se esse lucraturum, illicite spondet, nisi centum contra quinquaginta spondeat; quia adversarius duplo majus subit periculum, *Lugo.*

*Quar. 63. An Loteria sit licita?*

*Dico.* Loteria, seu ollæ fortunæ licitæ sunt 1. si servetur proportio lucri, ita, ut non excedat illud, quod, merces vendendo, accepisset, nisi auctoritate Principis pro bono publico creatæ sint. 2. Ut absit fraus, & dolus. 3. Ne solo impulsu cupiditatis, vel avaritiæ pecunia in Loteriam conferatur.

## Q U Æ S T I O VI.

### DE INJUSTITIA, ET RESTITUTIONE IN COMMUNI.

*Quaritur. 1. Quid sit Injustitia, & Restitutio?*

*Resp.* **I**njustitia, seu Injuria, est voluntaria Juris alieni violatio absque causa legitima. Restitutio vero est actus Justitiæ commutativæ, quo res alterius redditur, vel damnum ei illatum reparatur.

*Quar. 2. An volenti possit fieri Injuria?*

V 3

*Dico.*

*Dico.* Scienti, & sponte consentienti in re, quam cedere potest, non fit Injuria, *Reg. 27. Jur. in 6.*

*Hinc:* Injuriam patitur 1. solvens centum, volens, sed non recordans, jam quinquaginta solvisse; quia non est sciens. 2. Solvens usuras, vel latroni bursam præbens; quia non est sponte volens. 3. Pupillus consentiens ablationi suorum bonorum, vel Clericus in sui percussione; quia in his jus suum cedere nequeunt.

*Quar. 3. An Restitutio sit necessaria?*

*Dico.* Restitutio in re, vel in voto est necessaria ad salutem, non quidem in re necessitate medii, quia sine ea ignorans invincibiliter, vel impotens salvari, potest; sed præcepti negativi prohibentis semper, & pro semper retentionem rei alienæ invito domino; in voto vero, seu propositum restituendi est necessarium necessitate medii; quia sine illo non potest haberi vera contritio.

*Hinc:* 1. Injustæ rei alienæ retentionis memor voluntatem non restituendi expressè, vel tacite renovans, aut occasionem, vel media Restitutionem faciendi negligens, de novo graviter peccat, & in confessione tempus injustæ retentionis, & neglectarum occasionum restituendi exprimere tenetur. 2. Absolvi non possunt rei alienæ detentores; nisi firmum habeant restituendi propositum, quo carere judicantur, 1. qui media ad illam procurandam negligunt. 2. Qui in aliis confessionibus admoniti, promissis non steterunt. 3. Qui toti solvendo pares, non nisi partem restituerunt, etiam si dominus nullum ex dilatione damnum patiatur. 4. Qui hæredibus, etiam in periculo mortis, Restitutionem faciendam committunt, quam per se facere possunt, *Tourn.* nisi certæ circumstantiæ, ut propriæ diffamationis, specialia sinceræ promissionis indicia, &c. ad aliter aliquando faciendum prudentiæ Confessarii suadeant, *ibid.*

*Quar. 4. Quot sint radices Restitutionis?*

*Dico.* Quatuor sunt radices Restitutionis, videlicet: 1. injusta acceptatio. 2. Injusta detentio. 3. Injusta damnificatio. 4. Contractus, seu quasi contractus, ut officia. De hac, & de multiplici culpa egimus supra de contractibus.

*Quar. 5. Ex qua culpa oriatur obligatio Restitutionis?*

*Dico.* Obligatio Restitutionis, extra casum contractus, vel officii, oritur ex sola culpa theologica adversus Justitiam commutativam; quia, seclusa culpa theologica, do-

minus

minus non potest esse rationabiliter invitus, & deficit fundamentum radice Restitutionis, nempe injuria formalis, quæ obligatio restituendi est gravis, si culpa sit mortalis, vel dubia de gravitate; quia melior est conditio innocentis. Qualis autem ex culpa solum veniali oriatur obligatio restituendi, non conveniunt auctores; ex culpa veniali ob parvitatem materiæ injustæ acceptionis, vel detentionis oriri levem, & gravem si reiterata coalescat, videtur certum; ex culpa vero veniali ob inadvertentiam, licet damnum illatum sit grave, non obligari sub mortali ad damni reparationem communiter docent Doctores, apud P. Geru. quia ex culpa levi, secluso contractu non potest oriri obligatio gravis; cum radix Restitutionis sit injuria, quæ pro gravi debet esse gravis, etiamsi fieret cum intentione interna graviter mala; quia jus proximi hac in re solum læditur per actionem externe damnosam, licet propter internam, nempe malam voluntatem, & graviter peccet, *ibid.*; impedire tamen damnum tenetur, qui causam illius inadvertenter posuit, etiam ex justitia, si possit sine notabili suo incommodo; quia fortius obligatur, quam illi, qui solum ex charitate damnum proximi impedire tenentur; imo ad aliquid pro reparatione damni pro quantitate culpæ, & judicio prudentis, teneri, videtur rationi conveniens, *Tourn., Thom. ex Charm.*

*Hinc:* juxta Auctores supra citatos, non tenetur ad restitutionem 1. dominus, cujus animal sine ipsius culpa proximo damnum intulit, ante judicis sententiam, licet damnum passus pro satisfactione illud retinere possit. 2. Nec subitanea ira inadvertenter alium occidens, segetes veniali negligentia comburens, in venatione mortaliter prohibita hominem ex inadvertentia levi occidens, furando præter intentionem, & absque gravi negligentia domum comburens, arma militi vendens cum intentione, ut inimicum occidat, nihil de ea externe manifestans, avaro aliquos obulos auferens, ut mœrore rei amissæ ægrotet; quia causa externe in damnum influens est duntaxat venialis, licet aliunde graviter contra charitatem peccent: prædictos tamen ad partem damni pro quantitate culpæ, & judicio prudentis obligari putant *Tournely, & Thomas ex Charm.* sed quanta veniali correspondeat culpæ, difficulter dicitur; quia notabilis non est proportionata culpæ, & modica non æquivaleret damno;

multi apud Billuart quinquagesimam, vel octogesimam partem assignant pro quantitate culpæ, & judicio prudentis, sic si pretium domus a fure inadvertenter combustæ sint mille aurei, a fure restituendi essent viginti, vel minus, si minor sit culpa; num autem obligetur sub mortali, non conveniunt Doctores: obligari sub mortali, si summa sit notabilis, asserit continuator Tournely, quia non restituere aliquid gravis momenti, mortale est; sub veniali tantum obligari putat Billuart; quia obligatio gravis Restitutionis non ex gravitate rei, sed ex gravitate culpæ, ac injuriæ formalis oritur, quæ levis, ac imperfecta est, alias obligaretur ad totum damnum, quæ ratio videtur principiis Restitutionis conformior.

*Quar. 6. Quot sint circumstantia Restitutionis, quotuplex sit possessor, finis rei, impensa, & quis factus ditior?*

*Resp. 1. Circumstantiæ Restitutionis sunt novem his verbis comprehensæ.*

*Quis, quid restituat, quantum, cui, quomodo, quando.*

*Quo ordine, quo loco, qua causa excuset iniquum.*

2. Possessor bonæ fidei est, qui rem alienam possidet, prudenter putans esse suam. Possessor malæ fidei est, qui per injuriam rem alterius accepit, retinet, vel damnum intulit.

3. Fructus rei alii sunt naturales, qui natura sola, vel fere sola producuntur, ut scædus animalium, herba pratorum. Alii industriales, qui per solam industriam, & laborem producuntur ex re mere sterili, ut ex pecunia per negotiationem, rei venditione, & emptione, usu instrumentorum &c. Alii mixti, qui partem ex natura, partim ex industria prodeunt, ut fructus agrorum, vinearum &c. Alii civiles, qui ex juris dispositione, ex rei usu oriuntur, ut ex domorum, jumentorum locatione, hi in jure cum naturalibus confunduntur.

4. Impensæ circa rem factæ, aliæ sunt necessariae, quæ rei deteriorationem impediunt. Aliæ utiles, quæ rem meliorem faciunt. Aliæ voluptariæ, quæ speciem duntaxat ornant, ut viridaria, picturæ &c. quæ sæpe etiam pretium augent, & inter utiles numerantur.

5. Factus ditior dicitur ille, qui rem alienam consummando, vel alienando suæ pepercit, vel pretium, vel ali-

aliquid acquisivit; non vero si solum propter illam lautius vixit, quam sine illa vixisset, vel donavit, quæ sine illa non donasset.

*Quar. 7. Ad quid teneatur possessor bonæ fidei?*

*Dico.* Possessor bonæ fidei tenetur rem, quamprimum noverit alienam, restituere, & fructus ejus naturales, civiles, & mixtos quoad partem, qua sunt naturales, nisi sint præscripti instar rerum mobilium possessione triennali cum titulo colorato. *Tourn.* secus efficitur malæ fidei possessor; & si res, vel fructus non amplius extent, tenetur ad id, ex quo factus est ditior, deductis laboribus, quæ a domino fieri debuissent, & impensis necessariis, & utilibus, imo etiam voluptariis; quia cum sit sine culpa, debet indemnitas servari; non vero tenetur ad fructus mere industriales.

*Hinc 1.* Emens equum furtivum etiam in foro publico, cum non furi, sed domino comparenti, & illum exigenti restituere tenetur, nisi fuisset emptus in Nundinis in locis, ubi viget Lex statuens transferri rerum in iis emptarum dominium sine obligatione restitutionis, etiam si postea deprehendantur, fuisse furtivas; quia ob bonum commune, & augmentum commercii, ac tranquillitatem emptorum potest esse justa, sicut Lex præscriptionis, & servari in conscientia, *Billuart.* Si autem illum emisset cum intentione eum restituendi domino, potest exigere pretium, dummodo viliori emerit, & domino gratum fore, aliaque via ad eum non perventurum crediderit; quia ejus negotium utiliter egisse censetur; nec tenetur de casu fortuito, sed solum ex culpa lata; si autem æquali, vel majori emerit pretio, non tenetur dominus ad excessum. Si seclusa prædicta Lege de Nundinis rem alteri bona fide revendiderit, & dominus rescissa venditione equum sibi vindicaverit, tenetur emptorem indemnem servare, refundendo ei pretium; quia emptor habet actionem in venditorem de evictione; an autem teneatur restituere pretium domino, si emptor non amplius compareat, vel si dominus rem furtivam non repetat, vel si illam bona fide in suos usus converterit; vide infra *Quar. 13.* *Hinc 2.* Qui contrivit vestem a fure bona fide emptam, tenetur quantum pro alia impendisset, licet furtiva fuerit longe pretiosior; si eam donaverit alteri alias non donaturus, ad nihil tenetur; si donasset, sed aliam vilio-

vilioris pretii, ad illud duntaxat tenetur; quia tantundem suæ rei pepercit. 3. Emens bona fide vineam alienam, non tenetur restituere vinum per triennium bona fide possessum: quia illud præscribit, nec illud, quod bibit cum amicis alias non bibiturus; nec illud, quod etiam sua culpa periit, vel quod vineis melius cultis fecisset; nec lucrum, quod vinum carius vendendo, habere potuisset, vel culpa lata amisit; quia credens suum, illud negligere potuit; nec pretium, quod pro melioratione ejus adhibuit, licet dominus minoribus impensis eam fecisset; vel pro arboribus non fructiferis pro solo ornamento plantatis, vel pro picturis, fontibus &c. impenderit, licet dominus ea non fecisset; quamvis Tournely putet, dominum non teneri refundere impensas valorem meliorationis excedentes, nec excessum impensarum, quibus ipse eandem meliorationem fecisset, nec pretium meliorationis, si excedat impensas, sed solum impensas, quibus melioratio in re facta est, aut valet, vel a proprio domino facta fuisset. 4. Emens bona fide vaccam alienam in uno loco triginta lateris, & vendens alibi quinquaginta, non potest retinere lucrum, *Tourn.* quia est rei, quæ intrinsece & extrinsece crescit domino ex circumstantiis non personalibus; secus si carius vendiderit, ob specialem affectum, vel suam necessitatem; quia hoc lucrum personale est.

*Quar. 8. Ad quid teneatur possessor malæ fidei?*

*Dico.* Possessor malæ fidei tenetur 1. restituere rem ipsam, si extet, vel si non extet pretium saltem medium, vel majus, si illud ipsemet dominus ex illa habuisset. 2. Compensare omne damnum emergens, & lucrum cessans. 3. Omnes fructus naturales, civiles, & mixtos, quoad partem, qua naturales sunt, etiamsi dominus eos non percepisset; quia res fructificat domino suo; etiam illos, quos possessor malæ fidei non percepit, modo eos dominus percepisset; quia omne damnum, cujus est causa, reparare debet; etiamsi sint consumpti, vel casu fortuito amissi, & non factus sit ditior; deductis tamen operibus, quæ a domino fieri debuissent ad illos percipiendos, & impensis necessariis, & utilibus, quas rei dominus fecisset: non vero voluptuariis, nisi adhuc extant, & a re sint separabiles, quos subtrahere potest, vel si res propterea carius vendatur; non vero si dominus illam retineat: fructus

Quis autem mere industriales nullus restituere tenetur; quia non sunt rei, sed personæ.

*Hinc* 1. Qui furatus est equum, præter equum restituere tenetur impensas, quas dominus pro alio conducendo fecit, vel lucrum, quod ex ejus locatione habuisset. 2. Qui furatus est pullum equinum a domino usque ad annos equi perfecti valoris servandum, restituere tenetur valorem perfecti equi, si non amplius extet, deductis impensis a domino faciendis. 3. Qui abstulit frumentum, si non amplius extet, tenetur restituere pretium tempore ablationis; si ipse carius vendiderit, vel dominus carius vendidisset, tenetur illud refundere; si vendiderit eodem pretio, quo dominus vendidisset, sufficit illud restituere, licet sit infimum. 4. Colens agrum alienum, sciens, tenetur restituere fructus domino, deductis operibus, quæ a domino pro iis fuissent faciendæ, nihil vero pro fimo injecto a domino non injiciendo deducere potest, licet melior sit effectus, nec pro arboribus in eo plantatis, vel pro domo in eo ædificata, vel pro tabellis, statuis &c. in eo erectis, nisi agrum propterea dominus carius vendat, tunc æquitas refusionem excessus dicitur; secus si dominus illum retineat, ea tamen ante restitutionem subtrahere licet. 5. Ad restitutionem tenetur auferens rem apud dominum etiam certo sed injuste, vel fortuito perituram, v. g. equum ab alio fure surripiendum, frumentum ab hostibus injuste devastandum, ovem a lupis devorandam, mobilia, alias incendio peritura, etiam si postea alio casu fortuito apud furem perierint; quia ipse est auctor damni, & est in mora culpabili. An autem teneatur ad restitutionem, si eodem tempore, & eodem casu fortuito apud dominum, & furem periissent, quia v. g. frumentum in agro vicini ablatum eadem inundatione, vel eodem incendio sicut apud furem fuisset consumptum, divisi sunt Theologi; alii affirmant, eum teneri, 1. quia est injusta rei alienæ acceptio, ex qua oritur obligatio restitutionis. 2. Quia est in mora culpabili, & tenetur de casu fortuito. 3. Quia vere damnum intulit, rem auferendo invito domino; alii negant, 1. quia fur non est absolute causa, cur res pereat, sed solum, ut potius hic, quam alibi pereat. 2. Quia damnum non efficaciter infert, cum sine ipso periisset. 3. Occisor non tenetur ad impensas funeris occisi; quia

quia alio tempore fuissent faciendæ, ergo a pari, &c. videtur huic adhærendum; quia videtur probabilior, licet Tournely priorem teneat opinionem,

*Quer. 9. Ad quid teneatur possessor dubia fidei?*

*Dico.* Possessor dubiæ fidei, qui inchoata bona fide de possessione, dubitare incipit, rem esse aliam, aut furtivam, factaque sufficiente inquisitione, dubio remanente ex utraque parte pene æquali, ad nihil tenetur; quia potior est ratio possidentis: si vero longe probabilius sit, rem esse alienam, vel comparente domino certo, ei restituere tenetur, ut possessor bonæ fidei, & nullo comparente, pauperibus, vel ad pias causas; possessor autem dubiæ fidei, qui rem cum dubio positivo possidere incipit; peccavit graviter; quia se exposuit periculo injuste possidendi rem alienam, & si facta diligentia inquisitione longe probabilius videatur, esse alienam, vel comparente domino certo, eidem restituere tenetur, ut possessor malæ fidei, vel pauperibus, ipso non comparente: manente vero dubio ex utraque parte æqualiter fundato, dividenda est cum domino dubitante; quia utriusque conditio videtur æqualis, & possessio cum dubio inchoata possidenti favere nequit; & nullo domino detecto, dividenda est cum pauperibus, *Lugo, & alii.*

*Hinc;* Emens rem, dubia, vel bona fide, & incipiens dubitare esse furtivam, tenetur, 1. veritatem omni, quo poterit, modo inquirere. 2. Durante inquisitione non uti re illa, si sit usu consumptibilis, si vero non sit usu consumptibilis, ut equus, non nisi ad usus leves, ut ad modicum iter, & ad onustas vecturas cum intentione solvendi pretium conductionis. 3. Si longe probabilius sit, esse alienum, tenetur cum fructibus eum restituere domino, si cognoscatur; vel pauperibus, si ignoretur, & in quantum factus est ditior, si bona fide incepit possidere; si dubia, tenetur ad rem & omnes fructus, & dominum insuper in omnibus indemnem servare: si econtra longe probabilius sit, non esse alienam, potest eam uterque bonæ, & malæ fidei possessor, ut suam retinere; quia mala fides majori probabilitate purgatur; si autem idem maneat ex utraque parte dubium æquale, qui bona fide incepit possidere, potest illam retinere, quia melior est conditio possidentis; qui fide dubia incepit, tenetur pretium dividere cum domino æque dubio, si sciatur, vel cum pau-

peri-



peribus, si ignoretur, quia possessio dubia ei non favet; si vendatur, monendus emptor de conditione dubii, pretiumque pro ratione hujus vitii erit minuendum, *Tourn.*

*Quar. 10. Quot modis aliquis possit efficaciter cooperari damno alterius?*

*Dico.* Novem sunt modi, quibus efficaciter quis damno alterius cooperari potest, quorum sex priores sunt positivi, & tres posteriores negativi his versibus contenti.

*Iussio, consilium, consensus, palpo, recursus.*

*Participans, mutus, non obstant, non manifestans.*

*Quar. 11. Quisnam cooperantium damnum reparare tenetur?*

*Dico.* Damnum reparare tenetur, qui causa illius fuit efficax, physica, vel moralis executorem vere movens, vel adjuvans; & quidem tenetur in solidum, si in totum damnum influxerit, vel si causa relationem ad alias habuerit communi consensu, conspiratione, confidentia, opera; vel ad partem damni, si solum in partem influxum habuerit; non censentur autem causæ morales influxum in actionem damnicam habuisse, si executor jam determinatus erat, & æque facile, eodemque modo damnum illaturus erat, nec tenentur ad restitutionem, nisi ad promptius illud inferendum ab eis motus sit; quia secus potuisset animum mutare vel impediri a damno inferendo.

*Hinc 1.* Duo mandantes simul mortem innocentis, vel suadentes bellum injustum, gabellas iniquas, &c. tenentur ambo ad restitutionem damni, etiam si unius mandato, vel suasionem fuisset secutum; quia ambo influunt in eundem effectum; non tamen tenetur mandans, suadens, &c. fatente damnicatore, illorum mandato, vel consilio non fuisse motum, vel si constet, homicidam jam antea capitali odio flagrantem mortem minatum fuisse, omnia ad executionem disposuisse, post datum consilium habita occasione non occidisse, sed post novas, & proprias cum ipso rixas, & post vetera odia excitata; quia his in circumstantiis mandatum, vel consilium censetur non influxisse.

*2.* Dubitans positive, an causa data influxerit, tenetur de damno; quia præsumptio est pro damno; dubitans vero, an causam damni dederit, ad nihil tenetur, *Henric. de S. Ig. Lugo*; quia quilibet censetur bonus, & suæ obligationi satisfecisse; donec probetur malus, nisi aliunde habeat præsumptionem contra se, quia alias mala consilia, & cau-

& causam damni in simili occasione dedit; plures autem simul dantes causam damni, v. g. explodentes sclopetum erga hominem, & dubitantes cujus ictu fuerit occisus, omnes tenentur ad partem damni, & deficiente uno, tenentur alii, *Tourn.*; non tamen tenentur domestici singuli ad partem damni ab uno eorum illati, nisi singuli causam dederint, *ibid.* 3. Impediens quocunque modo, blanditiis, vel fraudibus ab iis, quæ ex Justitia sunt debita, tenetur ad restitutionem; non vero impediens solum ab acquirendis ex liberalitate, vel gratitudine, ut a legato; testamento, dono, officio, beneficio, matrimonio, utendo solum precibus, blanditiis, muneribus, suasionem, consilio, etiam ex odio, sine mediis tamen externis illicitis, *Less.*, & alii communiter apud *P. Gerv.* quia libertas non violatur conferentis, & ex justitia non sunt debita: impediens vero ab istis dolo, fraude, mendacio, metu gravi, &c. v. g. Notarium distrahens, ne moribundus Ecclesiæ legatum, pauperi famulo, Eleemosynam, amico munus gratitudinis testamento relinquat, vel pauperi accessum ad parentes divites intercludens, ne Eleemosynam impetret; nisi parentes essent prodigi cum præjudicio filiorum; tenentur prædicti saltem pro qualitate spei juxta prudentis arbitrium ad restitutionem; nisi solum effecissent, ut relicto digno, vel indigno, officium digniori conferatur: famam tamen læsam restituere tenentur. 4. Tenentur ad restitutionem in solidum plures scholastici eandem vineam ingressi, singuli partem surripientes; plures milites eandem urbem injusto bello devastantes, si conspiratione, mutuo consilio, &c. vel etiam malo exemplo alios moverint; quia non minus movent exempla, quæ trahunt, quam consilia, *Ethica amoris, P. Ant. apud Tourn.*; contrarium tamen, quoad mala exempla, tenent Molina, *Bonac. Sanch.*, & juniores communiter, *ibid.*; quia licet malum exemplum occasionem det ad damnum, a se solo tamen quis ad illud inferendum, moveri solet, *ibid.*

Quar. 12. Quo ordine Cooperatores ad damnum restituere tenentur?

Dico. Cooperatores æqualiter ad damnum, ut duo mandantes, æqualiter tenentur ad restitutionem, quilibet ad suam partem, & deficiente uno, alii in solidum; quia singuli in totum influunt; cooperantium vero inæqualiter,

1. loco is, apud quem res aliena extat, vel qui eam mala, aut dubia fide consumpsit, restituere tenetur, & si bona fide, tenetur ad id, quo factus est ditior. 2. loco in defectum priorum tenetur mandans, suadens, aut rogans, qui æquivalent mandanti, *Tourn.* 3. loco in defectum priorum executor, participans, seu adjuvans. 4. loco in defectum præcedentium tenetur consulens, consentiens, palpo, receptans, eodem ordine, & quilibet pro sua parte; quia eodem modo in damnum influunt, movendo, excitando, impellendo executores; nisi unus præ alio fortius, vel efficacius movisset, tunc etiam plus restituere tenetur. 5. loco, defectu positive cooperantium, tenentur causæ negativæ, motus, non obstant, non manifestans, eodem ordine; quia pari gradu cooperantur non impediendo; prius tamen tenentur custodes particulares, v. g. vinearum, quam generales, ut Prætores, Magistratus, &c. nisi satis idoneos, & vigiles adhibere negligerent, & sic defectu aliorum tenentur singuli in solidum, & posteriores jus retinent, exigendi refusionem a prioribus, & facta restitutione a principali, vel prioribus, aut obtenta ab iis condonatione, liberantur etiam posteriores; sed non vicissim; nec si sint in eodem ordine, sed liberato uno, tenentur alii pro sua parte.

*Hinc* 1. Mandans expresse, vel implicite signis, nutibus, vel indicando, gratum sibi fore, si famulus, quem novit furiosum, vicinum verberibus excipiat, domum aliis domibus vicinam comburat, tenetur non solum ad damnum, quod justit, sed etiam de mutilatione, occisione, combustione aliarum domorum, quæ damna ex suo mandato, utpote periculoso, prævidere potuit, ac debuit, etiam si contra ipsius intentionem, & prohibitionem evenerint, *Innoc. IV.*; & si servus propter executionem mandati domini bonis privetur, in exilium mittatur, &c. tenetur dominus eum indemnem servare; quia virtualiter se obligare videtur, eum a quocunque damno incolumem servare; non vero si alium non servum stipendio conduxerit ad damnum inferendum; quia conductus censetur pericula in se suscipere; nec tenetur mandans ad excessum, si mandatum non fuerit periculosum, sed executor propria malitia plus fecerit; nec tenetur de damno, si mandatum revocaverit expresse, & mandatario innotuerit, vel implicite, quia amicitiam cum damnificando contraxisse, sci-

vit;

vit: tenetur autem, si oblivione, vel defectu nuncii retractatio mandatarum non innotuerit, vel amicitiam, ob dolosam domini sui indolem, non sinceram crediderit, vel si mandando modum, ac motiva indicaverit, quibus, etiam retractato mandato adhuc motus nocuit, vel si etiam peccata vera poenitentia, & omni conatu, malum non amplius impedire potuerit; quia causa damni data vere influxit, & innocens illud passus est, & si mandatum non potest revocare, tenetur monere eum, qui injuriam passurus est, ut sibi invigilet, & quidem cum æquali, non tamen longe majori detrimento, ut mortis, aut gravissimæ infamiæ; tenetur tamen relarcire damnum, & si mortem alterius non nisi propriæ vitæ dispendio impedire queat, potius esset moriendum, *Lugo*; quia peior esse debet nocentis, quam innocentis conditio. 2. Sciens damnum ab alio suo nomine inferendum, & non impediens, tenetur ad restitutionem; quia sua taciturnitate censetur illud tacite approbare: non vero damnum suo nomine illatum absque mandato, & notitia ratum habens, licet graviter peccet; quia ratihabitio est posterior effectu, *Tourn.* 3. Auferens centum taleros, octingenta propriis manibus, & viginti mandans servo eidem auferre, restituitis viginti pro servo, & factus postea impolens pro reliquis, non liberatur servus; quia non potest solvere pro servo, antequam integre pro se satisfecerit, & læsus habet jus exigendi restitutionem ab eo, qui damnum intulit, in defectum mandantis, *Tourn.*

*Hinc* 2. Consulens tenetur, 1. ad restitutionem pro ratione damni illati consilio, precibus, promissis, suggestionibus motivi impunitatis, delectationis, utilitatis, honoris, ostensione viæ, & modi nocendi, doctrina falsa; nec excusatur, si revocet, si facta consilii revocatione totum adhuc motivum, & causa nocendi impressa maneat, & in damnum influat; secus, si per revocationem omnia nocendi motiva efficaciter tollantur, vel saltem in quantum potuit, dissuasit, & eum, cui damnum imminet, moneat. *Tann. apud P. Gerv.* quia tunc censetur propria malitia inferre damnum. 2. Consulens volenti auferre quinquaginta aureos, ut sumat centum, tenetur ad quinquaginta; consulens vero volenti auferre quinquaginta Petro, ut sumat solum Petro viginti quinque, & alteri viginti quinque, tenetur ad viginti quinque alteri, quia non li-

cet damnum unius minuire cum damno alterius. 3. Consulens decem aureos auferre in loco, ubi scit esse contum, tenetur ad centum, si omnes abstulerit; quia dedit consilium periculofum, & totius summæ ablationem timere, ac prouidere potuit. 4. Consulens volenti auferre vaccam, ut sumat tantum vitulum, ad nihil tenetur, si animo diminuendi damnum fecerit, & integrum aliter impedire non potuerit; quia rem proximi utiliter egit; non vero excusatur a restitutione ita consulens socio in furto cooperans. 5. Consulens volenti indeterminate auferre uvas, ut sumat potius huic diviti, quam illi pauperi, tenetur de damno; non vero tenetur, si in genere consulat, ut diviti potius, quam pauperi eas accipiat, vel non isti suo amico, nihil dicendo de alio; quia impediendo damnum unius, non influit in damnum alterius. 6. Medicus, vel Advocatus bona fide dans malum consilium ex officio, vel statu, tenetur de damno ex culpa lata; si pro stipendio, ex culpa levi; si vero dicat, se dubitare, vel ita sibi videri, sed alios adhuc consulendos, vel si non ex officio, vel professione consulat, ut mulier ægroto, ad nihil tenetur, nisi de dolo; quia damnum sibi adscribat consilium non fundatum sequens, cui prudenter fidere non potuit, *Reg. 62. Jur. in 6.* Si tamen agatur de damno tertii, ut dissuadens restitutionem, cujus obligationem etiam inculpate ignorat, tenetur de damno tertii; quia licet ipso invito inferatur, sciens tamen, & volens, se exponit periculo nocendi tertio, dando consilium in re non suæ professionis, & non satis instructus, *Sylv. & alii apud Tourn.*; sequens autem decisionem Confessarii, vel Advocati bona fide id credens licitum, tenetur solum ad rei alienæ restitutionem, si extet, si non extet, ad id, quo factus est ditior; quia bona fides satis fundata eum excusat.

*Hinc* 3. Consentiens tenetur ad restitutionem damni suffragio, favore, approbatione externa efficaciter illati; cum ex officio non consentire, vel malum impedire teneatur, ut Consiliarii Principis consentientes bello iniquo, Magistratus annonas iusto pretio carius vendi permittentes, ad electiones indignas, vel ad sententiam damnosam suffragium ferentes, re etiam numero suffragiorum jam sufficienter decisa, & a sententia, vel electione indigna deterri non valentes; quia negatione suffragii, suisque rationibus non solum alios a sententia, vel electione indi-

gna retrahere, sed etiam impedire tenentur, ne eorum nomine fiat, & ne tanquam consentientes eam roborent, ac ne alii a restitutione retineantur.

*Hinc* 4. Palpo tenetur de damno illato alium efficaciter movendo ad illud, ut laudando, murmurando, applaudendo, offensum irridendo, non ulciscenti ignaviam exprobrando, injuriam exaggerando, dicta contra alium, ut susurro referendo, etiam si damnum non intendat, sed sufficit, quod illud prævideat, vel prævidere debeat.

*Hinc* 5. Receptans, seu recursum præstans obligatur, si præbeat malefactori, quatenus est malefactor, securitatem, fiduciam, & commoditatem, ut confidentius noceat, vel damnum illatum non repareret, ut caupones res furtivas, vel fures, ut fures recipientes, & occultantes, instrumenta nociva servantes, prædas ementes; Advocati injusticiam contra propriam conscientiam tuentes, legionum præfecti milites rapinam exercentes, defendentes, Magnates, seu Magistratus suis famulis injustitias facientibus protectionem exhibentes; non tamen tenentur de damno fures recipientes titulo amicitiae, consanguinitatis, patriæ, &c. vel officii publici, ut caupones recipientes fures, ut hospites, vel a lictoribus quæsitos occultantes, licet liberati denuo ad latrocinia revertantur; quia lapsus est mere per accidens respectu hujus operis charitatis; nisi experientia constaret, eos inde ad alia damna occasionem arrepturos, vel ex officio malefactores denunciare tenerentur, vel solum fugere, ne restituere cogantur, quod hic, & nunc restituere possunt, *Tourn.*

*Hinc* 6. Participans, 1. rei jam acceptæ, ut manducans de vitulo ab aliis ablato, tenetur de sua parte, ut bonæ, vel malæ fidei possessor, prout bona, vel mala fide participaverit. 2. Participans ratione actionis damnosæ, ut instrumenta præbendo, scalas applicando, vel tenendo, claves adulterinas fabricando, excubias agendo, vel alio modo juvando, tenetur quilibet pro rata & deficientibus aliis, ad totum; quia in totum influxum præbuit, etiam si damnum sine ipso æqualiter fuisset illatum; sic duo venenum in cibos injicientes, quorum quælibet pars ad mortem inferendam sufficit, vel duobus tignum auferentibus accedens tertius adjuvans, tenetur quilibet pro sua parte, & deficientibus aliis in solidum; quia nulla est pars damni, in quam singuli non vere influxerunt, quamvis  
cujus-

cujuslibet influxu fuisset æqualiter illatum; etiam si ex metu mortis damnum intulerint immediate, & principaliter ad illud concurrendo, ut rustici metu gravi a militibus angariati fores effringentes, pecora e stabulo educentes, mobilia, e domo ejicientes, merces propria manu auferentes, & furti tradentes; Christiani milites apud Turcas tormenta bellica contra Christianos explodentes, eorum bona deprædantes, menses comburentes; quia sicut non excusantur a peccato, cum sint intrinsece mala, sic nec a restitutione, *Tourn., Bill. & alii com.*; excusantur vero a multis remote, & materialiter tantum ad damnum concurrentes ex metu gravi; ut instrumenta præbentes, scalas applicantes, vel tenentes, prædas ablatas vehentes, excubias agentes, Turcarum triremes contra Christianorum turmas remigantes, arma parato ad occidendum vendentes, &c., quia sicut materialiter tantum ex metu gravi peccato cooperantes a peccato excusantur, ita etiam excusari videntur a restitutione. *Vid. supra de met., & scand.*; nec videtur dominus rationabiliter invitus, nec exigere, ut quis ipsius bono cum dispendio majoris boni, propriæ nimirum vitæ, consulat.

*Hinc 7.* Mutus tenetur suo ordine de damno, 1. tacens, cum tenetur ex justitia, ut ex officio, ex pacto explicito, vel implicito loqui, contradicere, dissuadere, prohibere, clamare, ut custodes, servi, &c. videntes bona domini, vel suæ custodiæ commissâ dilapidari a conservis, vel ab aliis, non impediens, monendo, clamando, vel strepitum faciendo. 2. Confessarius ad restitutionem ex culpa lata non obligans; excusatur tamen distractione non voluntaria, vel si de restitutione sine admonitione facienda prudenter sit persuasus. 3. Impediens obligatum ex justitia quocunque modo, ne clamet, vel vi, aut dolo impediens volentem ex charitate contra furem; quia violat jus domini, quod habet, ne ipsius rei defensio impediatur; 4. Non obligatus quidem ex justitia accipiens tamen pecunias, vel gratis promittens, se nolle clamare contra furem; quia illum facit securiorem; vel testis citatus fugiens, aut verum tacens.

*Hinc 8.* Non obstitans ex justitia obligatus tenetur de damno, si omittat favorem, auxilium, operam ad damnum evitandum, ut, 1. Principes, Præpositi viarum, Belli Duces, Magistratus non impediens latrocinia, rapinas,

monopolia, usuras, &c. 2. Custodes vinearum, sylvarum, gabellarum permittentes prædari suæ curæ commissa. 3. Consiliarii, Canonici suo silentio, vel absentia non impediētes constitutiones, vel sententias nocivas, electiones indignas; tutores non impediētes damna pupillorum. 4. Domini non impediētes damna a feris, vel a bestiis suis illata prædiis, agris, &c. subditorum, vel ob ferocitatem notam proximo causata; si tamen sine eorum culpa noceant, non tenentur ante iudicis sententiam; nec obligantur custodes ex industria se occultantes, ut alios deprehendant; quia nemini injuriam faciunt; imo Sylvius eos etiam a peccato excusat; si, ut deprehensi efficacius corrigantur, id faciant.

*Hinc* 9. Non manifestans ex justitia, & simul juramento obligatus contra utrumque peccat, & tenetur de damno non denunciāns damnificatorem, vel ante damnum illatum, ut evitetur, vel postea, ut factum resarciatur; nisi damnum esset tam leve, & persona ita pauper, ut dominus non rationabiliter invitus prudenter præsumatur, uti sunt pauperes ligna caduca, & inutilia colligentes, ut alibi est dictum: custodes vero sylvarum, vestigalium alios non denunciāntes, non solum ad restitutionem damni illati, sed etiam multæ, & mercium Fisco addictarum teneti videntur; quia non solum ex justitia damnum impedire, sed etiam manifestando reos, procurare tenentur, ut damna per alios non deprehensos illata per multas, & merces Fisco addictas reparentur, *Tourn. P. Thom ex Charm.* licet Sylvius cum aliis id neget; quia solum ad damnum avertendum, non vero ad Rempubicam multis ditandam constitutos esse, asserunt, quod pro custodibus vinearum, & agrorum facilius admittitur, quando multæ non damnificatis, sed Fisco adscribi solent. Promulgato monitorio malefactorem non manifestans tenetur ad restitutionem, *Tourn. plura vid. de monit. p. 2.*

*Quar.* 13. Cui Restitutio sit faciēda, quomodo, & quando?

*Dico.* 1. Res aliena debet restitui ei, qui jus eam possidendi habet, etiamsi non sit rei dominus; quia ei primario illata est injuria; vel domino directo, si jus habens possidendi nullum inde dampnum patiatur; & ignoto domino, pauperibus, vel ad pias causas post factam diligentem (circiter per 15. vel 20. menses) inquisitionem,

*Tourn.;*



*Tourn.* si tamen sciatur, pluribus certæ communis damnum esse illatum, eidem, & non pauperibus restituendum; si uni ex pluribus, inter eos restitutio est dividenda. 2. Restitui debet res eadem in individuo, vel si non extet, ad æqualitatem pro ratione bonæ, vel malæ fidei possessoris, tota simul per se, vel per alium; occulte ablata occulte, publice ablata publice, prout pro fama, v. g. restituenda, vel scandalo reparando necessarium esse judicatur. 3. Restituenda est statim, quantum moraliter fieri potest, si res injuste sit acceptata, vel retenta; si verò ex contractu sit debita, tempore per pactum, vel legem præfixo, & quando nullum est præfixum, eo, quo exigitur, vel commode fieri potest; si autem creditor ob metum, impotentiam, vel oblivionem non posset debitorem interpellare, tenetur de damnis ex mora, *Tourn.*; ratio prædictorum est, quia præceptum restitutionis primario negativum est, obligans semper, & pro semper; nisi extrema, vel etiam gravis necessitas corporalis, vel spiritualis propria, vel aliena a restitutione statim facienda excuset; quia tunc dominus non est rationabiliter invitatus, nisi etiam esset in eadem necessitate, & tunc melior est conditio innocentis; nec tenetur de lucro cessante, vel damno emergente ex dilatione in extrema, vel gravi necessitate secuto; quia non est culpabilis, ea tamen finita reviviscit obligatio restitutionis.

*Hinc* 1. Equus pro itinere conductus furto ablati restitui debet conductori, vestis apud sartorem ablata, sartori, farina in molendino, molitori; quia isti per restitutionem domino directo factam ob negligentiae suspicionem inde oriendam damnum paterentur; vasa autem aurea depositario ablata, domino directo restitui possunt.

*Hinc* 2. Res furtiva furi ablata, vel mala fide ab eo empta, 1. non furi, sed domino est restituenda, etiam cum amissione pretii, & domino eam non repetente; quia, cum sit in mala fide, dominus debet indemnitas servari. 2. Res a fure bona fide empta etiam domino est restituenda, si dominus illam juridice, vel privatim exigat; non solum si nulla sit spes recuperandi pretium a fure, vel fure non amplius comparente, vel nolente refundere pretium, sed etiam, si rem furi restituendo, pretium recuperari possit, *Bill.*; & alii communiter; an autem etiam motu proprio rem furtivam bona fide emptam,

quamprimum innotescit, esse furtivam, teneatur restituere domino, cum periculo, vel amissione pretii, non conveniunt auctores; eam etiam periclitante, vel cum amissione pretii proprio motu domino esse reddendam, negant *Navarrus, Sylvester, Less. de Lugo, Vhsq. & alii*. 1. Quia rem furtivam reddens furi pro suo pretio recuperando, eam reponit in eo statu, in quo antea fuit, ac proinde nemini facit injuriam. 2. Nemo tenetur damnum alterius avertere, vel procurare illius bonum cum æquali suo damno. 3. Dominus non potest esse rationabiliter invitus, quod emptor potius consulat rebus suis, quam alienis. Econtra, eam domino non exigenti, & proprio motu esse reddendam, etiam periclitante, vel cum amissione pretii, afferunt *Cajetanus, Soto, Sylvius, Medina, Tournely, Henno, Billhart, ac alii*. 1. quia res ubicunque sit, clamat domino suo. 2. Quia securitas rei apud emptorem est rei melioratio quoad statum ad dominum spectans, quæ sine injustitia, ac domini injuria non potest ab ea tolli, reponendo eam in statu priori periculoso. 3. Non licet damno alterius cooperari rem in tuto positam reponendo in statu priori periculoso; imo periculosiori, fur enim rem restitutam ob periculum probabiliter longius distrahet, & difficilius sit recuperabilis. 4. Quia non licet eam vendere alteri pro sorte recuperanda, nec in suos usus convertere; ergo nec reddere furi, quæ opinio videtur probabilior, & in praxi tenenda. Potest tamen res a fure bona fide empta, furi restitui pro recuperando pretio, si furi reddita probabiliter domino sit ab eo restituenda, vel si in manibus furi a domino prudenter admonito probabiliter sit deprehendenda, *Bill.*; quia dominus non potest esse rationabiliter invitus, ut emptor recuperet suum pretium sine illius præjudicio; vel si ipse emptor in suspicionem furti inde veniret; quia non tenetur cum amissione boni altioris ordinis damnum alterius avertere, vel bonum promovere; vel si res nondum furi esset soluta, & emptor eam furi deberet solvere, vel reddere, cum non possit probare esse furtivam; quia sic auferens furi vestem Petri, ut eam ipsi Petro reddat, & si fur ipsi auferat pallium, nisi vestem Petri ei restituat, potest eam furi restituere; sic res alienas ex naufragio in suam navim recipiens, potest illas exurgente nova tempestate iterum projicere in mare; quia possessor bonæ

bonæ fidei non tenetur propriis impensis, vel cum præjudicio suarum rerum, rem procurare alteri; e contra vero si res jam esset soluta, teneretur eam reddere domino, & non furi; quia potest ei reddi sine impensis faciendis, & damnum, quod emptor patitur, non sequitur ex redditione rei; sed jam antea est secutum ex malitia furis vendentis, quod non suum erat, vel ex imprudentia, aut adversa fortuna emptoris. 5. Rem a fure emptam & bona fide vendens alteri, si dominus rescindat contractum, suam rem revendicans, tenetur emptorem indemnem servare, refundendo ei pretium; si autem dominus venditionem ignoret, tenetur ipsemet revenditor resciscens, esse rem furtivam, eam repetere ab emptore, refuso ipsi pretio, & eam restituere domino, *Billuart*; quia venditio fuit de re non sua, & domino suo clamat, uti supra, nec sufficit ei cedere actionem in furem; quia ipse cum illo nullum habuit negotium, & venditor juxta jura tenetur de evictione rei venditæ, *Bill.* verum, si secundus emptor non amplius compareat, vel res apud eum bona fide fuisset consumpta, vel ab ipso primo emptore in suum usum conversa, an pretium a primo emptore sit domino restituendum, iterum duplex est opinio, utrinque probabilis. Eum non teneri restituere pretium multi docent, 1. quia dominus nullum habet jus; nec ratione injustæ acceptationis; quia est possessor bonæ fidei; nec ratione rei; quia non amplius apud ipsam extat. 2. Quia tantum accepit a secundo emptore, quantum dedit furi, & possessor bonæ fidei tenetur tantum ad id, ex quo factus est ditior, & si carius rem vendiderit, tenetur tantum lucrum accrescens restituere domino. Eum autem teneri etiam restituere pretium domino asserunt *Bannes Sylvius*, ac alii apud *Bill.* 1. quia licet res non amplius extet, ipsius tamen valor, ac pretium adhuc apud primum emptorem rei furtivæ est existens. 2. Primus emptor nullum acquisivit dominium firmum istius pretii; non enim venditione; quia res vendita non fuit sua; nec compensatione; quia illa non a secundo emptore, sed a fure est repetenda; nec ex intentione secundi emptoris, qui intendit transferre dominium pretii in dominium domini rei; & non venditoris rei non suæ. 3. Quia non solum fit ditior ex major pretio, sed etiam ex toto; qui illud habet ex re non sua, nec potest succedere in locum pretii

dati furi, quod ipsi perierit, & a fure repetendum est; unde, cum vix appareat, quænam ex utraque opinione sit probabilior, in dubio securior, quæ est ultima, tenenda videtur.

*Hinc* 3. Sciens 1. miles oppidum, vel Præfectus militiæ provinciam, ignorantes vero eos, quibus in illis damna intulerunt, tenentur restituere oppido, vel provinciæ. 2. Sciens fuisse Judeos, vel hæreticos, non potest restitutionem facere Catholicis. 3. Sciens uni ex tribus fraude lucratum fuisse, tenetur cuilibet dare partem lucri, & partem lucri, quod unus eorum lucratus fuisset, seclusa fraude. 4. A dissipatore prælato acquisita Ecclesiæ, seu Conventui illius, non prælato, reddenda sunt, & a marito dissipatore accepta, uxori, non marito restituenda sunt, *Pont.* 5. Ænopsi, Ianiones; mercatores, &c. minori mensura, ac pondere, &c. vendentes, tenentur in iisdem locis vendere mensura, vel pondere majori, aut minori pretio, & partem reddere pauperibus pro extraneis non amplius ad eos redeuntibus. 6. Usurarii publici tenentur restituere publice per Eleemosynas publicas, ut simul scandalum reparetur; quia a Curia suprema in prænam utriusque, dantis, & accipientis, pro pauperibus obligantur. 7. Creditor tenetur acceptare solutionem debiti, etiamsi tempus solutionis sit fixum, sed in favorem debitoris, secus si in favorem creditoris sit determinatum.

*Hinc* 4. Excusantur a restitutione statim facienda, 1. qui non possunt restituere, nisi filii præ inopia latrocinentur, vel filiæ prostituantur, vel domum, aut prædium multo minoris, quam valet, vendant, in fama, vel honore graviter lædantur, operariis in summa necessitate constitutis mercedem debitam negent, statum juste acquisitum notabiliter diminuunt; de decencia autem status, qui non consistit in indivisibili, aliquid detrahere tenentur, ut restitutio saltem successive fiat, & injuste acquisitum diminuere, si sciatur fraudibus fuisse acquisitum, non vero si ignoretur, & sine sui diffamatione eum diminuere nequeant, *Thom. ex Charm.* 2. Nec debet restitui res, v. g. equus pro capienda in extrema necessitate fuga acceptus, & consumptus, secus si illa transacta remaneat, vel antea injuste fuisset ablatum. 3. Excusatur a restitutione statim facienda, si prævideat dominum ea abuturum, v. g. pecunia restituta beneficium empturum, vel mulie-

mulierem depravaturum, restituta clave adulterina ad furta, vel libro de arte magica ad superstitionem usurum.

*Quar. 14. Quo ordine debita solvenda sint?*

*Dico.* Si bona debitoris sufficiant pro omnibus debitis, cuilibet nullo servato ordine satisfaciendum est; si autem non sufficiant, sequentes servandæ sunt regulæ. 1. res aliena adhuc existens domino, & non in aliorum debitorum solutionem tradi debet, & si ignoretur, pauperibus, nisi ipsemet debitor esset impar aliis debitis, tunc sub titulo paupertatis illam retinere, & aliis creditoribus ex illa satisfacere potest. 2. In Gallia venditor non accepto pretio pro re vendita, cæteris præfertur creditoribus, etiam Regi, habetque jus rem immobilem insequendi quocunque transferit; quia ipsi tacite est hypothecata, non ita res mobiles, quas revenditas insequi nequit juxta *Edictum Regis 1669. art. 3.* Nisi venditæ fuissent cum spe promptæ solutionis, nullo præfixo solutionis termino, *Tourn.* Jure autem communi non præfertur venditor aliis creditoribus, si res vendita non amplius existat apud emptorem, vel si emptor solutionem obtulerit, & non fuerit acceptata, vel si fidejussorem, aut pignus dederit, vel venditor promissione solutionis contentus fuerit; *Vasquez, Lugo, & alii apud Tourn. contra alios;* nisi essent res ad Ecclesiam, Fiscum, seu minores pertinentes; quia istarum dominia non secuta solutione non transferuntur, *ibid.* 3. Impensæ pro funere, curatione, inventario, & alia debita privilegiata solvi debent ante non privilegiata. 4. Certa ante incerta. 5. Ex delicto, vel titulo oneroso, ante debita ex titulo gratuito; non vero ex delicto ante debita ex contractu oneroso, sed in eodem ordine, *Tourn. & alii ibid.* 6. Habentia hypothecam solvi debent ante non habentia, & inter hypothecaria priora ante posteriora, sive specialia, sive generalia, expressa, vel tacita sint; nisi posteriora essent privilegiata. 7. Inter personales, seu pure chirographarios creditores nullus est ordo, sed singulis pro rata satisfaciendum, sive priores, sive posteriores sint; nisi sint privilegiati, vel solutionem prius exigant in Judicio, *Lugo, & alii;* vel ut alii volunt, etiam extra Judicium, *Pont. Sylvest. Nav. apud Tourn.* quia vigilantibus jura subveniunt; consuetudo tamen in his, & similibus est consulenda; nec pauper diviti præferendus, nisi

nisi in extrema, & ut alii volunt etiam in gravi necessitate, *Sylv. Med. & alii apud Tourn.*

*Nunc:* graviter peccat, & tenetur ad restitutionem, 1. depositum, pignus, commodatum, acquisita furto, usura, &c. pro solvendis aliis debitis impendens. 2. Legata, donationes, vota realia defuncti solvens, si successio sit impar aliis debitis, mutuo, emptione aliove titulo oneroso contractis. 3. Solvens, vel acceptans solutionem debiti aliis prætermisissis potioribus jure, vel privilegio, vel etiam æqualibus; quia cooperatur injustæ aliorum creditorum damnificationi, nisi illum inter æquales exigendo in, vel extra Judicium solutionem, vel in extrema, vel gravi necessitate charitas fecerit potiorē, secus inter æquales videtur solutio dividenda. 4. Accipiens aliquid a debitis gravato titulo gratuito, donatione per modum Eleemosynæ; &c. sciens eum propterea conjiciendum in impotentiam ad restituendum aliis; mutuo tamen data ad militiam proficiscenti solvenda sunt in gratiam Republicæ ante dotem, licet dote sint posteriora, *Tourn.* 5. Pecunia ad navem alteri creditori priori hypothecatam armandam, vel reficiendam accepta etiam ante dotem est solvenda, licet sit prior; similiter deponens pecuniam apud numularium sine usura præfertur aliis creditoribus personalibus, & sponsa in bonis sponsi ratione dotis traditæ non secuto matrimonio, ita in jure. Plura vide apud Juristas.

*Quar. 15. Quo in loco, cujus impensis, & periculo faciendæ sit Restitutio?*

*Dico.* 1. Possessori bonæ fidei sufficit, ut restituat rem ex re accepta debitam in loco, ubi illam possidet, non propriis, sed domini impensis, & periculo, adhibita tamen diligentia ordinaria; quia possessor bonæ fidei nihil tenetur pati, cum nulli fecerit injuriam; & si impensæ majores essent faciendæ, quam res valet, ab eodem pauperibus, vel loco pio est tribuenda. 2. Res vero debita ex injusta acceptione, detentione, vel damnificatione restitui debet propriis impensis, & periculo, & in loco, ubi dominus eam, si non fuisset ablata, possessorus erat; quia dominus injuste læsus nihil debet pati. 3. Res autem debita ex contractu impensis illius, in cujus vergit utilitatem, & si in utriusque cedat utilitatem, & illius impensis, ad cujus exigentiam solet fieri, & periculo illius; cujus est dominium; nisi creditor mittenti personam

assu-

assignasset, in cujus manu periit, ita in Jure. 4. Res empta debet solvi, ubi emittitur, nisi aliter sit conventum, *Tourn.*

*Hinc.* 1. Talerus a possessore bonæ fidei debitus existenti apud Indos probabiliter non amplius reversuro pio loco, vel pauperibus erogandus; centum aurei eidem injuste ablati, & sine maximis impensis, ac periculis non restituendi, debent in loco tuto reponi, vel differri restitutio, donec redeat, vel alio tempore minoribus, æque tamen certo, ac facile fieri possit, vel donec possessor malæ fidei a creditore sciat, quid de iis faciendum, *Tourn.* si autem non sit redditurus, vel postea non amplius fieri possit, tenetur malæ fidei possessor ad impensas etiam summam debitam excedentes, etiam in quadruplum, *Cajet.*, apud *Pont. V. restitut. cas. 189.* Alii putant illius confanguineis, aut pauperibus esse distribuendos, apud *Tourn.* quod verum videtur, si propter impensas excessivas ad extremam, vel saltem gravem reduceretur necessitatem, vel alias res esset domino non adeo necessaria, pro qua christiane, ac rationabiliter tantas impensas exigere non præsumitur. 2. Donatarius, vel legatarius tenetur rem sibi donatam, vel legatam sibi suis impensis procurare. Si hæres rem legatam alio transulerit, tenetur eam suis sumptibus eo reddere, ubi abtulit, nisi alio translata fuerit in favorem legatarii, vel in ipsius commodum cedat, si ibi maneat. 3. Res bona fide possessa ratione rei acceptæ ad dominum missa perit domino, dummodo personam alias communiter pro fidei habitam adhibuerit; debita vero ex injusta acceptione, retentione, vel damnificatione perit mittenti, quacunque adhibita diligentia, etiam per Confessarium, donec reddatur domino, *Reg. Jur. 86. in 6.* quia innocens nihil debet pati. 4. Equus conductus, vel commodatus, debet propriis impensis restitui; quia ad petitionem accipientis fuit concessus; depositum vero impensis depositoris, licet depositarium solverit; quia ad petitionem deponentis fuit acceptum; res tamen deposita, locata, vel commodata perit creditori; quia illius manet dominus. 5. Pecunia mutuo accepta perit mittenti, nempe mutuuario; quia illius est dominus; nisi mutuans pro illa transmittenda personam designaverit, vel mittenti designandam commiserit, vel Judicis auctoritate determinata fuerit; pallium vero mutuo acceptum perit mutuanti; quia illius manet dominus, *Tourn.*

*Quar.*

*Quar. 16. Quotuplex sit ordo bonorum?*

*Resp.* Bonorum ordo triplex est, supremus, medius, & infimus, 1. in supremo ordine sunt vita, membra, sanitas, libertas, virginitas, ad quæ revocantur bona animi naturalia, ingenium, memoriæ, usus rationis, scientiæ, artes, officia, beneficia; & supernaturalia, gratiæ, virtutes, dona spiritus sancti. Status Religionis, saltem mediate. 2. In medio honor, & fama. 3. In infimo bona fortunæ, divitiæ, &c.

*Quar. 17. Quanam sint causa excusantes a Restitutione?*

*Dico.* Causæ excusantes a Restitutione sunt 1. præscriptio, de qua supra. 2. Compensatio a debitore facta, de qua infra. 3. Creditoris condonatio libera, a lege non prohibita, nec jure invalida, etiam virtualis prudenter præsumpta, saltem in rebus parvi momenti usu condonari solitis. 4. Si sine notabiliore bonorum ordinis superioris dispendio fieri nequeat; non vero excusatur quis a restitutione, 1. si damnum in bonis inferioris ordinis æquivalere, vel prævalere prudentum æstimatione judicetur jacturæ bonorum superioris ordinis, & si damnum illatum sit in bonis superioris ordinis, compensari debet bonis infimi ordinis, saltem quoad damna realia inde secuta, si aliter compensari nequeant. 2. Nec excusatur per cessionem omnium bonorum, etiam in judicio factam; necessaria tamen ad parcam sui, suorumque sustentationem retinere potest. 3. Nec per condonationem dubiam, seu non moraliter certam. 4. Nec per donationem æquivalentem creditori factam sine memoriâ debiti, vel intentione pro eo satisfaciendi. 1. Nec solvendo debita creditoris apud alium facta, saltem in foro externo, nisi propter eundem debitorem essent facta, v. g. pro pecunia ipsi mutuo data; imo nec in foro conscientiæ, si fiat in præjudicium aliorum creditorum, privilegium, hypothecam, præcedentiam habentium, & sine aliorum præjudicio saltem est illicita. 6. Nec quis liberatur ob ingressum Religionis. 7. Nec ob rei interitum, nisi sit bonæ fidei possessor. 8. Nec ob privationem lucri proprii etiam magni licet eam differre, nisi per illud aliorum creditorum solutionem intenderet, ad quam alias fieret impotens; quia tunc creditor ex charitate erga alios dilationem concedere debet, sicut pro se fieri vellet.

*Hinc. 1. Invalida est remissio restitutionis distributionum facta*



facta a Capitulo Canonico a Choro absenti, vel Officium non recitanti, *Conc. Trid. & Later.*; vel remissio facta Episcopo visitanti, & accipienti aliquid ultra victum, vel facta Judici delegato præter modicas expensas aliquid accipienti a partibus, vel facta ab ebrio, furioso, pupillo, vel ex errore, vi, metu, fraude; quia jure est irrita; excusantur tamen sæpe a Restitutione filii familias parentibus valde chari in furtis pravi momenti, famuli dominis amici, vel consanguinei esculenta, vel poculenta furripientes, & pro se utentes, præcipue si domini sint liberales; non vero a restitutione excusantur capitanei minorem numerum militum habentes, & pro integro stipendium accipientes; quia Rex non solet condonare, *Pont. cas. 1. V. Capitaine*; nec rusticus, vel alius infimæ conditionis auferens centum aureos, sed tenetur eos restituere, quamvis notam raptoris incurrat, vel iter pro ea faciendi morbum facile curandum causet, *Lugo, Tourn.*; quia licet fama, & sanitas sint superioris, ac diversi ordinis, æstimatione hominum æquiparantur respectu personæ infimæ sortis; non vero periculo amissionis vitæ, libertatis membrorum; nec tenetur adultera revelare crimen, ne in divisione bonorum filii legitimi damnificentur. 2. Conduicens domum ab eo, qui illam ab alio conduxit, potest alteri, nempe proprio domino solvere pretium; quia est quasi idem debitum.

## Q U Æ S T I O VII.

### DE RESTITUTIONE IN PARTICULARI.

*Quæritur. 1. Ad qualem teneatur Restitutionem boni animi ladens?*

*Resp. Pran.* **D**Amnum aliud est naturale, seu personale, quod afficit personam privatione bonorum animi, vitæ, membrorum, &c. aliud reale, quod ex amissione personalium, ut occisione, mutilatione, &c. oritur. Hoc notato.

*Dico.* Qui vi, metu fraude, mendaciis in bonis animi naturalibus, vel supernaturalibus alicui nocuit, inducendo

do eum in peccatum, vel errorem, vel male instruendo doctrina proximo nociva, vel a Statu Religioso avocando, tenetur ex iustitia eum libertati restituere, tollendo vim, minas, fraudem, detegendo errorem, & mendacium, aliaque reparare damna inde secuta, compensando Religionem spem commodi temporalis ex Novitii donatione, labore, industria; & si fuisset jam professus, tenetur ad omnia damna, & emolumenta, quæ docendo, concionando, domus negotia agendo erat procuraturus, & ad damna professi, eumque in priorem statum restituere; quia ipsi, & Religioni fecit injuriam; qui vero solum precibus, muneribus, consilio, satisfactione alium in peccatum induxit, vel non professum a Religione revocavit, ex iustitia ad nihil teneri videtur; quia relicta ipsis libertate sua sponte peccasse censentur, nisi esset superior; quia ex iustitia salutem suorum subditorum procurare tenetur; vel in peccatum proximo nocivum induxisset; ex charitate tamen, contra quam peccavit, tenetur, omni, qua poterit, via niti, ut eum, cui petra scandali fuit, Deo reconciliet, & Religioni, vel cui peccato nocuit, ex iustitia satisfacere, *Tourn.*

*Hinc* 1. Ratione stipendii, vel officii etiam gratis assumpti obligatus male, vel negligenter docens scientiam, vel artem, tenetur restituere partem stipendii accepti negligentiae proportionatam, & alia damna suis alumnis, & aliis inde orta, ut mortis, tardæ curationis, sententiae injustae ex male, vel negligenter docta arte Medicamentaria, Medicinæ, Chirurgiæ, Juris, &c. nisi discipulum de errore edocto monuerit ante damnum secutum, vel ignorantiam; & obligationem artem melius addiscendi ipse discipulus agnoverit, non vero tenetur, si nec ratione stipendii, nec officii docere, fuerit obligatus; bene autem animadvertens, se ex ignorantia male docere, *Tourn.* 2. Graviter, vel leviter peccant pro gravitate, vel levitate damni, vel injuria graduati sine competente scientia vi graduum beneficia obtinentes, vel Universitatum Rectores, aut Professores gradus imperitis conferentes; quia publicam fallunt fidem in re gravi, ac aliis diurno studio graduatis injuriam faciunt; vel juvenum fraudi patrocinantes, attestantes, eos exacte interfuisse lectionibus, qui bis ad summam in hebdomade frequenter vere, licet domi studuissent; quia spiritum, & li-

& literam legis implere tenentur; nec videntur absolute digni, nisi beneficia dimittant, qui, cum per requisitum tempus in Universitate non studuerint, virtute graduum sub falsis attestationibus obtentorum, beneficia sibi compararunt; quia patrono, aut collatori, aliisque, qui sedulo se applicarunt, injuriā faciunt. 3. Prælati ad facilius suis consanguineis, vel amicis beneficium procurandum viros capaciores a concursu excludentes; vel iis, quos noverint obtinendi beneficii causa Romam scripsisse, literas intercipientes, vel retardantes, tenentur ad restitutionem saltem pro ratione spei, non vero, si solum sine fraude eos prævenire, vel precibus, consilio, suasionē, blanditiis officium, beneficium procurare conarentur, vel solum indignum, vel etiam dignum vi, metu, dolo ac beneficio arcerent, ut dignior promoveatur, *Tourn.*; famam tamen læsam restituere tenentur. 4. Artifices alios dolo, &c. ab acquisitione suæ artis impediētes, quæ se, suosque alere potuissent, tantundem iis restituere tenentur, nisi idem alio modo lucrari possint. 5. Philtro, vel veneno alium usu rationis, memoriæ, &c. privans, ne officium, debitum conjugale, & sua negotia, &c. peragere, & alimenta pro se, & sua familia lucrari valeat, præter restitutionem sanæ mentis, tantum tenetur refundere, quantum officio, arte, labore, lucrari potuisset, vel alteri pro suis negotiis agendis solvere debuit. 6. Superior, pater, dominus sua auctoritate, vel alius falsa delatione inimicitias causans, vi, metu, suos subditos in hæresi, schismate retinens, alios hæresim docens, vel juvenis puellam seducens, tactus, pollutiones esse licitas, docens, tenetur ex justitia reconciliationem procurare, vim, metum tollere, errorem revocare, etiam publice, si opus fuerit, etiamsi quis bonâ fide falsum docuisset, quod postea ab Ecclesia reprobaturum fuit, & si sine fraude, vel metu prædicta fecerit, tenetur saltem precibus lacrymis, jejunio, & omni, qua potest, via ad meliorem frugem saltem charitate, & si esset superior, vel parentes, respectu subditorum ex justitia revocare, *Tourn.*; inducens in veniale tantum venialiter peccat. 7. Alium vi, metu, fraude, &c. impediens a professione, præter libertatem, tenetur ad damna pro ratione spei hæreditatis, dotis, &c. & Religioni ut supra. Ad nihil tamen tenetur, si remotus adhuc fuisset a professione, & ob natura-

turalem inconstantiam probabiliter sponte erat recessurus, vel per ejus professionem Religio plus damni percepisset, vel Religioni ineptus, vel in sæculo plus boni operaturus, vel parentibus necessarius esset, vel in Religione vigeret sæculi amor, mores mundani, spiritus schismatis, & erroris, ac proinde ipse Religioni, ac Religio ipsi nociva esset: si autem jam fuisset professus, tenetur ad omne damnum emergens, & lucrum cessans, sive, vi metu, dolo, sive blanditiis, consilio, suasionem, ejus egressum causaverit.

*Quar. 2. Quid sit Homicidium, & ad qualem Homicida teneatur restitutionem?*

*Dico.* Homicidium est voluntaria, ac injusta hominis occisio; nec licet occidere, vel mutilare malefactores, nisi auctoritate publica, quæ Dei Auctoris vitæ, ac mortis personam gerit, & injustus homicida, vel vulnificus, tenetur 1. ad omnia damna tam spiritualia per Preces, Sacrificia, Eleemosynas, quam temporalia hæredibus necessariis, parentibus, uxori, & infantibus inde secuta; quia sunt quasi una cum occiso persona. 2. Ad damna personalia, & omnium, quorum est causa, non quidem ad æqualitatem, quoad damna mortem secuta, sed secundum moralem prudentum æstimationem juxta conditionem occisi, ætatis, industriæ, sanitatis, officii, professionis, artis, &c. 3. Quoad personalia, vitæ, & membrorum aliqua saltem debet fieri compensatio pro injuria, & contemptu veniam petendo, vel si esset longe superioris conditionis, dolorem exhibendo: an autem etiam teneatur mortem, membra, ac dolores pecuniis compensare, divisi sunt Auctores; eum teneri asserit *Tournely*, *Thomas ex Charm.*, *Cajet.*, *Valent.*, & multi alii; quia omne damnum debet compensari, si non possit ad æqualitatem, saltem in quantum fieri potest, sicut qui non potest restituere totum reale, tenetur ad partem. Non teneri probatur 1. *Exod.* 21. v. 19.; ubi pro vulnere solum requiritur, ut operas ejus, & impensas in Medicos restituat. 2. *Ex Jure civili.* 3. Quia bona superioris ordinis sunt incompenfabilia per bona inferioris ordinis. 4. Quia homo non est dominus vitæ, & membrorum; ergo nihil pro ipsis, sed solum pro eorum usu debetur, ita *Lessius*, *Nav.*, *Rannet*, *Paul.* *Lugd.* & Recentiores communiter apud *P. Gerv.*; pro occiso vero Sacrificia, & preces

ces offerre, si non teneatur ex iustitia, saltem æquitati est consentaneum.

*Hinc* 1. Graviter peccat auctoritate privata occidens latrones, & fures, licet morte dignos, vel alios pro conservatione bonorum fortunæ, *Innoc. XI. in damnation. propos. 30. & 32.*; vel pro defensione honoris, & famæ, *Alex. VII. in damnat. propos. 30.*; quia vita est superioris ordinis; vel pro tuenda pudicitia; quia sufficienter conservatur, resistendo omnibus aliis modis, *S. Aug.* vel accusatorem, vel falsos testes, aut iudicem injustum, licet quis vitam alia via servare non posset, *Alex. VII. in damn. propos. 18.*; quia non sunt actuales aggressores, sed solum calumniatores; vel injustum invasorem, nisi servato moderamine inculpatæ tutelæ, pro quo requiritur; 1. ut non mortem alterius, sed vitæ suæ conservationem intendat; & suam, vel proximi vitam alio modo, v. g. fugiendo, &c. servare nequeat. 2. Ut defensione non excedat, v. g. occidendo, cum se servare posset vulnerando. 3. Ut aggressor sit actualis; non tenetur tamen expectare primum ictum, sed videns latronem, vel inimicum parare catapultam, stringere ensen, Potest illum prævenire; quia sufficit, ut aliquid agat, quo certo censetur moraliter aggrediens, & nisi præveniat, ipse sit occidendus. Sic uxor deprehendens maritum sub cervicali habere pugionem latentem ad ipsam dormientem occidendam sine alia spe evadendi, nisi ipsum occidat, potest eum occidere, *Billuart*, servus sciens a domino vocari, ut ipsum occidat, vel ab inimico expectari ad necem, nullo alio apparente effugio, nisi eos occidendo præveniat, potest eos prævenire, eos occidendo, *Billuart*; quia non est actio aggressiva, sed defensiva; quamvis in his major sit difficultas, cum aggressio sit remotior; nec vulgo rudi dicendum, ne abutatur, *Henno*; potest etiam se defensione occisiva defendere filius contra patrem, laicus contra Clericum, subditus contra Superiorem, servus contra dominum, modo illius vita ob necessitatem Reipublicæ non prævaleat propriæ, *Billuart*; etiam si invasor esset materialiter tantum injustus, ut amens, furiosus, vel invincibiliter existimans, bannitum, qui non est, *Billuart*; quis licet vim vi repellere, etiam si invasor, ut ebrius, furiosus credatur in statu peccati mortalis, & aggressus in statu gratiæ; quia licet aggressor videatur esse in extremo salutis

periculo corporali præferendo, aggressus eidem, quamvis non tam certo, exponitur; quia quamvis nullius peccati sit conscius, propterea tamen iustificatus non est, nec mors propria remedium est efficax salutis aggressoris, nec ideo certo salvabitur: virtutem tamen non exiguam exerceret ex vero Dei amore, & proximi exponens animam suam pro inimico. Item potest se defendere defensione occisiva, etiamsi causam dederit invasori per calumniam, adulterium &c. *Bill. & comm. contra Pont.* quia invasor per crimen alterius non acquirit jus privata auctoritate eum occidendi, nisi esset bannitus, vel proscriptus; quia tunc ageret ex auctoritate publica, ubi jus permittit cuilibet occidere bannitum; imo etiamsi invasus non posset se defendere contra injustum invasorem, nisi cum occisione tertii innocentis, quem invasor ante se ponit, vel fugiendo, conculcando equo, vel curru in via jacentem, v. g. claudum, vel infantem; quia mors innocentis est per accidens, & ex occurso innocentis non privatur jure suo, & plus se, quam proximum amare debet; nisi infans nondum esset baptizatus; quia tunc vita illius æterna corporali propriæ esset præferenda. 4. Ut constet invasorem velle occidere; quia volentem tantum mutilare per se non liceret occidere: quia non servaretur æqualitas, & moderamen inculpatæ tutelæ; ordinarie tamen, cum ex mutilatione imminet simul mortis periculum, posse occidere invasorem mutilare volentem, putat *Bilhuart*; non vero tenetur pro defensione propriæ vitæ occidere invasorem, præcipue si sit in bono, & invasor, ut supponitur, in malo statu; quia bonum virtutis, ac salus proximi potest præferri vitæ propriæ particulari; nec tepetur ita defendere vitam proximi; quia debet æqualiter utrumque amare invasorem, & aggressum, & si melior sit conditio innocentis, melior est conditio vitæ æternæ nocentis, nisi id exigat officium, ut Principis, & Magistratus, qui tenentur ex iustitia: vel si invasus esset pater, mater, proles, vel conjux; quia ex charitate speciali titulo his subvenire tenetur, potest tamen ita defendere proximum; quia, cum teneatur eum diligere sicut seipsum, potest ei, ut sibi ipsi, succurrere defensione occisiva, nisi invasor esset pater, mater, filius, vel conjux; quia eos occidere repugnat naturæ, rationi, & ordini charitatis.

Hinc

*Hinc* 2. Graviter peccat 1. directe procurans abortum, siue fœtus sit animatus; quia tunc est homicidium causans irregularitatem; *cap. 20. de Homic.* quod solet contingere in masculo post 40. dies a conceptione; & in fœmina post 80. dies, uti Jura statuunt; siue non sit animatus, etiamsi fieret, ne puella deprehensa occidatur, vel infametur; quia fœtus non est injustus aggressor, *Innoc. XI. in damnatione propos. 34*; vel indirecte, sumendo pharmacum in curationem matris pro salvanda ejus vita, si fetus sit animatus, vel dubitetur an sit animatus; quia salus æterna prolis per baptismum, vitæ matris est præferenda; secus si constet, fœtum non esse animatum, vel sine pharmaco non vivum pariendum; nec excusantur negligentia, saltando, inordinate laborando, grave pondus ferendo, violenter irascendo, vel percutiendo a viro ex ira, vel lasciviendo, vel in lecto parvulos secum dormientes suffocantes; hi tamen indirecte abortum causantes non incurrunt censuras contra abortum procurantes, *Bill.* quia strikte procurare abortum est studiose, ac ex industria agere ad ejectionem fœtus, quod prædicti non faciunt. 2. Graviter peccat occidens Principem tyrannum, *Conc. Const.*; vel Regni, aut Status usurpatorem, vel tradens iis innocentem, vel filiam violandam, nisi fiat indirecte, eos excludendo extra civitatem ad evitanda gravissima mala. 3. Graviter, vel leviter peccat pro quantitate excessus, alium verberans, etiam correctionis causa, nisi sit pater respectu filii, dominus respectu servi, magister respectu discipuli, maritus respectu uxoris, si graviter delinquat, & corrigi nequeat, modo fiat moderate; quia vir caput est mulieris, vel nisi sit frater natu major respectu minoris, mortuo patre, vel illo absente, gubernans familiam, vel ex commissione patris; quia alias primogenitura non confert illi tale jus; non tamen licet mutilare, nisi auctoritate publica, vel quando membrum toti corpori est nocivum pro totius conservatione.

*Hinc* 3. Tenetur 1. injustus homicida hominis non liberi, seu mancipii illius pretium refundere domino, & cum vulnerans, alia refarcire damna. 2. Homicida, seu vultificus hominis liberi, etiam morte damnati, tenetur solvere necessarias curationis impensas, refarcire damnum emergens in bonis propriis, & lucrum cessans ex industria,

ſtria, officio, labore, non deducendo laborem lucrando  
 adhiberi ſolitus, *Tourn.*, *Lug.* quia a dampnificante non  
 ſuppletur labore, uti in aliis dampnis, ac proinde tene-  
 tur alere eos, quos occiſus, vel mutilatus jure ſtriſto in-  
 duſtria, labore alere ſolebat, ut parentes, uxorem, & in-  
 fantes; quia ſunt quaſi una cum ipſo perſona; non vero  
 fratres, & nepotes pauperes, quos alebat, niſi expreſſe  
 cum occidiſſet, ut ipſius beneficiis priventur, *Tourn.*;  
 quia jus habent, ne vi, dolo, &c. a bono, etiam gra-  
 tuito conſequendo, impediatur; nec obligatur parenti-  
 bus, uxori, & infantibus, ſi occiſus eos ſolum ex bonis  
 ipſis reliſtis alebat, nec ſi vulneratus adhuc tantundem  
 poſſit lucrari, vel occiſus tantum conſummare ſolebat,  
 quantum lucratus eſt? ſed ſolum ad impenſas, & damna  
 tempore curationis ſecuta; quia nulla alia patiuntur;  
 nec tenetur ad impenſas funeris occiſi; quia aliquando  
 erant faciendæ, niſi propterea factæ eſſent majores; nec  
 ſi occiſus alias brevi fuiſſet moriturus morte naturali,  
 vel per ſententiam Judicis, puta, quia morbo deſperato  
 ægrotabat, vel carceri ob crimē capitale fuit incluſus,  
 vel ſi mutilatus alio morbo, vel incuria Chirurghi ſit mor-  
 tuus, ſed tenetur duntaxat ad impenſas, & ad damna  
 uſque ad obitum; quia alia damna pariter, & juſte fuiſ-  
 ſent ſecuta; ſi autem brevi ab alio injuſto fuiſſet occiden-  
 dus, tenetur ad omnia damna; quia tenetur ad id, ad  
 quod alius injuſtus homicida tenebatur; nec tenetur cre-  
 ditoribus, ſi omne hæredibus ſolverit damnum emergens,  
 & lucrum ceſſans; quia ad hæredes recurrere poſſunt,  
 ac debent creditores; niſi forte prævideret, illos ab hæ-  
 redibus non eſſe ſolvendos, v. g. ob debitum non ſatis  
 iis probandum; an autem teneatur reſtituere creditori-  
 bus, ſi nulli adſint hæredes neceſſarii, quibus reſtitutio  
 fieri debet, non conveniunt Auctores: obligari aſſerit *Scotus*,  
*Mol.*, *Maſſr.* & alii; quia eum per vim impedit,  
 ne ſolvat, quod creditoribus ex juſtitia eſt debitum; obli-  
 gari negant *Soto*, *Bannes.*, *Sylv.*, *Leſſ.*, & alii; quia  
 hoc damnum evenit creditoribus per accidens, ſicut ſi fuiſ-  
 ſet mortuus morte naturali, niſi eum occidiſſet ea inten-  
 tione, ne ſolvat creditores, & tunc in omnium ſententia  
 tenetur reſtituere; quia per hanc intentionem damnum  
 ſit homicidæ voluntarium, & jus creditorum, quod ha-  
 bent, ne vi, vel dolo impediatur a ſolutione, violatur,  
 ſicut



sicut occidens collatorem paratum conferre cuidam beneficiū tenetur ad restitutionem pro spe, si hac intentione eum occidit, non vero si ira occidisset; quia est per accidens, quod alter propterea beneficio privetur; deinde creditores non habent jus strictum, ne debitor occidatur, nec in foro externo datur illis actio pro solutione adversus homicidam debitoris, nec iudicio communi hominum, nec usu in foro interno videtur receptum, homicidam creditoribus obligari, *Bill.*; quæ rationes videntur prævalere; nec hæredibus obligari videtur, si læsus ante mortem omnia damna remittat, *Soto, Bannes., Less., & alii communius*; quia eo ipso, quod læsus remiserit injuriam, & damna, hæredes nullum amplius jus habent, nec tenetur provocatus ad duellum lædens, vel occidens; quia provocans censetur cedere juri suo; nec si duo se mutuo provocent; quia uterque censetur renunciassse juri suo; nec occidens injustum in vasorem; quia non est occisio injusta, nisi excedat, tunc videtur obligari secundum proportionem excessus, *Soto, Sylv. & alii*; nisi cum *Bil-luart*, & *Ethica amoris*, ac aliis velis dicere, in vasorem æquiparari provocanti, & cessisse juri suo.

*Quar. 3. Quid sit Stuprum, & ad qualem Stuprator tenetur Restitutionem?*

*Dico.* Stuprum est defloratio virginis præsertim invitæ per violationem claustrī virginalis; & tenetur 1. stuprator ipsa consentiente solum alere prolem a tertio anno, & in defectum matris a partu; quia consentienti nullam facit injuriam. 2. Ipsa dissentiente vi, fraude, vel metu, etiam reverentiali; minis, precibus nimis importunis oppressa, tenetur omnia reparare damna inde secuta, videlicet eam ita dotare, ut æque bene nubat, vel eam ducere; quia injuria ipsi illata ita exigit. 3. Ipsa sub promissione vera, vel ficta matrimonii decepta, tenetur eam ducere, nisi sola dote esset contenta; quia contractus est onerosus, in quo non fingere licet.

\* *Hinc 1.* Stuprator deflorans virginem, sive consentientem, sive invitam, si res maneat occulta, ad nihil tenetur; quia damnum reale nullum patitur, & personale est irreparabile; si vero res fiat manifesta, consentienti solum muneribus, blanditiis, & precibus ordinariis corruptæ nihil tenetur; quia scienti, & volenti nulla sit injuria, sed solum alere prolem a tertio anno, vel a partu in defectum

fectum matris; pro injuris tamen parentibus illata satisfacere tenetur, vel eos saltem placare, *S. Antonius*, petendo veniam, vel dolorem exhibendo, *Decog. & P. Antoine*; an insuper teneatur ad augmentum dotis a parentibus ob stuprum tribuendum, ut juxta suam conditionem nubat, divisi sunt Auctores; alii non teneri, asserunt; quia parentes illud dare non tenentur, & potest manere innupta, & sibi volenti adscribat, si juxta suam conditionem non nubat; teneri putant alii, quia est causa augmenti dotis pro matrimonio dandi, *Tourn.*, & alii *ibid.* ex charitate saltem videtur obligari ad dotem, vel illius augmentum, si stuprator sit dives, deflorata vero egena, & periculum sit, ne amisso pudore eidem vitio se dedat, *Tourn.* & in foro externo solet ad illam dotandam condemnari; quia vulgo virgo, & seducta præsumitur, sed ipsa in conscientia tenetur ad restitutionem, si se nec virginem, nec seductam sciat; tenetur stuprator etiam in foro conscientiae eam ducere, vel dotem dare, vel saltem eam ita augere, ut sicut antea nubere possit, se de crimine adhuc occulto jactando, vel alio injusto modo eam diffamaverit, *ibid.* 2. Deflorans virginem, vel ab alio corruptam, sed passim pro virgine habitam, vel honestam viduam invitam simpliciter, vel secundum quid, metu etiam reverentiali, minis, precibusque nimis importunis deceptam, præcipue, si fiat a domino, Principe, &c. tenetur ad omnia damna inde secuta, videlicet eam ita dotare, ut æque bene nubat, vel eam ducere, & in foro externo solet ad utrumque, nempe ad eam dotandam, & nubendam condemnari; imo etiam in foro conscientiae ad eam ducendam obligari multi docent, *Tourn.*; quia alio modo vix omne damnum, ut contemptus, fastidii alterius mariti reparari potest. 3. Deflorans virginem sub promissione vera, vel ficta matrimonii, tenetur eam ducere, nisi sola dote fuerit contenta; quia contractus onerosus etiam cum fictione obligat; non tenetur tamen eam ducere, 1. si fictionem promissionis potuerit cognoscere ex disparitate magna conditionis, ex nobilitate, divitiis, exaggeratione, inconstantia, & ambiguitate verborum. 2. Si notorie corrupta se virginem finxerit, vel nobilem, aut divitem, cum non sit. 3. Si postea fornicetur cum alio. 4. Si; ex tali matrimonio gravia timeantur incommoda, ut scandala, rixæ, discordiæ familiarum &c. 5. Si interveniat im-

pedi-

pedimentum dirimens, in quo Papa dispensare non solet, ut si sacros Ordines susceperit, alteri nupserit &c. tenetur tamen eam dotare non solum pro viro suæ conditionis, sed etiam in quantum ei interest ipsum habere, ut divitem, talis conditionis, *Tourn.* si vero impedimentum sit dispensabile, ut votum castitatis antea, vel postea emissum &c. dispensationem procurare tenetur, nisi ipsa sola illud sciverit; quia tunc sibi imputet; vel si ambo illud ignoraverint; quia tunc non censetur se ad illam petendam voluisse, obligare; nisi vi, metu, dolo puellam deflorasset, & damnum non nisi eam ducendo reparari posset; tunc petenda esset dispensatio, etiam ab ignorante impedimentum; quia, qui tenetur ad damnum, tenetur etiam ad media illud reparandi. 6. Si ipsa nollet ei nubere, vel parentes ejus consentire; nec tenetur ei in hoc casu dare dotem, si fere æqualis sit conditionis, nisi eum sine novo sui, vel familiæ opprobrio non posset ducere, *Tourn.*

*Quar. 4. Quid sit Adulterium, & ad qualem Adulter, & Adultera teneantur Restitutionem?*

*Dico.* Adulterium est conjunctio carnalis inter personas, quarum una, vel utraque est juncta matrimonio cum alia, & tenetur, 1. Adulter a tertio anno, & deficiente matre, a partu alere prolem, donec se ipsam alere possit, & utroque consentiente in Adulterium uterque reparare damna inde secuta, quilibet pro sua parte, alteri conjugii, ac hæredibus. 2. Adultera invita simpliciter, quæ totis viribus restitit, ad nihil tenetur; quia non fuit causa libera damni. Invita vero secundum quid, quia restitit, sed non totis viribus, tenetur primo loco Adulter, & ipso deficiente Adultera; quia absolute adhuc fuit libera.

*Hinc 1.* Nulla ex Adulterio secuta prole, Adulter, & Adultera ad nihil tenentur; quia nullum damnum est secutum; si tamen Adulterium fieret notum, ad aliquam tenetur Adulter satis actionem honorariam marito exhibendam per veniæ petitionem, vel alia signa doloris ob illius ignominiam. 2. Utroque consentiente Adultero, & adultera, & prole ex Adulterio certo nata, puta, quia maritus fuit absens, vel impotens, aut ægtotus, præter sustentationem prolis, tenetur uterque pro sua parte reliqua reparare damna marito, ac hæredibus legitimis secu-

ta propter spurii sustentationem, & hæreditatis partitionem, & deficiente uno alter tenetur ad totum; deficiente vero utroque, non tenetur Adultera ad manifestationem spurii; quia ordinarie est nociva, vel inutilis, nisi forte Adulterium fiat publicum; nec tenetur filius credere matri cum illegitimum declaranti, tenetur tamen mater res familiæ diligentius administrare, de corporis ornatu, aliisque propriis sumptibus detrahere, potestque statum Religiosum suadere, si indicia vocationis, & idoneitatem habeat, *Tourn.*; si vero de prole dubitetur, an sit ex Adulterio, vel a marito, divisi sunt Theologi; eos teneri ad mediam partem damni, si dubium sit æquale, vel pro ratione dubii, si sit inæquale, videtur probabilius; quia, cum causa, nempe Adulterium sit certum, præsumptio est contra ipsos, & iis incumbit probatio influum non habuisse; non excusatur tamen Adulter, si Adultera totum reparet damnum.

*Quar. 5. Quid sit Fama, Honor, Detractio, & Calumnia, & quotuplici modo crimen possit esse publicum?*

*Hinc:* 1. Fama est interna æstimatio de alicujus excellentia; & violatur detractio, calumnia, iudicio temerario, mala opinione, suspicione, dubio, susurratione, & murmuratione. Honor vero est externa testificatio excellentiæ alterius, & violatur per contumeliam & irrisionem.

2. Detractio est injusta, & occulta famæ alienæ denigratio, falso, vel vero, sed occulto crimine, & committitur octo modis his versibus contentis.

*Imponens, augens, manifestans, in mala vertens.*

*Qui negat, aut minuit, reticet, laudatve remisse.*

3. Calumnia est falsi criminis, vel defectus naturalis, & infamis impositio; si sit defectus naturalis, dicitur convictum, & si simul fiat in faciem, dicitur improperium, ut vocando gibbosum, &c.

4. Crimen potest esse tripliciter publicum, 1. ipso jure, quod per Judicis sententiam constat. 2. Ipso facto, quod coram ita multis est factum, ut nulla tergiversatione celari queat. 3. Communi fama, quod rumore ad aures majoris partis communis pervenit.

*Quar. 6. Quale sit peccatum Detractio, & Calumnia?*

*Dico.* Detractio, & Calumnia etiam aliquando sine animo nocendi, solum ex levitate, vel loquacitate prolatae,  
etiam

etiam contra defunctos, *Tourn.* ex natura sua sunt peccata mortalia contra charitatem simul, & iustitiam, quorum gravitas non præcise ex gravitate criminis revelati, sed ex notabili famæ diminutione defumitur, quæ ex circumstantiis personæ, loci, criminis, seu defectus revelati dijudicari debet. Detractio proveniens ex falsi criminis impositione gravissima est, nullaque ratione cohonestari potest; quia est mendacium, & intrinsece malum; fit tamen veniale ob defectum sufficientis advertentiæ, vel parvitatē materiæ, seu levis famæ diminutionis; proveniens vero ex veri criminis, vel defectus revelatione ab omni excusatur peccato, si iusta de causa fiat, quales sunt iustitia, & charitas, ut si quis revelet alterius crimen ex Officio pro illius punitione, correctione, & damni reparatione, vel pro damno proprio, vel alieno avertendo.

*Hinc:* 1. Graviter peccat contra iustitiam, 1. dicens de Episcopo, vel Sacerdote coram plebe, vel de Superiore coram subditis, esse mendaces; quia mendaces in istis dignitatibus notabiliter vilipendi solent; non vero graviter peccat id dicens de puero, famulo, plebejo; quia hi propterea non graviter despici solent; sic a mortali excusari potest dicens de milite, habuisse duellum, decepisse virginem, adolescentem deditum esse amoribus, scæminam rixari, de stili plebejo esse spurium, ipsius patrem patibulo esse suspensum; quia ordinarie similia in istis, & huiusmodi parvi penduntur; econtra respectu viri valde honesti possunt graves, esse detractiones; sic inter pueros, mulierculas, & infimæ sortis viros cognomina quædam, & convitia censentur levia, quæ in aliis melioris conditionis possunt esse gravia; sic dicere in Germania, Belgio, &c. de viro etiam honesto, habuisse crapulam, non habetur pro gravi infamia; quia ibi etiam inter valde honestos esse solet valde communis; in Gallia vero, in Italia, Hispania posset gravem causare infamiam. 2. Peccat contra iustitiam sibi, vel alteri crimen falsum imponens, etiamsi fiat pro tortura evitanda, vel alteri pro mutilatione, vel morte evitanda, & si mutilationis, vel mortis esset causa, in utroque casu, quocunque tormentorum periculo est revocandum, si spes liberationis sit. 3. Verbis generalibus, vel dubiis gravis sceleris, & famæ notabiliter diminutivi suspicionem movens, vel cad-

dentibus in totam communitatem, v. g. dicendo, omnes in hac communitate esse usurarios, fures, &c. non vero, si non cadant in omnes, nec in particulares, dicendo, multi sunt usurarii, vel scelerati, nisi diceretur de Communitate Religiosa; quia omnes propter aliquos solent depici. 4. Libellos famosos crimina falsa, vel vera, sed occulta continentes conscribens, spargens, aut inventos divulgans præter peccatum, solent insuper spargentes, pœna mortis plecti, & solum legentes saltem peccant, *Tourn.* 5. Graviter peccat alterius dicta ita referens, ut ei merito credatur, vel credi possit, non vero peccat, si ita referat, ut rei non credatur, nec rationabiliter credi possit; si tamen crederetur, peccat contra charitatem, si præviderit. 6. Audiens detrahentem ita, ut sit ipsius causa, hortando, incitando, significando sibi arridere, intetrogando, mandando; &c. audiens verò solum cum delectatione mere interna, vel sine delectatione, sed non impediens, cum sine notabili incommodo, & cum utilitate possit, saltem peccat contra charitatem detrahentis, illius peccatum non impediendo; & illius, cui detrahitur, damnum non avertendo; non tamen tenetur ad restitutionem, nisi ex officio malum impedire teneatur, ut Superiores, Domini, Parentes, Magistratus, &c. si eorum subditis, vel aliis ab eorum subditis detrahebatur; quia eorum famam, sicut alia bona defendere, & ne aliis noceant, ex officio impedire tenentur; famam tamen subditorum defendere contra extraneos non videntur obligari Superiores, nisi infamia sit magni momenti, nec Magistratus, nisi a læso postuletur satisfactio, & dictum a diffamante non probetur; etiam inter æquales, rara est obligatio impediendi detractionem, ac rarior in subditis, *P. Gerv. Lug.*; & hoc ob plures rationes excusantes a mortali, videlicet 1. si audiens prudenter præsumat, rem esse publicam, vel falsam esse, ostendere intendat; vel si resistendo graviolem mali suspicionem audientibus ingerendam timeat; vel detractorem justam revelandi causam habere, vel gravissime offensum iri, vel auditoribus efficacius malum suaserum, vel omnino resistantiam inutilem fore credat, *Tourn.* 2. Si res sit levis, vel verissimiliter non credatur, *P. Gerv.*; vel si ob reverentiam, vel ut ait S. Thomas, ex timore, vel negligentia, vel etiam

verecundia omittat repellere detrahentem, plerumque venialiter peccat; vel ob rei præcipationem, perplexitatem, vel quia modus prudenter, & fructuose resistendi non incidat; si tamen resistere non audeat, discedat, vel sermonem alio vertat, vultum tristiores exhibeat, *Tourn.* quia *facies tristis linguam detrahentem dissipat*, Prov. 25.

*Hinc* 2. A peccato detractionis excusantur 1. *Iustitia*, officiales, custodes, &c. Judici denunciantes fures, latrones, aliasve personas Reipublicæ nocivas, vel incapacitatem ad officia Reipublicæ promovendorum. 2. Excusatur *Charitate erga seipsum*, revelans alterius crimen pro salvanda propria vita, etiamsi illud sub sigillo naturali habeat, vel alter eandem subire debeat poenam; vel illud revelans pro consilio, vel auxilio petendo, vel pro cavendis, vel refarciendis sibi damnis; non vero si fiat pro solo solatio, etiamsi unico, & taciturno illud revellet, *Tourn.*; quia apud Deum, vel sine personæ declaratione solatium quæri potest; nec excusatur, si crimen sciat sub sigillo confessionis, vel alia via injusta, ut aperiendo sine causa literas, vel vi, aut fraude veniens in illius cognitionem. 3. Excusatur *Charitate erga alios*, aperiens vitia infantum parentibus, peccata subditorum superioribus, ut corrigantur; furta domesticorum dominis, ne amplius noceant, vel vicino, aut amico, ne cum damno in domum ab iis suscipiantur; vel corruptelam puellæ alias cum præjudicio in conjugem ducendæ, vel adolescentis alias honestam puellam decepturi, sociorum, ne alii eorum conversatione seducantur; vel revelans ignorantiam candidati incapacis alias ad officium, vel beneficium promovendi; vel incuriam Advocati, Medici, vel aliis noceant. Cavendum tamen, ut servata Lege Evangelica fraternæ correctionis, & habita defectuum morali certitudine non plus, nec pluribus reveletur, quam pro proprio, vel alieno damno avertendo necesse sit. 4. *Publicitate Criminis*, excusatur revelans crimen jure, facto, vel fama publicum, etiam injuste divulgatum, etiam ignorantia in eodem loco; quia reus non habet jus famæ, nisi in quantum manet occultum, *Tourn.*; & si sit publicum jure, excusatur illud etiam in locis vicinis, ubi brevi criminis notitia sit perventura; quia publicitas est pars pœnæ transeuntis aliis in exemplum; peccat tamen contra charitatem, qui in locis vicinis primam criminis nunciam

ciam fert ex odio ; vel cum gravi damno ex anticipatione revelationis in officiis, vel bonis secuto , alias non secuturo ; vel in loco , ubi crimen moraliter loquendo ignotum erat mansurum , nisi ex legitima causa , ne hæreticus , fur , &c. ibi noceant , *Tourn.* non vero contra justitiam ; quia jure privatur fama pro omni loco . Crimen autem solo facto , vel rumore , aut sententia injusta notum revelans in loco , quo fama non erat perventurum , peccat contra charitatem , & justitiam ; quia alio retinet jus famæ , *Tourn.* , *Tolet.* , & alii ; vel Religiosum diffamatum in una Religione , vel conventu diffamans in alio , vel apud sæculares ; quia Religiosi unius Religionis , vel conventus sunt quasi una persona , & suas res nolunt fieri publicas , apud alios : etiamsi paulo post in alio loco injuste sit diffamandus ; quia non magis licet diffamare paulo post per alium injuste diffamandum , quam occidere paulo post per alium injuste occidendum , *Tourn.* vel eadem de causa divulgans filiorum familias , aut domesticorum peccata sine justa causa extra familiam , vel diffamatum de uno crimine , v. g. ebrietate , diffamans de alio non affine , v. g. de adulterio , vel diffamatum de uno adulterio diffamans de alio ; quia relapsus auget infamiam ; non vero dicens de ebrio , habuisse cum uxore rixas , negligere suam familiam , &c. quia hæc sunt communia huic vitio ; vel revelans peccatum olim sola fama publicum , sed oblivione , vel bonis moribus deletum ; quia æquivaleret occulto ; si vero sententia fuerit publicum , peccat contra charitatem , & si daretur occasio , & causa rationabilis credendi , eum etiamnum esse talem , peccat contra justitiam , *Bass.* , *Less.* apud *P. Geru.* ; quia famam bonis moribus videatur recuperasse ; excusat tamen *Tournely* crimen hominis olim infamis revelantem , ne quis se oppesve suas , vel infantes ei , quasi viro omni exceptione majori , committat.

*Quar. 7. Quisnam famam restituere teneatur ?*

*Dico.* Famam efficaciter restituere tenetur , quamprimum fieri potest , omnis , & solus , qui famam vere , & injuste abstulit , 1. crimen falsum , ut calumniator , vel verum , sed occultum revelans . 2. Detractioni moraliter , ac efficaciter cooperans , mandando , consulendo , interrogando , avide , & cum delectatione externe exhibita audiendo ad detractionem movens , 3. Non obstant , cum ex officio eam impe-



impedire teneatur, ut Superiores, &c. five scienter, & ex malitia, vel ex ignorantia, & inadvertenter id fecerint; quia, cum vere causa sint damni, illud, si adhuc possint, impedire ex iustitia tenentur 1. calumniator revocando falsum etiam coram Notario, & testibus, & juramento, si opus fuerit, etiam cum periculo bonorum fortunæ; quia sunt ordinis inferioris, & propriæ famæ, & vitæ, si infamatus idem periculum subire debeat, & spes sit liberationis; quia melior est conditio innocentis; non solum apud immediatos, sed etiam apud mediatos, quibus crimen divulgandum ab immediatis prævidit, vel prævidere debuit; quia illius divulgationis est vera, & culpabilis causa, *Tourn.* nec debet absolvi, nisi facta prius restitutione, vel proxime faciendæ habita morali certitudine, *ibid.* 2. Crimen verum, sed occultum revelans faciendo, ne audita credant, apud plebejos dicendo, se male, ex passione fuisse locutum, non esse credendum; apud peritos infamatum laudando in quantum sine mendacio potest, ut una ex parte famam sensim tantundem illustret, quantum ex altera obscuravit, *Sot. Nav. Less. apud P. Thom. ex Charm.* vel condonationem petendo, si illius spes sit; vel si aliter nequeat, pecuniis compensando, saltem post Judicis sententiam, ut omnes fatentur; imo etiam antè illam, docet *Tournely* citans *S. Thomam*; raro tamen, vel nunquam, videmus famam pecuniis compensari; quia probrosum est inter homines famam pecuniis venalem habere, vel pecuniam pro illa exigere, vel accipere. 3. Uterque reparando omnia damna realia ex detractone secuta pro ratione spei, boni alia acquirendi, vel pro amissione boni acquisiti, ad quæ etiam tenetur hæres detractoris, non vero ad famæ restitutionem; quia hæc obligatio personalis est.

*Quar. 8. Quanam sint causa excusantes a restitutione?*

*Dico.* Causæ a restitutione famæ excusantes, sunt 1. infamati condonatio, nisi cedat in damnum tertii. 2. Compensatio per æqualem diffamationem utrinque factam; non licet tamen diffamare diffamantem pro compensatione; quia esset vindicta. 3. Si fama aliunde sit reparata; quia v. g. a Judice innocens declaratus 4. Si infamia penitus abierit in oblivionem, nec sit periculum reviviscentiæ. 5. Si crimen alia via factum sit publicum. 6. Si restitutio physice, vel moraliter sit impossibilis, & sine amissione famæ lon-

longe præstantioris, vel vitæ, fieri nequeat, nisi læsus iisdem exponatur incommodis. 7. Si audientes jam antea sciverint, vel non crediderint; quia infamia nulla est secuta; vel si facta sit pro defensione propriæ, vel alienæ vitæ, famæ, bonorum fortunæ, vel aliis damnis avertendis; quia tunc non est injusta. 8. Si sit frustranea; quia auditores nullam fidem sunt retractationi adhibaturi; in dubio tamen est facienda. 9. Si audiens detractionem non fuerit causa illius efficacis, nec ex officio obligatus, ad eam impediendam.

*Hinc* : graviter peccant, & tenentur ad restitutionem 1. Superiores famam subditorum in re magni momenti læsam non defendentes, vel subditos non impediennes, ne aliis detrahant. 2. Magistratus non impediennes libellos famosos, & postulantibus satisfactionem de eorum fama læsa, eam non procurantes. 3. Religiosi propria auctoritate condonantes famæ graviter læsæ restitutionem; quia eorum infamia cadit simul in ordinem suum; vel viri publici, ut Episcopi, Parochi, quorum diffamatio nocet eorum subditis, & impedit, ne illis utiliter profint. 4. Accusati recriminantes suos accusatores, cum alio modo per testes, juramento, &c. se justificare possint, vel diffamatus diffamans reciproce diffamantem se sine justa causa; secus, si pro labefactando diffamantis testimonio eum mendacem, perjurum probare, necesse sit. 5. Hæres non reparans damna realia per depositionem, vel impeditionem ab officio a defuncto ob injustam criminum revelationem aliis causata. 6. Revelans crimen occultum, quod putavit publicum, vel publicum de uno narratum putans dici de alio, illudque de eo per errorem referens aliis, & comperto errore inadvertenter commisso famam non restituens, tenetur ad omnia damna ex dilatione restitutionis secuta; non vero ad præcedentia inculpabiliter causata; & narrans animadvertens de alio intelligi, tenetur saltem ex charitate monere, & damna avertere. 7. Revelans, etiam solum uni, & taciturno, & sub secreto crimen occultum, vel etiam Confessario sine necessitate nominando complicem. 8. Restitutionem sine justa causa protrahens de novo peccat; teneturque ad damna inde secuta; quia v.g. propterea ab officio depositus, vel ad beneficium non fuit promotus.

*Quar.* 9. Quid sit *Judicium temerarium*, opinio, suspicio, ac dubium?

*Resp.*

*Resp.* Judicium temerarium est assensus absolutus, & firmus de proximi improbitate ex levibus, & insufficientibus indiciis ortus. Opinio est assensus infirmus intellectus propter formidinem oppositi. Suspicio est inclinatio intellectus magis in unam partem sine determinatione ob formidinem partis oppositæ. Dubium est suspensio iudicii in neutram partem inclinantis.

*Quær.* 10. Qualia sint peccata iudicium temerarium, opinio, suspicio, ac dubium? & ad quid obligent?

*Dico.* Judicium, & opinio temeraria ex genere suo sunt peccata mortalia contra iustitiam; quia sine sufficienti causa proximo auferunt bonam, quam apud temerarie iudicantem, vel opinantem habuit, æstimationem. Sunt autem veniale 1. si quis non advertat, se male iudicare, vel non habere indicia sufficientia. 2. Ex levitate materiæ. 3. Ex levitate temeritatis, si non sit pertinax, & indicia parum distent a sufficientibus. Suspicio vero, & dubitatio temeraria ordinarie sunt peccata venialia, si ex solo errore intellectus apprehendentis indicia sufficientia, & gravia, cum in re non sint, oriantur, paratæque animo ea deponendi cognita indiciorum insufficientia; quia leviora ad suspensionem, & dubium sufficiunt indicia: sunt tamen mortalia, si ex pravo affectu, & malevolentia proveniant in re gravi, & sine alio fundamento; quia sine ratione famam proximi faciunt dubiam, & obligant ad restitutionem, deponendo iudicium temerarium, opinionem, suspensionem, & dubium de proximi fama.

*Hinc:* graviter peccat subditus de Superioris probitate, vel Parochi sui, aut alterius virtute præstantis sine ratione dubitans, vel suspensionem, &c. habens, *P. Paul. Lugd.* quia quilibet præsumitur bonus, præcipue Superiores, donec probetur malus. Excusatur autem 1. male de eo iudicans, quem vidit furtive cubiculum ingredientem; de veritate illius dubitans, quem deliberate mendacem deprehendit; vel de probitate illius, quem fornicatum esse agnovit; vel de fidelitate ejus, quem in furto invenit; quia, *qui semel malus, semper præsumitur malus*, *Reg. 3. jur. in 6.* videlicet in eodem genere delicti, saltem ut dubitari possit. 2. Superior, dominus, &c. interne suos subditos credens bonos, externe tamen se caute gerens, quasi essent mali, media ad malum avertendum adhibens; vel recipiens ignotum in domum, omnia bene clau-

claudens, & custodiens, ac si de ejus probitate esset dubius; quia licet majoris perfectionis causa dubium in meliorem partem sit interpretandum, vel saltem negative, non inclinando in deteriore partem; quia in dubio non est præsumendum delictum, *L. merito ff. pro soc. si tamen agatur de damno avertendo*, potest in malam partem interpretari suppositive, se ita gerendo, res suas custodiendo, ac si esset malus, dummodo interne credat probum; quia non tenemur indiscriminatum omnibus fidere.

*Quar. 11. Quid sit Susurratio, Murmuratio, Contumelia, & Irrisio?*

*Resp.* Susurratio est oblocutio mala, & secreta ad diffeminandam discordiam inter amicos, Murmuratio est injusta quærela, vel quoad substantiam; quia fit de re justa; vel quoad modum, quia fit de re quidem injusta, sed cum impatientia in his circumstantiis, ubi, & quando homo patienter deberet ferre. Contumelia est injusta, & aperta honoris alieni violatio in faciem alteri irrogata. Irrisio est jocus de proximi defectibus, ut rubore afficiatur.

*Quar. 12. Qualia sint peccata Susurratio, Murmuratio, Contumelia, ac Irrisio, & ad quid obligent?*

*Dico.* Susurratio, Murmuratio, Contumelia ex genere suo graviora sunt detractione peccata; Susurratio quidem; quia famam simul, & proximi amicitiam violat; Murmuratio; quia si fiat contra Deum, vel Dei Judicia, ut contra Superiores, vel cum scandalo, Dei auctoritatem impugnat, & charitatem lædit; & Contumelia, quia præter famam etiam honorem violat, & pro dignitate personæ, v.g. Patris, Superioris, &c. crescit; potest tamen Murmuratio esse levis ratione rei injustæ, vel ratione modi, si fiat contra homines; vel ob inadvertentiam, vel ratione motus primo primi, si fiat contra Deum. Peccant quoque audientes, ut audientes detractionem, & non impediētes, & quidem Superiores contra justitiam, & alii contra charitatem, vel etiam justitiam, si audiendo sint illarum causa, & tenentur ad restitutionem, 1. Susurro falsa revocando, laudando, reconciliationem meliori modo, quo potest, procurando, aliaque damna reparando. Scandalum, & charitatem læsam reintegrando. 2. Contumeliator famam restituendo, ut detractor; & honorem veniam petendo, quoad subditum erga superiorem, vel

vel honorifica salutatione nobilis erga plebesum, vel dando locum honorificum, vel invitando ad inensam, quoad æquales. Irrisio vero ordinarie ex genere suo est veniale; quia ordinarie non graviter solet proximum offendere; sic tamen ex circumstantiis mortale, 1. si fiat de pietatis, vel virtutis exercitio; quia habet rationem scandali impediens virtutis exercitium. 2. Si fiat erga parentes; quia est impietas. 3. Si fiat in Deum, & Sanctos, ac caeremonias Ecclesiæ; quia est blasphemia. 4. Si fiat animo graviter confundendi, vel si grave vitium, & defectus infamis obijciatur proximo; vel leve cum prævisione gravis perturbationis, vel tristitiæ, iræ, &c. si autem solum corrigendi, vel honestæ recreationis causa fiat, seclusis prædictis circumstantiis, nullum est peccatum; tenetur autem culpabilis derisor ad restitutionem famæ, honoris, & damnorum, ut contumeliator, in quantum illius vitium importat.

*Quar. 13. Quid sit Furtum, & Rapina?*

*Resp.* Furtum est occulta rei alienæ ablatio invito rationabiliter domino; Rapina vero est manifesta, ac violenta rei alienæ ablatio, domino, exterius, vel interius renitente; differt a Furto ratione violentiæ.

*Quar. 14. Quale peccatum sit Furtum, ac Rapina, & quamnam materia utriusque sit notabilis?*

*Disco.* Furtum ex genere suo est grave, & Rapina adhuc gravius, ac specie distinctum peccatum ob violentiam, & personæ inhonorationem. Materia Furti notabilis æstimatur ex gravi damno, quod infert; vel notabili incommodo, quo privat, prout communiter, & per se æstimatur id, quod pro victu unius diei personæ juxta suum statum sufficit; per accidens vero aliquando minor quantitas ad mortale sufficit, 1. propter damnum emergens, & lucrum inde cessans. 2. Ob intentionem, vel attentionem perveniendi ad notabilem quantitatem. 3. Ratione modi, ut Rapina facta personæ valde illustri ob illius graviolem inhonorationem: aliquando major requiritur, 1. ratione personæ magis dilectæ, ut in furtis uxorum, vel filiorum, quibus dominus ordinarie minus est invitus. 2. Ratione rerum ablatarum, ut in esculentis, & poculentis. 3. Ratione temporis, ut tempore recreationis, publici gaudii, aut festivitatis, quo a dominis inesculentis, & poculentis plus indulgeri solet.

*Theol. Moral. Pars I.*

*Z.*

*Hinc*

*Hinc* 1. Rapinam committit defraudans decimas, mercedem operariorum, vestigalia, iusta tributa; accipiens usuras; ad contractus inæquales, injustos cogens; aliquid ultra suum stipendium publice assignatum exigens; qui foro cedunt, creditores defraudantes (gallice *banqueroutiers*) exactores injustorum tributorum, vel vestigalium, & operarum (gallice *Corvées*) quia læsi saltem interius renituntur. 2. Furtum grave committit respectu cujuscunque personæ etiam Regis, auferens tres libras gallicas; quia in se est materia gravis, & Rex octo, vel decem milites illis aleri potest; respectu personæ, quæ ex suis redditibus non ita splendide vivit, auferens duas libras; respectu mercatoris, vel opificis majoris lucri unam libram; minoris lucri decem asses, respectu pauperum quinque, vel sex asses, & sæpe minus, *Tourn.*; quæ tamen non sine exceptione sunt inteliigenda. 3. Furtum per accidens grave committit auferens sartori acum, defectu cujus una, alterave die laborare nequit, vel avem ei, quem magno dolore ob illius amissionem affici, in gravem iram, blasphemias prorumpi, prævidet; famuli, ancillæ, infantes, ne domini, vel parentes advertant, singulis diebus assidem auferentes, vel cum intentione perveniendi ad notabilem quantitatem, vel ea seclusa, quamprimum animadvertunt, se notabilem quantitatem attigisse, sive parva furtiva sint ejusdem speciei, sive diversæ, vel eidem, vel diversis personis fiant, *Tourn.* quia alias per parva furtiva iisdem, vel diversis facta posset quis sine mortali ditari; requiritur tamen paulo major quantitas, si diverso tempore, vel in diversa speciei, & adhuc major, si diversis personis fiant; quia non ita sensibilibus dominos affligunt, & in diversa specie non ita faciliter coalescunt, modo non sint moraliter interrupta, ut per annum, *Sanch.* vel per unum mensem, vel dimidium, ut alii volunt apud *P. Gervasium*; vel juxta prudens iudicium, *ibid.* an autem completa notabili materia quodlibet leve furtum superadditum sit novum mortale, quia novum est notabilis summae complementum, ut putat *Tournely*, non adeo constat; si enim completa notabili materia supponatur interruptio moralis, quia habet suum terminum, videtur parva furtiva de novo usque ad notabilem summam esse continuanda pro novo mortali; si autem nulla sit interruptio facta, videtur idem peccatum continuari, & aggravari  
per

per alia parva furta subsequencia; nec graviter peccat sciens, v.g. alicui artifice jam ab alio octodecim asses fuisse ablatas, eidem duas adhuc auferens, quibus grave illius damnum completur; quia pro sua parte nonnisi leve intulit, *Tourn.*

*Quar. 15. Quando res furto, vel rapina ablata restitui debent, & quanam sint causae excusantes a restitutione?*

*Dico.* Res furto, vel rapina ablata, quamprimum fieri potest, restitui debet cum omni damno inde secuto, *vide de possess. mala fidei.* Excusatur tamen a restitutione, & furto, 1. Si res aliena sit accepta pro iusta compensatione; a Confessario tamen non consulenda, & raro permitenda, ad quam requiritur, 1. ut res sit certo, & ex iustitia debita. 2. Ut alio modo recuperari nequeat sine gravi difficultate, molestia, inimicitia, impensis, amissione favoris. 3. Ut amoveatur periculum spirituale, ac temporale debitoris, eum monendo, se nihil amplius praetendere, 4. Ut fiat sine damno tertii. 5. Ut fiat ex bonis propriis debitoris. 2do excusatur a restitutione, si rem sibi propriam adhuc apud alium existentem sibi vindicet; ut autem fiat licite, requiritur, 1. ut in iudicio commodè obtineri nequeat. 2. Ut aliae mox dictae conditiones iustae compensationis serventur. 3. Ut alius eam non iusto titulo commodati pignoris &c. possideat. 3tio excusatur, si res in extrema necessitate sit ablata, & consumpta; ut vero licite fiat, debet, 1. dominus non in eadem necessitate versari. 2. Requiritur, ut rem convenienti modo petendo obtinere nequeat; nec tenetur eam restituere, etiam si ad meliorem statum redeat, nisi, 1. res adhuc extet. 2. Si fuerit in extrema necessitate emptae vel mutuo acceptae; quia contractus iuste initus debet servari. 3. Si bona alibi tempore necessitatis habuit in re, vel certa spe; quia tunc non est absolute pauper, & potest mutuo accipere.

*Hinc* 1. Graviter peccant, & tenentur ad restitutionem, & quidem in solidum, plures eidem per parva furta grave damnum inferentes, si fiat relatione ad invicem mutuo consilio, consensu, &c. secus quilibet pro sua parte. 2. Accipiens pretium pro re ex iustitia debita, vel omittenda, ut pro restitutione rei inventae, pro sententia iusta, ne danti pretium furetur, vel contra eum falsum testimonium dicat, vel indignum eligat, nisi omni-

no gratuito donetur, & a Lege donatio non sit prohibita, ut munera Judici quæcunque, etiam esculenta, & poculenta Lege Romana, & Gallica prohibita sunt; quia excæcant oculos iudicum, *Ecclef. 20.* vel nisi pretium donetur per modum allicientis, ut infantibus, ut Missam audiant, malos socios evitent. 3. Accipiens pretium pro re ex charitate communi usu hominum gratis debita, v. g. ut domum proximi ab incendio liberet, rem a furto ablatam ostendat, pauperi in extrema necessitate succurrat; quia hæc non censentur pretio æstimabilia, & pretium quasi coacte datur; secus si sine labore, impensis &c. fieri nequeant, vel usu solvi soleant, ut Medicus, pharmacopola succurrentes extreme ægrotanti. 4. Restituere tenetur accipiens pretium pro crimine ante crimen commissum acceptum, imo etiam multi existimant, pretium crimine commissio acceptum esse restituendum, vel saltem dandum pauperibus, *vid. de oblig. promiss.* 5. Faciens compensationem occultam pro re ex charitate vel gratitudine tantum debita, vel si propterea alius creditor habens jus præcedentiæ sua parte privetur. 6. Non servans alias condiciones justæ compensationis saltem peccat contra charitatem, & in extrema necessitate surripiens necessaria, quæ petendo accepisset, peccat saltem venialiter contra eandem virtutem, *Less. 7.* Nec tenetur ad restitutionem accipiens aliquid pro actione, vel omissione, quæ sibi prodest, v. g. ut fiat Christianus, in Paschate Communionem sumat, a blasphemia abstineat; nec Judex accipiens, ut recte iudicet, abstrahendo a tertii damno, & ab eo, qui solum Judicis salutem intendit; quia censetur in similibus circumstantiis gratuito dari ex charitate Dei, vel proximi, *Tourn. 2.* Nec tenentur ad restitutionem uxores, vel filii, quorum parentes sine eorum culpa ad extremam penuriam sunt redacti, si post mortem occultent ex bonis parentum, vel mariti, quantum ad aliqualem sui status conservationem sufficit, nec sub juramentum, vel excommunicatione interrogati occultata fateri, & restitui tenentur, *Dian. apud P. Gerv.* quia dominus non est rationabiliter invitatus, & juramentum potest intelligi de rebus, quæ retinere non licet, & videntur adhibita restrictione mentali in hoc casu sensibili a perjurio excusari.

*Quær. 16. An quid tenentur revelans secretum?*

*Dico.*



*Dico.* Revelans secretum tenetur ad omnia damna famæ, & fortunæ ex illius revelatione secuta, excepto, 1. si secretum commissum sit nullius momenti. 2. Si jam aliunde sit prolatum. 3. Si custodia cedat in damnum communitalis, vel tertii innocentis. 4. Si servari nequeat sine gravi damno committentis secretum, vel illud recipientis.





## TRACTATUS VII.

### DE PECCATIS.

*Hic Tractatus dividitur in quatuor Quaestiones, 1. de Peccatis in communi, 2. de Peccatis in particulari, 3. de Peccatis capitalibus, 4. de Peccato originali.*



### QUÆSTIO I.

#### DE PECCATIS IN COMMUNI.

*Quæritur. 1. Quid, & quotuplex sit peccatum?*

*Resp. 1.* **P**eccatum definitur a S. Aug. *factum, vel dictum, vel concupitum contra Legem æternam*; subintelligitur facti, vel dicti, vel concupiti omisso: & dividitur, 1. in originale, quod aliena voluntate, nempe Adami commissum est, & per generationem in posteros transfunditur; & in personale, quod propria peccantis voluntate committitur.

2. Personale dividitur in actuale, quod est ipse actus, vel omisso deformis regulis morum; & habituale, quod est macula ex Peccato actuale in anima remanens.

3. Actuale ulterius dividitur 1. ratione præcepti in Peccatum commissionis, quo quis præceptum negativum, seu prohibens transgreditur, ut furtum; & omissionis, quo præceptum affirmativum, seu præcipient violatur,

ut

ut omiffio Miffæ in Dominica. 2. Ratione caufæ, in Peccatum infirmitatis, quod procedit a paffione antecedente voluntatem ad confenfum trahente; & ignorantia, quod ex ignorantia culpabili oritur; & malitiæ, quod ex plena libertate absque ignorantia, & paffione committitur. 3. Ratione modi, dividitur in Peccatum cordis, quod ex natura fua in corde confumitur, ut odium; oris, quod ex fe ore perpetratur, ut periurium; & operis, quod opera externa perficitur, ut fornicatio. 4. Ratione objecti dividitur in Peccatum contra Deum, quod fpecialiter reverentiæ Deo debitæ opponitur, ut blafphemia; contra proximum, quod proximo nocet, ut homicidium; contra fe ipfum, quo ordo rationis, rectæque fui gubernatio violatur, ut ebrietas. 5. Ratione effectus, in mortale, quod graviter Deum offendit, & mortem animæ infert; & veniale, quod Deum leviter offendit, quocumque vita animæ, & gratia fanctificans confilere poteft; horum alia funt venialia ex levitate materiæ, ut leve furtum; alia ex imperfecta deliberatione, ut pollutio in femidormiente continuata; alia ex natura fua, ut mendacium jocofum, vel officiofum.

4. Alia funt in cælum clamantia, quæ præ cæteris divinam vindictam provocant, quorum funt quatuor, homicidium, sodomia, oppreffio pauperum, mercedis operariorum defraudatio. Alia in Spiritum fanctum, quæ ipsius donis fpecialiter repugnant, & funt ſex, præfumptio, desperatio, impugnatio agnitæ veritatis, invidia fraternæ charitatis, obftinatio, & impenitentia finalis. Alia funt capitalia, quæ aliorum Peccatorum funt radix, & caufa impulſiva, & funt ſeptem, nempe: ſuperbia, ira, avaritia, invidia, acedia, gula, luxuria, & hæc dividuntur in corporalia, quæ confiftunt in aliqua delectatione corporea, ut luxuria, & gula; & ſpiritualia, quæ ſpirituuali voluptate confumuntur, ut ſuperbia, & reliqua capitalia.

6. Denique dividitur Peccatum in ſpecie diverſum, cujus malitia, ſeu deformitas ad legem eſt rationis eſſentialiter diverſæ, ut furtum, & adulterium, & numero diverſum, cujus malitia eſt ejusdem naturæ cum alio, ut duo adulteria.

*Quar. 2. In quo conſiſtat ratio formalis Peccati, & an detur Peccatum philoſophicum?*

Z 4

Dice..

*Dico.* Materiale Peccati est ipse actus humanus, formale vero, seu malitia est ipsa repugnantia illius cum Lege æterna; unde ratio formalis Peccati non consistit in aliquo positivo, alias Deus esset illius Auctor; sed consistit in sola privatione conformitatis cum Lege æterna; quia ea posita recte intelligitur Peccatum commissionis, & omissionis; nec datur peccatum mere philosophicum, quod præcise rectæ rationi adversatur, non vero Legi æternæ; quia nemo potest agere contra rectam rationem, quin agat contra Legem æternam per dictamen rectæ rationis intimatam.

*Hinc* infertur, nullum esse ita barbarum, qui agnosceñs se agere contra rectam rationem, non timeat entis alicuius supremi punitionem, & agnoscat saltem confuse, & implicite, se simul agere contra aliquam Legem supremam naturæ rationali impressam, quæ est Lex æterna.

*Quar.* 3. *Qualem Peccata inter se habeant connexionem, & unde inæqualitas essentialis desumatur?*

*Dico.* Non habent omnia Peccata connexionem inter se, nisi generalem ratione finis Legis, qui est charitas, & offendens in uno generaliter duntaxat ratione finis, sit omnium reus; quia omnium tollit finem, nempe charitatem habitualement; non vero specialem habent connexionem; quia unum sine alio potest committi, licet ordinariè plura soleant inter se uniri; nec omnia Peccata sunt æqualia; quia magis, minusve regulis morum sunt deformia; inæqualitas eorum essentialis desumitur ab objecto, & circumstantiis speciem eorum mutantibus; accidentaliter vero a circumstantiis malitiam intra eandem speciem aggravantibus, vel minuentibus; & augetur, vel minuitur malitia prout majori, vel minori virtutis bono opponitur, magis per defectum, quam per excessum.

*Hinc* 1. Cum superbia invenitur ordinariè invidia, tristitia de bono proximi, gaudium, vel desiderium de illius malo, aversio, detractio, vituperatio &c. 2. Cum fornicatione pollutio, procuratio abortus, seductio &c. 3. Cum furto desiderium, vel propositum novi furti. 4. Cum ebrietate, præcipue in popina commissa, turpiloquium, jurgia, discordiæ, neglectus officiorum. 5. Cum ira impropria, imprecationes, scandalum, voluntas ulciscendi, aut nocendi, damnum proximo illatum, diuturna animi  
aver-

aversio, signorum communium dilectionis, & specialium erga Superiores omissio, debiti conjugalis negatio. 6. Cum avaritia omissio, vel negatio Eleemosynæ debitæ, modus lucrandi illicitus, & in Ecclesiasticis effectus simoniacus circa functiones sacras, scandalum &c. de quibus nonnunquam poenitentes examinandi sunt.

*Hinc* 2. Peccata secundum suam speciem, & essentialiter graviora sunt, 1. contra Deum, sic blasphemia gravior est homicidio ratione objecti, non vero damni. 2. Homicidium gravius est furto; quia vita est nobilior aliis bonis. 3. Peccata contra personas publicas, ut superiores, sunt graviora, quam contra alios, sic Regicidium longe gravius est, quam privati. 4. Peccata opposita virtutibus perfectioribus, & opposita per defectum sunt graviora, quam per excessum, sic desperatio est gravior, quam præsumptio, avaritia gravior, quam prodigalitas. 5. Spiritualia sunt graviora per se, quam carnalia; per accidens tamen ratione periculi, consuetudinis, difficilioris emendationis, possunt carnalia esse graviora, vel saltem saluti magis nociva.

*Hinc* 3. Gravitas accidentalis augetur intra eandem speciem, 1. ex circumstantia actus peccaminosi; sic graviora sunt Peccata malitiæ; quia sunt majori libertate, intentione, &c. quam infirmitatis, ignorantiae, vel ex metu. 2. Ex circumstantia personæ peccantis, sic Peccata personæ in dignitate sunt graviora ob majorem, quam censetur habere scientiam, & virtutem; ob majorem ingratitude erga Deum; ob majorem deformitatem statui perfectiori; ob malum exemplum, & majus scandalum: sic ebrietas in Episcopo, fornicatio in Parocho, concubinatus in Principe, vel Superiore sunt longe graviora, quam in aliis. 3. ex circumstantia personæ, in quam peccatur, quæ pertinet ad objectum, & speciem Peccati, de qua supra. 4. Ex circumstantia nocimenti, sic directe intenti sunt graviora, quam indirecte in causa intenti; sic prævisi, vel per se ex causa secuti, graviora, quam non prævisi, ex culpabili negligentia.

*Quæ* 4. *Unde desumatur distinctio specifica Peccatorum?*

*Dicto.* Distinctio specifica Peccatorum, non est repetenda a pluribus præceptis materialiter duntaxat diversis; quia non causant disconvenientiam specie diversam; sed idem, vel plures actus sunt plura specie Peccata, quando oppo-

opponuntur pluribus præceptis formaliter diversis, vel eidem præcepto modo specie diverso, quod fit quadrupliciter, nimirum, 1. quando idem, vel plures actus opponuntur diversis virtutibus. 2. Quando opponuntur diversis ejusdem virtutis functionibus. 3. Quando eidem virtuti diverso modo opponuntur, nempe contrario per excessum, vel defectum. 4. Quando eidem virtuti diverso modo non contrario opponuntur, quod fit, cum aliquis possit esse proclivis ad unum ratione objecti formalis, quin sit ad aliud; quia ex quadruplici hac oppositione nova, & specie diversa oritur disconvenientia ad rectam rationem. Præcepta autem materialiter solum diversa sunt, quæ eandem rem sub eodem motivo præcipiunt, vel prohibent: & præcepta formaliter diversa sunt, quæ rem diversam, vel eandem diverso motivo præcipiunt, vel prohibent.

*Hinc* 1. Unum tantum specie Peccatum committit, non jejunans feria quarta quatuor temporum, in quam incidit Vigilia S. Matthæi; vel non audiens Missam in Dominica, in quam cadit Festum Assumptionis B. V. Mariæ; vel exercens usuram Lege Naturali, Divina, ecclesiastica, & Civili prohibitam, licet diversis pœnis, æterna nimirum, & temporali corporali, & spiritali prohibeatur, *Tourn.* quia solum præceptis materialiter diversis, idem, & eodem motivo præcipientibus, vel prohibentibus opponuntur; sic blasphemix contra diversa attributa non differunt specie; quia eidem virtuti Religionis, ac eidem illius functioni, reverentiæ nimirum Deo debitæ opponuntur; sic duo furta, pecuniæ, & equi non specie differunt; quia eidem virtuti justitiæ, & eodem modo opponuntur, saltem ratione objecti formalis, quatenus est ablatio rei alienæ invito domino, quamvis in objecto materiali possit esse diversitas, & quis esse proclivis ad furtum pecuniæ, quin sit ad furtum equi; sic frangens votum castitatis sæpius reiteratum, unum specie committit Peccatum: quia contra eandem virtutem, nempe castitatem reiteratur.

*Hinc* 2. Duo committit specie Peccata, 1. non observans jejunium in die ab Ecclesia, & a Confessario præceptum propter diversa motiva, temperantiæ, & pœnitentiæ. 2. Sic. Fr. Minorita non jejunans die Veneris incidente in aliqua vigilia, vel quadragesima, duo committit

tit Peccata juxta communio<sup>rem</sup> Doctorum ordinis, *TOMUS*. quia Præceptum Ecclesiæ, & obligatio voti in diverso fundantur motivo Religionis, & temperantiæ, & sunt formaliter diversa. 3. Infidelitas, desperatio, odium Dei, superstitio sunt plura specie Peccata; quia diversis specie virtutibus, fidei, spei, charitatis, ac Religionis opponuntur. Sic percussio Clerici est duplex specie peccatum; quia licet unicus sit actus, diversis opponitur virtutibus, nempe justitiæ, & Religioni. 4. Idololatria, superstitio, blasphemia specie differunt; quia diversis specie functionibus ejusdem virtutis Religionis opponuntur, cujus munus est unum verum Deum colere, cultum illegitimum vitare, irreverentiam erga Deum præcavere. Sic odium Dei, & omisso actus charitatis Dei, dum præceptum obligat, sunt duo specie Peccata; quia duabus virtutis charitatis functionibus, seu obligationibus opponuntur, cujus est Deum certo tempore diligere, & nunquam odisse. Sic in die jejunii secundam sumens refectionem in carne, duplex committit Peccatum; quia contra duas ejusdem præcepti obligationes agit specie diversas. 5. Prodigalitas, & avaritia; desperatio, & præsumptio specie differunt; quia eidem virtuti liberalitatis, & spei, sed diverso modo contrario per defectum, & excessum opponuntur. 6. Furtum, rapina, detractio, homicidium specie distinguuntur; quia eidem virtuti justitiæ; sed modo diverso, licet non contrario opponuntur, quia potest quis esse proclivis ad furtum, quin sit ad vi rapiendum, ad detrahendum, quin sit ad occidendum. Sic vovens, & jurans audire Missam in Dominica triplex committit illius omissione specie Peccatum; quia licet eadem omisso eidem virtuti Religionis, diverso tamen modo non contrario opponitur, non exhibendo cultum Deo debitum, frangendo Deo fidem per votum promissam, & Deum testem falsum efficiendo per perjurium.

*Quar. 5. Unde desumatur distinctio numerica Peccatorum?*

*Dico:* Distinctio numerica Peccatorum desumitur ex sequentibus regulis, 1. Peccata sunt numero diversa, quando specie differunt; quia quæ specie differunt, non possunt esse unum numero. 2. Quando opponuntur Legi æternæ modo numero diverso; quia numero diversa inde oritur disconvenientia ad rectam rationem. Quæ propositio numero diversa fit, 1. quando idem actus tendit in plura

plura objecta, fines, vel circumstantias numero solum diversas, ut plura sunt, ita, ut cuiuslibet ius speciale lædatur. 2. Quando sunt plures actus non solum physice, sed etiam moraliter; sunt autem plures actus moraliter, quando quilibet actus habet suum terminum sine subordinatione ad alium, vel quando sunt moraliter interrupti, quæ interruptio fit tripliciter, 1. per revocationem prioris actus per pœnitentiam veram, vel voluntatem contrariam. 2. Cessatione voluntaria, vel conversione ad aliud impossibile cum priori actu. 3. Per somnum, vel naturalem distractionem, aut oblivionem satis longam, ita, ut quis a priori actione cessasse, & aliam incepisse prudenter iudicetur, quando nimirum nec in se, nec in aliquo effectu, seu actionum serie virtualiter continuatus est, *Tourn.*

*Hinc:* 1. Furtum, & homicidium numero differunt saltem æquivalenter, quia differunt simul specie. 2. Uno actu morose de duplici fornicatione se delectans duo committit numero Peccata. 3. Uno ictu, vel una veneni potione plures occidens, vel uno actu plures odio habens, vel eodem sermone, vel actu turpi pluribus scandalum præbens, vel eodem actu duodecim Apostolis blasphemans, vel pluribus, seu toti familiæ, etiam Religiosæ eodem actu detrahens, vel centum aureos ad centum pertinentes simul auferens, plura, & toridem committit numero Peccata; quia idem actus tendit in plura objecta, ut plura sunt, & cuiuslibet ius speciale lædatur, etiam in detractione toti familiæ Religiosæ non minus, ac in illius occisione, *Tourn.* 4. Conjugatus cognoscens alterius uxorem eodem actu duo numero committit adulteria; quia ratione circumstantiæ personarum ligatarum cuiuslibet ius, propriæ nimirum uxoris, & mariti adulteræ læditur. 5. Qui furatur ad fornicandum cum tribus Monialibus, præter furtum tres numero fornicationes ratione finis, & tria numero sacrilegia ratione circumstantiæ personarum sacrarum committit. E contra qui furatur integrum gregem ad unum pertinentem, vel totam Bibliothecam, vel acervum frumenti, vel viatori equum simul, & vestes, & pecunias; vel qui comburit totam domum, licet constet pluribus ædificiis, vel cum decem simul conversatu: excommunicatis, vel cogitans, se nolle totam servare qua dragessimam, modo non cogitet 40. jejunia distincta, &

pro-



proponens totum omittere officium, in quolibet actu unum tantum numero committit Peccatum; quia idem actus tendit in plura objecta per modum unius, & unius tantum jus læditur; in praxi tamen transgressio totius quadragesimæ, vel omissio totius Officii vix sine interruptione morali, & multiplicitate numerica fieri potest. 6. Ter se polluens, vel fornicationem successive ter committens, vel in statu disgratiæ absolvens, baptizans, vel Eucharistiam administrans, vel tres Missas in Nativitate Domini successive in mortali dicens, totidem committit numero Peccata; quia quælibet pollutio, Sacramenti administratio, vel Missa est opus integrum nulli alteri subordinatum; in eadem tamen Missa in statu Peccati mortalis duplici Consecratione Panis, & Vini, & Communionem unum tantum numero videtur committere Peccatum; quia est eadem numero actio, æquivalens tamen pluribus. 7. Mane furari statuens, postea pœnitens, & post aliquod tempus priorem voluntatem resumens, duo committit Peccata; sic inimicum mane odio habens, postea diligens, & iterum odio habens duo committit numero Peccata; sic puellam concupiscens, postea ad alias agenda, vel cogitanda sponte se convertens, eaque statim visa iterum concupiscens, duo committit Peccata; sic per horam morose delectans, & distractione, vel somno interruptam resumens, duo committit Peccata; secus si interruptio brevissima fieret distractione, vel si intentione fornicandi puellam sollicitet, impudice respiciat, osculetur, tangat & completa fornicatione immediate gaudeat, unicum numero committit Peccatum, & sufficit in confessione dicere, se fornicatum fuisse; quia omnes actus præcedentes, licet physice distincti, ad principalem vi intentionis tanquam media ordinantur, & satis a Confessario intelliguntur: si tamen sine intentione actus principalis, & ob propriam eorum delectationem fierent, plura essent peccata, & in confessione explicanda, licet postea copula fuisset secuta, sicut & actus turpes copulam sequentes; quia nec sunt illius partes, nec complementa, nec eam ex natura rei sequuntur, *Suar, Vasq. Tourn.* excepta complacentia copulam proxime secuta; quia est quasi naturalis criminis commissi effectus, *Tourn.* 8. Uno, ac eodem venereo impetu se, vel alium pluries successive tangens, vel plura successive carnis fercula in die jejunii in eadem refectione man-

man-

manducans, vel uno rixæ impetu pluribus ictibus eundem verberans, vel plura in eum convicia proferens, in quolibet horum casu unum duntaxat numero committit peccatum; quia non sunt actus moraliter interrupti; modo convicia non sint specie diversa, vel si sint specie diversa, non nisi ut signa iræ, vel ad iram provocantia proferantur; sic etiam qui voluntate occidendi inimicum accipit gladium, proficiscitur per plures horas eum quærens, repertum aggreditur, vulnerat, occidit, unicum numero committit peccatum, etsi in via confabuletur, de aliis rebus cogitet, sæpius voluntatem occidendi renovet, *Tourn.* imo etiam si inimicum per aliquos dies quærat, interea aliquoties dormiat, literas scribat, &c. & sufficit in confessione dicere, se hominem occidisse, *P. Gerv.* quia eadem voluntas in actionum externarum serie virtualiter, ac proinde moraliter perseverat, licet physice sit interrupta, & diversi actus physice in eundem ordinentur; sic animo fornicandi per plures dies iter conficiens, frequenter sollicitans, licet in itinere dormiat, manducet, de aliis rebus cogitet, unicum numero ob eandem rationem committit Peccatum; *Paul. Lugd.* in confessione tamen tempus durationis odii, vel delectationis venereæ videtur explicandum; saltem tanquam circumstantia aggravans; etiam tutius est addere quoties actum Peccati renovaverit, *Tourn.* Peccata etiam mere interna facilius interrumpuntur, & multiplicantur numero, quam si simul sint in opere externo, in quo virtualiter diutius perseverant, & continuantur sine interruptione morali.

*Quar. 6. Quinam sint effectus Peccati?*

*Dico.* Effectus præcipui sunt reatus culpæ, & reatus pœnæ; reatus culpæ, qui etiam Peccatum habituale dicitur, est macula, quæ peccans inficitur, & consistit non præcise in privatione gratiæ habitualis; quia alias venialia, & mortalia subsequencia nullam causarent in anima maculam, cum venialia gratia non privent, & mortalia subsequencia animam jam gratia privatam supponant; sed consistit in privatione nitoris, & rectitudinis antea per conformitatem cum lege in anima existentis, & in deformitate ad legem resultante ex Peccato commisso moraliter perseverante quamdiu non fuerit remissum; quia sic melius concipitur Peccatum habituale in statu naturæ puræ, & quomodo de facto per veniale macula contrahatur, &

per

per mortalia repetita multiplicetur, nempe per repetitas novas, & majores deformitates ad leges transgressas. Reatus pœnæ vero est obligatio ad pœnam, vel jus, quod Deus habet ad sumendam de peccatore vindictam.

## Q U Æ S T I O II.

### DE PECCATIS IN PARTICULARI.

*Quæritur. 1. An detur omissio pura sine actu positivo voluntatis?*

*Dico.* Potest dari omissio pura, id est libera, & peccaminosa absque omni voluntatis actu; modo interveniat actus intellectus proponentis objectum, & obligationem præcepti urgentis; quia voluntas est libera libertate contradictionis, potestque suspendere omnem actum voluntatis positivum, & ad peccatum sufficit posse, teneri, & non facere.

*Hinc:* animadvertens obligationem præsentem audiendi Missam, illam non audiendo peccat absque omni alio actu positivo voluntatis illam omittendi, sicut explodens sclopetum animadvertens periculum occidendi hominem peccat, licet non velit positive occidere hominem.

*Quæ. 2. An, & quomodo actus incompatibilis cum observatione præcepti sit peccaminosus?*

*Dico.* Actus incompatibilis cum observantia præcepti, etiam si in se sit bonus, vel indifferens, est peccaminosus, si sit causa, vel occasio omissionis; quia tunc influit in omissionem; non vero si mere per accidens, ac concomitanter se habeat; & non solum peccat scienter, vel ex ignorantia culpabili causam omissionis ponens, vel morali illius periculo se exponens, quamvis omissio actu non sequatur; sed etiam quando de facto omissio ponitur, etiam si tempore omissionis præ somno, vel ebrietate non sit sui compos; quia indirecte in sua causa est volita; actus tamen, qui est causa, vel occasio omissionis non est peccatum distinctum ab ipsa omissione; quia tanquam medium ordinatur ad omissionem, quacum est unum numero peccatum, & sufficit in confessione aperire omissionem;

nem; nisi actus, qui est causa omissionis, esset in se malus, vel si omisio non sit secuta, vel sublata jam causa omissionis; quia tunc causa, & omisio moraliter interrupta duo conituntur numero peccata. Peccatum omissionis & commissionis per se non differunt specie, nisi præceptis, aut virtutibus formaliter diversis, vel eadem diverso modo opponantur.

*Hinc* 1. Venatio, lusus, studium, &c. si sint causa omissionis Missæ in Dominica, sunt peccaminosa, & ludentes, vel venantes tempore Missæ cum omittente Missam, peccant; quia illius peccato cooperantur; non vero, sunt malum, si rædio spiritualium, vel ex negligentia ad illam omittendam determinatus ludat, aut venetur, nec cum eo ludentes, vel venantes peccant; quia tunc lusus, vel venatio se tantum concomitanter ad omissionem habent, nisi ob longum interpositum tempus inter omissionem, & propositum Missam omittendi animum probabiliter mutaturus, & Missam auditurus fuisset, tunc sicut ipse de novo peccat, actu venando, vel ludendo; quia retractionem mali propositi probabiliter futuram reddit inutilem, sic ipsi cooperantes se illius peccati faciunt participes. Sic Sacerdos firmum habens propositum non dicendi Breviarium toto navigationis tempore, non solum peccat proponendo illius omissionem, sed etiam in hunc finem projiciendo Breviarium in mare; quia verisimiliter ob maris periculum animum mutasset, & malitiose occasionem illud postea recitandi sibi ademit. Similiter resolutus, non servare votum castitatis emissum, peccat nubendo novo numero peccato; quia etiam facti prenitens voti adimpletionem sibi reddit moraliter impossibile. 2. Horis matutinis in Dominica in albis se somno tradens, vel inebrians cum prævisione omissionis Missæ, vel Communionis Paschalis, peccat, licet per accidens evigilatus postea Missam audiat, vel communicet, vel tempore omissionis ob somnum, vel ebrietatem non sit sui compos; censuras tamen omissioni missæ in certis locis, vel omissioni Communionis Paschalis annexas non incurrit, nisi dum de facto omisio fiat; si vero evigilatus, Missam tamen non audiat, novo numero peccato ob moralem interruptionem peccat. 3. Bacho, vel Veneri nimium indulgens, ita: ut debilitatus Missam audire, vel jejunare nequeat, non audiendo Missam, vel non jejunando peccat, donec

donec sincere facti pœnitens, causam omissionis voluntarie, & cum illius prævisione positam reddat involuntariam, *Tourn.*, *Paul. Lugd. Thom. ex Charm.* si nimirum causa data sit propinqua omissioni; nam propria culpa in morbum incidens, vel in carcerem conjectus non censetur velle Missæ omissionem inde secutam, *P. Gerv.* quia causa omissionis non censetur propinqua, & raro est moraliter certo prævisa. 4. Furtum, & illius restitutionis dilatio sunt duo peccata numero tantum diversa, quamvis unum sit commissionis, & alterum omissionis; quia non diverso modo opponuntur iustitiæ.

*Quar. 3. An dentur peccata infirmitatis, malitiæ, ac ignorantia, & an ignorantia sit peccatum distinctum?*

*Dico.* Dantur peccata infirmitatis, ac malitiæ; & peccata ex habitu, quem peccans emendare non curat, inter peccata malitiæ numerantur; quia ex habitu vitioso peccans, ex certa malitiâ peccat, ait S. Thomas; plena enim voluntate, & libertate volendo habitum pravum, eodem modo vult peccatum inde secutum. Dantur etiam peccata ignorantia, ut fides docet; & non solum ignorantia, vel inadvertentia culpabiliter commissa, sed etiam transgressio inde secuta peccatum est; ignorantia tamen practica, quæ quis ignorat, quod pro vitando peccato scire tenetur, non est peccatum distinctum speciale a peccato, quod ex ea sequitur; quia non est peccatum, nisi ratione operis faciendi; bene autem speculativa, quæ quis ignorat, quæ speciali præcepto scire debet, ut mysteria fidei, *Tourn.* & alii *ibid.* quia ex se est contra præceptum sciendi sine relatione ad opus.

*Hinc 1.* Ex Ignorantia vincibili accedens ad non suam, vel non jejunans in die jejunii unicum numero committit peccatum adulterii, vel contra præceptum jejunii, & sufficit se accusare, se commisisse adulterium, vel non jejunasse in die jejunii; quia ignorantia est causa, quæ unum cum effectu facit peccatum. 2. Medicus, vel Judex quamvis peccet non solum negligendo sua studia animo practicandi, sed etiam cum Medicus sua ignorantia ægroto mortem causat, vel Judex injusta sententia proximo damnum infert; attamen uno solum numero peccato, negligentia addiscendi inchoative, & inferendo damnum consummative; ita tamen, ut nullo secuto damno, ignorantia tamen sit peccatum ob periculum, cui se ignorans exponit.

3. Ex ignorantia vincibili blasphemans Christum, vel non eliciens actum fidei in Christum in articulo mortis, duplex committit peccatum, nempe contra studiositatem per negligentiam addiscendi, & contra præceptum fidei, vel blasphemiam, *Tourn., Vasq.*

*Quar. 4. Qualis ad peccatum formale requiratur consensus, & advertentia?*

*Dico.* Ad peccandum formaliter non requiritur consensus actualis, vel advertentia actualis malitiæ, vel actuale de ea dubium; quia contra legem agentes ex ignorantia vincibili, vel ex conscientia vincibiliter erronea, vel ex pravo habitu, & ex consuetudine voluntaria, vere peccant, ut communiter docent Theologi, & tamen, dum actu legem transgrediuntur, perjurant ex consuetudine, vel blasphemant, de malitia actu non cogitant, imo in fomno se polluentes ex causa antea voluntarie data, & in ebrietate iurantes, aut blasphemantes, nec de malitia cogitare possunt, & tamen vere peccant: sed sufficit, & requiritur cognitio, vel advertentia virtualis, & interpretativa in causa, seu cognitio, vel advertentia malitiæ habita, vel illius dubium, aut saltem cognitio obligationis rem melius examinandi, vel inquirendi, cum causa peccati fuit posita; quia, si malitia actus nullo modo, nec dubie fuerit cognita, nullo modo est volita, & eo ipso est ignorantia, vel inadvertentia invincibilis; quia nulla ratione potuit, ac debuit excitari ad melius inquirendum, vel actionem omittendam; nec dignum esset divinæ Clementiæ, punire malum nullo modo præcognitum, ac proinde nec volitum: & quidem ad mortale requiritur consideratio plena malitiæ gravis, vel periculi ejus; aut gravis obligationis melius inquirendi, ut docet *Rhodius*, & communissima apud *P. Gera.* quia peccatum non est alio modo volitum, quam est præcognitum, & malitia crescit pro ratione cognitionis offensæ, ut docent Theologi; non tamen necesse est, ut cognoscatur expresse, ut inferens mortem; quia ad culpam non necessario requiritur cognitio pœnæ gravis: cogitans vero de malitia solum in genere, vel de illius periculo, quin cogitet, an levis, vel gravis sit, nonnisi venialiter peccat, *Nav. Rhod., Valent. apud P. Gerv.* quia ut gravis non est cognita; ergo nec ut talis volita; nisi paratus esset illud committere sive grave sit, sive leve; quia graviter per-

ver-

versa est ipsius voluntas, & periculo se voluntarie exponit, graviter peccandi. Impedimenta plenæ considerationis sunt 1. habitus, vel consuetudo involuntaria. 2. Vehemens passio antecedens. 3. Varii motus, & occupationes animum valde distrahentes.

*Hinc* 1. Graviter peccat 1. Judex advertens obligationem melius studendi, causam exactius examinandi, licet, dum actu sententiam injustam profert, nullam actu injustitiæ cogitationem, vel advertentiam habeat, sed se jure procedere, credat. 2. Sciens, ex ebrietate sua lites, homicidia, blasphemias oriri, vel ex turpi colloquio, & impuris cogitationibus ante somnum voluntarie admittis pollutionem sequi, quamvis in ebrietate, vel somno de malitia prædictorum non cogitet, nec cogitare possit, & censuras, si sint annexæ, incurrit; *Tourn. de Cens.* sic motus inordinati imputantur ad culpam, licet ratio actu non advertat ad malitiam, quando exurgunt modo causa illorum, ut lectio librorum amatoriorum scienter, & voluntarie fuerit posita, & ponendo causam periculum adverterit; e contra vero non peccat alicui obiecto, v. g. alicui malæ cogitationi, mutui iræ, vel libidinis inhærens delectabilitatem solum, vel utilitatem advertens, nullo modo vero turpitudinem illius, nec se male agere dubitans, sicut non peccat comedens carnes in die jejunii non advertens obligationem, quamvis attendat ad delectationem, vel utilitatem carnis, modo, ut dictum, malitia, aut illius periculum non fuerit antecedenter in causa prævisum. 3. Graviter peccat ob ebrietatem in Festo Missam omittens, vel hominem inadvertenter absque debita cautione pro fera occidens, licet actu de homicidio, vel omissione non cogitet; sic impudici, blasphemii, perjuri ex pravo habitu voluntarie contracto verba impudica, blasphemias, perjuriam proferentes, licet actu, dum talia agunt, de malitia eorum non cogitent, nec illius considerandæ dubium, vel scrupulus occurrat, modo in causa, & consuetudine contracta aliquomodo illam præviderint; excusantur tamen, si consuetudinem involuntariam reddant, contra eam protestantes, media a Confessario præscripta adhibentes, & invite in similes actus erumpentes.

*Quer. 5. Quid, & quotuplex sit mendacium, amphibologia, & restrictio mentalis?*

A 2 2

Resp.

*Resp.* 1. Mendacium est locutio, aut quælibet significatio contra mentem cum intentione fallendi; potestque fieri nutu, scripto, gestu, vel facto; & est triplex, nempe officiosum, jocosum & perniciosum. Officiosum est locutio contra mentem utilitatis alienæ causâ. Jocosum est locutio contra mentem voluptatis propriæ, vel alienæ causâ. Perniciosum est locutio contra mentem nocumentum proximo, vel Ecclesiæ inferens.

2. Amphibologia, seu æquivocatio est sermo ambiguus habens duplicem sensum, quem proferens prævidet ab audiente accipiendum in alio sensu, quam ipse intelligit. Restrictio vero mentalis est æternæ locutionis interna limitatio subaudita. Utraque amphibologia, & restrictio mentalis est duplex, nempe pure mentalis, cujus sensus intentus, nec ex modo loquendi, nec ex signis, aut circumstantiis, neque ex usu communi ab audiente potest deprehendi; & late mentalis, vel sensibilis est, cujus sensus a loquente intentus, vel ex modo loquendi, vel ex signis, & circumstantiis, vel ex communi usu ab audiente potest deprehendi.

*Quær.* 6. *Quale peccatum sit mendacium, & an amphibologia, ac restrictio mentalis sint licita?*

*Dico.* Omne mendacium est intrinsece malum: quia repugnat rectæ rationi; & mendacium perniciosum ex genere suo est mortale; jocosum vero, & officiosum sunt tantum venialia; quia perniciosum grave ex genere suo damnum infert, non vero officiosum, vel jocosum. Amphibologia, restrictio pure mentales, & insensibiles sunt vera mendacia: quia aliud habetur in animo, & aliud in verbis, dicit S. Augustinus, ac proinde in nullo casu sunt licita; restrictio vero late mentalis, & sensibilis non est mendacium, sed aliquando prudens veritatis occultatio ex iusta, & gravi causâ licita; quia verus sensus etiam externe exprimitur, licet ab audiente non advertatur, & ea utens proximum non decipit, sed eum decipi permittit; non tamen est licita absque iusta causâ; quia non licet alteri præbere occasionem errandi, & repugnat legibus societatis, fidelitati, & sinceritati; nisi veritatem celandi gravis urgeat causâ.

*Hinc* 1. Si quis non posset baptizari, nisi custodibus mendacio deceptis, baptismus potius est prætermittendus, *S. August.*; vel si non posset audire Missam, nisi hero men-



mendacii decepto, potius a Missa abstinendum. 2. Graviter peccat inter concionandum falsa miracula, vel falsas indulgentias, vel reliquias annuncians, vel alicujus Sancti vitam fingens; quia sunt mendacia Religioni perniciosa. 3. Graviter peccat in confessione fallum sibi crimen imponens, vel verum ita minuens, ut mortali fiat veniale; quia Sacramento gravis infertur injuria; venialiter vero, si mentiretur solum circa circumstantias leves. 4. Graviter peccat a Judice, vel Superiore legitime interrogatus, non sincere, sed cum restrictione late mentali respondens; vel æquivocatione etiam sensibili veritatem celans, cum bonum Reipublicæ, vel Ecclesiæ exigit, ut veritas palam proferatur, ut pro extinctione hæresis, vel machinationis contra Rempublicam, aut Principem; non vero peccat reus illegitime interrogatus negans, se crimen commississe, subintelligendo, quod manifestare tenetur, vel exemptus a gabellis negans, se habere merces, subintelligendo, de quibus gabellas solvere tenetur; vel Confessarius negans, se scire crimen in confessione auditum, subintelligendo, quod revelare possit; quia in his circumstantiis audientes sciunt, sic interrogatis permitti, veritatem celare pro evitandis gravibus pœnis, & integritate sigilli; nec peccat famulus interrogatus ab aliquo invisente ipsius dominum, an adsit dominus, respondendo, non adesse, subintelligendo, ut videatur; quia ex usu communi audiens intelligit dominum non posse videri, nec fit animo fallendi.

*Quar. 7. Quid, & quoniam sit delectatio morosa, quoniam illius objectum, & consensus?*

*Resp. 1.* Delectatio morosa est actus sibi complacentis in malo, vel displicentis in bono absque intentione malum exequendi; differt a desiderio; quia desiderium est actus voluntatis, sibi complacentis in malo cum intentione illud exequendi, si possit.

2. Delectatio in materia luxuriæ duplex est, nempe spiritualis, quæ in sola voluntate consistit sine ulla motione sensibili in corpore; & venerea, quæ sentitur circa partes venereas ex commotione spirituum generationi inservientium.

3. Objectum delectationis morosæ est duplex, primum est ipsa cogitatio, vel artificium operis cogitati; sic, si quis delectetur de notitia, quam habet rerum turpium,

vel de modo ridiculo, quo quis cadens, vel rixans læsus fuit. Secundum est ipsa res maia cogitata, quæ parit voluptatem.

4. Consensus in delectatione morosa est triplex, nempe positivus, negativus, virtualis. Positivus, qui etiam expressus, & formalis dicitur, est ille, quo voluntas per actum expressum approbat delectationem pravam ab intellectu propositam. Consensus negativus, qui etiam interpretativus dicitur, est ille, quo voluntas delectationem quidem non positive approbat, sed eam advertens, non repellit, mereque negative circa illam se habet. Virtualis est ille, quo voluntas delectationem approbat, non quidem in se, sed virtute causæ illius voluntarie positæ, ex qua delectatio sequitur, quæ causa delectationis duplex est, una per se, quæ ad delectationem malam causandam ordinatur, aliumque effectum ex se non habet; ut tactus venerei, oscula libidinosa, &c. Alia per accidens, quæ ex se non ordinatur ad talem delectationem, sed ad alium effectum, ut vinum, cibus nimius, vel nimis calidus, tactus in partibus inhonestis medendi causa facti ex se non ad delectationem veneream, sed cibi ad roborandum corpus, & factus ad illud sanandum ordinantur.

*Quar. 8. Quale peccatum sit delectatio morosa de sola cognitione, notitia, vel modo rei illicitæ?*

*Dico.* Delectatio morosa de sola cognitione, vel notitia rei illicitæ, vel insolito, ac mirabili illius modo, vel solum de bono illius effectū per se non est moraliter peccaminosa; quia cognitio rei illicitæ, vel illius modus mirabilis, aut artificium non est malum, ac proinde nec illius delectatio, sic Ecclesia gaudet de bono effectū peccati Adami, cantando: *o felix culpa*, &c. potest tamen esse mala venialiter, si in ea deliberate sistat non tendendo in finem honestum, vel mortaliter per accidens ob periculum delectationis rei mortaliter malæ, ut venereæ, vel ob periculum illius consensus.

*Hinc:* Non graviter peccat, videns ex equo cadentem, vel verbis, ac verberibus se male tractantes, ridendo, seque oblectando, non de vulneribus causatis, sed de ridiculo modo cadendi, vel rixandi; nec graviter peccat, se delectans de mira inventione virginem, vel alienam uxorem decipiendi, vel de arte in literis amatoris, vel de arte

arte furandi, pingendi imagines nudas, vel artificio flaturæ nudæ, carminis, musicæ, cantilenæ turpis, de scientia disputandi, vel discurrendi de rebus-veneris, matrimonialibus, magicis &c. si solum modus, notitia, artificium sint objectum delectationis; venialiter tamen peccant, si in sola delectatione deliberate sistat, ob defectum finis honesti, & in materia luxuriæ sæpe sunt mortalia ob periculum turpis delectationis, & possunt præsumi esse de ipsa re turpi, 1. si motivum delectationis sit res vana, inutilis, & non necessaria, ut sunt colloquia sine bono fine de usu, & debito matrimonii, vel occultis corporis partibus instituta, lectio curiosa de amatoris, comœdiæ de cultu amoris inhonesti, artes, & dolos illius exhibentes; secus si esset studium moralis, medicinæ ad corpus sanandum, conciones faciendas, casus resolvendos &c. 2. Si oriatur ex affectu turpi, ut si in alia materia pia, vel indifferenti de eodem artificio, musica, poesi, modo, & cogitatione non eadem, sed in re turpi major percipiatur delectatio. 3. Si casus conscientia ad luxuriam spectantes qui curiosius præ cæteris perquirat, & minutissima perscrutetur, confessiones scæminarum libentius, quam virorum audiat.

*Quar. 9. Quale sit peccatum delectatio morosa de ipsa re illicita, & quando, ac quomodo aliquis teneatur ei resistere?*

*Dico.* Delectatio morosa de ipsa re illicita in quacunque materia, siue spiritualis, siue venerea, est peccatum mortale, si res mortaliter mala, & veniale, si sit venialiter mala; quia de ea delectando malum amat, quod est peccatum; eodem modo peccat de bono proximi, vel virtutis displicentiam habens; quia bonum odit, & contrariorum par est ratio; etiam si nulla adsit operis faciendi voluntas; vel solum adsit consensus negativus, nullumque sit periculum consensus positivi in delectationem; quia voluntarie delectationem malam amat, & raro, vel nunquam est sine periculo consensus positivi, præcipue in materia luxuriæ; unde delectationem de re illicita animadvertens tenetur positive resistere 1. deferendo objectum, vel actionem inhonestam, & inutilem, unde nascitur. 2. Per actum formalem displicentiæ, & mentem alio vertendo; vel orando, nisi iusta a positiva resistantia excuset causa, qualis est 1. probabilis timor, ne depulsa gra-

vior exurgat, vel per resistentiam concupiscentia magis augeatur; quia hoc esset potius ei cooperari. 2. Si ad illam repellendam quis deberet deferere aliquam actionem honestam, utilem vel necessariam; quia, cum quis talem actionem non teneatur relinquere, nec delectatio inde secuta censetur voluntaria; modo tamen absit periculum consensus positivi, qui est intrinsece malus, & pro semper prohibitus, & adsit vera delectationis displicentia. 3. Excusatur, si quis ob magnam animi ad opus honestum applicationem, vel attentionem non resistat positive, *Ha- bert.* quia æquivalet aversioni positive ad alia; sumitque delectatio morosa suam speciem ab objecto, & circumstantiis; quia inde oritur diversa specie oppositio ad rectam rationem, & regulas morum.

*Hinc:* graviter peccat, 1. se delectans de vindicta habita, vel habenda, de homicidio, fornicatione, vel copula, etiamsi esset viduus se delectans de copula præterita, vel sponsus de futura: an autem etiam in conjugatis absente comparte delectatio morosa de copula præterita, vel futura sit peccatum mortale, non conveniunt Auctores. Esse mortale, si sit venerea, & in carne præsens, etiam secluso periculo pollutionis, asserit *Tournely, Vasquez, & alii*; quia omnis delectatio venerea ordinatur ex natura sua ad pollutionem, & juxta Medicos est quædam illius inchoatio, quæ, cum extra actum conjugalem sit mortalis, etiam omnis actus ad illam ordinatus, vel ex se ad illam tendens extra usum conjugalem, & sine ordine ad illum est mortalis, etiam in conjugatis, uti sunt impudici proprii corporis tactus in absentia compartis solius delectationis carnalis causa facti; & altera ratio est, quia delectatio illa venerea est de actu conjugali tanquam præsentis, cum fiat cum motione carnis, & in absentia compartis est lethaliter prohibita. Delectationes vero morosas in conjugatis de copula habita, vel futura etiam in absentia compartis secluso periculo pollutionis non esse mortales, docet cum aliis *P. Gervasius*; quia copula conjugatis est licita, ergo & delectatio de illa, licet per accedens ob absentiam compartis exerceri nequeat, & cui licita est operatio, etiam licita est voluptas inde derivata in finem honestum ordinata, & cum tactus impudici inter conjuges solius voluptatis gratia, secluso periculo pollutionis, non sint mortales juxta communio-rem, nec eadem dele-

delectatio absente comparte, secluso periculo pollutionis videtur mortalis; quæ opinio, licet non careat fundamentis, prior tamen in praxi est securior, & tenenda. Non vero peccant viduus, sponsus, & conjugatus in absentia compartis de opere conjugali præterito, vel futuro se delectantes, vel gaudentes spiritualiter honesto sine absque carnis commotione; quia nihil approbant, nec amant, nisi, quod, & quatenus eis fuit, vel erit licitum, *Sylvius, Nav., Sylvest. apud Tourn., P. Gerv. Habert. contra P. Thom. ex Charm.* sic non peccat mortaliter viduus gaudens, sine carnis motione, se reddidisse comparti debitum, vel sponsus de futuro, & conjugatus de futuro, ac præterito matrimonii usu tanquam de actu iustitiæ, si delectatio sit spiritualis consistens in sola voluntate; quia est de re licita, nempe delectatione futura, vel præterita ipsis pro illis temporibus licita. Peccant vero graviter, si delectatio sistat in motione actuali, & sensibili in corpore, quæ de præsentibus ipsis est illicita; vel per accidens, si adsit periculum consensus delectationis venereæ; & propterea statim abijcienda; & sæpe non carent similes delectationes etiam spirituales omni culpa veniali, etiam secluso consensus delectationis venereæ periculo; quia sæpe sunt vanæ, & inutiles. 2. Peccat graviter gaudens de ipsa causa in se graviter mala effectus boni, vel etiam inculpate posita, sic filius de morte patris, non ut ipsius malum, sed ut est bonum gaudentis ob hæreditatem acquisitam, *Innoc. XI. in damnat. prop. 14.* vel de pollutione nocturna propter alleviationem naturæ; quia est in se mala; ac proinde in nullo casu appetibilis, non magis, ac mors patris propter hæreditatem, *Soto, Medina, Azor, Sylvius apud Tourn.* & quamvis S. Thomas videtur contrarius, attamen pollutionem nocturnam, ut rem mere naturalem, & secundum alleviationem, ac proinde secundum effectum considerat, & ut sic non est peccaminosa; quia non est peccatum, si delectatio sistat in solo effectu bono secuto, vel sine culpa secuturo; sic non peccat filius gaudens, non de morte patris, sed de hæreditate inde secuta; vel quia lites in familia propterea sunt sopitæ; sic non peccat gaudens non de ipsa pollutione nocturna, sed de alleviatione naturæ, de liberatione ab æstu tentationis, morbi periculo. 3. Graviter peccat se delectans de fornicatione, furto, homicidio sub conditione, si non essent

sent mala; sic cogitans: vellem fornicari, furari, occidere inimicum, si hæc non essent prohibita; vellem fornicationem non esse malam, ut possem sine culpa fornicari, &c. quia vult, quod non potest velle, nisi simul volendo malitiam ab objecto intrinsece malo voluto inseparabilem; non vero graviter peccat, dicens: vellem comedere carnes, si non esset quadragesima, nubere, si non essem Religiosus, vel voto ligatus, damnare reum ad mortem, si essem Iudex; quia in his malitia potest separari ab actu, qui non est intrinsece malus; similia tamen raro sunt sine culpa veniali; quia sæpe vanæ sunt, & inutiles locutiones sine honesto carentes. 3. Mortaliter peccat ponens causam per se, vel etiam causam per accidens, vel actionem in se non mortaliter malam, delectationes tamen venereas excitantem cum probabili consensus periculo. *Plura vide infra de luxuria.*

*Quar. 10. Quotuplex sit advertentia, & consensus, & quomodo cognoscatur materia gravitas?*

*Resp.* Advertentia in ordine ad peccatum dividitur, 1. in formalem, virtualem, & interpretativam. Advertentia formalis, seu expressa est ea, qua quis elicit actionem, quam hic, & nunc cognoscit, esse malam. Virtualis est illa, qua quis elicit actionem cum dubio, suspitione, vel scrupulo peccati, vel periculi illius, vel cum prævisione saltem confusa peccati in sua causa. Interpretativa, qua quis elicit actionem, cujus malitiam potuit, ac debuit advertere, sed per negligentiam culpabilem non advertit; potuit autem, ac debuit quis advertere, 1. quando advertit opus, quod aggreditur, plus mereri considerationis, nec tamen majorem adhibet, vel quando advertit obligationem melius inquirendi, & non inquit, 2. Quando agens vult aliud, quod cum seria rei faciendæ consideratione cohærere nequit. 3. Quando se non exuit defectu, qui advertentiam tollit, ut est præcipitatio in agendo, negligentia in attendendo, &c. *vide tract. de Act. hum. Q. 2. Quarit. 6. & 15.*

2. Dividitur in advertentiam plenam, & perfectam; qua homo sibi præsens, & sui compos malitiam actus advertit, vel advertere potest, quantum sufficit; & in semiplenam, & imperfectam, qua homo non satis sibi præsens, vel sui compos, ut actionis malitiam, quantum sufficit, advertere possit, ut semi-dormiens.

3. Con-

3. Consensus etiam triplex est, formalis, virtualis, & interpretativus, ut supra *de delect. mor.*; & ulterius dividitur in plenum, quo voluntas cum plena deliberatione objectum intellectu propositum amplectitur; & semi-plenum, quo voluntas absque perfecta deliberatione, seu approbatione objectum amplectitur, ut in semi-dormiente, semi-ebrio, in infantibus ante perfectum rationis usum, & in agentibus ex inadvertentia mere naturali, præcipitatione, perturbatione, &c. In dubio, non plene consensisse supponitur, 1. si Deum timeat, & alias potius mori, quam scdari voluerit; secus si alias consentire consueverit; quia præsumptio prudenter petitur a consuetis. 2. Si dubitet, an vigilans, vel dormiens, sui compos, vel impos quidpiam fecerit; quia qui plena advertentiâ egit, se vigilasse, bene sentire solet; vel si extra somnum non fieri soleat, signum est, fuisse factum in somno. 3. Si occasionem malum facile exequendi abjecerit; quia signum est contrariæ voluntatis. 4. Si loquitur, tangit, videt fortuito, & obiter; secus, si fiat reiterato circa idem objectum, & eodem tempore; quia actiones externæ reiteratæ solent fieri imperio voluntatis, interiores vero sæpe illa renitente, vel non advertente.

4. Materix gravitas ex quadruplici capite colligitur, 1. ex auctoritate scripturæ declarantis aliquam actionem abominabilem, morte dignam, a Regno Dei, excludentem. 2. Ex auctoritate Ecclesiæ, SS. Patrum, ex communi sapientum sensu actionem peccatum mortale æstimantium. 3. Ex lege humana iusta sub mortali in materia notabili obligante. 4. Ex ratione naturali dictante, aliquid charitati Dei, vel proximi graviter repugnare. Materix vero gravis notabilis quantitas colligitur ex fine præcepti cum omnibus suis circumstantiis, ita, ut si materix quantitas graviter obsit fini a præcepto intento, materia censeatur notabilis; quando autem in particulari graviter obsit fini a præcepto intento, variæ sunt Doctorum opiniones in suis locis examinandæ; & in quibusdam materiis quælibet materia est notabilis; sic non datur parvitas materix, 1. in iis, quæ sunt immediate contra Deum, & Religionem, ut odium, & contemptus Dei, blasphemia, infidelitas, desperatio, perjurium, simonia. 2. In iis, quæ sunt contra Sacramenta, ut irritatio Sacramentorum, fractio sigilli sacramentalis, & jejunii natura-

turalis ante Eucharistiam, &c. 3. Quæ gravem in peccatore important deformitatem, & corruptionem, ut ebrietas, luxuria, homicidium, contemptus formalis Superioris, delectationes venereæ, etiam secluso periculo pollutionis, & consensus in fornicationem.

*Quar. 11. An dentur peccata ex natura sua mortalia, & an malitia illorum sit infinita?*

*Dico.* Dantur peccata ex natura sua mortalia; ita Catholici omnes; quia peccata quædam mortem æternam asferunt, & a Regno Dei excludunt, ut testatur Scriptura. Malitia tamen illorum non est intrinsece, & simpliciter infinita; quia habet terminum, ultra quem potest augeri, vel minui, cum detur malitia major, & minor in diversis peccatis; sed solum secundum quid extrinsece, & objective, seu terminative; quia tendit in objectum infinitum, nempe Deum offensum.

*Quar. 12. Quanam requirantur ad peccatum mortale?*

*Dico.* Ad peccatum mortale tria requiruntur, nempe 1. plena advertentia. 2. Perfectus consensus. 3. Materia gravis includens notabilem quantitatem; quia ad malum tam grande, quod in genere morum est gravissimum, amicitiam Dei dissolvens, pœnamque æternam inferens, non videtur sufficere semiplena advertentia, consensus imperfectus, ac materia levis; & Dei bonitati repugnat, ob rem levem mala tam gravia imponere; non tamen requiritur consensus actualis formalis, vel virtualis; sed sufficit etiam interpretativus consistens in eo, quod quis possit, ac debeat advertere malitiam, vel ejus periculum, prout solet contingere in peccante, 1. ex ignorantia culpabili. 2. Ex conscientia culpabiliter erronea. 3. Ex consuetudine voluntaria. 4. Ex voluntaria propriæ voluntatis obcæcatione; quia omnes actu, dum peccant, non solent advertere malitiam, nec ejus periculum; eam tamen advertunt actu, vel illius periculum, aut obligationem melius inquirendi, cum scitu necessaria addiscere voluntarie neglexerunt, vel pravam consuetudinem, conscientiam erroneam, vel cordis cæcitatem contraxerunt; vel stimulum veræ conscientię malitiose suppresserunt. *Vide supra de peccatis ignor. Quar. 3.*

*Quar. 13. Quanam sint pœna peccati mortalis?*

*Dico.* Pœnæ peccati mortalis personalis sunt pœnæ damni, & pœnæ sensus, ambæ æternæ, ut fides docet; quæ



quæ non possunt infligi ut pœnæ vindicativæ propriæ di-  
ctæ, nisi ob propriam culpam, bene autem ut medicina-  
les; quia *filius non portabit iniquitatem patris Ezech. 18.*  
potest etiam unum mortale esse pœna alterius permissive;  
quia Deus in pœnam peccati præcedentis speciales gra-  
tias, quibus quis mortale subsequens evitasset, quandoque  
subtrahere solet, & eum in graviora labi, permittit.

*Quar. 14. Quotuplex sit peccatum mortale, & veniale?*

*Resp.* Peccatum mortale, aliud est mortale ex genere  
suo, cujus malitia ex objecto sumpta in certa quantitate  
est per se gravis, ut furtum. Aliud est mortale ex toto  
genere suo, quod non admittit parvitatem materiæ, de  
quo supra. Aliud est mortale per accidens, cujus mali-  
tia, licet ex objecto levis, sit tamen gravis ratione alicu-  
jus circumstantiæ, vel finis: veniale vero ex genere suo  
est illud, cujus malitia ex objecto gravis, defectu notabi-  
lis quantitatis, vel plenæ advertentiæ, vel pleni consen-  
sus fit levis.

*Quar. 15. An dentur peccata ex natura sua venialia,  
& quomodo differant a mortali?*

*Dico.* Dantur peccata ex natura sua venialia, quæ quan-  
tumcunque in propria materia, & objecto crescunt, non  
sunt mortalia, ut verbum otiosum, &c. patet ex damna-  
tione propof. Mich. Bay. a S. Pio V. & Gregor. X. dan-  
tur etiam venialia per accidens ex defectu notabilis quan-  
tatis materiæ, ut furtum leve, & ex defectu perfectæ  
deliberationis, & consensus, ut delectatio turpis imperfe-  
ctæ deliberata. Differt autem peccatum veniale a mortali  
præsertim, quia per peccatum mortale homo ita se aver-  
tit a Deo, ut virtualiter saltem, & interpretative finem  
suum ultimum constituat in creatura, quam Deo præfert,  
ut ait Apostolus ad Phil. 3. *quorum Deus ventor est;* non  
vero per peccatum veniale, sed Deum appetitive plus  
diligat, quam creaturam, quam deferere habitualiter est  
dispositus, si per illam Dei amorem graviter lædi, vel  
omnino amitti, intelligeret.

*Quar. 16. An peccatum mortale possit fieri veniale, ac  
veniale mortale, & quomodo peccata venialia disponant ad  
mortalia?*

*Dico.* Omne peccatum ex genere suo mortale potest  
fieri veniale, 1. ex defectu plenæ advertentiæ, & perfec-  
ti consensus, 2. Ex defectu notabilis quantitatis mate-  
riæ,

riæ, si illius parvitatem admittat. Peccata vero ex natura sua venialia non possunt fieri mortalia per solam actus multiplicationem; quia plura verba otiosa, plura mendacia jocosa, quomodocumque multiplicata, non efficiunt mortale; per accidens autem possunt fieri mortalia; 1. Ratione prævæ dispositionis agentis constituentis finem suum ultimum explicite, vel implicite in veniali, ita, ut potius velit peccare, mortaliter quam deferere veniale; vel volentis facere veniale, quamvis sciret esse mortale; vel existimantis per conscientiam erroneam esse mortale, quod solum est veniale. 2. Ratione finis mortaliter mali. 3. Ratione gravis scandali. 4. Ratione periculi proximi peccandi graviter. 5. Ratione contemptus formalis Superiorum. 6. Ratione unionis moralis materiæ per intentionem perveniendi ad notabilem quantitatem, vel per attentionem, se pervenisse ad quantitatem notabilem, vel per ordinem ad eandem legis observationem. Peccata venialia per accidens defectu quantitatis notabilis, vel plenæ advertentiæ, & consensus directe disponunt ad mortalia; quia, qui sæpe furatur res parvas inclinatur ad maiorem quantitatem; qui admittit in se delectationes turpes imperfecte delibertas, inclinatur ad perfecte deliberatas admittendas; peccata vero ex genere, & natura sua venialia disponunt saltem indirecte ad mortalia: quia remonent id, quod mortalia impedit, nempe fervorem charitatis, specialem in tentationibus Dei assistentiam, & speciales gratias, augentque cupiditatem.

*Hinc*, 1. Graviter peccat nolens aliam beatitudinem, quam bibere, & frui temporalibus. 2. Verba jocosa proferens cum intentione fornicationis, vel cum gravi scandalo proximi. 3. Volens omnia committere venialia; quia proximo se exponit periculo peccati mortalis; vel Religiosus statuens, solum servare sub mortali præcepta; quia tenetur tendere ad perfectionem. 4. Renuens subjici Superiori, ut Superior est. 5. In eadem die jejunii sæpius pauca comedens, vel in eodem Festo sæpe modica laborans, plures versus in officio ejusdem diei omittens, ita, ut notabilis quantitas resultet; quia coalescunt per ordinem ad eandem legem. Non vero mortaliter, sed solum venialiter peccat singulis diebus unum, aut alterum versum omittens, vel singulis diebus Dominicis per quadragesimam laborans, qualibet die quadragesimæ modicum panis

manducans; quia non coalescunt ratione materiæ, cum non ad unam numero obligationem spectant.

*Quar. 17. Quanam sint pœna peccati venialis in hac, & in altera vita?*

*Dico.* Pœnæ peccati venialis hujus vitæ sunt 1. adversitates, dolores, morbi, & ipsa mors; paret in punitio-  
ne Moysis, uxoris Loth, & Ozæ. 2. Subtractio gratia-  
rum specialium, quibus mortalia quis evitasset, & salu-  
tem æternam fuisset consecutus: In altera vero vita sunt  
dolores gravissimi ignis Purgatorii in iis, qui in Domino  
moriuntur; & æterni dolores in damnatis quoad venialia  
in hac vita quoad culpam non remissa; quia tamdiu re-  
manet pœna, quamdiu remanet ejus culpa, cujus in in-  
ferno nulla datur remissio, & temporales venialium quoad  
culpam remissorum, s. *Thomas*; quia nihil obstat solutio-  
ni pœnarum per satisfactionem venialium, vel mortalium,  
quoad culpam remissorum, *Scot. Tourn. Thom. ex Charm.*

### Q U Æ S T I O III.

#### DE PECCATIS CAPITALIBUS.

*Quaritur. 1. Quot sint Peccata capitalia?*

*Resp.* SEPTem sunt Peccata capitalia: superbia, ira, ava-  
ritia, invidia, acedia, gula, luxuria.

*Quar. 2. Quid, & quæplex sit superbia, & quot sint  
illius filia?*

*Resp. 1.* Superbia est appetitus inordinatus propriæ ex-  
cellentiæ. Alia est completa, seu perfecta, qua quis bo-  
na a Deo solo, accepta gratuito a seipso habere, vel pro  
suis meritis accepisse existimat. Alia incompleta, seu im-  
perfecta, qua quis bona sibi arrogat, quæ non habet, vel  
ob ea, quæ quidem a Deo habere agnoscit, plus æquose  
alia præfert, vel extollit.

2. Species seu filia superbiæ imperfectæ sunt tres, 1.  
Præsumptio, quæ est appetitus inordinatus aliquid suas  
vires superans, aggrediendi. 4. Ambitio, quæ est inordi-  
natus honorum, & dignitatum appetitus. 3. Vana gloria,  
quæ est inordinatus laudis humanæ appetitus. Hujus alia  
sunt

sunt novem filiae, nempe 1. Inobedientia, quae est mandati Superioris transgressio cum contemptu, 2. Jactantia, quae est inanis, ac stulta propriae excellentiae praedicatio. 3. Hypocrysis, quae est simulatio virtutis, vel iustitiae, quam quis non habet. 4. Contentio, quae est impugnatio veritatis modo inordinato. 5. Discordia, quae est inordinata voluntatum contrarietas circa bonum. 6. Pertinacia, quae est nimia proprio iudicio adhaesio contra veritatem cognitam, vel sufficienter propositam. 7. Inventio novitatum, qua quis propriae excellentiae manifestandae, vel vanae gloriae studio, nova admirationem ingerentia excogitat. 8. Curiositas, quae est appetitus inordinatus sciendi vana, & supra statum suum. 9. Ingratitudo, quae est contemptus, & oblivio beneficii accepti; ac proinde in toto sunt duodecim superbiae species.

*Quar. 3. Quale peccatum sit superbia, & quanam sint contra superbiam remedia?*

*Dico.* Superbia perfecta est peccatum ex genere suo mortale; quia Deum contemnit, negando eum boni cujuslibet auctorem, vel eum faciendo boni collati auctorem ex debito; & quidem peccatum primum, & maximum, ac periculosissimum; quia est initium omnis peccati, *s. August.* directe peccatorem a Deo avertens, cui subesse renuit, & ruina omnium virtutum, *s. Isid.* Superbia vero imperfecta cum suis filiabus est ex genere suo veniale; quia non ita graviter repugnat charitati Dei, vel proximi; fit autem mortale per accidens. 1. si fiat cum gravi contemptu Dei, Superiorum, vel proximi. 2. Si fiat cum gravi damno proximi. 3. Ratione finis; affectus, ac mediorum mortaliter malorum. Remedia contra superbiam sunt 1. cognitio sui. 2. Consideratio brevitatis omnium temporalium. 3. Recordatio poenarum superbiae in Angelis, Adamo, &c. 4. Conversatio cum humilibus. 5. Exercitium humilium, ut visitare infirmos, servire pauperibus, tenere locum ultimum, despiciere seipsum, sibi diffidere, se Dei donis indignum & omnium minimum reputare, nolle honorari, vel laudari, sed velle contemni, &c. 6. Oratio. 7. Exemplum Christi humiliantis seipsum usque in mortem crucis.

*Hinc:* graviter peccat superbia perfecta se de bonis corporis, vel animae glorificans, quasi ea non acceperit, vel quasi sibi fuissent a Deo debita; & contra superbiam

*imper-*

*imperfectam*. 1. *presumptione*, exercens, vel quærens officia Confessarii, Superioris, Judicis, Medici, &c. absque scientia sufficienti, vel sine experientia, navim per mare tumidum regere præsumens, velequum ferocem cum periculo sibi graviter nocendi conscendens, vel suam salutem sine bonis operibus sperans, vel ad venerea proclivis solus cum sola juveni manens, vel alia consortia impudica frequentans, in quibus sæpe suam expertus est fragilitatem, licet peccare non intendat. 2. *Ambitione* alios dominandi cupiditate ab obedientia Deo, vel Superioribus debita subtrahens, vel præminentiam quærens, injuste impediendo alios pro gloria Dei augenda, & salute proximi procuranda magis idoneos; vel per media graviter illicita, ut per simoniam, fraudem, detractionem; vel affectu nimis inordinato, ita, ut quis mallet peccare mortaliter, quam honores non adipisci, vel eos dimittere, vel sine ullo honoris titulo honorem sibi indebitum violenter exigens. 3. *Vana gloria* diligens gloriam hominum magis, quam gloriam Dei, finem ultimum in ea constituens, nolendo recedere a doctrina, vel opinione falsa, etiam jubente Ecclesia, vel Episcopo, ne oppropria incurrat hominum, vel ex eodem timore in materiis difficilibus consulere negligens, vel ad meliorem statum redire nolens, vel gloriam quærens ex re mortaliter mala, ut ex fornicatione, duello, &c. vel quærens, aut defendens propriam gloriam cum iniqua, & gravi proximi depressione, contemptu, calumnia, detractione, vel de proximi honore, ac notabili excellentia notabiliter se contristans; vel pro victus, & vestitus splendore debita viribus suis majora cum gravi proximi detrimento contrahens, vel status sui gloriam cum injusta vicinorum invasione amplificans, vel gloriæ cupiditate periculosa consilia, scripta, præcepta, &c. suggerens. 4. *Inobedientia*, ex contemptu formali Superioris mandatum transgrediens. 5. *Insipientia* se extollendo supra Deum, ut Lucifer dicens: similis ero altissimo; vel derogando honori proximi, ut ille Phariseus dicens: non sum sicut cæteri homines, raptores, injusti, &c. vel se justificando, se rem habuisse cum tali scemina honesta, vel cum scandalo alios in idem peccatum inducendo, vel commissum approbando; vel de qualitatibus fictitiis, vel divitiis ementitis, ut uxorem se longe ditiozem obtineat, officia, vel beneficia, quæ non meretur, acquirat, sua arte me-

dicinæ, &c. pecuniam lucretur, aliis nocendo. 6. *Hypocrysi*, sanctitatem contemnens, eamve externe solum simulans, & in peccatis gravibus perseverans, se iustum externe exhibens, ut falsam doctrinam eo efficacius disseminet, dignitates Ecclesiasticas indignus acquirat; sacram Communionem indigne suscipiens, ne devotionis nomine falso-acquisito excidat. 7. *Contentione*, veritates fidei, vel moralis Christianæ doctrinæ, vel ad pietatem spectantes ut Immaculatæ Conceptionis, contentiose impugnans, vel causam injustam dolose defendens. 8. *Discordia*, disseminans in communitate, vel familia discordias cum notabili detrimento. 9. *Pertinacia*, cum gravi Dei, Superiorum, vel proximi injuria, contemptu, vel detrimento à sua opinione recedere nolens. *Inventione novitatum*, in vestibus, ornamentis, nuditate, doctrina, modestiæ, vel castitati, aut bonis moribus contrariis. 11. *Curiositate*, investigando modos agendi turpia secretos, vel legendo libros lascivos, periculosos, puritati contrarios, vel inquirendo supra suum statum sibi, vel proximo graviter nociva, vel sub sigillo confessionis, vel sub secreto, vel juramento occultanda; vel simpliciter legendo Bibliam, sine Confessarii licentia cum damno, vel periculo. 2. *Ingratitudine*, suos benefactores insignes graviter despiciendo, reciproca beneficia in gravi necessitate denegando.

*Quar. 4. Quid sit ira, & quam sint illius filia?*

*Resp. 1.* Ira in genere, prout potest esse bona, vel mala, est appetitus vindictæ; specificè vero, ut est mala, est appetitus inordinatus vindictæ in res ratione utentes; vel quasi vindictæ, nempe in res inanimatas, sic scholasticus calamum, vel artifex instrumentum præ ira comminuens, qui non propriè vindictam exercet; potest autem ira esse inordinata, vel ex parte objecti, volendo vindictam ei, qui eam non meruit, vel majorem, quam meruit, vel inferendam sine justa auctoritate, vel non propter debitum finem justæ punitionis, vel correctionis, sed ut satiativam malevoli cordis; vel potest esse inordinata ex parte modi, irascendo nimis ardentè interius; vel nimis exterius manifestando signa iræ.

2. Filiæ iræ vulgo sex numerantur, 1. indignatio, quæ est animi commotio, qua quis ob injuriam sibi, vel suis factam proximum officiorum charitatis reputat indignum. 2. Timor mentis, qui est quidam animi æstus diversa vindictæ

### Q. 3. DE PECCATIS CAPITALIBUS. 387

dictæ media omni conatu excogitantis. 3. Clamor, qui est inordinata, & confusa vocis elatio. 4. Blasphemia, quæ est injuriosa contra Deum, vel Sanctos locutio. 5. Contumelia, quæ est sermo injuriosus contra proximum sermonem injuriosum audientem. 6. Rixa, quæ est pugna manum ex ira auctoritate privata se invicem percutientium.

*Quar. 5. Quale peccatum sit ira, & quam sint, illam, contra, remedia?*

*Dico.* Ira ex parte objecti inordinata, est peccatum ex natura sua mortale; quia charitati, ac justitiæ graviter opponitur, nisi defectus pleni consensus, vel parvitas materiæ excuset; inordinata vero solum ex parte modi per se est tantum veniale, s. *Thom.* per accidens sit mortale ratione scandali, convitii, blasphemix, maledicti, vel si alio modo sibi, vel aliis graviter noceat: & est nullum peccatum, si nec in modo, vel objecto, nec in fine deficiat; sed pro correctione culpæ, & conservatione justitiæ fiat; quia Psalmista ait: *Israëlimini, & nolite peccare.* Remedia contra iram sunt 1. iræ, etiam juste pulsanti non aperire penetralia cordis, s. *Aug.* quia facile excedit. 2. Nihil agere ex, vel in ira, sed ea sedata s. *Ambr.* 3. Elicere sæpius actus iræ oppositos, ut charitatis, humilitatis, patientiæ, mansuetudinis. 4. Considerare injustitiam iræ, tristisque illius effectus. 5. Meditatio mansuetudinis Christi 6. Oratio.

*Hinc:* graviter peccat 1. optans mortem inimico, vel furi ob leve furtum, vel damnum sibi illatum, vel ob grave, sed a se, vel privato inferendam. 2. Superior gravem volens pœnam etiam subito debitam non justitiæ, vel correctionis, sed gravis iræ satiandæ causa. 3. Irascens cum gravi aliorum scandalo, vel gravibus convitiis, vel blasphemis, maledictis, vel nocumento propriæ valetudinis, destructione fenestrarum, vasorum, aliove notabili damno, vel negando charitatis officia sub mortali debita. Venialiter autem solum peccat nimio solum ardore irascens sine alio damno, vel gravi contemptu, vel inordinatam volens vindictam in minimis solum punitionibus vel quasi vindictam frangendo calamus a scribeute, vel penicillum a pictore.

*Quar. 6. Quid sit avaritia, & quam sint illius filii.*  
*Resp. 1.* Avaritia est amor, seu appetitus inordinatus

divitiarum; appetitus autem potest esse inordinatus, 1. ratione objecti, aliena concupiscendo, accipiendo, retinendo, vel propriis ardentius inhærendo, sine modo ea prosequendo, eis complacendo, vel indigentibus non satis dando. 2. Ratione finis, ultimum finem in iis constituendo.

2. Filiæ avaritiæ sunt septem, 1. proditio, quæ est illicita manifestatio rei, vel personæ in proximi detrimentum contra fidem debitam divitiarum causa. 2. Fraus, quæ est deceptio proximi per facta injusta, ut emendo, vendendo. 3. Fallacia, seu dolus, qui est deceptio proximi per verba dolosa. 4. Perjurium, quod est deceptio proximi per juramenta. 5. Inquietudo mentis, quæ est nimis anxia mentis attentio ad divitias inquirendas, conservandasve. 6. Violentia, quæ est rei alienæ per vim usurpatio. 7. Obduratio cordis, seu immisericordia, quæ est tenax rebus terrenis adhæsiō.

*Quar. 7. Quale sit peccatum avaritia, & quanam sint contra illam remedia?*

*Dico.* Avaritia quatenus charitati, & iustitiæ graviter opponitur, est ex genere suo peccatum mortale; quia divitiæ amor Deo, & proximo debito præferuntur; est autem veniale, si solum opponatur liberalitati; quia amor divitiarum amor Dei, & proximi non præferuntur, nec aliquid grave contra Deum, vel proximum intendit, s. *Thom.* media contra avaritiam sunt 1. consideratio brevitatis vitæ. 2. Difficultatis introeundi cum illis in Regnum Dei. 3. Exempli Christi pauperis, & Sanctorum. 4. Contemptus, & insatiabilitatis avarorum.

*Hinc:* graviter peccat, 1. opes, & bona per fas, & nefas acquirere paratus, &c. ita affectus, ut potius fallere, perjurare, &c. quam a lucro abstinere velit; vel ita cupide sua retinens, ut nec exigente Dei gloria, nec pro salute proximi, vel pro gravi, aut extrema eius necessitate sublevenda eorum jacturam, vel diminutionem pati velit. 2. Superflua modo nimis inordinato congerens, & populo fame attrito frumenta recondens usque dum ad excessum pertingant pretium; quia charitatem, præcipue erga pauperes, graviter lædit. 3. Talentum prædicationis habens ob bona temporalia fame Verbi Dei animas perire sinens, *Tourn.* 4. Proditione personæ, ut Judas Christum tradidit; vel proditione loci, ostendendo hostibus viam,



ac modum ingrediendi civitatem; vel prodicione rei ostendendo, seu manifestando furi bona abscondita, vel prodicione secreti aperiendo literas, vel arcanum suæ fidei commissum; excusatur tamen a mortali, si certo constet literas continere res parvi momenti, & a veniali, si eas aperiat auctoritate publica, vel certo sciat, eas in sui, vel proximi, præcipue communitalis, damnum esse scriptas; vel si res sub secreto commissæ cedat in corruptionem multitudinis, vel spiritualem ut hæresis, vel corporalem, ut excidium patriæ, incendium pagi, vel in grave alicujus personæ damnum, ut vitæ, famæ, vel bonorum; in his enim solus Confessarius tenetur ad secretum: alius enim illud servando læderet charitatem alteri debitam. Secus vero præjudicio tertii nec ex præcepto Superioris illud prodere licet, *S. Thom. apud Tourn.* quia servare fidem promissam est de præcepto naturalis.

*Quæ. 3. Quid sit invidia, & quam sint ejus filie?*

*Resp.* 1. Invidia est tristitia de bono proximi quatenus est propriæ excellentiæ diminutivum; quia si ex alio motivo quis contristetur de bonis proximi, non est invidia. Sic non est invidia, si quis tristetur de bonis proximi, quia ipsi est inimicus, sed est odium; vel de bonis prodigi ea dilapidantis, vel avari ea turpiter recondentis, sed iusta indignatio; vel de bonis peccatorum, quia illis sunt indigni, sed est zelus inordinatus; vel de potestate alterius, quia damnum sibi, vel alteri inde imminet, sed est iustus timor; vel de bonis alterius, non quia ille ea possidet, sed quia sibi defunt; & sic est æmulatio.

2. Filix invidiæ sunt quinque, 1. odium proximi. 2. Contumelia. 3. Detractio. 4. Exultatio de adversis, & afflictio de prosperis proximi. 5. Sufurratio, de quibus alibi.

*Quæ. 9. Quale invidia sit peccatum, & quam sint contra illam remedia?*

*Dico.* Invidia est peccatum ex genere suo mortale, nisi levitas materiæ, vel inadvertentia, aut finis bonus excuset; quia opponitur charitati, cujus est gaudere de bono proximi, & dolere de illius malo. Remedia contra invidiam sunt, 1. consideratio illius detestabilitatis; quia dæmoni reddit similes, & inutiliter cruciat; & nocet. 2. Contemptus honorum, ac bonorum temporalium.

*Hinc:* graviter peccat, 1. de divitiis, vel honore proximi

ximi graviter se contristans, quatenus sua bona, vel honorem inde imminui credit. Non vero peccat se contristans; quia sibi deest virtus, scientia, lucrum, quod alius ex eadem arte percepit; quia non de bono alterius, sed de suo dolet malo, quod comparative ad alios melius percipit; nec est peccatum desiderare penuriam annonæ, tempestatem, &c. ob finem bonum, ut populus miseriis pressus a vitiis ablineat, ad Deum se convertat; nec peccat desiderans mortem Turcarum pro necessitate Ecclesiæ, redemptione, ac defensione Christianorum, vide *Tract. 4. Q. 6. Quar. 1. Hinc. n. 5.*

*Quar. 10. Quid sit acedia, & quot sint ejus filia?*

*Resp. 1.* Acedia, seu desidia generalis, prout reperitur in omni vitio, est tædium, & tristitia de exercitio virtutum, prout est laboriosum, corpori molestum, delectationis impeditivum, &c. prout vero speciale est vitium, est tristitia, ac tædium de bonis divinis, ut ad nos pertinentibus, nobisque præceptis, ut si quis tristetur de amicitia Dei, de vitæ æterna comparanda per fugam voluptatis prohibetæ, & difficile virtutis exercitium.

2. Filie acediæ sunt sex, 1. malicia, qua quis bona spiritualia odit, contemnit, deridet, velletque, ea non esse. 2. Desperatio, qua quis assecutionem beatitudinis sibi impossibilem existimans, de ea obtinenda diffidit. 3. Pusillanimitas, quæ est vitiosa de viribus suis diffidentia, qua Dei consilia, aut præcepta omittit. 4. Rancor, qui est indignatio quædam in eos, qui nos ad spiritualia inducere volunt. 5. Torpor, qui est languor animi, quo bonum inceptum omittitur, vel negligenter impletur. 6. Evagatio mentis, qua anima præ tædio spiritualium in oratione, aliisque exercitiis spiritualibus ad exteriora se diffundit.

*Quar. 11. Quale acedia sit peccatum, & quamam sint contra illam remedia?*

*Dico:* Acedia, prout est speciale vitium, est peccatum ex genere suo mortale; quia graviter adversatur charitati, Deique amicitiam, ac vitam æternam parvi pendit, & virtutum exercitio indigna reputat; generalis vero non est peccatum ab aliis, quorum est causa, distinctum; quia omne vitium retardat a virtute sibi opposita, & sufficit in confessione dicere peccatum ex acedia commissum. Remedia contra acediam sunt, 1. considerare, neminem amplius

plius post hanc vitam posse meritorie operari. 2. Meditatio laborum, & passionum Christi, & Sanctorum, brevitate laboris virtutum, & æternitatis mercedis. 3. Consideratio laborum pro corona corruptili, & pro æterna longe majores adhibendos esse.

*Hinc:* graviter peccat, 1. nolens esse Sacramenta, ne debeat ea frequentare; nec Religionem, ne debeat eam servare; nec Christum, ne debeat eum sequi. 2. Ex tristitia appetens mortem, vel se nunquam fuisse, vel esse bestiam, ne præcepta debeat servare. 3. Ex desperatione suæ salutis bona præcepta negligens, vel ex nimia suæ infirmitatis diffidentia ea omittens. 4. Præ tædio nolens ad salutem necessaria addiscere, officia a Superiore imposita cum obstinatione recusans accipere, in virtute nolens proficere, præcipue, si sit Religiosus, sed totum tempus volens nugis, ludis, colloquiis terrere, nullamque præ tædio suæ salutis curam habere. 5. In oratione, vel aliis spiritualibus exercitiis præceptis voluntarie, ac notabiliter divagans; non vero est mortale contristari de jejuniis, oratione, confessione, prout sunt laboriosa, & corpori molesta.

*Quar. 12. Quid, & quotuplex sit gula, & quot sint ejus filia?*

*Resp. 1.* Gula est inordinatus appetitus cibi, & potus; & committitur quinque modis in hoc versu contentis.

*Præpropere, laute, nimis, ardentè, studiose.*

Dividitur in comestationem, seu crapulam, quæ est excessus, quo omnino sanus ita se cibis ingurgitat, ut ad vomitum moveatur; & ebrietatem, quæ est excessus voluntarius in potu, usque ad violentam privationem usus rationis, cujus tres sunt gradus, 1. usque ad rationis obnubilationem. 2. Usque ad organorum turbationem, & cordis aggravationem. 3. Usque ad rationis subversionem.

2. Filiæ gulæ sunt quinque, 1. hebetudo mentis, quæ est stupiditas orta ex crapula. 2. Inepta lætitia movens ad actus turpes, choreas, cantilenas obscœnas, &c. 3. Scurrilitas, quæ est immoderatio in jocis, & facetiis. 4. Multiloquium, quod est superfluitas verborum. 5. Immunditia, quæ fit per vomitum, pollutionem, &c.

*Quar. 13. Quale gula sit peccatum, & quam sint contra illam remedia?*

*Dico.* Gula quoad utramque suam speciem est peccatum

circumstantiis dijudicandum est, *Bill. 3.* Alios ad gravem excessum in cibo, vel potu excitans, de vini fortitudine non monens, ebrietati proximis vinum ministrans, ebrietatem non impediens; nisi gravioris incommodi imminens periculum eos excuset, *Paul. Lugd., Henno apud Tourn.* 4. Dilapidans bona pro sustentatione familiæ, vel pauperum ex præcepto adhibenda, vel conjuges, aut parentes, &c. propterea gravi mærore, vel anxietate afficiens, vel strepitus in diebus Festivis notabiles excitans. 5. Patres familias in sua familia, vel Ecclesiastici in publico ex nimio vini usu titubantes, scandalumque procreantes. 6. Milites inebrians, ut ad defensionem impotentes vincantur, vel e carcere ipsis dormientibus effugiat; vel se aut alios inebrians, etiam ex consilio Medici, ut sanitatem, vel rationis usum recuperet, *S. Antonin.* & alii; quia est intrinsece malum. 7. Carnes crudas animalium sine necessitate manducans venialiter saltem peccat, quia est quædam voracitas; & graviter, si edat humanas; nisi in medicina.

*Quar. 14. Quid & quatuorplex sit luxuria, & quot sint species, ac filia luxuria.*

*Prænot.* Sicut lutulenta hæc luxuriæ materia mortiferum spirans fœtorem pro sola Confessariorum notitia necessaria, & animarum salute ex variis auctoribus fuit hic posita, eadem intentione cum protestatione contra omnia indecentia eam privatim cum aversione pervadas, prius tecum orans: *ure igne Sancti Spiritus renes nostros, & cor; nostrum Domine, ut tibi casto corpore serviamus, & mundo corde placeamus, per Christum Virginem, Virginis filium, & Virginum sponsum, amen.* Facta hæc protestatione, & oratione.

*Resp. 1.* Luxuria est inordinatus voluptatis venereæ appetitus, vel usus. Triplex distinguitur in hac materia delectatio, nempe 1. spiritualis, quæ residet in sola voluntate sine ullo motu sensibili in corpore. 2. Mere sensibilis, seu organica, quæ oritur ex conformitate rei, v. g. tactæ, visæ, vel auditæ, cum organis sine ulla commotione spirituum genitalium circa partes venereas. 3. Venerea, seu libidinosa, quæ sentitur circa partes venereas ex commotione spirituum generationi inservientium. 2. Commotio carnalis duplex est, videlicet, levis saltem physice, quæ quidem est quædam levis humor sper-

ma-

matici generationi inservientis motio, ac e lumbis decisio, a pollutione tamem adhuc longe distans, ac proinde non nisi late, & remote, potest dici illius inchoatio, ut iurgium homicidii, *Billuart*; alia vehemens, ac notabile, quæ in homine sano proximum seminis emittendi continet periculum, ac proinde propinqua pollutionis inchoatio dici potest.

3. Causa delectationis etiam duplex est; nimirum causa per se, quæ ad illam causandam ordinatur, nec alium ex se habet effectum, ut tactus veneris affectu libidinoso factus; & causa per accidens, quæ ex se non ad talem effectum, sed ad alium ordinatur, ut cibus, & vinum ex voluptate sumptum, tactus in partibus inhonestis medendi causa facti, qui causant per accidens delectationem, & pollutionem non intentam. *P. Gerv.* quamvis etiam ob naturam corruptam apti sint illam producendi.

4. Causæ, vel actiones aliæ graviter moventur, ac influunt in delectationem, ut tactus, vel visus impudicus in partibus inhonestis alterius sexus; quia ex se vim habent graviter movendi naturam. Aliæ leviter, ut aspectus fixus, ac morosus pulchræ mulieris in faciem, vel tactus levis, ac transitorius ex joco, vel levitate in partibus honestis factus, colloquia honesta juvenum diversi sexus; quia ex se vim non habent movendi naturam, nisi leviter, & per accidens graviter, *Billuart*.

5. Luxuria duplex est, alia perfecta, quæ fit cum seminis effusione. Alia imperfecta, quæ fit osculis, tactibus, aspectibus, veneris, verbis, scriptis, representationibus lascivis, &c. sine effusione seminis, quæ impudicitia dicitur.

6. Septem sunt species luxuriæ perfectæ: videlicet: 1. fornicatio, quæ est copula carnalis soluti cum soluta corrupta; si enim non est corrupta, est stuprum. 2. est adulterium, quod est copula inter personas, quarum alterutra, vel utraque juncta est matrimonio. 3. stuprum, quod late est illicita virginis, sive masculi, sive fœminæ defloratio: strictius vero solius fœminæ per claustrum virginis infractionem, quod, cum in masculo non fiat, respectu illius, non nisi late stuprum dicitur: in confessione tamen vis illata aperiri debet, sicut illata corruptæ propter injustitiam, vi, fraude, metu, precibus, vel blanditiis nimis importunis illatam. Virginitas, prout con-

consistit in carnis integritate amittitur per claustrī virginalis infractionem, sumpta vero pro speciali virtute per pollutionem lethalem. Stuprum triplex est 1. cum virgine coacta, vel fraude, blanditiis, vel metu seducta. 2. Cum consentiente virgine invitis parentibus, vel tutore, sub quorum est custodia. 3. Consentientibus puella, & parentibus; quia saltem occurrit deformitas contra charitatem sibi debitam, viam sibi aperiendo meretricandi, & ponendo impedimentum matrimonii. 4. est raptus, qui est violenta alicujus personæ (masculi, vel feminae nuptæ, vel innuptæ, virginis, vel corruptæ) abductio, libidinis implendæ causa: requiritur, ut fiat abductio de loco, ad locum moraliter distantem, invita puella, vel invitis parentibus, seu tutoribus (nisi esset sponsa consentiens, & cum amasio discedens, in quam sponsus habet jus ratione sponsalium, tunc enim esset fuga *Thom. ex Charm. Bill.*) & ut sequatur actualis libidinis impletio; pro impedimento tamen dirimente matrimonii contrahendi causa, *Rodrig., Sanch., & alii*; vide *part. 2. Tr. 7. Q. 3. Quaritur 5. Hinc 11. 5.* incestus, qui est peccatum luxuriæ inter personas consanguineas, aut affines intra gradus prohibitos, etiam cognationis spiritalis, & legalis. 6. sacrilegium venereum, quod est violatio rei sacræ, videlicet personæ per actum venereum, vel loci, etiam per actum alias licitum, ut conjugalem. 7. peccatum contra naturam, quod est voluntaria seminis effusio contra ordinem naturalem actus venerei humanæ speciei convenientis, quod fit quatuorupliciter, 1. pollutione, seu mollitie, quæ est voluntaria seminis effusio extra copulam quamcunque; differt a distillatione; quæ est effusio honoris inter uriam, & semen medii, & fit sine libidinosa delectatione; & sine commotione spirituum generationi inservientium. 2. Sodomia, quæ est coitus libidinosus personarum ejusdem sexus masculi cum masculo, vel feminae cum femina, vel diversī sexus in vase indebito; unde duplex est Sodomia, perfecta, quæ est concubitus masculi cum masculo, vel feminae cum femina, quia petitur ex affectu ad sexum indebitum; & imperfecta, quæ est coitus viri cum femina extra vas naturale, etiamsi esset mariti cum propria uxore. 3. Bestialitate, quæ est coitus cum bestia, vel cum dæmone, quæ simul est contra Religionem. 4. Inordinato concubitu, in

tu, in quo non servatur ordo naturalis, qui est foemina succumbente. Prædictis speciebus luxuriæ potest superaddi lenocinium, quod est scortorum, vel etiam propriæ filiæ, aut uxoris prostitutione quæstum facere.

7. Filiæ luxuriæ sunt quatuor ex parte intellectus, Nempe 1. cæcitas mentis. 2. Præcipitatio. 3. Inconsideratio. 4. Inconstantia; sunt mortales, si propter illas grave præceptum violatur; & quatuor ex parte voluntatis, videlicet 1. inordinatus amor sui, quo finem suum ultimum ponit in carne sua. 2. Odium Dei. 3. Affectus præsentis sæculi, ita, ut aliam nolit beatitudinem. 4. Horror, & desperatio de futuro sæculo; hæ omnes sunt mortales.

*Quar. 15. Quale luxuria sit peccatum, & an datur materia parvitas in delectatione venerea?*

*Dico.* Luxuria est peccatum ex genere suo mortale; quia gravia est inordinatio contra naturam rationalem, ut rationalis est, & a Regno Dei excludit, *Galat. 5.* nec datur parvitas materiæ excusans a mortali in delectatione, vel re venerea directe in se volita, vel in causa intenta; ita communis; quia omnis delectatio venerea, vel est notabilis, vel levis phisice, si sit notabilis, ex natura sua ordinatur ad pollutionem, & est propinqua illius inchoatio, ut testantur Gallenus, & alii Medici, & per se est mortalis; si sit levis, vel etiam levissima, eam deliberate admittens exponit se periculo proximo ulterius progrediendi usque ad gravem excessum, cum in materia libidinis ita incentiva moraliter sistere nequeat: datur tamen parvitas materiæ in delectatione mere spirituali, & mere sensibili, *Tourn. & alii*; quia possunt esse de actu, vel objecto venialiter malo, ut de osculo, vel tactu honesto cum sensualitate organica absque venerea factis; & in re venerea solum imperfecte volita, 1. levi negligentia resistendo delectationi, vel rei veneræ. 2. Ponendo, vel non removendo causam, vel actionem contra castitatem leviter malam, vel indifferentem nullo bono fine honestatam, ex quibus ordinarie nulla, vel levis duntaxat spirituum generationi deservientium sequitur commotio; modo non directe volita, aut intenta sit, sed positive displiceat, ac absit proximum consensus periculum, *Sylvius, Haber., P. Antoine apud Tourn. & communis, si non verbis, saltem in re; quia licet q is.*  
pol.

possit, non tamen tenetur similes causas, & actiones leviter malas, aut indifferentes amovere, vel evitare sub mortali, 1. quia in se non sunt mortaliter malæ. 2. Quia leviter tantum, ac remote contra intentionem operantis influunt in delectationem. 3. Quia periculum consensus est remotum, ac leve, & positiva displicentia sufficienter tollitur. 4. Quia similes leves motiones homini sunt valde naturales, facillime etiam in viris iustis exurgunt, & difficillime, etiam ab istis, omnes earum causæ per accidens in se solum veniales, vel indifferentes evitantur. 5. Quia honestæ juvenum diversi sexus conversationes, tactus, aspectus, in partibus honestis ex joco, vel curiositate facti juxta adversarios non sunt mortales, quamvis plerumque leves ex illis oriantur motus venerei præter intentionem, & absque periculo consensus. An autem remaneat parvitas materiæ, & solum veniale sit, si delectatio etiam vehemens, vel ipsa pollutio secutura prævideatur ex causâ per accidens in materia contra castitatem solum veniali, vel mortali in alia materia remote tantum ac leviter influente in pollutionem, non conveniunt auctores; esse duntaxat veniale asserit, *Vasquez, Bonac., Henriq., Fill., Sales, uterque March., Less., P. Gerv. Gob., alique plurimi*, 1. quia potest abesse intentio pollutionis, vel vehementis delectationis, ac periculum consensus æque, ac in ponente causam ex necessitate, ut tactum impudicum medendi causa. 2. Quia imperfecte tantum, ac remote causa influat, & non magis, quam in delectationem, vel commotionem levem, ut supponitur, & quandoque minus, quam causa necessaria, & honesta, etiam si mortalis sit in alia materia. 3. Quia aliam habet in natura causam nempe propensionem, temperamentum, miseriam naturæ corruptæ, abundantiam seminis, tentationem dæmonis. 4. Quia effectui non major culpa est attribuenda, quam causæ, & secundum S. Thomam, malitia pollutionis nocturnæ metitur ex causa, ita ut, si non sit mala, nec pollutio sit mala; si venialis, vel mortalis, etiam pollutio sit talis; idem autem dicendum de pollutione, vel commotione notabili in vigilia, *Cajet.* Esse mortalem asserit *Mendo apud la Croix, & Tournely* dubitat, præcipue, si extra somnum fiat, vel pollutio certo futura prævideatur, 1. quia causa per accidens pollutionis, vel vehementis commotionis carnalis, licet in

ma-



materia luxuriæ levis, directe tendit ad pollutionem, & cum certa illius prævisione non amplius est levis, sed relative ad eam gravis culpa, *Tourn.* 2. Quia sic affectus ad rem turpem exponit se periculo proximo consensus in vehementem commotionem, vel pollutionem. 3. Quia nullum jus habet ponendi causam per accidens venialem, vel in alia materia mortalem, sicut habet ponendi necessariam, vel honestam, & mortalem in alia materia potest, ac tenetur sub mortali evitare; quamvis opinio præcedens sit communior, & videatur probabilior, hæc tamen in praxi est securior, & ab amatore castitatis tenenda, præcipue cum raro desit in praxi periculum proximum consensus in delectationem vehementem, vel pollutionem.

*Quar. 16. Quomodo peccet ponens causam pollutionis?*

*Dico.* Ponens causam, vel actionem in materia luxuriæ mortalem cum perfecta pollutionis futuræ prævisione notabiliter per se, & proxime influentem, ita ut nata sit, ex ea pollutionem sequi, grave committit peccatum non solum ponendo causam in se moraliter malam, sed etiam aliud in specie pollutionis, licet contra intentionem; ac voluntatem sequatur; ita auctores communiter; quia ejusdem moris est velle effectum, & ejus causam propinquam; nullum vero, si causa, vel actio, ex qua prævidetur pollutio, vel vehemens carnis commotio, sit secundum se licita, necessaria, vel utilis; modo absit consensus, ac illius periculum proximum, & positive displiceat, *S. Thom.*, *S. Antoninus*, *Cajet. Less. Sanch. & alii communiter*. 1. Quia non peccat utens jure suo, quod quilibet habet ponendi actionem licitam. 2. Quia agens alium intendit effectum bonum, ad quem jus habet, & pollutio contra illius voluntatem per accidens sequitur ex alia causa, nempe miseria naturæ corruptæ. 3. Quia pollutio contra intentionem, & voluntatem secuta, non æstimatur graviter perniciofa, nec agentis, nec speciei humanæ, eique prævalet, vel saltem æquivalet effectus bonus per illius causam intentus. 4. Quia tactus, aspectus, &c. in partibus inhonestis, licet secundum se influant per se in pollutionem, nascendi tamen causa facti, vel talio ex fine honesto necessario, vel utili, non habent vim concitandi ad libidinem, nisi per accidens ex miseria naturæ corruptæ præter intentionem agentis, & ex vitio rei veneræ, v. g. purgandæ, lavandæ, disputandæ, prædicandæ.

dicandæ, cogitandæ, &c. non vero ex vitio voluntatis, quæ solum intendit honestum.

*Quar. 17. Quomodo motibus, ac delectationibus venereis sit resistendum?*

*Dico.* Tenetur quisque motibus, ac delectationibus venereis naturaliter, vel invite, & magis propria culpa exortis positive refragari, quando eas sufficienter advertit, *Tourn., Sylvius, & alii*; 1. sub mortali removendo causam per se illarum, vel actionem propinque, ac graviter illarum excitativam in materia luxuriæ mortalem, si propriæ, vel alienæ necessitatis titulo honestentur; quia seclusa necessitate in se sunt mortales; & saltem sub veniali causam per accidens, & actionem indifferentem nullo bono fine honestatam, vel in materia luxuriæ solum venialem, saltem si peream non nisi levis delectationis præbeatur occasio, *Tourn., & alii communiter*; quia ex se sunt solum venialiter malæ, & non nisi leviter, & remote influunt in delectationem veneream, nec est tantum, ut invehementibus delectationibus periculum consensus, de quibus auctores sunt divisi, ut supra dictum est. Sub nullo vero peccato, secluso consensus periculo, tenetur quis amovere, vel evitare actionem, quamvis propinque in se excitativam, & alias ad luxuriam spectantem, ex necessitate tamen propria, vel aliena honestatam, *Tourn., & alii communiter*; quia actio necessitate honestata rationem causæ per accidens in finem honestum ordinatæ induit, cum ut sic considerata, non ex se, sed per accidens ex miseria naturæ excitativa est; nec tenetur quis deserere, vel evitare causam per accidens, vel actionem ex se honestam, licet, ac utilem, *P. Gerv., Rhod., Tourn., & alii communiter*; quia utenti jure suo, quod quilibet habet ponendi actionem honestam, & licitam, non censetur voluntarium, & imputabile ad culpam, quod contra ipsius intentionem, ac voluntatem sequitur; 2. Tenetur quisque motibus, & delectationibus venereis sub mortali resistere per positivam displicentiam, etiam si & præcipue si causa per se, vel per accidens illarum non possit, vel debeat evitari, vel amoveri, *Tourn., & alii communiter*; quia in materia tam lubrica natura corrupta non potest, moraliter loquendo, negative se habere sine proximo, consensus positivi, periculo; nisi per positivam displicentiam menti majorem rerum turpium

pium impressionem causandam, & concupiscentiam inde augendam probabiliter timeret; tunc enim resistere positive esset potius malum augere, & esset consultus eas spernere, & non curare, *Tourn.* caute tamen. 3. Adhibendo alia contra luxuriam remedia, pro ratione circumstantiarum graviter, vel leviter obligantium, qualia sunt 1. ablatio causæ, ut mox dictum. 2. Conversio ad alia animum ab objecto turpi notabiliter avocantia, ut studium, assidua piorum librorum lectio, rerum divinarum, passionis Christi, mortis, inferni, aliorumve novissimorum cogitatio, oratio, signum Crucis, & Crucifixi intuitio. 3. Carnis maceratio per jejunium, flagellationem, &c. 4. Sensuum, præcipue oculorum custodia. 5. Fuga otii. 6. Evitatio occasionum, præcipue conversationis otiosæ mulierum, &c. 7. Uti eodem Confessario. 8. Frequens Sacramentorum usus.

*Hinc:* graviter peccat 1. motus, vel delectationes venereas sponte, vel directe volens, vel eas in se pariens quantum libet leves, vel naturaliter, & invite ortas positive approbans, vel periculum consensus sufficienter advertens, eis non positive, & efficaciter resistens, sed negative se habens; quia, cum possit, & debeat eas reprimere, & non facit, eas interpretative velle, censetur, nisi eis positive resistendo, majorem earum impressionem, & concupiscentiam inde augendam probabiliter timeret. 2. Sine necessitate ponens, vel non removens causam per se, vel actionem in materia luxuriæ mortalem delectationis venereæ propinque, & ex se excitativam, ut sunt tactus, aspectus, colloquia turpia, &c. cum prævisione pollutionis in, vel extra somnum, etiam invite secutura, quibus non solum contra luxuriam imperfectam, sed etiam contra naturam peccat pollutione in causa per se volita; nisi ante somnum, vel pollutionem de causa data vere pœniteat. 3. Ponens causam per accidens, vel actionem ex se indifferentem, vel contra castitatem solum venialiter malam, uti est aspectus mulieris curiosus, confabulatio cum ea jocosa, lectio venialiter mala, osculum, tactus partis honestæ mera sensualitate factus, ascensus equi pro solertia sua ostendenda, vel pro itinere sine fine honesto solius recreationis causa, cibus vel potus leviter excedens, motus, ac delectationes venereas, vel ipsam pollutionem certe inde futuram cum pericu-

riculo proximo consensus animadvertens, earumque causas non dimittens; quia periculum consensus proximum sub mortali semper est evitandum; secluso vero periculo consensus venialiter saltem peccat, ut communiter docent auctores; quia leviter tantum, ac remote influunt; cum raro tamen desit periculum consensus, eas deferere graviter monendus est; & adhuc gravius ponens causam per accidens in alia materia mortalem, ut v. g. crapulam, vel ebrietatem mortalem, vel esum carnis in die jejunii prohibitum cum praevisione pollutionis inde certo futuræ, vel ponens in materia luxuriæ mortalem, sed leviter tantum influentem, ut instantaneum pravæ cognitionis consensum; quia licet forte non graviter peccet peccato mortali speciali pollutionis, ut docet *Vasquez, Sanch.*, & alii; cum non magis, ac veniales in pollutionem influant, majus tamen est periculum; quia amissa gratia per causam in quacunque materia mortalem, difficilius est pollutioni, vel delectationi venereæ, præcipue extra somnum, resistere. 4. Nullo autem modo peccat ponens, vel non removens causam per se alias in materia luxuriæ graviter excitativam, sed necessariam, vel valde utilem, ut Chyrurgus, Infirmarius, vel alius sc, vel alium in partibus inhonestis aspiciens, vel tangens medendi, a sordibus mundandi, in balneo serviendi causa; vel Confessarius, Medicus, Professor res venereas legens, audiens, scribens, studens, pro solvendis casibus conscientiæ, vel morbis curandis, pro consilio dando; vel eques, aut alius negotiorum causa in equo itinerans, vel supinus cubans, alio situ non dormiturus; vel ponens causam per accidens honestam, vel statui consentaneam, ac utilem, ut colloquium honestum cum muliere sibi, vel ipsi utile, vel equitans honestæ recreationis causa, certo ac commodo situ in lecto cubans, ambulans cito, crus, vel femur unum superponens alteri, *Sanch.* choreas honestas ducens, *Sporer*; scēminas juxta morem patriæ honestas amplectens, *la Croix*; cibos calidos in communi apponi solitos edens, quamvis contra intentionem in, vel extra somnum notabiles motus, ac delectationem veneream, vel ipsam pollutionem pateretur, modo absit periculum consensus, & positiva adsit displicentia; quia jus, justamque habent rationem ponendi prædictas causas, cum sint licitæ, necessariæ, vel utiles, & nimis ipsis

Theol. Moral. Pars I.

Cc

vide-

videtur onerosum, ab omnibus similibus abstinere ob miseriam naturæ corruptæ involutam; sine utilitate vero sunt venialia, vel mortalia, prout magis vel minus in pollutionem influunt; sic venialia sunt, incedere equo, cum eque posset curru, certo situ cubare, cum posset altero æque cómodo dormire, talibus cibis, uti, cum posset alios æque sanos comedere, prævisa certo inde pollutione secutura, secluso tamen periculo consensus, *P. Gerv., Billuart. & alii*; quia licet pollutio non intentata ex miseria naturæ corruptæ per accidens orta non sit gravis inordinatio, est tamen aliqua, mentem perturbans, & ad malum incitans; tactus vero impudicus ex levitate, lectio obscæna ex curiositate cum certa pollutionis prævisione mortalia sunt in genere pollutionis etiam contra voluntatem secutæ; quia ex se graviter influunt; quamvis autem prædicta multi auctores docent, amator tamen castitatis, ac suæ salutis a non valde necessariis absteat; quia raro omne abest periculum, & *Eccles. 11. a scintilla una augetur ignis*; præcipue in hac materia, & aliquando inextinguibilis.

*Quar. 18. Qualia peccata sint singula luxuria species?*

*Dico.* Omnes luxuriæ species sunt peccata ex genere suo mortalia, videlicet, fornicatio, adulterium, stuprum, raptus, incestus, sacrilegium, & contra naturam; gravissimum vero est contra naturam, nempe, 1. mollities, seu pollutio, quam nec morbi, nec mortis vitandæ causa procurare, promovere, vel intendere licet, nec per medicinam in somno secuturam; nec licet eam desiderare, etiam propter honestum finem, & sine culpa, ut in somno eventuram; nec de ea gaudere ob bonum effectum inde secutum, quamvis de ipso effectu bono gaudere liceat; nec ponere causam illius per se, vel causam per accidens in se indifferentem nullo bono fine honestatam, vel venialiter contra castitatem malam, vel in alia materia mortalem; estque mortalis etiam invite passa, quando procedit a causa culpabili, quæ vitari potuit, ac debuit tanquam causa illius productiva, *Tourn.* quando autem non debuit vitati actio etiam ex se excitativa, vel causa per accidens, supra dictum est. Gravius; & nefandum est sodomia, sola tamen perfecta casus est reservatus seclusa speciali locorum lege, *Sylvius & alii apud Tourn.* debetque dici, qui agens, & patiens fuerit; quia  
agen-

agentis longe gravius est peccatum, quasi ex se annexam habens pollutionem, *Lugo apud Tourn.*, & alii; pessimum est bestialitas, *Genes. 37.* & pejus cum dæmone, quia simul est contra Religionem, quæ magis, quam cum infideli dehonoriatur, illiusque speciem induit; cuius personam dæmon assumpsit: inordinatus vero concubitus in conjugatis per se solum est veniale, & si fiat legitima ex causa, uti ob alterutrius indispositionem, prolis conservationem, &c. nullum est peccatum; per accidens vero sit mortale, si fiat cum periculo perdendi semen, vel generationem impediendi, vel prolem susceptam suffocandi, vel ex nimia concupiscentia.

*Hinc* 1. Graviter peccat 1. peccans cum corrupta, & gravius cum meretrice; quia procreatio prolis impeditur. 2. Gravius peccat cum concubina peccans, quam cum meretrice; quia est in habitu peccandi, & ante absolutionem tenetur concubinam ejicere, nisi imminente morte, si non possit, sufficit verum eam ejiciendi propositum. 3. Adhuc gravius peccat cum desponsata alteri peccans; quia simul agit contra iustitiam, idem dicendum de sponso peccante cum alia; quia suæ sponsæ injuriam facit, *Tourn.* & gravius cum infideli, & diversæ speciei peccatum committit contra Religionem; quia, grave Religioni parit despectum, prolemque exponit periculo educationis in falsa Religione, quamvis adulterium fidelis soluti, cum infideli ligæta minus sit peccatum, quam cum infideli; quia non læditur Sacramentum, *Tourn.* 4. Gravius peccat per adulterium, quam per fornicationem; quia gravem simul infert injuriam comparti, & Sacramento; & gravius ex parte conjugatæ, quam conjugati; quia prolem impedit, vel reddit incertam cum damno veri hæredis; tenenturque ambo ad restitutionem. Vide *de Restit.* 5. Gravius peccat peccato specie distincto stuprum, vel raptum committens; quia præter fornicationem gravem facit injuriam virgini coactæ, vel seductæ, & parentibus, vel tutoribus, sub quorum est custodia; etiam consentiente virgine, ac parentibus, *S. Thom.*, & alii; quia specialis adhuc remanet deformitas ex parte virginis; quia amittit integritatem corporis, quam a natura extra matrimonium servare jubetur, & contra charitatem sibi debitam, aperiendo viam meretricandi, & ponendo impedimentum honesti matrimonii; & ex parte pa-

rentum; quia ex natura sunt custodes illius integritatis, cui renunciare nequeunt. An vero virgo consentiens peccato specie distincto peccet, divisi sunt auctores. Peccare graviter peccato specie a fornicatione distincto, asserit Touruely, & alii, ob rationes mox dictas; non peccare præter fornicationem, nisi peccato veniali, sed specie distincto, asserit Henno, Billuart, & alii, quia est aliqua, sed non gravis inordinatio præter fornicationem, non ratione signaculi virginittis, cujus læsio est in genere physico res levissima, & in genere moris illius habet dominium, cum possit valide nubere etiam invitis parentibus; non ratione matrimonii; quia sine læsione charitatis potest ab eo abstinere, & defloratione manente occulta non impeditur; non ratione viæ meretricandi; quia per actus repetitos illa magis sternitur, & tamen non est nova specie peccatum mortale; non ratione offensionis, ac infamiae parentum, quæ non præcise ex defloratione, sed ex illius divulgatione, & non magis, quam ex simplici fornicatione oritur; non ratione tutelæ, quæ est œconomiae, & consentiente proprietario non graviter læditur; & si suppleret novam speciem mortalem, fœmina de illiciti coitus desiderio se accusans, deberet addere, an sit virgo, vel non; & vir appetens copulam, an fuerit virginis, & si tacerent, deberet Confessarius inquirere, quod est contra communem praxim, ac ingenuas puellas, præsertim Moniales maximo afficeret pudore; & Confessarium suspectæ curiositatis argueret, quod ipsemet continuator Touruely in praxi judicat admodum durum; unde seclusa vi, & seductione, Confessarius, ac prænitens a circumstantia virginittis abstinere possunt.

*Hinc.* 2. Committens incestum, præter luxuriam graviter peccat contra pietatem, & reverentiam consanguineis, & affinibus; vel ob aliam cognationem spirituales, vel legalem aliis debitam; & eo gravius, quo propinquior est consanguinitatis, vel affinitatis gradus. Unde 1. in confessione declarandus est, præcipue primus gradus, cum patre, vel matre, sorore, vel fratre, filio, vel filia; quia primus specie differt ab aliis, *P. Gerv. & communis*; ac proinde etiam incestus inter illas personas, *Tourn.* 2. Declarandum est, an incestus sit in gradu consanguinitatis, vel affinitatis; quia juxta plures auctores contra S. Thomam etiam specie differunt ob diversum motum

tivum reverentiæ consanguineis, & affinibus debita, nimirum ob unitatem sanguinis, & stipitis quoad consanguineos, & propter copulam, & matrimonium quoad affines. 3. An cum conjuncta cognatione spiritali ex Baptismo, & Confirmatione; quia superaddit speciem sacrilegii ob reverentiam Sacramenti; vel an cum conjuncta cognatione legali ex adoptione. Non vero necessario in confessione declarandum, an sit baptizata cum baptizante; vel patrini, vel matrinæ cum parentibus baptizati; quia hi inter se non differunt in suis gradibus, *P. Gerv. Tamb. & alii*, nec an sit inter adoptantis uxorem, vel filias legitimas cum adoptato, vel illius uxore; quia non specie differunt, sed se habent per modum affinitatis; bene autem, si incestus sit commissus inter levantem, & levatam in Baptismo, vel Confirmatione, quia paternitas, & maternitas, ac filiatio per se distinguuntur ab aliis gradibus. Sic etiam cognatio adoptantibus & adoptati specie distinguuntur ab aliis gradibus; quia se habet per modum paternitatis, ac filiationis. Non est autem incestus peccatum cum filia spiritali, seu pœnitente; quia non est vera cognatio; circumstantia tamen hæc, tanquam gravioris sacrilegii in confessione aperienda est. 4. Etiam alii gradus tanquam circumstantiæ notabiliter agravantes sunt declarandi, *P. Thom. ex Charm.* saltem pro majori securitate, & in peccato sacrilegii veneri ratione personæ sacræ, eo gravius peccat, quo strictius Deo est obligata, quæ circumstantia saltem, ut notabiliter agravans in confessione est explicanda, an nimirum sit Diaconus, Sacerdos, Episcopus, & præcipue, si sit Religiosus; quia hic duplicem consecrationem violat, ordinis, & voti, *Tourn.* 5. In sacris constitutus consulens, vel suadens actum venereum præter luxuriam, sacrilegium committit; quia approbat, quod suadet, *Tourn.* & se polluens in vestimentis sacris in Ecclesia, præter peccatum contra naturam triplex sacrilegium committit, contra personam sacram, contra benedictionem paramentorum, & loci, *Tourn.* quoad tempus, si fiat in Dominica, vide supra de preceptis Ecclesie. *Quær. 5.*

*Hinc.* 3. Contra naturam graviter peccat 1. pollutione supinus recubans, vel calidiores cibos comedens eo fine, ut in somno pollutio sequatur, etiamsi non delectationem, sed naturæ levamen, liberationem a tentatione, majorem



ad Dei servitium aptitudinem solum intendat; nisi sumpto cibo vere doleat, tunc pollutio in somno secuta ipsi non imputatur ad culpam; sed solum causa prius malo sine posita. 2. Graviter peccat pollutionem naturaliter; vel in somno inceptam approbans, vel desiderans, etiam bono fine, vel de ea gaudens, vel eam promovens, adhibendo conatum, vel ultimas ejus reliquias e lumbis decidas protrudendo, quamvis illius detentio grave corpori detrimentum esset paritura, *Tourn. la Croix*; quia ad rem de se malam non licet cooperari, vel illam continuare. 3. Pollutionem non abrumpens, nisi sine gravi incommodo eam abrumpere non posset, *Thom. ex Charin.* quia eam sanitatis causa, ne noceat, non reprimere, non est eam promovere, sed pati, ut medendi causa; modo absit periculum consensus in delectationem, & positiva adsit illis displicentia, & de damno inferendo constet, *sa, Tamb., Platel, Spor., & alii contra Tournely*, cujus opinio in praxi est securior, cum raro absit periculum consensus, & vix sine approbatione, & cooperatione permitti possit, & raro in re graviter nocere constat. 4. Graviter peccat ponens causam per se pollutionis, vel actionem in materia luxuriæ mortalem illius propinque excitativam, ut sunt tactus, aspectus impudici, colloquia turpia, amplexus libidinosi, cogitationes morosæ, &c. cum prævisione pollutionis in, vel extra somnum secuturæ; quia censetur intenta in causa, quam potest, & tenetur tollere, nisi propria, vel aliæ necessitate honestentur; sic excusantur a peccato Confessarii, Professores, Chyrurgi, Medici, Infirmarii ex officio, & necessitate impudica tangentes, intuentes, audientes, legentes, &c. vel alii in equo itinerantes, supini cubantes alio modo non dormituri, &c. si contra voluntatem cum positiva delectationis displicentia pollutionem patiantur. Vide supra dicta. 5. Graviter peccat tactu, instrumento, vel fricando partes inhonestas expellens semen corruptum, vel qualitatem morbidam cum prævisione pollutionis; præcipue si per se simul tendit ad verum semen provocandum, & expellendum; cum semen corruptum, utpote mortuum, non nisi ad motum, & impulsum seminis vivi moveri possit, & ab ejectione vivi ejectio corrupti incipiat, *Tourn.* quia semen corruptum alio modo, nempe per medicinam directe ad hunc finem datam expellere licet, quamvis per accidens contra in-

intentionem pollutio sequatur, *Sanch. Fill. Trull., Platel;* quia medicina, ut supponitur, non tendit per se ad pollutionem, nec ad illam directe excitandam medicinam dare licet, *Tourn.* nec foret peccatum, si moderate frictio solum fiat ad abigendum molestissimum in iis partibus pruritus; quia est actio de se licita, & necessaria, uti applicatio medicamenti ad illas partes male affectas, & pollutio solum per accidens sequitur, *Sanch. Laym., March., Sporer apud la Croix contra Tourn.* minus peccat si solum distillatio sequatur: graviter tamen peccat distillationem cum sensu venereo, vel sine illo directe, tamen procurans, intendens, quærens, etiam in conjugatis per causam per se, vel per accidens; quia cum sensu venereo parum a pollutione differt, & sine illo est pollutio saltem imperfecta, cum sit imperfecti seminis frustratio; per causam vero per accidens ex infirmitate naturali, vel superfluitate contra voluntatem secuta minus, quam pollutio est peccaminosa; quia cum fiat sine delectatione venerea, minus habet periculi, & turpitudinis, & mens timorata de ea non debet angi secluso consensu, ait *Cajetanus, & Ethica amoris apud Tourn.* 6. Graviter peccat Chyrurgus, Infirmarius, &c. absque vera necessitate tangens, aspiciens, &c. partes inhonestas, & eo gravius, vel levius, quo gravior, vel levior fuerit necessitas, & quo graviores, vel leviores motus excitare prædicta nata sunt.

*Quar. 19. Quale peccatum sint oscula, tactus, aspectus, colloquia, cogitationes, &c.*

*Dico.* Luxuria imperfecta, seu impudicitia, ut sunt oscula, tactus, aspectus, colloquia, cogitationes, &c. sine seminis effusione extra matrimonium sunt ex se mortalia, si sint libidinosa; quia, qui talia agunt, *Regnum Dei non consequuntur, Gal. 5.* Sunt autem libidinosa etiam in partibus honestis, 1. si fiant cum consensu expresso in delectationem veneream, eam intendendo. 2. Cum consensu tacito, eam, quando oritur, non reprimendo, vel causam illius per se, vel actionem illius excitativam in materia luxuriæ mortalem ponendo, vel cum gravi periculo illius experiendæ, & non rejiciendæ. 3. Si fiant cum voluntate copulæ, vel alterius actus luxuriæ, vel saltem cum affectuosa illius imaginatione. Oscula autem, tactus, & aspectus facti absque affectu libidinoso, & pro-

ximo consensus periculo, sed ex levitate, joco, petulantia, curiositate, vel ob. solam delectationem sensibilem, & organicam, & non veneream in partibus honestis, vel etiam in partibus inhonestis, sed propriis obiter tantum, & non repetiti, & morosi, & colloquia de rebus non valde turpius ordinarie sunt solum venialia, *Tourn. & alii communiter*; quia ordinarie non graviter periculose ad libidinem excitant, secluso tamen gravi scandalo, & consensu in delectationem veneream, si forte contra voluntatem exurgat. Tactus vero, & aspectus in partibus inhonestis, aut vicinis alienis, vel in propriis, sed morose, & studiose facti, vel crebro repetiti ordinarie sunt mortalia; quia ita facti ordinarie, graviter, & periculose ad libidinem provocare nati sunt; facti autem ex propria, vel aliena necessitate in partibus inhonestis, ut mendendi causa, vel in partibus non turpibus ex honesta utilitate nullum sunt peccatum, *s. Thom.* quia facti in partibus inhonestis necessitate, & facti in partibus honestis bono fine honestantur, & non ita graviter, & periculose libidinem provocant, modo delectatio venerea exurgens reprimatur, quod semper supponitur, *Tourn. & alii communiter.*

*Hinc* 1. Per oscula graviter peccat, 1. dans, vel acceptans amplexus, vel oscula sub quocumque prætextu amicitiae, benevolentiae, vel moris patriæ prætextu, si sint libidinosi, prout facile fieri potest, si fiant more columbino, ore ad os, *Tourn.* vel si fiant cum scandalo, prout etiam facile in Religioso, vel Clerico contingere potest; vel si fiant linguam in os alterius inferendo, *Sporer apud la Croix*; vel si sint morosi, vel in continuo sæpe repetita, quamvis solum ex joco, vel petulantia fiant, *Tourn.* quia facile in delectationem veneream degenerant; vel si fiant cum periculo, vel prævisione delectationis venereæ approbandæ, vel non rejiciendæ, vel cum actuali illius affectu. 2. Venialiter vero peccat, si secluso affectu venero, & periculo consensus in delectationem veneream fiant solum ex joco, petulantia, levitate, vanitate, vel solum ob delectationem sensibilem, seu organicam, & non sint morosa, vel repetita, sed obiter, & more patriæ, *Henpo, s. Antoninus, Sylvius, & alii apud Tourn.* quia ait S. Antoninus in tantum sunt peccata amplexus, oscula, tactus, & stultiloquia, in quantum procedunt a luxuria,

curia, quod non fit in istis, ut supponitur; sunt tamen venialia; quia carent fine honesto; & nullum sunt peccatum, si fiant ex necessitate, vel fine honesto, ne quis incivilis habeatur, vel ad ostendendam amicitiam juxta morem patriæ, vel ad fovendum amorem in ordine ad contrahendum matrimonium, quamvis per accidens contra voluntatem motus venerei oriantur, vel ut ait S. Antonius, quamvis possit supervenire tentatio, & mala intentio; quia hoc erit per accidens, modo positive diffentiat, Sylvius apud Tourn., Mendo, & alii communiter apud la Croix; quia bono fine honestantur, & honestam motus venerei causam per accidens non tenetur evitare. Vide supra. Sentiens tamen certe moraliter compartem affectu libidinoso moveri, tenetur ex charitate se retrahere, si fine incommodo, & adstantium scandalo possit, Tourn. quia quilibet tenetur proximi peccatum impedire.

Hinc 2. Per tactus, & aspectus graviter peccat, 1. ex affectu venereæ delectationis tangens, vel aspiciens partes etiam honestas, ut vultum, manum, &c. quia omnes, qui viderit mulierem ad concupiscendam eam, jam machatus est eam in corde suo, Matth. 5. 2. Tangens inhonestas, vel iis vicinas cujuscunque sexus, etiam ob defectum ætatis, vel alia ex causa seminare impotentis, Tamb., Spor. apud la Croix; quia ex se tendit apud pollutionem, vel mamillas, præcipue puellæ puberis, Tourn. etiam solum ex joco, levitate, vel curiositate, & partes inhonestas solum per indusium, vel vestes, aut tactum simulando, & quamvis Sanchez apud la Croix factos super vestes ex petulantia solum pro veniali habeat, raro tamen sunt sine mortali, & semper prohibendi. 3. Partes inhonestas diversi sexus aspiciens, vel proprias saltem morose, & repetite intuens, vel tangens, vel in loco omnibus patenti se balneans, ac scæminis se nudum natandi causa exponens, vel scæminæ eos aspicientes, etiam solius curiositatis gratia, vel e loco remoto, Tourn. nisi fieret ex loco ita remoto, ut periculum delectationis venereæ abset, Sanch., Fill., Tamb. apud la Croix; vel balneantes se invicem in iis tangentes, vel morose aspicientes; unde Magistratus natationes publicas interdicare deberent, & adolescentibus non nisi coopertis partibus secretioribus, vel nunquam sine necessitate permittendæ essent, 4. Nutrices, vel ancillæ partes inhonestas infantum sine

sine necessitate morose, vel reiterando tangentes, vel aspicientes; vel quicumque viri, & mulieris coitum intuentes; quia omnia ista, etiam si solum ex levitate, & joco, seu petulantia, vel curiositate fiant, graviter per se, & periculose ad delectationem veneream provocant, *Tourn.* eodem modo peccant se in iisdem partibus tangi permittebentes; quia non solum alieno crimini cooperantur, sed ejusdem periculo se exponunt. 5. Tangens genitalia pecorum etiam minorum, ut canis, vel felis sine necessitate, præcipue si ea usque ad effusionem seminis agitaret, *Tourn.* non ob perditionem seminis belluæ, quam necare potest, sed quia similes contrectationes in se sunt turpes, bestialitatis malitiam, & propriæ depravationis periculum continent. 6. Eunuchi etiam in prædictis graviter peccare possunt; quia etiam in ipsis datur commotio spirituum, licet generationi non aptorum, cum delectatione æquivalenter venerea, *la Croix.* 7. Graviter peccat, sponsæ suæ blandiendo faciem, manus, brachia ejus tangens, oscula figens sine ulla etiam mala intentione, levemque solum, & contra intentionem delectationem sentiens, si alias libidini sit deditus, & delectationi consentire consueverit; quia propensio hæc corrupta evidens est ipsi in hac occasione incontinentiæ periculum; venialiter vero solum peccat, si perraro in simili occasione libidini se dederit, & delectationi obistere sit sollicitus; in praxi tamen similes licentiæ pro viribus sunt dissuadendæ, ne in graviore tentatione incidens eis succumbat, *Pont.* sic non nisi venialiter peccat ex joco, vel levitate, secluso affectu libidinoso, pede pedem amasiæ pulsans, digitos premens, manus obiter, vel faciem alampam simulando tangens, *Tourn.* quia in se sunt indifferentia, & malitiam ex affectu tangentis induunt, qui non nisi venialis supponitur. 8. Secundum Sylvium, & alios a mortali excusantur, crura, collum, humeros, pectora, quoad partem superiorem juxta morem patriæ visui exposita, ex levitate sine malo fine tagens, vel intuens, quia juxta ipsos non graviter movere solent, quod quoad visum facilius, quam tactum admitti potest; quia minus movet, modo obiter fiat; vel si inter impuberes ejusdem sexus fiat, etiam quoad partes inhonestas, *Bilhart;* quia isti non carnaliter moveri solent: ne tamen consuetudinem contrahant, valde deterrendi sunt. 9. Veniali-

nialiter solum peccat brutorum coitum intuens, vel seipsum, vel alium ejusdem sexus in partibus inhonestis, vel picturas, aut statuas turpes ex sola curiositate, vel levitate non morose aspiciens, *Thom. ex Charm. contra Tourn.* quoad picturas, & statua, quia non magis, sed minus videntur excitativæ, quam natura; licet statuas grandiores personas repræsentantes facientes, & exponentes graviter peccent; quia aliis ad libidinem scandalo sunt; sic ex curiositate, vel levitate, aut manus calefaciendi causa seipsum in iis partibus tangentes excusat Sylvius, & alii communiter a mortali apud Tournely, modo in omnibus prædictis absit affectus venereus, scandalum, ac periculum delectationis veneræ, & si contra voluntatem exurgat, reprimatur desistendo a prædictis, nec morose, sed obiter tantum fiant: quia non est tanta in illis, & in proprio, sicut in alieno corpore, & sexu turpitudine, nec tantum voluptatis veneræ periculum, *Sylvius ibid.*, & *Thom. ex Charm. 10.* Nec mortaliter peccant ancillæ, & minus matres lavantes, vel vestientes infantes partes eorum inhonestas solum ex curiositate, vel levitate aspicientes, vel tangentes non morose, sed obiter, & leviter tantum, *la Croix*; quia ob infantilem ætatem non ita graviter per se movent ad libidinem, quamvis graviter peccent, si morose, vel affectu libidinoso fiat, ut supra dictum est; nullo modo autem peccant, si ex necessitate fiat. 11. Nec graviter peccant conjuges solius voluptatis causa in se mutuo prædictos tactus, & aspectus exercentes, secluso periculo pollutionis, *Sancti. Fill.*, & communis apud *P. Geru. contra Pont.* quia matrimonium eos cohonestat, & ex natura sua ordinantur ad copulam, quæ ipsis est licita; defectus autem finis debiti non est mortalis, & actu relati ad copulam nullum sunt peccatum, etsi mutato animo non sequatur actu; absente autem comparte, vel præsentem in proprio corpore animo non copulandi, facti sunt mortales, *Billuart*; quia ut sic non sunt actus conjugales, sed hominis solitarii, & ex natura sua tendunt ad pollutionem etiam maritalis mortaliter prohibitam; animo vero copulandi, vel in comparte licet animo non copulandi, tendit ex natura sua ad copulam, quæ instante pollutione potest exerceri: in sponis autem, sicut in aliis, sunt mortaliter peccaminosi. *Vide supra de delectatione morosa*, 12. Nullo modo autem

autem peccat ex Officio, vel necessitate se, vel alios in partibus inhonestis aspiciens, vel tangens, ut medendi causa; vel se ex fine aliquo naturali & honesto, v. g. ut fricatione moderata pruritum molestissimum extinguat, modo absit periculum pollutionis, aut consensus in eam, si ex improvise contra voluntatem, & intentionem contingat, *Sanch.*, *Laym.*, *March.*, *Spor. supra citati pag. 47.* omnia tamen prædicta, licet aliquando sine mortali fieri possint, in praxi non necessaria omnibus dissuadenda, ac vitanda, & libidinosus omnino prohibenda sunt; quia in his propensio corrupta evidens est periculum incontinentiæ, cui se nunquam exponere licet; & periculum aliorum, qui non ita sunt libidinosi, ex mora, motivo, impressione, ætate, frigida complexionem, fragilitate sæpe experta dijudicandum est.

*Hinc* 3. Per verba obscæna graviter peccat 1. verba obscæna loquens; cantans, scribens, componens, legens, audiens ob delectationem veneream in se, vel in alio excitandam, vel cum gravi illius excitandæ periculo, aut scandalo: & venialiter, si fiat ex levitate, joco, vel solatio vano, vel ob solam delectationem artificij, secluso scandalo, & delectatione venerea, vel illius periculo in se, vel aliis, *S. Antoninus*, *Nav.*, *Cajet.*, *Tolet. apud la Croix*; vel si solum ex respectu humano quis rideat, complacentiam exhibeat, ne irrideatur, convitiis afficiatur, modo risu, vel complacentia non ad continuandum excitet, vel auctoritatem tribuat; per accidens vero, & in praxi, cum raro desit periculum turpis desiderij, complacentiæ, scandali in proferente, vel audiente, præcipue in juvenibus, & infirmis, vel si sint valde turpia, & inductiva in luxuriam, ordinarie mortaliter peccant, & non facile dicentibus, se nihil mali cogitasse, credendum, sed, ut abstineant, ea impediant, vel recedant, & si non possint, displicitiam exhibeant, monendi sunt, *Thom. ex Charm.* 2. Graviter peccant Typographi libros obscænos, vel si non expresse sint obscæni, imaginem tamen amoris, ac delectationis venereæ ingerentes, imprimentes, Bibliopolæ eos vendentes, vel alij illos legentes, vel parentes suis infantibus eos permittentes, etiam eloquentiæ addiscendæ gratiæ, quamvis viris gravioribus, & pudicis, sermonis elegantiam unice inquirentibus permittantur, *Concil. Trid.* 3. Literas, amatoria amoris vene-

rci

rei incendium excitantes, scribentes, legentes, vel scienter portantes; quia omnia prædicta delectationem veneram graviter, & periculose ex se excitant. De ornatu inhonesto mulierum, choreis, spectaculis *vide de Temperantia.*

## Q U Æ S T I O IV.

### DE PECCATO ORIGINALI.

*Quæritur. 1. An detur peccatum originale, & in quo consistat.*

**Dico.** Dari peccatum originale, de fide certum est; quod est ipsum Adæ peccatum toti ejus posteritati vere, & intime communicatum, consistens formaliter in habituali privatione conformitatis ad legem, quam Adam caput nostrum transgressus est, & quam nos ipsius voluntate transgressi sumus.

*Quar. 2. Quanam sit causa transfusionis peccati originalis, & quinam illud contrahunt?*

**Dico.** Peccatum originale non est ex traduce ejusque transfusionis causa proxima non est concupiscentia, qua nascimur, sed seminalis generatio ab Adamo, supposito decreto Dei voluntatem omnium ab Adamo per generationem naturalem descendentium transferente in voluntatem Adami, & eum caput totius generi humani constituyente in ordine ad observationem, & transgressionem præcepti de non comedendo fructu prohibito, patet ex *Concilio Trid. Sess. 5. cap. 2.* Peccatum originale omnes infantes, etiam fidelium contrahunt; quia, ut ait Apostolus *ad Rom. 5. Omnes in Adam peccaverunt*, excepta B. V. Maria, ut fere omnes consentiunt Catholici, & contraria opinio in concionibus, lectionibus, libris, & colloquiis publicis prohibita est a Gregorio XV. Domini. canis solis in privatis suis colloquiis inter se, & non inter alios, vel cum aliis permissa, quamvis debitum remotum illud contrahendi habuerit; quia in lege generali debuisse includi, nisi a Christo ab eo fuisset redempta, & præservata.

*Quar.*



*Quar. 3. Quanam sint pœna peccati originalis?*

*Dico.* Pœna peccati originalis hujus vitæ corporales sunt mors, & hujus vitæ miseræ; pœnæ autem animæ hujus vitæ sunt 1. privatio justitiæ originalis, quæ consistit in perfecta mentis submissione erga Deum, & submissione appetitus sensitivi menti. 2. Privatio gratiæ sanctificantis, habituum supernaturalium fidei, spei, charitatis, donorum Spiritus S. &c. 3. Vulnus quadruplex animæ, nempe ignorantiz in intellectu, malitiæ, & inclinatio ad malum in voluntate, concupiscentia in appetitu irascibili ad ardua in via salutis: & pœnæ alterius vitæ sunt 1. exclusio a Regno cœlorum, seu privatio vitæ æternæ. 2. Dolor internus de bono amisso. 3. Pœna sensus, seu gehennæ ignis.

*Quar. 4. Quanam sint pœna parvulorum sine baptismo decedentium?*

*Dico.* Parvuli sine baptismo decedentes excluduntur a Regno Dei, & vita æterna, ut Fides docet. Sed an etiam patiantur pœnam damni, ac animi dolorem de bono amisso, vel naturali fruuntur beatitudine, non constat. Pœnas saltem sensus non patiuntur, ut docet S. Thomas; quia correspondent conversioni ad creaturas, & delitiis a parvulis non gustatis; & probabiliter, ut docet *Gonet ex S. Thoma*, habituri sunt magnitudinem viri perfecti, immortalitatem, impassibilitatem, cognitionem multorum, sed non omnium naturalium, dilectionem naturalem Dei, ut auctoris naturæ, non vero amicabilem, & perfectam, quæ cum aversione a Deo per originale contractum stare nequit.

## FINIS PRIMÆ PARTIS.



# I N D E X

## OMNIUM QUÆSTIONUM.

### PARTIS PRIMÆ.

## TRACTATUS I.

### DE ACTIBUS HUMANIS.

#### Q U Æ S T I O I.

#### DE VOLUNTARIO.

- Q**uaritur. 1. Quid sit actus hominis, & actus humanus? 1  
 2 quid sit voluntarium? 2  
 3 quotuplex sit voluntarium? ibid.  
 4 quando valeat ista regula: qui tacet consentire videtur? 3  
 5 quando effectus ex aliqua causa, vel illius omissione secutus, non solum physice, sed etiam moraliter, & peccaminose sit voluntarius? ibid.  
 6 quale ad actum ab alterius consensu dependentem requiratur voluntarium, ut licite, & valide fiat? 4

#### Q U Æ S T I O II.

#### DE INVOLUNTARIO.

- Q**uaritur. 1. Quid, & quotuplex sit involuntarium? 5  
 2 quid, & quotuplex sit violentia? 6  
 3 quid, & quotuplex sit metus? ibid.  
 4 quia sit concupiscentia, & quotuplex? ibid.  
 5 quid, & quotuplex sit ignorantia? 7  
 6 quid, & quotuplex sit ignorantia mere actualis? ibid.  
 7 quotuplici modo lex naturalis consacrari possit? 8  
 8 quomodo violentia tollat voluntarium? ibid.  
 9 quomodo metus tollat voluntarium? 9  
 10 an metus irritet contractum? 10  
 11 an nulli contractus ex metu gravi initi sint ipso jure positivo invalidi? ibid.  
 12 quomodo concupiscentia tollat voluntarium? 11

- 13 *qualis detur ignorantia?* ibid.  
 14 *quomodo ignorantia tollat voluntarium?* ibid.  
 15 *quomodo ignorantia mere actualistollat voluntarium?* 12

## Q U Æ S T I O III.

## D E L I B E R O.

- Quæritur. 1. Quid, & quotuplex sit libertas?* 13  
 2 *quid, & quotuplex sit necessitas?* ibid.  
 3 *qualis detur in homine libertas?* 14

## Q U Æ S T I O IV.

## D E M O R A L I T A T E A C T U U M H U M A N O R U M.

- Quæritur. 1. Quid, & quotuplex sit moralitas actuum humanorum?* ibid.  
 2 *quid, & quot sint principia moralitatis?* 15  
 3 *quid sit objectum, finis, & circumstantia?* ibid.  
 4 *an dentur actus indifferentes?* 16  
 5 *quam sit primaria, & radicalis bonitatis, ac malitia regula?* 17  
 6 *unde sumatur primaria intrinseca, & specifica actuum humanorum moralitas?* ibid.  
 7 *unde desumatur actus indifferens, vel ex objecto bonus, vel malus secundariam, vel novam moralitatem?* ibid.  
 8 *an actus ex objecto malus bono fine cohonestari, vel ex objecto bonus malo fine, vel circumstantiis, seu alio defectu vitari possit?* 18  
 9 *an actus externus augeat bonitatem, vel malitiam actus interni?* 19  
 10 *quomodo voluntas humana, ut sit bona, debeat conformari voluntati divina?* ibid.

## Q U Æ S T I O V.

## D E C O N S C I E N T I A.

- Quæritur. 1. Quid sit conscientia?* 20  
 2 *quotuplex sit conscientia?* ibid.  
 3 *quam conscientia sit proxima bonitatis, vel malitia regula?* 23  
 4 *an conscientia erronea possit esse regula moralitatis?* ibid.  
 5 *an conscientia dubia sit morum regula?* 25  
 6 *an illa regula: melior est conditio possidentis, solum valeat in materia iustitia?* 26  
 7 *an conscientia scrupulosa, vel lata sit regula morum?* 30

8 an,

3 an, & quomodo conscientia probabilis sit regula morum? ibid.

## TRACTATUS II.

### DE LEGIBUS.

#### Q U Æ S T I O I.

#### DE LEGIBUS IN COMMUNI, ET PARTICULARI.

Quæritur. 1. Quid sit lex in communi?	32
2 quot sint conditiones legis?	ibid.
3 quotuplex sit lex?	33
4 an promulgatio sit de legis essentia?	ibid.
5 quid sit lex aterna?	ibid.
6 quinam legi aterna subiciantur?	ibid.
7 quid sit lex naturalis?	34
8 quam præcepta pertineant ad legem naturalem?	ibid.
9 an lex naturalis mutari possit?	ibid.
10 quid, & quotuplex sit lex positiva?	35
11 an lex antiqua fuerit bona, & quando fuerit abrogata?	36
12 quam præcepta legis antiqua, & quando fuerint mortua & mortifera?	ibid.
13 quid, & quotuplex sit lex humana, & quotuplex sit regimen?	ibid.
14 quisnam possit condere leges humanas, & an ab acceptance dependant?	37
15 quam sit legis humana materia?	ibid.
16 qualis ad satisfaciendum legi requiratur intentio?	ibid.
17 quinam teneantur ad legis humana observantiam?	38
18 ad quas leges infideles, ac hæretici obligentur?	39
19 ad quas leges clerici teneantur?	ibid.
20 quibus legibus teneantur peregrini, & advena?	41
21 an leges humana obligent in conscientia?	43
22 quomodo lex fundata in præsumptione periculi, vel facti obliget?	44
23 an lex humana obliget cum gravi damno, vel vita periculo?	ibid.
24 an teneatur ad partem, qui non potest præstare totum	ibid.

- tum opus præceptum, vel eodem actu duobus præceptis  
satisfacere possit? ibid.
- 25 an impedimentum executionis præcepti ponens, vel illud  
non tollens, peccet? 45
- 26 quænam lex magis obliget? ibid.
- 27 quid, & quotuplex sit lex scripta? 46
- 28 quid, & quotuplex sit lex non scripta? ibid.
- 29 quomodo consuetudo vim legis acquirat, vel veterem  
abroget? 47
- 30 quid, & quotuplex sit lex pœnalis, & quando ad pœ-  
nam obliget? ibid.
- 31 an detur lex pure pœnalis, & quando lex tantum ad  
pœnam obliget? ibid.
- 32 an tributa sint lex pure pœnalis, & a Principibus jussu  
exigi possint, & a subditis solvi debeant? 48
- 33 quotuplicis generis sint pœna, & quotuplex senten-  
tia? 50
- 34 an leges pœnales ad pœnam obligent ante judicis sen-  
tentiam? ibid.
- 35 quid sit lex favorabilis, seu privilegium? 52
- 36 quomodo privilegio uti liceat? ibid.
- 37 quomodo privilegium amittatur? 53
- 38 quid sit lex irritans? ibid.
- 39 quomodo ignorantia impediat legem irritantem? ibid.

## Q U Æ S T I O II.

## DE CESSATIONE LEGIS.

- Quæritur 1. Quot modis lex cessare possit? 54
- 2 quomodo cesset lex consuetudine, & interruptione? ibid.
- 3 quomodo lex cesset dispensatione? 55
- 4 quomodo cesset dispensatio cessante causa finali? 56
- 5 quomodo cesset dispensatio per obitum concedentis? 57
- 6 quando dispensatio sit invalida? ibid.
- 7 quomodo cesset lex irritatione, abrogatione, & deroga-  
tione? ibid.

## Q U Æ S T I O III.

## DE PRÆCEPTIS ECCLESIAE.

- Quæritur 1. Quomodo obliget præceptum audiendi Missam in  
diebus Dominicis, & Festivis? 58
- 2 An gravis sit obligatio audiendi Missam in propria Para-  
chia in diebus Dominicis, & Festivis? 59

3 qua-

3	quam sint causa excusantes ab auditione Missæ in diebus Dominicis, & Festivis?	ibid.
4	quomodo dies Festivi sanctificandi sint?	60
5	quam opera prohibeantur in diebus Dominicis, & Festivis?	61
6	quam sint causa excusantes ab opere servili?	ibid.
7	quomodo præceptum jejunii, & abstinencia sit observandum?	63
8	quam sint causa a jejunio excusantes?	66

## TRACTATUS III.

DE VARIORUM STATUUM  
OBLIGATIONIBUS.

## Q U Æ S T I O I.

## DE OBLIGATIONE CLERICORUM.

Quæritur 1.	Quam sint generales Clericorum obligationes?	69
2	quam Clerici prohibeantur?	70
3	quam sint particulares Clericorum, & Beneficiorum obligationes?	71
4	quinam ad divinum officium, & parvum B. V. Mariæ teneantur?	72
5	quomodo obligati ad officium divinum, vel B. V. Mariæ illud recitare teneantur?	ibid.
6	ad quid teneatur officium divinum omittens?	74
7	quot sint causa excusantes a recitatione divini officii, & choro?	76
8	quid, & quotuplex sit beneficium?	78
9	quot sint tituli, quibus beneficium acquiri potest?	ibid.
10	quomodo beneficium vacet?	82
11	quid sit pensio, a quo, & ob quas causas constitui possit?	ibid.
12	quomodo pensio extinguatur?	83
13	quibusnam beneficia conferenda sint?	ibid.
14	quale beneficiarii bonorum suorum habeant dominium?	86
15	an licitum sit plura simul possidere beneficia?	87
16	quinam ad residentiam teneantur?	88
17	quam sint alia Parochorum obligationes?	92

## Q U Æ S T I O II.

## DE SIMONIA.

<u>Quæritur .1. Quid, &amp; quod duplex sit Simonia?</u>	93
<u>2 quale peccatum sit Simonia, &amp; quinam illam committere possint?</u>	94
<u>3 quot modis Simonia committi possit?</u>	95
<u>4 quamam sint pœna Simonia, &amp; quinam eas incurrant?</u>	106
<u>5 qualem simoniam ignorans incurrat?</u>	110
<u>6 quisnam a panis contra Simoniacos latis possit absol- vere?</u>	111

## Q U Æ S T I O III.

## DE OBLIGATIONIBUS RELIGIOSORUM.

<u>Quæritur .1. Quid sit Status Religiosus?</u>	ibid.
<u>2 quamam sint obligationes Status Religiosi?</u>	ibid.
<u>3 quinam Religionem teneantur ingredi, &amp; quomodo ad il- lam compellentes, vel ab ea retrahentes peccent?</u>	112
<u>4 quinam invalide, &amp; illicito in Religionem recipian- tur?</u>	ibid.
<u>5 quamam sint Nevisiorum privilegia?</u>	ibid.
<u>6 quamam sint valida professionis conditiones?</u>	113
<u>7 quinam sint professionis effectus?</u>	115
<u>8 quid, &amp; quod duplex sit obedientia?</u>	ibid.
<u>9 ad quid teneatur Religiosus vi voti obedientia?</u>	ibid.
<u>10 quid sit castitas religiosa?</u>	116
<u>11 ad quid teneatur Religiosus vi voti castitatis, &amp; qua- nam sint media contra carnales delectationes?</u>	ibid.
<u>12 quid sit paupertas religiosa, quod duplex licentia Superio- ris, &amp; necessarium?</u>	ibid.
<u>13 ad quid teneatur Religiosus vi voti paupertatis?</u>	117
<u>14 ad quid teneatur Religiosus bona monasteriis immoderate dissipans?</u>	118
<u>15 an pecullum Religiosis sit licitum?</u>	119
<u>16 quamam sint causa egressum e Religione permittentes?</u>	ibid.
<u>17 quinam sint in Superiores eligendi, &amp; quamam eorum obligatio, &amp; potestas?</u>	120
<u>18 an Superiores possint faminis permittere ingressum in mo- nasterium?</u>	121
<u>19 quamam sint Religiosorum privilegia, &amp; exemptio?</u>	122
<u>20 quamam sit Ecclesiarum immunitas?</u>	126

## Q U Æ S T I O IV.

DE OBLIGATIONIBUS. PARENTUM,  
ET EORUM VICESGERENTIUM.

- Quæritur. 1. Quasnam habeant obligationes parentes, & eorum vicesgerentes erga sua cura commissos?* 127  
 2 *quasnam habeant infantes, discipuli, famuli, &c. erga parentes; & Dominos obligationes?* 128  
 3 *quasnam sit obligatio Judicis?* ibid.  
 4 *quasnam sit obligatio accusatoris; & denunciatoris?* 130  
 5 *quasnam sit obligatio testis?* ibid.  
 6 *quinam sint testes minus idonei?* 131  
 7 *ad quid teneatur reus?* ibid.  
 8 *quasnam sit obligatio Advocati, Procuratoris, Referentis, Notarii, Scriba, & Apparitoris?* 132  
 9 *quasnam sit obligatio Regum; & Magistratum?* ibid.  
 10 *quasnam sit obligatio Ducum, ac militum?* 133  
 11 *quasnam sit obligatio Medicorum; Pharmacopolarum, & Chirurgorum?* ibid.

## T R A C T A T U S IV.

## DE VIRTUTIBUS THEOLOGICIS.

## Q U Æ S T I O I.

## DE VIRTUTIBUS IN COMMUNI.

- Quæritur. 1. Quid sit virtus, quotuplex, quasnam sint ejus proprietates?* 135  
 2. *an dentur virtutes infusæ, ac supernaturales; & quasnam consistant in medio?* 136  
 3 *an virtutes necessariam inter se habeant connexionem?* ibid.

## Q U Æ S T I O II.

## DE FIDE.

- Quæritur. 1. Quid, & quotuplex sit fides?* ibid.  
 2 *quotuplex sit actus fidei?* 137  
 3 *quid sit articulus fidei; & propositio mediate revelata?* ibid.  
 4 *quotuplex sit necessitas?* ibid.  
 5 *quodnam sit objectum materiale; ac formale fidei; an crederet, & quomodo pereat habitus fidei?* ibid.



- 6 *quam sint vera fidei proprietates, regula, Ecclesia vera nota, & caput visibile?* 138  
 7 *quomodo actus fidei internus sit necessarius, & quam credenda sint necessitate medii, & precepti?* 139  
 8 *quoties actus fidei internus sit deliciendus, & fides externa profutunda?* 140

### Q U Æ S T I O III.

#### DE VITIIS FIDEI, OPPOSITIS, INFIDELITATE ET BLASPHEMIA.

- Quaritur.* 1. *Quid, & quodplex, sit infidelitas?* 141  
 2 *quid sit hæresis formalis?* 142  
 3 *quale infidelitas sit peccatum, an a Principe christianopossit tolerari, & Christiani cum ipsis communicare?* *ibid.*  
 4 *an famulari liceat apud Aetholicos?* 143  
 5 *quomodo prohibita sit librorum hæreticorum lectio?* 144  
 6 *quam sint poena contra hæreticos in jure lata?* 146  
 7 *quid, & quodplex sit blasphemia?* 147  
 8 *quale peccatum sit blasphemia?* 148

### Q U Æ S T I O IV.

#### D E S P E.

- Quaritur.* 1. *Quid, & quodplex sit spes?* 149  
 2 *quodnam sit objectum materiale, & formale spei?* *ibid.*  
 3 *an spes sit distincta a fide, & charitate; an sit infallibilis, & in quibus reperitur?* 150  
 4 *quomodo spes sit necessaria, & obliget?* *ibid.*  
 5 *quam sint vitia spei opposita?* *ibid.*  
 6 *qualia desperatio, & præsumptio sint peccata; quam earum causa, & remedia?* 151

### Q U Æ S T I O V.

#### DE CHARITATE DEI, ET PROXIMI.

- Quaritur.* 1. *Quid, & quodplex sit charitas?* *ibid.*  
 2 *quomodo ferite definiatur charitas, & quasnam debeat habere conditiones?* 152  
 3 *quodnam sit objectum materiale, & formale charitatis?* *ibid.*  
 4 *quam sit necessitas, & obligatio charitatis?* 153  
 5 *quomodo, & quoties proximus sit diligendus?* 154  
 6 *quomodo teneamur diligere inimicos?* 155  
 7 *quinam sit ordo charitatis Dei, & proximi servandus?* 175

3 quot sint opera misericordia, & quid sit correctio fraterna?	160
9 qualis sit fraterna correctionis obligatio, & quamnam sint causa excusantes?	ibid.
10 quisnam ordo in correctione fraterna sit servandus, & quando delictum immediate ad Superiorem possit deferri?	162
11 quamnam sit corporalis eleemosyna obligatio?	163

## Q U Æ S T I O VI.

## DE PECCATIS CHARITATI DEI, ET PROXIMI OPPOSITIS.

Quaritur. 1. Quid sit odium, & quale peccatum?	165
2 quid sit bellum, & quotuplex?	167
3 an bellum sit licitum?	ibid.
4 quid, & quotuplex sit duellum?	169
5 an duellum aliquando sit licitum.	ibid.
6 quamnam sint duellantium pœna?	170
7 quid, & quotuplex sit schisma?	171
8 quale schisma sit peccatum, & qua illius pœna?	ibid.
9 quid, & quotuplex sit scandalum?	172
10 quale peccatum sit scandalum?	ibid.
11 quomodo scandalum pharisaicum, ac pusillorum sit vitandum?	173
12 an liceat peccato proximi cooperari?	174

## T R A C T A T U S V.

## DE VIRTUTE RELIGIONIS.

## Q U Æ S T I O I.

DE ACTIBUS INTERNIS, ET EXTERNIS  
RELIGIONIS.

Quaritur. 1. Quid sit Religio, quodnam illius objectum, & actus?	177
2 quid sit devotio, & oratio, & quotuplex sit oratio?	ibid.
3 quamnam requiratur ad orationem preparatio, quamnam conditiones, ut sit efficax?	178
4 quomodo oratio sit necessaria?	ibid.
5 quid, & quotuplicis generis sint decima?	179

6 quo jure, & quibusnam decima sint debita?	180
7 quid, & quotuplex sit votum?	185
8 quamam sint conditiones ad votum requisita?	ibid.
9 quamam sit obligatio voti?	187
10 quomodo obligent vota conditionata, vel dubia?	188
11 quinam vovere possint, & an quis voto alieno obligetur?	190
12 quomodo cesset voti obligatio?	192
13 quid sit juramentum, & adjuratio, & quotuplex?	198
14 quamam sint formula jurandi?	199
15 quotuplex sit restrictio mentalis?	200
16 an juramentum licitum sit?	ibid.
17 quomodo obliget juramentum?	201
18 quomodo juramentum interpretari debeat?	202
19 quomodo cesset juramenti obligatio?	204
20 quamam sit perjuri poena?	205

### Q U Æ S T I O I I.

#### DE VITIIS RELIGIONI OPPOSITIS, SUPERSTITIO- NE ET IRRELIGIOSITATE.

Quaritur. 1. Quid sit superstitio, & quamam ejus species?	ibid.
2 quate superstitio sit peccatum?	207
3 quid sit irreligiositas, & quamam ejus species?	210
4 quid sit tentatio?	ibid.
5 quale tentatio sit peccatum?	ibid.
6 quid, & quotuplex sit sacrilegium?	ibid.
7 quale peccatum sit sacrilegium?	ibid.

### T R A C T A T U S VI.

#### DE VIRTUTIBUS CARDINALIBUS, PRUDENTIA, FORTITUDINE, TEMPERANTIA, ET JUSTITIA.

### Q U Æ S T I O I.

#### DE PRUDENTIA, FORTITUDINE, ET TEMPERANTIA.

Quaritur. 1. Quid, & quotuplex sit prudentia, & quamam ad prudentiam referantur?	213
2 quodnam sit prudentia objectum, & quinam actus?	214
3 quod-	

- 3 quodnam sit vitium prudentia oppositum? ibid.  
 4 an prudentia sit necessaria? ibid.  
 5 quid sit fortitudo, & quanam sint ejus species? ibid.  
 6 quodnam sit fortitudinis objectum? 215  
 7 quanam sint vitia fortitudini opposita? ibid.  
 8 quid sit temperantia, & quanam ejus species? ibid.  
 9 quodnam sit temperantia objectum, & qua vitia opposita? 216  
 10 an ornatus mulierum sit licitus? ibid.  
 11 an chorea sint licita? 217  
 12 an spectaculis interesse liceat? 218

## Q U Æ S T I O II.

## D E J U S T I T I A.

- Quaritur. 1. Quid, & quotuplex sit justitia? ibid.  
 2 quanam sit justitia stricte dicta, & cujuslibet objectum? 219  
 3 inter quos non possit dari justitia perfecta commutativa? 220  
 4 quid, & quotuplex sit jus, & quot sint species juris? 221  
 5 quomodo acquiratur jus in re, & jus ad rem? 222  
 6 ad quid teneatur usurarius, & usufructuarius, & quomodo usufructus, acquiratur, & amittatur? ibid.

## Q U Æ S T I O III.

## D E D O M I N I O.

- Quaritur. 1. Quid, & quotuplex sit dominium, titulus, & possessio? 223  
 2 quomodo acquiratur dominium? 224  
 3 quomodo aquiratur, & amittatur possessio, & quanam sint illius effectus? 225  
 4 quanam dominium habere possint? ibid.  
 5 quale filiusfamilias habeat dominium? 226  
 6 quale uxor habeat dominium? 228  
 7 quale dominium habeant Clerici? 229  
 8 quanam animalium, gemmarum, metallorum, &c. acquirant dominium? ibid.  
 9 quanam thesauri, ac rerum inventarum acquirant dominium? 231  
 10 quid sit prescriptio, & quanam sint legitima prescriptionis conditiones? 234  
 11 quo-

- 11 *quomodo prescriptione acquiratur dominium?* 238  
 12 *quibus aliis adhuc modis dominium acquiratur?* 239

## Q U Æ S T I O IV.

## DE CONTRACTIBUS IN COMMUNI.

- Quaritur. 1. Quid, & quotuplex sit contractus?* 241  
 2 *quinam valide contrahere possint, & quam ad valorem contractus requirantur conditiones?* 242  
 3 *an omnis contractus validus obliget, & invalidus addito juramento fiat validus?* 247  
 4 *quomodo contractus non puri obligent?* 248  
 5 *quid, & quotuplex sit culpa?* 250  
 6 *ex qua culpa in contractibus oriatur restitutionis obligatio?* *ibid.*

## Q U Æ S T I O V.

## DE CONTRACTIBUS IN PARTICULARI.

- Quaritur. 1. Quid sit promissio gratuita, & quomodo obliget?* 252  
 2 *an promissio sub conditione operis turpis facta sit valida, & obliget?* 253  
 3 *quomodo cesset obligatio promissionis valida?* 254  
 4 *quid & quotuplex sit donatio gratuita?* 255  
 5 *quam ad valorem donationis requirantur conditiones?* *ibid.*  
 6 *an donatio revocari possit?* 258  
 7 *quid & quotuplex sit hares?* 259  
 8 *quinam hereditate privari possint?* *ibid.*  
 9 *quid & quotuplex sit testamentum, codicillus, & legatum?* 260  
 10 *quam requirantur conditiones ad valorem testamenti?* 262  
 11 *an per testamentum, aliumve actum inter vivos, vel mortis causa invalidum, acquisita in foro conscientia retineri possint?* 265  
 12 *quisnam possit esse executor testamenti, & quomodo testamentum exequi teneatur?* 266  
 13 *an hares teneatur acceptare hereditatem, ac quando eam acceptasse censeatur, & quando a Iudice ab hereditate possit excludi?* 267  
 14 *quid sit depositum, & sequestrum?* 269  
 15 *ad quid teneatur depositarius?* *ibid.*  
 16 *quid*

16	<i>quid sit commodatum, &amp; precarium?</i>	270
17	<i>quanam sint obligationes commodantis, &amp; commodatarii?</i>	271
18	<i>quid sit mandatum, &amp; negotiorum gestio?</i>	272
19	<i>quanam sint mandantis, mandatarii, ac negotiorum gestoris obligationes?</i>	ibid.
20	<i>quid sit locatio, &amp; conductio?</i>	ibid.
21	<i>quanam sint obligationes locatoris?</i>	273
22	<i>quanam sint obligationes conductoris?</i>	274
23	<i>quid sit emptio, &amp; venditio?</i>	276
24	<i>quanam requirantur ad venditionem, &amp; emptionem conditiones?</i>	ibid.
25	<i>ad quem spectent fructus rei emptæ, &amp; an non soluto pretio debeat solvi interesse?</i>	ibid.
26	<i>cui res vendita fiat deterior, vel pereat?</i>	277
27	<i>quid, &amp; quotuplex sit justum pretium?</i>	279
28	<i>unde justum pretium sit desumendum, &amp; quo vendere, ac emere liceat, &amp; qua ratione augeri, vel minui possit?</i>	ibid.
29	<i>quis vendere possit, &amp; quanam vendere liceat?</i>	283
30	<i>an vitium rei vendita a venditore, vel pretiositas ab emptore manifestari debeat?</i>	284
31	<i>quid sit retrovenditio, contractus mohatra, &amp; retractus gentilitius?</i>	285
32	<i>an contractus retrovenditionis sit licitus?</i>	286
33	<i>an contractus mohatra, &amp; retractus gentilitius sit licitus?</i>	288
34	<i>quid sit negotiatio, &amp; monopolium?</i>	ibid.
35	<i>an negotiatio sit licita?</i>	ibid.
36	<i>an monopolium sit licitum?</i>	289
37	<i>quid sit mutuum, &amp; usura?</i>	290
38	<i>an mutuum sit licitum, &amp; ad quid teneantur mutuans, &amp; mutuarius?</i>	ibid.
39	<i>quot sint tituli aliquid supra sortem accipiendi?</i>	293
40	<i>quot sint tituli illegitimi aliquid ex mutuo accipiendi?</i>	295
41	<i>quomodo usura sit prohibita, &amp; an liceat ab usurario mutuum petere?</i>	296
42	<i>quanam sint usurariorum pœna?</i>	297
43	<i>quid, &amp; quotuplex sit cambium?</i>	298
44	<i>an cambium sit licitum?</i>	ibid.
45	<i>quid, &amp; quotuplex sit census?</i>	ibid.

46 an census sit licitus?	299
47 quamquam requirantur conditiones, ut census sit licitus?	300
48 quid sit emphyteusis, & feudum?	301
49 ad quid teneatur emphyteuta?	ibid.
50 ad quid teneatur vasallus?	302
51 quid sit societas, & contractus triplex?	ibid.
52 an contractus societatis sit licitus?	ibid.
53 an contractus societatis animalium sit licitus?	303
54 an contractus triplex sit licitus?	304
55 quid sit fidejussio, & assicuratio?	ibid.
56 an fidejussio sit licita, & quibus conditionibus?	ibid.
57 an assicuratio sit licita, & quibus conditionibus?	306
58 quid sit pignus, hypotheca, & transactio?	ibid.
59 quamquam sint obligationes dantis, vel accipientis pignus, vel hypothecam?	ibid.
60 quid sit ludus, sponso, & loteria?	307
61 an ludus sit licitus, & quibus conditionibus?	ibid.
62 an sponso sit licita?	309
63 an loteria sit licita?	ibid.

## Q U Æ S T I O VI.

DE INJUSTITIA, ET RESTITUTIONE  
IN COMMUNI.

Quaritur. 1. Quid sit injustitia, & restitutio?	ibid.
2 an volenti possit fieri injuria?	ibid.
3 an restitutio sit necessaria?	310
4 quot sint radices restitutionis?	ibid.
5 ex qua culpa oriatur obligatio restitutionis?	ibid.
6 quot sint circumstantia restitutionis, quotuplex sit possessor, fructus rei, impensa, & quis factus ditior?	312
7 ad quid teneatur possessor bona fidei?	313
8 ad quid teneatur possessor mala fidei?	314
9 ad quid teneatur possessor dubia fidei?	316
10 quot modis aliquis possit efficaciter cooperari damno alterius?	317
11 quinam cooperantium, damnum reparare teneantur?	ibid.
12 quo ordine cooperatores ad damnum restituere teneantur?	318
13 cui restitutio sit facienda, quomodo, & quando?	324
14 quo ordine debita solvenda sint?	329

- 15 *quo in loco, cuius impensis, & periculo facienda sit restitutio?* 330  
 16 *quotuplex sit ordo bonorum?* 332  
 17 *quanam sint causa excusantes a restitutione?* ibid.

## Q U Æ S T I O VII.

## DE RESTITUTIONE IN PARTICULARI.

- Quaritur. 1. Ad qualem teneatur restitutionem bona animi ladens?* 333  
 2 *quid sit homicidium, & ad qualem homicida teneatur restitutionem?* 336  
 3 *quid sit stuprum, & ad qualem stuprator teneatur restitutionem?* 341  
 4 *quid sit adulterium, & ad qualem adulter, & adultera teneantur restitutionem?* 343  
 5 *quid sit fama, honor, detractio, & calumnia, & quotuplici modo erimen possit esse publicum?* 344  
 6 *quale sit peccatum detractio, & calumnia?* ibid.  
 7 *quisnam famam restituere teneatur?* 348  
 8 *quanam sint causa excusantes a restitutione?* 349  
 9 *quid sit iudicium temerarium, opinio, suspicio, dubium?* 350  
 10 *qualia sint peccata iudicium temerarium, opinio, suspicio, ac dubium, & ad quid obligent?* 351  
 11 *quid sit susurratio, murmuratio, contumelia, irrisio?* 352  
 12 *qualia sint peccata susurratio, murmuratio, contumelia, & irrisio, & ad quid obligent?* ibid.  
 13 *quid sit furtum, & rapina?* 353  
 14 *quale peccatum sit furtum, ac rapina, & quanam materia utriusque sit notabilis?* ibid.  
 15 *quando res furto, vel rapina ablata restitui debeat, & quanam sint causa excusantes a restitutione?* 355  
 16 *ad quid teneantur revelans secretum?* 356



## T R A C T A T U S VII.

## D E P E C C A T I S.

## Q U Æ S T I O I.

## D E P E C C A T I S I N C O M M U N I.

<i>Quæritur. 1. Quid, &amp; quotuplex sit peccatum?</i>	358
<i>2 in quo consistat ratio formalis peccati, &amp; an detur peccatum philosophicum?</i>	359
<i>3 qualem, peccata inter se habeant connexionem, &amp; unde inæqualitas essentialis desumatur?</i>	360
<i>4 unde desumatur distinctio specifica peccatorum?</i>	361
<i>5 unde desumatur distinctio numerica peccatorum?</i>	363
<i>6 quinam sint effectus peccati?</i>	366

## Q U Æ S T I O II.

## D E P E C C A T I S I N P A R T I C U L A R I.

<i>Quæritur. 1. An detur omisso pura sine actu positivo voluntatis?</i>	367
<i>2 an, &amp; quomodo actus incompatibilis cum observatione præcepti sit peccaminosus?</i>	ibid.
<i>3 an dentur peccata infirmitatis, malitia, ac ignorantia, &amp; an ignorantia sit peccatum distinctum?</i>	369
<i>4 qualis ad peccatum formale requiratur consensus, ac advertentia?</i>	370
<i>5 quid, &amp; quotuplex sit mendacium, amphibologia, &amp; restrictio mentalis?</i>	371
<i>6 quale peccatum sit mendacium, &amp; amphibologia, ac restrictio mentalis sint licita?</i>	ibid.
<i>7 quid, &amp; quotuplex sit delectatio morosa, quotuplex illius objectum, &amp; consensus?</i>	373
<i>8 quale peccatum sit delectatio morosa de sola cogitatione, noticia, vel modo rei illicita?</i>	374
<i>9 quale sit peccatum delectatio morosa de ipsa re illicita, &amp; quando, ac quomodo aliquis teneatur rei resistere?</i>	375
<i>10 quotuplex sit advertentia, &amp; consensus, &amp; quomodo cognoscatur materia gravitas?</i>	378
<i>11 an dentur peccata ex natura sua mortalia, &amp; an malitia illorum sit infinita?</i>	380
<i>12 quanam requirantur ad peccatum mortale?</i>	ibid.

- 13 *quam sint pœna peccati mortalis?* *ibid.*  
 14 *quotuplex sit peccatum mortale, & veniale?* 381  
 15 *an dentur peccata ex natura sua venialia, & quomodo differant a mortali?* *ibid.*  
 16 *an peccatum mortale possit fieri veniale, ac veniale mortale; & quomodo peccata venialia disponant ad mortalia?* *ibid.*  
 17 *quam sint pœna peccati venialis in hac, & in altera vita?* 383

## Q U Æ S T I O III.

## DE PECCATIS CAPITALIBUS.

- Quaritur. 1. Quot sint peccata capitalia?* *ibid.*  
 2 *quid, & quotuplex sit superbia, & quot sint illius filia?* *ibid.*  
 3 *quale peccatum sit superbia, & quam sint contra superbiam remedia?* 384  
 4 *quid sit ira, & quam sint illius filia?* 386  
 5 *quale peccatum sit ira, & quam sint contra illam remedia?* 387  
 6 *quid sit avaritia, & quam sint illius filia?* *ibid.*  
 7 *quale sit peccatum avaritia, & quam sint contra illam remedia?* 388  
 8 *quid sit invidia, & quam sint ejus filia?* 389  
 9 *quale invidia sit peccatum, & quam sint contra illam remedia?* *ibid.*  
 10 *quid sit acedia, & quot sint ejus filia?* 390  
 11 *quale acedia sit peccatum, & quam sint contra illam remedia?* *ibid.*  
 12 *quid, & quotuplex sit gula, & quot sint ejus filia?* 391  
 13 *quale gula sit peccatum, & quam sint contra illam remedia?* *ibid.*  
 14 *quid, & quotuplex sit luxuria, quot sint species, ac filia luxuria?* 393  
 15 *quale luxuria sit peccatum, & an detur materia parvitas in delectatione venerea?* 396  
 16 *quomodo peccet ponens causam pollutionis?* 398  
 17 *quomodo motibus, ac delectationibus venereis sit resistendum?* 399  
 18 *qualia peccata sint singula luxuria species?* 402  
 19 *quale peccatum sint oscula, tactus, aspectus, colloquia, cogitationes, &c.* 407

Q U Æ -

## Q U Æ S T I O IV.

## DE PECCATO ORIGINALI.

- Quæritur. 1. An detur peccatum originale, & in quo consistat?* 413  
 2 *quænam sit causa transfusionis originalis peccati, & quænam illud contrahant?* ibid.  
 3 *quænam sint pœna peccati originalis?* 414  
 4 *quænam sint pœna parvulorum sine baptismo decedentium?* ibid.

Finis Index Omnium Quæstionum.



IN-

1145 2-52429